


湘綺樓詩集

足本大字



大連圖書供應社



湘綺樓詩集序

平等閣詩話曰：「湘潭王壬秋先生，遺榮遜世，文學司馬子長，詩學老杜，沈著開雅，時香美之氣。著有湘綺樓集，余最愛其祁門二首。」云云。予案全集十四卷，古體爲多，絕少近體。嘗見陳蕙蘭、魏國朝、昌黎、集載和陳督部留別鶴磯詩韻，却寄天津七律四首，集中不存，詩亦未佳，知其不嫻近體也。而古體中，雖多香豔之句，此正所謂從樸實處見風流，不全風流，亦不全樸實，斯爲可貴耳。今爲大達社加標，因摘其句，如「秦別離」詩，「荷葉贈紅豆，妾本慣相思。」六憶云：「憶坐時，盈盈故遠人，相看如不避，相近轉難親，低鬟恨，銀釵重，攪帶惜衣新。」華山畿云：「可憐華山畿，無復儂與女，梅不作棺木，與歡同入土。」又云：「兩情不堪說，沸湯沃縣壺，使儂銅心熱。」又云：「一人無兩心，單思已不閒，何爲兩見尋。」登揚州城云：「國豈貧爲害，民傷吏不廉。」邯鄲才人嫁爲廝養卒，婦云：「餘孀分不逞，暫死妾難爲，朝朝與暮暮，轉恨不相離。」又云：「從來可奈何，才貌枉人多，瑋瑋玉可碎，昏昏鏡不磨。」一能爲古今怨，耦者寫盡幽恨，不啻若自其口出。春懷云：「文儒歷時務，將處木雁間，有名斯有辱，物我難周旋。」南注高閣感秋云：「誰謂情可通，千言不如面。」昭君詞云：「玉顏常自矜，感慨起相從，知名在一朝，左右炫光容。」又云：「美色猶見欺，奇才信終窮。」此二句，予尤愛誦不置。夫美色，至易見也，而人猶失之抑之，則才之蘊藏於內者，果從何處見其奇而信於人哉？讀此篇也，可爲古今才人，懷奇不遇者，同聲一哭。越縵堂日記云：「張孝達招飲言，共壬秋論學，辭以病。壬秋之詩，粗有腔拍，古人糟魄，尙未盡得，其人喜妄言，蓋一江湖唇吻之士。」貴池劉慎詒龍慧堂詩集讀湘綺樓詩集云：「白首支離，將相中酒杯袖手看成功，草堂花木存孤嶽，芒屨山川送老翁，擬古稍嫌多氣力，一時從學在牢籠，蒼茫獨寫平生意，唐宋濂分未敢同。」文人相輕，並世尤甚，李氏所言，寧足爲月旦多見其量狹且妬，中肯之語，自以劉詩爲允，不然，曾文正公酬王壬秋徐州見贈云：「湖湘增景光，老懷亦忻怍。」亦徒

湘綺樓詩集序

作矣。湘綺樓日記云：「作雜憶詩，雜憶者，閻丹初同遊鄂，今當國李少荃同遊皖，今衛蕞輔彭雪琴同起湘，同居衡陽，今防海張孝達同遊京師，今督越四人皆以輕材膺重任，而不求我助，我亦不屑助之。」又云：「報載周嫗事，亦有趣。」賦得名士悅傾城云：「人世應無比，他人妬亦難。」又云：「密語寧辭媚，多思不悟偏。」殆爲周嫗詠與日記又云：「看唐詩蛾眉白髮云云，不覺有感女寵而論年，是不知寵嬖者也。」此皆寵嬖周嫗供招讀之發一大噱！

民國二十四年端午前二日南匯朱太忙謹識

湘綺樓詩集目錄

擬焦仲卿妻詩一首李青照妻墓下作	一	龍舉人汝霖	六
戴祠館中夜起作	二	李儷廉壽容	六
城上月夜	三	鄧拔貢輔綸	六
雨霽	三	鄧文學繹	七
湘上	三	邵陽山行	七
贈彭嘉玉	三	擬明月皎夜光	七
寄資欽亮	三	擬客從遠方來	七
述懷	四	與龍鄧同遊衡山舟中作	七
妾薄命為楊知縣姜周氏作	四	從南岳祠登吸雲嶺	八
石泥塘是高曾舊居道光三十年閩運入縣學始詣	四	登南天門宿上封寺	八
宅訪諸父兄弟宗門衰弱多不能自存者耳目聞	五	祝融峰	八
見為此篇	五	朱陵洞瀑	八
怨詩代彭笛先婦斬	五	古別離	八
愁霖六章	五	紫玉歌	九
五君詠	六	憶梅曲	九
彭處士嘉玉	六	春日	九

江南曲.....九
倡樓怨節.....〇
後憶梅曲.....〇
舟見.....〇
生理篇.....〇
送陳景雍應舉.....一
壬子七月樂平縣作.....一
長沙被圍還歸省觀人城書所見.....二
擬美人梳頭歌.....二
河畔潯衣歌.....二
代妾薄命.....二
自君之出矣.....三
李伯元居京邸嘗眷一女妻金脫環瑣聘之及浙船
復有所感金寄戒指以喻伯元請余為題曰明義
篇.....三
賦得名士悅傾城.....三
作蠶絲.....四
雙桐住空井.....四

擬夏夜閨詠.....四
南昌遇龍隗臣.....四
壬子祭詩神絃.....四
消寒二詠.....五
贈今人四首.....五
將還樂平留別孫陳鄧.....六
得南中消息.....六
三村桃花詞.....六
牡丹.....七
垂柳覆金隄.....七
藤蕪葉復齊.....七
水溢芙蓉沼.....七
花飛桃李蹊.....七
採桑秦氏女.....七
織錦寶家妻.....七
關山別蕩子.....八
風月守空閨.....八
恒斂千金笑.....八

長垂雙玉啼	八
盤龍隨鏡隱	八
彩鳳逐帷低	八
驚魂同夜鶴	八
倦寢聽晨雞	九
暗牖縣蛛網	九
空梁落燕泥	九
前年過代北	九
今歲往遼西	九
一去無還意	九
那能惜馬蹄	九
晚夏見衰柳而嘆之	一〇
鄱陽縣齋遲伯元	一〇
雄劍篇贈別李伯元	一〇
鄱陽蓮塘夜泊	一〇
武羊渡	一〇
臨川西湖	一〇
袁口	一一

湘綺樓詩集 目錄

夢伯元	一一
燕歌行	一一
多難	一一
乾靈篇遙傷李樂平	一一
聞笛雨夜仿王昌齡篔簹引	一一
從軍詩	一一
做吳遠揚揚春曲	一一
贈婦詩	一一
長別離	一一
折楊柳	一一
至湘岸送皞臣	一一
莫雨	一一
吳臣約會將往適坐感秋因罷去作寄一首	一一
秋興十九首	一一
弔青墨卿巡撫	一一
亂後過赤詠古	一一
題豐樂亭移辛夷	一一
鸚鵡洲弔禰衡	一一

湘綺樓詩集 目錄

四

江夏贈別黃淳熙	二八	擬謝宣遠張子房詩	三四
天門行送夏獻謨	二八	武岡同保仙苑寺	三四
晴川閣	二八	夫夷水曲巉石臨流近城游眺時往愒焉辛眉題曰	三五
月夜	二九	蘆漪各賦一首	三五
仍聞	二九	紫苑洲坐月	三五
關山月	二九	擬傷離新體	三五
羽林閨人曲	二九	觀稜	三六
少年行	二九	怨詩	三六
棗子曲	三〇	避地明岡詠涓水旁諸山	三六
除夕登岳樓贈岳州府魁聯使君	三〇	遙傷范元亨質侯	三六
正月十四日送彌之擬湘東春別四首	三一	立冬日感懷十二首	三七
龍生行送韓臣往南昌健送李篋先	三一	冬雨寄懷龍李鄧高	三七
弔陳通山景雍	三一	彌之過做縣止而觴之建福寺見贈長歌和作一首	三八
擬鮑明遠行路難	三一	寄懷辛眉	三八
擬傅玄歷九秋篇一首	三三	對雪作	三八
春游曲	三四	傷余肇銓子微	三九
詠紅苗藥	三四	梅花	三九
擬王元長詠燈	三四		

和詠瓶中梅花	三九	新秧	四三
同婦賦得懶眠	三九	摘薔薇	四四
除夕前一日立春	四〇	憶山中草	四四
待曉將別	四〇	感舊詩	四四
春別離	四〇	玩月作	四四
當爐曲	四〇	七夕立秋作一首	四五
今別離	四〇	夜半作	四五
有所思	四一	八月十五夜至二十夜月	四五
送人歸武昌	四一	秋夜曲	四五
又送	四一	彌之領軍罷歸奉贈二首	四六
戰城南	四一	夜半送客	四六
臨江節士歌	四一	出門	四六
逢武陵使寄劉采九	四二	不寐	四七
寄龍李京師	四二	夜月過去年與彌之別地	四七
春思寄婦	四二	春社日往邵陽道中雜詩	四七
雉子斑	四二	贈族兄世	四八
楊白花	四二	感興詩	四八
雜詩	四三	多衣行寄贈魁聯李按察	五〇

湘綺樓詩集 目錄

六

長沙省試贈資栢丞劉采九	五〇	聞三河軍沒	五六
送蔡興循	五一	同彌之夜行馬鞍山	五六
與循行日同送陳希唐令弟汎舟下湘別於明澗渡	五一	擬四愁詩	五六
口余騎與循至石灣歸行涓岸復遇陳舟遙語而別	五一	六憶詩	五七
送錢御師使回	五一	嘆道旁荆棘	五七
贈徐樹鈞	五一	曾陰	五八
十月初五夜月	五二	重遊南昌東湖水亭	五八
戲贈黃兆白	五二	建昌軍中夜月感事作贈曾侍郎時有三河之敗	五八
答蔡吉六詩	五三	撫州廢壘弔林源恩耿光宣	五九
過梅花渡山行作	五四	建昌贈王署府必達	五九
桂華曲效江總持體	五四	過上饒沈廣信見訪小舟無坐處就岸班荆別後却寄	五九
別辛肩	五四	擬鳳凰集南嶽	五九
學劉孝威體送人新昏春歸	五四	從至昌南臨川一望平林沙田作一首	五九
良馬篇	五五	金谿東鄉作	六〇
喜聞官軍收復九江寄胡巡撫	五五	南城至貴溪多曲徑密林冬樹青青時渡川溯水純作銅碧色清淺映底	六〇
從長沙送曾侍郎出師援蜀	五五		
還舟泊易驛	五五		

湖饒水至玉山	六〇	續孟從事微雲之句	六五
兩宿江南步始入浙境作	六〇	寔尹御史宅卽贈三首	六五
七里瀨雪中瞻眺	六〇	將之濟南留別京邑諸同好	六五
出嚴陵灘至桐廬	六一	自京赴濟南途中秋興	六六
富陽	六一	泛大明湖登歷下亭至鐵祠作一首	六六
錢唐	六一	都轉陳大夫重新歷亭卽賦贈別	六七
宿漁浦潭作寄婦	六一	爲蔡與循婦往返二首	六七
夜半渡浙	六二	寄懷劉先生熙載	六七
除夕登吳山觀杭州城	六二	代幽憤詩	六七
正月三日汎杭州西湖從靜慈寺過孤山作	六二	奉陪郭大兄嵩壽登華不注山兼和贈一首	六八
月夜渡江	六二	歲盡雪莫寄懷篁仙獄中	六九
春江月夜省新昏車過	六三	元日汎珍珠泉寄懷鄧辛眉兼示婦四首以除夕並	六九
高郵道中	六三	夢故故是贈	七〇
詠史雜詩八首	六三	奉送山東布政使被命祀泰山祈雪	七〇
酒集法源寺送龍知縣汝霖試用山西兼贈郭編修	六四	感春詩	七一
嵩壽尹御史耕雲郭新從大沽防海營入奏兵狀	六四	澄虛榭春宴	七一
與尹言夷務故有是贈	六四	王氏詩	七一
七夕篇	六四	朝莫二首	七二

贈高松江倬一首	七二	客黃公戰沒因代領其軍平賊而歸索子贈	七九
入西山從涼栢寺車湖至山亭	七二	詩	七九
瀟碧房聽階上流泉	七三	燕歌行	八〇
從戒壇下至可羅村	七三	秋曉風日偶憶淇上	八〇
滕城龍洞	七三	四景詩	八〇
登觀首作	七三	奉送按察倉司使景怙歸中牟	八〇
月夜汎漢	七三	出城步至南湖湖迎婦空返明日婦始歸作一首	八一
病中大風登龜山望江漢	七四	獨坐感秋贈曹鏡初耀湘詩一首	八一
古風答贈尹杏農十一首	七四	耒陽舟中寄懷夢緹	八一
華山叢	七五	擬曹子建雜詩九首	八一
發祁門雜詩二十二首寄會總督國藩兼呈同行諸	七五	南國有佳人	八一
君子	七六	高臺多悲風	八一
思黃李詩	七七	轉蓬離本根	八一
答贈陳懷庭鍾英詩	七八	僕夫早嚴駕	八一
感離詩贈陳巖	七八	飛觀百餘尺	八二
夏夜	七八	奇題潘氏園	八二
衡山篇寄懷庭	七九	正月廣州送羅小蘇濤還長沙	八三
益州行贈曾大夫傅理會君兄弟皆故人黃司使舊	七九		

鹽井歌送兩廣鹽運蔡司使志章按察四川	八三	安慶	八九
欽差大臣多隆阿將軍挽詞	八四	牛渚晚步	八九
開都統舒保戰死德安時多隆阿將軍歿於藍屋兩		望江寧城夜見鐘山	九〇
公舊省湖北名將連月繼殞而寇犯鄖德恐遂長		獨游妙相菴觀道咸諸卿相刻石	九〇
稟乃懼而爲詩	八五	晚渡瓜步	九〇
別廣州寄贈徐子遠瀨徐在總督幕府前贈余詩	八五	登揚州城	九〇
東園引	八六	應寶岱祠	九〇
露筋祠	八六	淮關	九〇
江寧留贈總督曾侯詩三首	八六	過王家營感舊	九〇
晚出石頭城贈別湯裕	八七	大雪夜渡黃河	九一
三曲郎	八七	平原雪夜	九一
思歸引	八七	保定府城遙望京國	九一
岳陽樓	八七	樅陽舟中贈趙惠甫烈文詩一首	九一
漢口舟夜閉雨	八九	除夕觀保定行宮作一首	九一
半壁山觀官軍破賊處	八九	北嶽篇	九二
望蘆山	八九	飲安陽酒樓作	九二
九江	八九	南歸過汝墳作贈妻一首	九二
		臨洛歌示侍人莫六雲	九三

湘綺樓詩集 目錄

題扇詩.....九三

湘妃廟.....九四

君山.....九四

丙寅人日因散帙見高大心夔庚申人日見寄詩憶

舊游作示知者.....九四

邯鄲才人嫁爲厮養卒婦.....九六

燕上春望.....九六

寄題吳先生敏樹北莊詩.....九六

贈馮氏姨子詩一篇.....九六

嚴公孫日本刀歌.....九七

郭嵩燾劉蓉兩巡撫光後龍歸贈詩一首.....九七

龍渡峰體連騎田秀冠桂陽秋日登游翠然有作

.....九八

花園堡秋望作.....九八

秋雨後夜起作寄龍高平.....九八

桂陽別詩奉酬黃學正洪熙贈餞之作兼呈州中人

士帳飲諸君子.....九八

自龍江渡綠水至煙彭菴乘舟莫遠.....九九

水茂生田隴畔湘衡俗以和稷爲糈清明節物也余

家每從上家采歸供饋食加饗今歲祠祭妻妾自

出田間采之感憶爲詩.....九九

春雨.....一〇〇

登前山.....一〇〇

山中子規.....一〇〇

詠庭中雜花.....一〇〇

春風.....一〇一

長沙贈別李申夫兼呈同集諸公.....一〇一

前林遇雨.....一〇二

得王饒州必達書寄酬一首.....一〇二

湘鄉西南童梁山居荒崇之隅族岡稽之秀咸豐八

年余與羅伯宜訪曾滌生於山南始識李雨蒼於

曾坐上今歲赴左孟辛喪重過其地則伯宜已死

黃平曾李遠在燕薊山路有蕩雲物逾美感離念

逝重以哀左之切輒於馬上作詩二篇寫其悽愴

云爾.....一〇二

春分日和龍高平秋日縣居詩仿姚台體.....一〇三

擬室思詩一篇代六雲	一〇四
春懷詩四十八首	一〇四
夏日寄懷曹郎中耀湘	一一〇
寄莫五丈友芝	一一〇
衡州城西望雨	一一〇
盛暑得雨池上景色已復秋情感而有作	一一〇
嘉會篇九年十月於長沙作呈龍李二鄧	一一〇
心遠樓夜飲呈同坐諸公去歲李申夫罷漕使時頻宴此樓主人朱翁好客多藏酒數招文士集飲十月已酉劉總兵設技樂餞余余三爵後辭而赴朱遂盡街鼓踏月而還因述舊游兼調任鶴年黃錫	一一一
薰楊恩壽龍薄霧二鄧子	一一一
石牛塘途中作五首	一一一
雨過空靈灘	一一二
浚田權戍示從弟世同	一一二
酒集憶甲寅歲潭岳戰事感舊有作贈彭侍郎玉麈	一一三
青草湖曲	一一三

小冷峽	一一三
早春漢陽曉望作	一一三
正陽縣道中作一首縣令張君勗立試室	一一四
重過邯鄲作歌寄六雲	一一四
贈翰林周學士壽昌	一一五
感興贈謝廖伯	一一五
九夏詞	一一六
五月朔日潘伯寅侍郎南房下直同張香濤編修招陪者查十六人宴集龍樹寺酒罷賦贈潑張各一篇張新從湖北提學滿歸故有良使之稱	一一六
陳吉士理泰斯入翰林述其所職贈之	一一七
福建按察芝岑司使葆亭久宦湘中今以入覲相見南窪寓館卽司使念八年前習經之地感舊悲時	一一七
率然有作	一一七
食瓜有作寄夢緹	一一八
圓明園詩	一一八
南注高閣感秋	一一九
七夕周學士宅餞集	一一九

湘綺樓詩集 目錄

董二兵備同年兄文煥餞集龍樹寺溫編修忠翰作	金盆陪曾太傅墓下作	一一〇
兼禮送別圖張岳州德容周學士壽昌徐侍郎樹	雁峰龍祠故亭秋望有作衡陽湘川岸陝波小唯此	一一〇
銘張編修之洞及主人皆有賦贈輒成長句贈董	右阿正直湘曲對衡山雲下圖經所謂晴江亭	一一〇
兼別諸公	者	一一〇
天津南望水	秋夜得張永州書率然奉憶	一一〇
秋風詞	人日立春對新月憶故情	一一一
張秋河舟望月	西憶詩四首	一一一
南陽湖采菱	寄李雨倉(李前為庫爾哈那烏蘇辦事大臣妻宗	一一一
淮浦夜飲歌	女)	一一一
小孤山	江雨田同知東洲春宴	一一二
莫子愚丈挽詩二十韻	春游萍醴道中	一一二
從大孤入彭蠡望廬山作	贈李仲約學士文田時在宜春瑣院論英夷事	一一二
獨行論三十章四百四十八韻凡四千四百八十五	六月十五夜納涼	一一三
字感贈鄧輔綸	七夕代茗苦率牛星	一一三
登北固山	張永州府亭八月十五夜集贈	一一三
萍鄉贈逆旅主人女	題朝陽洞	一一四
白雪引	題華巖洞	一一四
湘上七夕	訪零陵三亭芙蓉館綠天菴還登高山寺	一一四

澹山巖閣上作	一三四	丁丑九日夏司使招集宜園見示新作還山奉酬	一三九
夜泊望夫山戲題	一三五	十月九日楊息柯招陪四老三俊集寄廬作閩重陽	一三九
瀟湘秋夜雨曲	一三五	明日賦詩紀盛兼補酬見和之作會者賀翁皆爲	一三九
對芍藥憶張孝達	一三五	完分又武昌頻有責言故詩中燕歌西塵云一元	一四〇
芍藥花農列畦植花開則盡剪之以十金留半日	一三五	暫往東山楊性農丈寄詩見訊還城奉和	一四〇
然無亭館置酒之處不足留賞也孝達今方督學	一三五	戊寅正月十日得陳懷庭書因感雨中苦寒對雲有	一四〇
四川感別權春因題奉寄亦使後之人知豐臺故	一三五	寄	一四〇
事爾圓明園芍藥尤多故有末句	一三五	馬將軍歌	一四〇
彭侍郎夫人鄒氏挽詞三首	一三五	東山精舍哭董兵備	一四一
得董研樵秦州書秋夜起作寄贈	一三六	送余佐卿北游	一四一
乙亥長沙秋集詩六首	一三六	過縣贈黃明府	一四二
大步舟中聞布穀吟	一三七	三月上巳雨坐湘綺樓題寄懷庭	一四二
郭嵩仙侍郎出使海國寄懷詩一首	一三八	送陳御史啓泰迎養入都陳婦先在邸	一四二
報慈寺南寮作	一三八	賈祠集錢劉采九	一四二
丁丑五日夏按察獻雲招集賈祠薦屈	一三八	閩東安水道志憶前游幕物外頗有獨往之志作詩	一四三
麓山寺六朝松折後作歌	一三八	寄懷云	一四三
七夕雨	一三九	寄懷黃御史	一四三
齋宿湘綺樓晨雨感作	一三九		

中秋府學釋奠觀禮二首	一四三	院中翫月	一四八
出洞庭西湖浮盪入江有作	一四三	寄臨林粉與夢緹因題五韻	一四八
覽古興詠三首	一四三	夔門歌	一四九
淫豫石	一四四	巫峽下青石洞諸峰奇秀圖經所不載留賞與詠	一四九
渡風波嶺至梁山	一四四	下新崩灘贈汰工一首	一四九
出梁山城平田積水吟望有作	一四五	枝江守雪作	一四九
雨上拂耳巖明日過九盤山遇雪	一四五	寄懷二陳詩一首	一五〇
金山堂曉行作	一四五	從孫巢山行至梁山作	一五〇
除夕行都市遂至洗馬池	一四五	晨登杜巖	一五〇
己卯清明日題家書寄懷	一四六	涪水道中感春寄謝劉侍郎崑三首	一五一
送殷容還洞庭	一四六	莫提督秋集因論湘軍戰事酒罷作歌	一五一
丁尙書總督四川閱兵西南邊留滯縣過六十生日	一四六	成都送別黎侍郎培	一五二
以避寮吏稱祝寄詩謝之因以為頌時方効罷按	一四七	感事寄筠仙	一五三
寮	一四七	正月十六日中蓮池看新柳夜遠行月憶舊遊重擬	一五三
蒙山上清茶歌(歲貢三百六十片唯給郊祀)	一四七	春別四首	一五三
第五女韓小名萸芳天三年矣昨忽見夢問物性靈	一四八	憶江淮舊遊送薛福保還無錫	一五三
養余戲告以蠶子最靈人最蠢其莊生親蠶蟻之	一四八	保山劉樹義能豐成都客死卻其子錫慶年十歲來	一五三
喻那覺賦小詩記異	一四八		

辭行云從母將寓長安感其進退有成人之度作
 詩送之……………一五四
 黃學正遊印度還言黑水入南海狀兼言俄德形勢
 感賦長句時黃居趙侯洗馬池故並及魏蜀往
 事……………一五四
 出浦口汎沫至宜賓江口作……………一五五
 泊縣維口感亡子歸舟所經凄然有作……………一五五
 登塗山題塗君祠……………一五五
 巫山天岫峰詩……………一五六
 汎江浦入沅始至酉港湖中作……………一五七
 感哀陳郵縣詩一首……………一五七
 武岡大甸雨中至水口作寄二鄧……………一五七
 彭尚書春巡奉同劉侍郎設餞兼招鄧九郎中午集
 劉宅輒賦八韻並獻……………一五八
 心遠樓暮望湘西諸山即送辛眉往武陟……………一五八
 銅官行寄章壽麟題感舊圖……………一五八
 重過錦石……………一五九
 往衡陽出城帆湘夕過朱亭作……………一五九

衡陽隱居時交友爲盛廿年來相繼淪喪兼悼子
 苗而不秀重望城闕泫然有作……………一五
 遊仙詩代諸女奠其大姊娥芳作……………一六
 答贈袁校總一首……………一六
 航海行送劉伯固法琅西因寄會訪剛公使以示
 贊陳松生揚商農余初約同往揚州適得蜀書
 先西適……………一六
 自虎牙至牛口作……………一六
 入巫峽……………一六
 青石洞望巫山作……………一六
 成都南郊看荷花待丁尚書不至明日見示長歌
 和五十六句時將登峨眉未去……………一六
 後閨秋風曲……………一六
 歲晏未夏多伏陰川東頗有疾疫或言得雷當散
 令典無禱請之法丁兵備昔巡川東今攝成縣
 文齋告隆隆響應三日霆電疾雨物氣昭蘇輒
 十一韻以繼元暉賽雨之作……………一六
 七夕後二日稱瑣尚書垂示喜雨詩中浣一日宴

- 友於蜀主祠池西軒張藩使和詩先成並名篇劇韻有昭明講席之體因仿梁格韻依原次呈坐中諸君子……………一六三
- 過蓬窩灘珠亭至巴縣作……………一六三
- 成都季冬時煢頻有宴集乘間覽興偶然有作一盞華陽篇喜願生新歸因談所過山川有感而作一盞春日下峽重詠巫山……………一六四
- 江聲……………一六四
- 邊浦作……………一六四
- 訪顧翁門不啓歸作奉贊……………一六五
- 乙酉四日行東城作……………一六五
- 七日連陰率爾有作……………一六五
- 贈徐侍郎致祥……………一六五
- 清明節宴招易布政集院東軒分予郎中及宋吳生同會明日答郎中作一首……………一六五
- 贈于晦若自南海還蜀旋赴天津幕府……………一六六
- 賦得秋夜新昏聽雨作示盼……………一六六
- 南軒冬晴命酒率然同易郎中作……………一六六
- 答寄陳孝廉夔龍陳與僚瑁陳洵慶均丁進士所擇瑁……………一六七
- 茶蘼落……………一六七
- 北湖夜集道俗十九人看月遇雨曉步還城作呈同學……………一六七
- 夜香花月下悼往……………一六七
- 八月十五夜瀛仙閣看月……………一六八
- 十六夜月……………一六八
- 十七夜月……………一六八
- 夕發湘陰……………一六八
- 方舟橫洞庭……………一六八
- 泰山詩孟冬朔日登山作……………一六八
- 泰山瀑橋……………一六九
- 雪霽午登日觀……………一六九
- 太山回馬嶺柏樹歌……………一六九
- 濟南冬煢獨居感興……………一七〇
- 擬古十二首……………一七〇
- 覽潘安亡離合詩戲作……………一七三

建除詩送楊錫侯遷蜀藩	一七三
八音詩秋夜夢理曲	一七四
霜月戲成轉韻	一七四
丁亥二月三日出彰儀門雪中作	一七四
答贈袁章京昶一首哀語及西藏舊計謬以劉向陳	一七四
湯相比因傷丁文誠慨然有作	一七五
上海客舍曉坐聽雨	一七五
三日北湖夜集廿八人分韻得司字	一七五
舟中憶東洲月宴	一七五
守淺沱心作	一七五
縣城夜雨憶桂陽秋夜	一七五
鏡石泥塘行贈開枝族六弟	一七六
笠雲僧堂雪集喜劉希陶侃至	一七六
三月三日汎海作贈薛叔芸廡成	一七六
天津水西莊四月桃花	一七七
海光寺	一七七
柳野	一七七
曾公孫廣鈞選入翰林感寄二首	一七七

天津早秋作	一七七
送鄭叔問文應下第還吳因訪伯足與李眉生遊	一七八
處	一七八
重遊虎邱攜琴載酒采藥而返	一七八
秋雨酬叔問	一七八
蘇州秋雨歎簡黃子壽劉景韓兩司使	一七八
鄭叔問張羊令相送惠山舟行不及卻先夜至余到	一七九
黃步還舟見之	一七九
吳無錫具伎樂酒船送疾惠山還集縣齋作	一七九
丹徒江樓望風作	一七九
洞庭歸舟酬葉損軒大莊吳中贈別詩因及陳芸	一八〇
敏	一八〇
膠舟高山望換小船至磊石人云湘君取船守洲其	一八〇
船須春水乃行	一八〇
前剛種荷南池插菰作	一八〇
丹徒江樓望風作	一八〇
南風上水乘鸞船至衡陽作	一八一
石鼓舟雨卻寄備丞	一八一

湘綺樓詩集 目錄

一八

- 荷池賞秋有懷或都南郊遊宴追弔丁尙書 一八一
- 仲冬還山莊 一八一
- 正月三日南郊山行時妻喪初卒哭 一八一
- 自山莊還東洲作 一八二
- 正月十三日東洲作 一八二
- 辛眉見過夜還舟宿登樓望送有作 一八二
- 沈處士贈魚有詩率作奉酬沈前佐易遊二藩 一八三
- 三日送寄公上南嶽 一八三
- 三月晦日登樓望春 一八三
- 晴松 一八三
- 檢陳芸敏御史書遙傷有作 一八三
- 功輿遊還來觀東洲喜雪作 一八三
- 雪中鄭叔厭陳寅伯自方廣遠過訪有作 一八四
- 生日湘東公宴夜遠行雪阻風待纜鶴鳴始至其日 一八四
- 復真待行 一八四
- 暮雲篇追傷郭兵左崑燾 一八四
- 始春閒居人事殆絕雲陰晝長獨坐無心題七韻 一八五

- 王君豫訓導江華見過劇談夜送還船失所泊處仍 一八五
- 宿東洲明日臨樓送之題扇爲別 一八五
- 初夏寄浙藩劉景韓 一八五
- 笠上人浩園齋集述昔遊作 一八五
- 甲午二月四日再集浩園寄素道三道人同會齋罷 一八五
- 逢張居士要入東寮看畫歸作記日 一八六
- 題陳伯弼扇畫湘綺樓因寄文叔問 一八六
- 與道士步月湘岸獨還東洲卻望桂館有作 一八六
- 徐幼穆招遊麓山寺置酒虎岑堂夕送徐與鄭湛侯 一八六
- 渡湘仍還赫戲臺循屈祠山徑登舟夜泊山下舟中 一八六
- 作 一八六
- 白露節日晨起納涼 一八七
- 秋燕憶淵之詩追和 一八七
- 祁陽周竹香見訪買飯自食而去云將遊衡山走筆 一八七
- 追贈祁人不輕食於人余凡四留客而四辭矣 一八七
- 格齋尙書自請渡遼徵服至威海日本謀劫之未得 一八七
- 傳檄徵兵因贈十六韻 一八七
- 寄問北洋幕府于兵部 一八八

立秋後六日大風南樓看雨	一八九
七夕湘東開筆歌贈吳沈生	一八八
出山逢雪舟中作	一八九
和易藩臺感事詩因成長歌示謀國諸公	一八九
丙申正月還山五日仍至城宅作三首	一八九
春雨臨湘看諸女僮新婦舟還長沙作	一九〇
雨過從姜翁還山莊	一九〇
庭中紫躑躅	一九〇
瓶中牡丹	一九一
銷夏第三集聞文衡州送部兼束隆兵備	一九一
消夏第五集郡寮多以迎副使先去招胡吉士夏郎	一九一
中論詩	一九一
立冬日湘岸步月看菊乘船還精舍作	一九一
和陳瓊兵備感遇	一九一
憶昔行與胡吉士論詩因及翰林文學	一九二
戊戌芒種訪石門舊廬作	一九二
徐幼穆罷沅陵攝清泉令招同饑奮令於東洲南館	一九二
乘月夜歸作	一九三

湘綺樓詩集 目錄

饒客夕散廖李自京還過夜話	一九三
粟核孝廉游祝融還示新詩因過清泉寓齋兼贈徐	一九三
孝穆	一九三
乙亥山中度歲雜詩八首	一九三
湘城飲席還船簡朱巡檢	一九四
空冷峽還詩酬衡陽饒席諸子	一九五
三潭夜雪晨游高莊	一九五
從石屋過理安寺渡九谿至龍井	一九五
亂後淨慈寺	一九五
人日游雲棲寺	一九六
正月望日吳山餞席	一九六
京口待渡別送者	一九六
二月望日夏口大雪舟中寄孝達	一九六
歷山望濟南城	一九七
諸貴公子招飲歷亭始聞北警	一九七
浙邨道中喜雨作	一九七
亂踰三月乘輿西出外臣曾無釋位之義憂心靡投	一九七
曾夏兩編修僻在桂淪銜命奔問過衡相見感而	一九七

有贈……………	一九七	沈南昌招集郡齋卽五十四年前居停地時將新雪	二〇二
辛丑八月十五夜家集聯句……………	一九八	澧東湖卽事有作……………	二〇二
方廣寺至黑沙潭作……………	一九八	癸卯秋江西巡撫奏聘立學謁謝辭歸臺司達官並	二〇三
天柱道中……………	一九八	出城餞送懼當盛禮謹留詩一首季冬四日上三	二〇三
秋早……………	一九八	還湖作……………	二〇三
昭君詞……………	一九九	賦得息吹更治朱纒夏公子起韻成篇……………	二〇三
譚常甯自衡陽就養東安柱詩留別因軀奉酬一尅	一九九	出宜春境聞野梅香憶鄧宰肩夜度茶山歌茶詠當	二〇三
八月十五夜行月至清泉學舍與廩學正同步西郭	一九九	墟女……………	二〇三
還舟卻賦……………	一九九	九日從江西院司白花洲館集宴曹吉士……………	二〇三
白沙權舍贈南城黃丞……………	一九九	散原山詩……………	二〇四
晚菊……………	二〇〇	翠崖寺觀洪井風雨池……………	二〇四
醴山縣館答贈鄭孝穆……………	二〇〇	尋鸞陂至洗藥湖……………	二〇四
桓樓歌贈別端總督……………	二〇〇	乙巳三月九夜樓上看月……………	二〇四
張督部鄂中餞席……………	二〇一	喻謙史爲歌……………	二〇四
織局樓送客行……………	二〇一	九月八日與陳復心兄弟登君山……………	二〇五
舟過鸚鵡洲逢孝達渡江遊琴臺余至金口遇雨偶	二〇一	結交詩貽陝藩樊承宣增祥……………	二〇五
成奉憶……………	二〇一	霸上別樊山……………	二〇五
送廖蓀咳還山……………	二〇二	仲冬九日華祠夜作……………	二〇六

香零山絕似澗豫石中有七里香卽真蘭艸二〇九

- 華山詩……………二〇六
- 華山西峰……………二〇六
- 遊瀉山宿密印寺……………二〇六
- 自涪溪至滴水巖以巖爲勝……………二〇七
- 舜陵詩……………二〇七
- 衡山篤監甯均望三分石定爲南嶽……………二〇七
- 淡巖……………二〇七
- 入觀陽峽……………二〇八
- 自苦竹嶺步下大星壘作歌示周生……………二〇八
- 九疑雜詩……………二〇八
- 前巖仙霞洞有寇平仲墨書題名……………二〇八
- 舜陵廟舊在玉管巖土徯云在紫金山卽冷水石……………二〇八
- 無爲洞李巨山題碧虛洞今爲永福寺在冷水二〇九
- 自紫金渡冷至監甯均有方廣靈隱之秀而無其俗……………二〇九
- 三分石爲九疑東峰無宿食地望厓而遠……………二〇九
- 下營陽峽今云鑱彎……………二〇九

湘筠樓詩集

湘綺樓詩集 起己酉至壬子

擬焦仲卿妻詩一首李青照妻墓下作并序

嘉慶十一年冬十有一月晦日，湖北傭人李青照妻，爲主逼逃，復遇斯陵，攜子赴湘而死，夫亦自經。經墓讀碑，作詩云爾。

雙鳧不能飛，十步兩連翩。張氏有好女，辭家來李門。頭上青絲髮，織纈兩頭盤。約略蛾子眉，參差掠髮髻。雙耳若連璧，荷葉承珠環。紅白左右鬢，不用粉與朱。斜肩若垂玉，回腰帶輕襦。素手出廣袖，青繡綠領裾。單繡蹙金線，雙繡雲中蕖。行纏約春羅，二寸稍有餘。瑣細作微步，盈盈若波流。不言共知美，誰能不稱姝。妾是貧家婦，貧婦無華妝。脫我嫁時衣，著我青絹裳。上機織縑素，中厨治羹湯。里鄰謂新婦，新婦固不同。東家言俊好，西家言賢良。朝烹穀作糜，夕持絮作衣。無衣常苦寒，無穀常苦飢。朝持絮作衣，夕采葵爲羹。無衣猶可寒，無食難爲生。我有織纈手，可以任縫紉。東鄰貴家女，十指不拈線。持我手中巧，作我家中飯。昨日東鄰言，主君遠游宦，便可與同行。莫令此事散，雞鳴外欲曙。夫婦嚴裝辦，還歸辭父母。出門別親黨，今當雲南去。雲南天一方，主君作高官，不與州縣同。峨冠青金石，雲雁繡當胸。高檐曳長旂，圓轍兩檐紅。船頭鳴雙鈺，從岸到江中。隨人四五十，行作鳧雁翔。引婦入拜見，主君大歎美。平生實未見，舉止自生光。舟中何所爲，且莫無期程。低頭向江水，道路迴且長。朝辭金口去，莫至赤壁山。不聞鄰人語，但聽鼓吹喧。莫發石頭驛，早至洞庭湖。不聞夫婿言，但聽主君呼。主君呼婦前，寧可相順從。珊瑚爲卿枕，玳瑁爲卿床。婦謝主君言，賤妾甘困窮。况乃事夫久，大義不再更。主君大拊掌，真復違我旨。汝是貧賤人，復言何道理。昨日爲人奴，今日在官榜。何不早作計，汝何不自量。我有玉耳環，炎金如意簪。玲瓏翠戒指，手釧珍珠版。百褶金繡裙，四合杭絲衫。婢妾六七十，不得掛眼角。吾今但告汝，此事非大錯。斑鳩共成對，不能愛孤鸞。妾是愚賤婦，不堪賢主君。私

緝向夫壻，轉身自摧藏，與君早作計，昨日主君語，茲事不可長。行行十餘日，遠望長沙城，鐵纜下中流，云須數日停。江湘南北間，回首自悽皇，及茲背同伴，形勢已蒼黃。空川復昏暗，月黑夜未央，偕行出愆恩，愆恩遺豪彘。謂卿暫待此，吾當復暫往，豈距一分散，奔走不成行。夜鴉聞啞啞，嚴霜墮道旁。船上鐙燭光，岸上行人多，風寒天欲明，旁皇將奈何。莫爲異鄉婦，舉首迷東西，覲者不轉眼，問者來相欺。雞鳴五更盡，是時其夫來，不知期何所，心怯形復癡。偃偃至明發，各各成驚疑，城邊惡少年，三五生崎嶇。詭言其夫至，象掃作要期，給燵更渡湘，四人於小舟。謂婦汝無然，孤身欲何爲，潛行苦多長，聞此心膽壯。激我義烈情，吐我心鬱快，長號嚔向天，哽咽涕盈眶。舉手謝夫子，相見待泉壤。昔年爲君婦，著我青絹裳，入門無衣食，出門別親鄰。悠悠作死別，初意妾未防，妾今事當死，妾死君獨生。死者不可再，生者壽命長，懷中一尺兒，抱頸相向嚔，不得從夫去，但可隨母旁。舟邊一尺波，烈婦命長終，是日大風雨，青天爲不陽。青照得聞此，沉痛割肝腸，嗚冤赴縣門，報縣捕奸凶。縣令何恩忙，車馬如趨風，三八爲衙日，盈盈公府中。伺候長官事例，不問詞訟，餘官十餘員，云在發審廳。首縣請刺員，幫審掛虛名，民命小小事，况乃異鄉客，誰能聽其詳。微賤無所爲，妻回出城東，還歸衣食難，無家又無容。黃泉有良會，母子相追從，偃偃人初定，悽悽鬼相迎。吞聲願樹下，自掛南枝南，使君聞此事，願耳不能言。長官聞此事，將須共言難，縣令聞此事，忸怩無容顏。平生丁明府，今日見此冤，還歸坐堂上，朱籤出縣門。但促岸上兒，不上使君船，煌煌大清律，首從並梟卒。父老聞此事，嘆息告家人，昔爲役人婦，今爲禮部旌。城中羨其風，城外造其壘，仰瞻天心閣，合葬醴陵坡。南坡秋草長，墓上青松垂，子規過之驪秋去，春復深。生是連枝木，死是雙飛禽，雙禽將一雛，朝莫自辭離。願視世間人，人心故不同，悠悠四十載，冢上有新封。綱紀貴賤人，作詩誦清風。

戴祠館中夜起作

夜中不能寐，落月上屋楹。秋蟲知我興，繞舍似爭鳴。天機使之然，焉能閱其聲。繁華向搖落，天地復肅清。羣動盡
息響，况爾瑣細情。達士惜窮居，親時安所營？

城上月夜

浮烟暗一城，孤月四邊明。漁火動多影，湘流靜有聲。風高寒望眼，漏永逼秋情。危磴荒池外，時清草自生。

雨霽

百鳥愛晨光，春聲度畫堂。日華承檻薄，波影泛堤涼。芳草看看綠，初花窈窕香。離情未應歇，當鏡且愁妝。

湘上

客意已在水，遙舟送清暉。殘雲藉落日，隔岸明我衣。平時上餘青，暝色合衆微。烟態如悅人，蕩蕩還自歸。長蘆
所歎，涉江當爲誰？

清秋靜萬木，白露既濡泱。戎妾怯霜花，伶俜伴寒蝶。愁心寄遙林，暮色藏荒塚。西風吹我夢，夢爲江上叢。漁燈照
蒲浦，欲渡不可涉。流波有安瀾，吾將任行楫。

贈彭嘉玉

寒蟬翳東林，蟋蟀鳴西堂。微生有常棲，畸士獨無鄉。秋河泛桃梗，故里如他方。閉戶心幽愛，獨涼衆所忘。余念子
處居中，夜自旁皇。荒園秋草多，窮巷阻車行。簷彼荷蘭花，空谷有孤芳。豈不惜寥落，神全何所傷？

寄資欽亮

北風吹驚塵，朝夕無停飛。寒蟲既息音，歲御不我回。始悟同袍子，遠駕去莫追。嚴冬各有家，行者獨何歸？人生非草木，凋落意不肥。木落當復榮，日月逝以馳。袞裳陟高山，道遠與子違。感彼孤鴻征，霜雪更相攙。遺音若可尋，萬里慰孤羸。

述懷

初夏猶深秋，微雨颯然至。清風吹明燭，短夜不能寐。裴回起行游，誰能導余意？憂思從中來，驟若奔萬騎。我心信慷慨，萬竊轉相慰。

步出南郭門，落日風蕭蕭。陳人既寂寂，白楊亦寥寥。丘冢互相乘，萬歲同一朝。富貴固有窮，貧賤已復消。達士無馳驅，安能羨松喬。長年豈余樂，時逝不可招。雲中有鳴鶴，其翼日扶搖。一舉青冥上，縱心復且遼。

勁羽鳴北風，鐵騎出西邊。王恢既失律，李陵更不還。元戎降賁威，旗旄衆翩翾。叱咤動萬人，見敵乃遷延。曾聞嬰武略，廟算期十全。雖非介冑士，按劍望三邊。魯連徒歷歷，蹈海託空言。

孤雲有時飛，靜者豈無心。空堂望華樹，獨坐且沉吟。三英不我期，大道誰復任？禮樂塞衰流，楚士別貞淫。晤言將何訴？江水滄漭漭，目極千里道，藐然涕霑襟。

姜薄命爲楊知縣姜周氏作

周爲長妾謀死，知縣匿之，巡撫助楊按察，發其事，僅而得直，城中洶洶，歡動萬人。余年十三，明年始爲之詩。姜家本住巫山陽，娥娥玉顏明月光。青袍公子買年少，攜妾來游湘水旁。朱門青樓日歌舞，風窗夜開黃鸝語。簾深坐長自疊玉，牀卷衣還獨處。世人重色不貴心，莫持堅重比南金。眼前清濁同涇渭，胸中參錯作商參。幽房風多日光濕，寸心始願從今戢。殘形毀兒羞見君，寢中魂歸暗中泣。二月寒花滿路塵，百年紅粉葬青春。不信從來妾

薄命，請問悽悽行路人。

石泥塘是高曾舊居，道光三十年閩運入縣學，始詣宅訪諸父兄弟宗門，衰弱多不能自存者，耳目聞見爲此篇。

北風吹雨山瀝瀝，遠樹空濛凍雲澀，泥深躑躅不得前，暫避茅檐轉愁急。我來投宿無所投，荒村寥落經深秋，此鄉先氏舊卜宅，良田華屋皆虛丘。聞道朱樓盛東陌，當時臺榭生顏色，私家休養逢盛世，天下無兵有耕織。豈知錢穀貴，金銀今日萬錢三十石，我尋遺跡無百年，茅茨倒塌門門偏。其中男婦坐叢雜，數日已見屑無烟，饑驅一飯忍更緊，且沽市酒郵亭眠。芒鞋丈人於我厚，遺我四百青銅錢，此皆經歲積儲得，受不敢却心茫然。以茲感激動嗟喟，滿目荒山極愁思，道旁衰病頭白翁，強說南巡盛時事。吾宗衰薄蓋有由，無時感事增煩憂，頻年水潦滄荒土，溝壑凍餒無人收。夫夷兵革門末息，澗梧夜鬼聲啾啾，天心元氣頗蕭瑟，慎須醞釀調變謀，悲吟苦意不能道，莫色蒼茫生遠愁。

怨詩代彭笛先婦斬

璿房有靜女，幽獨守貞堅，良媒結蘭金，遂爲君子妍。本性亮不移，微愛遂相捐，懷情不自理，被謫若丘山。妾身何足論，所惜君德愆，同居異楚越，欲去豈敢言。明月照羅幃，空影獨嬋娟，一彈清商瑟，陵亂五十弦。

愁霖六章

皇靈信難謀，人道有幽顯，往昔遭淫霖，洪流被原巘。連渚無安鴻，高塘拾枯蜺，川塗漫數州，湘東幸孤免。孤免非所安，忝竊亦已多，比來降洪潦，坐歎徒咨嗟。常恐滂災行，農女失其家，願此卑濕區，小將如何。余嬰采薪憂，獨居

就疲茶，寒風忽中人，夏枕詫栗烈。毋乃調燮乖，披裘匪吾節。朝起常悔冥，門巷斷行轍。行轍久絕蹤，苦茸上縣榻。燻
鷓鴣長絲，鼠跡亂几踏。念我故人遠，自昔同酬答。世故各有營，今際固難合。離合會有時，世故乃同悲。兵戈阻荒服，
干羽次王師。跋涉勞武人，悠悠竟何之。傷彼離畢章，感此徂東詩。感傷誰能已，委化有自然。中夜忽起坐，寤寐嗟能
安。同袍慕秦風，良朋况永歎。天心戒戲豫，閉戶不敢言。

五君詠

序曰嘗觀顏延之五君詠，意獨怪之，異世論友，中實自叙。山王同游，並以貴黜，則取人必於窮厚乎。余未弱
冠，得奉教賢人君子有日矣。其遊息輒偕，適有五君會以遠適，倏散。彌念嘉會，率爾命筆，各贈一章，譽淺諷
深，期之苙佩云爾。

彭處士嘉玉

彭子少胎宕，韜光久藏用。意歛跡愈高，慮深疑轉闕。沈冥類守愚，孤情實隱慟。獨往深古心，亮節有時送。
龍舉人汝霖

正直日衰少，時俗貴委蛇。龍生捐者心，清剛表奇姿。委中庸易同流，黜陟難類時。鍛刃有時振，往志不可追。

李優廩壽容

李生習文藻，懷華長檢束。微名衆傾才，縱志龍依辱。美服非不華，媒害慎所觸。染素豈在己，多歧懼移俗。

鄧拔貢輔綸

舍人守真純，忘機狎世緣。抱璞若諧衆，冥思亦孤養。宦情汨隱志，保己涵深筮。森森達士懷，窅窅古音賢。

鄧文學繹

仲子夙奇服，長嘯揚清光。識遠道易馳，告薄聖所防。形虛驗存真，調響激高張。誰能接末契，覽德先遠翔？

邵陽山行

陰雨彌四旬，端憂阻川原。高空曠晨日，萬壑始光鮮。濕雲晒陂塘，垂采映晴漣。飛鳥學和聲，從母出林間。客心感春氣，物態匪舊顏。何以寫芳遊，愉悅存忘言。

擬明月皎夜光

夜長嚴風升，飛鴻已相背。寒露澄素輝，清秋忽如逝。榮華有代遷，感念疇昔歲。懷中千金璧，皎皎自陵厲。盛名豈虛來，負此偶一世。明月有晦虧，焉怨浮雲蔽。箕斗縣明象，朗然中天揭。至人無俗用，誰能循一器。慷慨金石姿，耿耿長不斂。

擬客從遠方來

客從遠方來，遣我爲文綺。別時未云久，感君念如此。裁成見新故，藏之誰見美。發篋三時曠，使我中夜起。時俗妬真交，嘆息我與爾。

與龍鄧同遊衡山舟中作

晚風吹流波，奔波不可尋。連岡無斷蹤，重雲生遠心。佇瞻穹隆低，坐待夜氣陰。鳴鉦駐余棹，遠鐘搖澗林。喧聞衆

籟雜，靜會江底深。仙情結遊侶，秋思託長吟。

山水但一氣，曠望空茫茫。亂壑答岑寂，四野垂寒光。天風復橫過，濤聲夜浪浪。秋氣本寥亮，助之羣動鳴。坐中寂無言，滿舫生孤涼。縱浪大化中，塵想斯可忘。

從南岳祠登吸雲嶺

天根蟠軫虛，坤紀壯炎服。鴻濛融朱光，高深闕神屋。雲觀在冥杳，下視但蒼綠。渾淪自太古，厓嵒盡奔伏。風危人益高，日夕氣相逐。儻爲蘇門嘯，恐驚龍湫谷。

登南天門宿上封寺

清肅闕幽崖，噴薄漱泉根。沈沈積石寒，曖曖殘陽昏。下方涼雨積，上界晴雲奔。高天覆圓蓋，黛色盡烟痕。飛鳥隨我前，相與叩石門。置身六合外，息影南斗垣。

祝融峰

萬緯朝日宮，朱明稟純陽。天地通潭曜，炎炎見南衡。元樞仰皇德，眞宰鎮交荒。日月動左右，遠近無異光。曾聞中天禮，舜狩啓百王。登封造巍巍，誰及聖道昌。

朱陵洞瀑

衆青不斷色，遠響驚清秋。朱陵竦孤崖，飛泉東崩流。素滯照白日，玄淵映愈幽。青天靜無聲，翠壁俯寒湫。空雨忽破碎，高雲偶遲留。宛宛雌蜺蜺，荒荒烈烈飄。

古別離

宋家東隣女，顏色如陽春。當時一顧本無意，誤留三年下蔡人。東牆蝴蝶西牆花，陰陰牆外如天涯。春風一日不相待，碧窗咫尺烟如紗。當窗屈戌無時閉，昔日晨妝金雀釵。金釵墮絕不知處，綉絲不斷年年灰。撥灰畫字言有情，字滅灰飛情暗生。灰亦有時滅，相思之字何由明。

紫玉歌

吳王嬌小女，能感韓重魂。生時有禮法，至死不得言。日暝春山虛，童子潛行來。誰言天地厚，精氣爲之開。父母不知理，身死徒爲哀。意盡情作烟，然後入君懷。

憶梅曲

梅花艷北潭，水影照江南。月隱珊瑚簾，波明翡翠簷。江南與君別，霜寒花氣歇。日莫鴛鴦飛，風吹五更雪。君去不曾難，徘徊玉佩單。橫塘一片水，還與外人看。可憐雙佩玉，惆悵橫塘曲。玉顏思漸隱，瓊樹香難續。羅帷夢落花，越女惜紅紗。合情畫梁燕，渾淚白門鴉。鴉啼天向曙，水暗門前路。淼淼不相聞，落月搖空樹。曉鏡莫輕開，金蟾恨玉臺。分明當日兒夢，作海棠來。

意續他生後，魂牽未死前。何如斷養卒，原不惹相憐。李仁元題句。（此曲即與紫玉同意，伯元意度題之，亦未知其用意。）

春日

春日照春衣，春心不自知。如何中有怨，猶言無所思。所思信無端，含情非爲人。偶然攜影坐，已是屢朝昏。

江南曲

麗日江南豔，遙人別恨真。曉風迎早怨，舊服惜年春。歌曲無留韻，江花有代新。往遊難作遠，孤客易爲身。春氣何須入，空房自感人。

霧重花難豔，春輕柳易翠。自憐天下色，生作送春人。柳絮真成薄，花光浪作塵。長江猶自去，微命定何親。江南罷憐惜，相歎不相聞。

倡樓怨節

麗邊春風揚入，庭外草炎若浮。搖情吹影未已，入眼存心自愁。烏聲各言有怨，江波到頭不歸。經冬歷春復盡，何爲辛苦羅衣？

後憶梅曲

晚梅春色遲，合香待所知。近人無一語，微笑最燕脂。珠樓對雙鏡，深閨願相倚。一朝離別同春風，空將意思看流水。持聲遠寄婢娟子，盛年一去何時已？

舟見

風色候津樓，朝來送客舟。春波滂不盡，妾意與之流。折柳愁聞笛，傷桑倦引鉤。渡江今有楫，迎接汝來不？

生理篇

生理各如寄，羈人日愆愆。風雨相薄迫，一室無所容。宵寐不煖席，朝坐還對窗。想望章潁波，浩浩自成江。故鄉不可梳，怨彼往路窮。往路非阻修，故鄉鬱靈冢。檣越橋胸端，於戟亂邊屯。永衡絕通軌，連巖上參雲。征駒歎玄黃，驥騁各悲辛。悲辛彼何人，我友在遠方。思鄉阻還塗，轉徙失齋糧。願我得養居，獨願恣倚伴。窮魚思故淵，離獸走連岡。鷓鴣

鶉鳴庭樹，腐鼠驚雉皇。舉鵬無舊物，行歌怨迷陽。楚狂猶行歌，鳴鳳久已歇。商叅起中夏，庭樹啄黃葉。殊音非我親，言發自眩悻。行行至窮巷，經日見羈結。敗垣寒隴陽，隙霽滴殘闕。所遇增感傷，還歸坐悲憫。悲憫思語誰，新知近相從。倦倦執手歎，似欲慰微悵。世俗匿深情，酬好非誠忠。欺我未婚宦，遇我猶兒童。居者復幾人，行者猶轉蓬。良會不可期，滴水徒西東。西東會有時，人生恨輕離。出門別親好，車馬如雲馳。白日照黃土，班馬鳴回颺。高丘一登望，振轡遠逶迤。棲棲果何求，默默長自疑。謀身尚難工，寧暇及人爲。置此家國事，努力歎嫵時。歎嫵不可求，家國常有憂。百年猶轉丸，智者獨遠愁。巧拙互稷穰，力命更相讎。彭殤本妄喻，何者爲浮游。澄心會至理，豈不念蚤周。投筆起三嘆，知我庶勿尤。

送陳景雍應舉

浮雲自南飛，飄風從北來。中途一相值，相聚忽已乖。傷哉我與子，一見傾我懷。積憂子所纏，兒戲我所娛。攜手東郊上，霜陰野崔嵬。明知會日邇，別恨無人開。臨岐重顧瞻，恐子顏色衰。

壬子七月樂平縣作

六月七月晏天高，孤星夜掛長林梢。空雲散露一相失，湖波厲天哀雁勞。荒園寂寞亦可宿，我生與子同孤巢。斗室非賓亦非主，坐臥在床立當戶。長歌向天白日秋，四壁蟻蝨走塵土。卽今皇天意慘澹，自古豪賢盡羈旅。安能空手伏草間，吞聲躑躅凋朱顏。

黃昏獨步出門去，西風吹葉驚人心。黑烟四起作濃霧，薰面被髮黃埃深。歸來荒雞似人哭，中宵繞屋揚哀音。雞鳴膠膠明星小，吾當與爾共天曉。

錦馱寶馬金鞍轡，尙書公子總憲妻。自言避賊返鄉里，輕車班班官所攜。又云公卿百餘人，房奴料量小妾歸。縣

官供頓換夫馬，路旁問者遭鞭笞。

人生二十少非壯，意氣磊落青雲上，神駒一日走千里，胡爲淹留獨惆悵？
不見才士故壙時，形勢醜駭心不爲。

長沙被圍還歸省覲入城書所見

不見烏巢幕，徒言虎負隅，明鏡喧曉樵，炫服麗通衢，棘瀆真兒戲，恬嬉亦禍樞，畏途無險阻，歸得話鳴于。

擬美人梳頭歌

曉簾花鬢燕支氣，紅雲冉冉春人起，散鬟垂領已堪憐，不待妝成知絕世，鏡水迎面春寒輕，青絲縷縷手雙紫，自疑照影雙神女，自看對坐兩傾城，捉梳整髻不嫌遲，挑朱點黛亦多詩，著意回身窺側鬢，壓花回手插橫簪，璇窗早月初相映，亭亭顧步量宜稱，削玉垂肩背後勻，銜珠綴耳釵邊疊，妾家雙影不曾單，長向妝臺笑舞鸞，薄妝隨意非言好，卻勝圖成祇自看。

河畔澣衣歌

荆釵綠鬢貧家女，浣衣向曉臨江渚，江水沈沈動遠波，素環斜領相看語，自言二十初嫁年，夫壻從軍昨戍邊，新昏離別那可說，夕烽遠近從人傳，攬妾嫁時衣，時淺衣尙新，牽君別時袖，袖綻恐難紉，江聲破碎衣聲軟，人道沈多紅色淺，已拚衰老顏色故，何須更惜青黃轉，思君不見淚霑襟，襟上愁痕入水深，江水長流待君飲，君知妾淚在君心。

代妾薄命

妾命爲君薄，愁多未可輕。明春伴楊柳，仍是去年情。理鬢看猶滿，遙心坐自驚。半衾甘獨熱，孤月苦相明。不爲封侯去，從來愛遠行。

自君之出矣

自君之出矣，明鏡損容光。思君如紅粉，歲久不能香。

李伯元居京邸嘗眷一女妻金脫環瑱聘之及浙船復有所惑金寄戒指以喻伯

元請余爲題曰明義篇

孤竹懷泰山，叢蒲秀盤石。情愛潛合并，溫柔固相匹。猗茲窈窕性，逢此婉孌質。良時媚春華，幽懷契貞柏。終始亮有要，恩敬固無隔。歡言意未申，沈吟時忽移。驅車銅龍道，佩玉趨丹闈。從容金闈產，優游休暇期。閒情有餘歡，繡轡不自疑。傾心無所難，適意苦多歧。伊余託殷勤，與君同勞慕。令德豈不希，聊用歡所遇。明珠安良媒，金環召寵御。瑤瑟未終撫，春華忽云莫。涼風起日夕，入室告當去。疇曠車聲遙，宛轉妾憶君。華京始獨居，日月坐已淪。出戶望繁霜，念子悲向晨。雞鳴知亭午，莫雀識夜分。奈何天涯路，送我閨中人。川陸殊未央，悠悠浙水東。牽舟涉中流，持楫宛相迎。客途倦風潮，款曲惹中情。念我悲恨多，對此歡怨并。傾城非余美，相憶遠愈貞。浮雲入中庭，飄颻遠方書。若君論行役，婉婉問安居。年徂積思存，情密往訊疏。足知君子心，念妾共須臾。勤誠苟不違，何必嘆乖殊。聞房長夜清，蘭時逝不招。雖無五日期，嘉會不可遂。昔聞江沅謠，安得巧笑姿。攜手共翱翔，鴻鸞有時雙。夙夜慰我勞，殊方慎遠遊。他人多異心，精誠長相保。明義勉在今，何用申區區。約指雙南金，貴妾手中物。彼與時循環，隨軒涕盈襟。

賦得名士悅傾城

同爲第一人，相賞豈陽春。流雲將夢遠，初花比態新。各言心有怨，偶借色相親。旁人不道好，本自超凡塵。
流光照綺筵，心意已相看。人世應無比，他人妒亦難。花搖常就影，綉輕怯步蓮。嬌愛非關寵，時名正得年。還持宋玉賦，新寫洛神篇。密語寧辭媚，多思不悟偏。從教下蔡惑，難得主人憐。

作蠶絲

冬絲不復絡，春眠應恨遲。身死絲長在，君看宛轉時。

絲絲爲歎盡，絲冷儕心熱。歎眠不得溫，傷心不能絕。

雙桐生空井

玉井沈寒碧，青桐悴晚黃。根枯不到水，地寂未啼霜。照影憐同瘦，連枝怨代僵。與子長相倚，爲琴亦并張。

擬夏夜閨詠

妾意何曾熱，空房復自清。滅香憐夜短，却酒避顏頰。班女新團扇，吳妃舊玉屏。燕釵空自冷，鸞帳掩猶輕。更恐婦娥見，持燈隱月明。

南昌遇龍諱臣

異國驚相見，清尊惜歲寒。江湖隨寇盜，去住撥悲歡。殘雪梅花驛，斜陽樟樹灘。因君望鄉里，凄惻送愁難。不知天下事，消得幾悲歌。舊業雲山老，新亭風景多。南冠楚囚操，北帆洞庭波。君誦蘭成賦，金陵奈爾何。

王子祭詩神絃

歲壬子紀窮而雲昏，洞庭波兮寒飈，豺狖啼兮恐人，日月逆薄，乾坤將屯。乃有害客威焉，然吟而招魂，爐燻兮輝。

輝若陳倉夜光兮，文雉歸隱隱兮。微微若玉，女羅袂兮。上夜祠，朝吟莫歌也。鈞臺艷宮，無以致得之兮。忘貴揚和，敷華也。幽巖陽谷，無勿春隨之兮。忘貧金石振兮。八龍秋雷，靈崩兮。神不憂笙磬，暗兮。鳳一鳴，波浪清兮。心弗擾，隨我有齡。獨我親，昔來未來，隱困兮。古何爲兮。詔余慧，今何爲兮。感余智，雄劍回光，動北斗。毅夫攘臂，逐四味。左阿江湘，千里道。右盼淮河，百年瑞。古余身兮。衍爾神，爾爲主兮。余爲賓。哺余靈兮。靈其好，余之心兮。爾之說，長無絕兮。善勞究。

消寒二詠

寒菜

微根自可憐，幸入庾家園。寒日依霜甲，冰花鏤葉文。冬收衛女蓄，春作漢宮盤。佐味難調鼎，搗鋤獨閉門。青黃許相代，長得薦華筵。

冰硯

朱窗花燭寒，紫研輕雲斷。香冰暗吳麝，玉手勞湘管。不言良夜久，稍憶飛霜遠。雙匣舊隨身，試就餘香煖。

贈今人四首

沈炯贈孫麟趾

窮老孤客又值喪亂

慟哭登高臺，千里來遠風。干戈迫老病，寥落傷心容。故鄉阻歸期，誰能守固窮。空留一世名，感慕千載雄。

鄧攸贈陳彙雍

積憂憤時故以無子自甘

畸人值末榮，旅官向江漢。微名累家室，哀時迫離散。無兒豈由天，有身已云誕。獨抱遲莫悲，永貽俗人歎。

寶滔贈李仁元 佳配重情能不形其過亦實無爾解人爾

滔也清妙才，酬唱對佳儔。陽臺豈予美，閒情亦有寄。故劍苟不敦，文錦固虛裂。同心懷佳人，悠悠感當世。

陸雲贈鄧釋 雖無入洛之嗟而兄弟離別

公子厭京洛，擊楫渡江水。名起卿相間，無心偶餘子。兄弟一朝別，亂離從此始。文章非軍謀，焚筆庶無悔。將還樂平留別孫陳鄧

春湖散寒烟，遊子從此行。豈謂道里勞，恨我離別輕。波禽復翩翩，曉夜自和鳴。人生有歡會，嗟彼轉蓬征。良友各東西，去來獨營營。所願息世事，春遊采芳榮。常聞逍遙樂，恐笑滯陶情。

得南中消息

久客成無憶，書來故有思。那堪離亂後，重話釣遊時。草木蒼蒼恨，樓臺步步疑。閒居無遠志，猶喜出山遲。消息曠軍牒，飛騰學劍裝。兵戈今有歲，吳楚昔維防。落日悽回首，春風盡萬方。只應華表鶴，歸照月如霜。早歲尋鳩詠，交遊羨妙年。江山同麗日，花鳥共清烟。寂寂還相問，搖搖已自憐。如今向零落，回首未茫然。鄉國猶堪隱，親朋亦有歸。望深雲不盡，夢醒月初微。朝夕愁兼酒，行歌淚滿衣。平生志千里，今恨遠遊非。

三村桃花詞

南浦綠如茵，香風步步春。明霞素玉女，暮雨息夫人。一見能傾國，重來已化雲。石潤紅爲雨，烟飛翠作橋。新妝各自豔，巧笑共相攙。不逐青驄馬，難爲夜夜嬌。香氣浮空滿，輕紅避日蕩。落時猶豔水，開處定逢仙。從來鬥春色，誰在此花前。

牡丹

十二玉關斜，衣香滿院花。晴烘春作霧，燈照月成霞。帶酒嬌三日，驚紅豔一家。吳妃最豔，對鏡不如他。昔昔鹽詩做趙嘏作

垂柳覆金隄

折柳送君行，春來柳葉生。不親長條跪，應忘隔歲情。色連芳草綠，愁際莫江平。大隄閒立久，無復玉驄聲。靡蕪葉復齊

葉葉關春思，青青恨已齊。香盈上山徑，烟開半路溪。新萸未忍摘，舊約復成啼。看余衝薄步，芳澤惜空攜。水溢芙蓉沼

昨夜雨聲春，新浮碧沼蘋。鴛飛仍共影，魚戲不驚人。花氣通泉脈，波光漾月輪。他時採蓮唱，應遇洛川神。花飛桃李蹊

獨遊還獨憶，堪見萬花飛。樹曉羣鶯散，林空一徑微。垂街問鄰女，羞淚看文嬌。欲作無言喻，真成獠亂歸。採桑秦氏女

十五佩明珠，曾彈陌上桑。柔條復婀娜，愁思滿流光。蠶飢淚眼瘦，葉嫩紫繡香。行人莫相看，別後損紅妝。織錦寶家妻

關山別蕩子

一幅繡襦錦，君看寸寸絲。春霞紅曠手，秋雨翠顰眉。停梭未拋恨，成匹慙將離。不慘陽臺亂，思從漢水滄。

關中已千里，何憶有關山？
易作庭前別，難期蕩子還。月明寒一望，雲低見七盤。歸路看迢遞，方知妾夢難。

關中已千里，何憶有關山？易作庭前別，難期蕩子還。月明寒一望，雲低見七盤。歸路看迢遞，方知妾夢難。

風月守空閨

紅闌青瑣中，獨處自然空。悄悄常眠怯，盈盈坐亦慵。珠戶風開合，閒窗月始終。軍中五更轉，飛夢在遼東。

恒斂千金笑

當年倚嬌愛，一笑已千金。惜別眉長斂，無言思漸深。垂鬟自窈窕，獨坐轉沉吟。非關比松柏，長似怨商參。

長垂雙玉啼

羞作人前泣，無端淚已垂。瑩瑩浮粉見，的的點衣漚。凝眼光猶媚，侵妝宿更滋。欲知花濕露，試向鏡中窺。

盤龍隨鏡隱

窺鏡惜傳停，清塵暗已生。常時玉臺畔，無限畫眉情。龍起雲真掩，花盤月未明。自憐今骨出，無復舊波橫。

彩鳳逐帷低

翩翩雙鳳帷，是妾嫁時隨。今看彩色故，仍自背燈垂。欲去非無翼，將眠怯自披。但令無月照，知不共雲飛。

驚魂同夜鶻

驚魂同夜鶻

離魂長寂寂，無夢忽然驚。正有南飛鵲，能傳永夜情。風來方顧影，燈暗欲移檠。雙宿猶難穩，當知妾恨生。
倦寢聽晨雞

窗雞再三唱，長夜總難長。半寢頻移枕，傳聲不報春。猶思合歡夢，終作暗中盟。幾時函谷外，同駕度車輪。
暗牖縣蛛網

珠簾向春臺，思君久不開。雲母空明暗，蛛絲任往來。離心共搖曳，憑望惜裴回。朝朝占喜子，還誤掛金釵。
空梁落燕泥

閒門長晝掩，行處忍重窺。花落人無語，梁空燕不知。泥痕看點點，春思始遲遲。若逢初日照，終莫照雙離。
前年過代北

送君如昨日，數別是前年。不得雲中信，相思海上天。雪雲寒萬里，漢月過三邊。夢到常山望，平沙只浩然。
今歲往遼西

西番暫息塵，遼水又移軍。不知行遠近，翻喜誤傳聞。夢去尋難信，書來恨轉新。願從明主問，何日罷屯軍。
一去無還意

出門猶願語，暫別會應遠。祇疑君意改，非是妾緣慳。密約心能憶，高情遠莫攀。明知志弧矢，繆自盼刀環。
那能惜馬蹄

千里玉花驄，霜歸去若風。門前芳草路，何惜轡錦幪。柳垂絲嬝嬝，鈴動玉雌雌。沙漠那能久，春遊會許同。

晚夏見衰柳而歎之

柳生天隄上，春風生柳邊。一日無相待，美人方自憐。色雖榮雨後，意已落秋前。

鄱陽縣齋遲伯元

人去高齋冷，鳥啼獨坐聽。寒愁先落葉，秋步感空庭。王屋年年緣，湘流嫋嫋青。欲歸俱未得，搖瑟夜蓬冷。

雄劍篇贈別李伯元

雄劍不希世，炎氣騰紫霄。登城敵頭白，揮手明星搖。千秋神怪有離合，滿堂華燭風颯颯。此時起舞翻離觴，六月寒雲欲飛雪。彈劍辭君歸故山，白波九道流潺潺。請君直斬長鯨背，洗劍秋河明月寒。

鄱陽蓮塘夜泊

湖陰足水漲，百里滯旬日。風來陵陀靜，夜久坑岸出。遠近清星采，漣淪分月色。柴荆涼洗洗，梁稻背密密。旅人獨勞望，漁艇不我卽。

武羊渡

旅客猶在旅，兵符未解兵。此間非易水，荆卿自不平。龍生三苗亂，鶴唳一軍驚。橫流時蕩蕩，魂路乃營營。地分翼軫地，城危獸角城。申子猛氣盡，太守石排輕。嗟余危素殼，四劍抱流星。直言鉛可割，不謂粗難縈。誰知獨失路，流涕向新亭。

臨川西洲

晨風吹遊子，逶迤溯川折。畏塗常早泊，非能候風色。眺步得短杠，肅肅淨秋跡。村虛寂蕭條，敗屋稍橫柵。饑禽爭落梧，瘞犬臥寒石。汚泥壓死稻，鷄婦掘殘粒。糶掘終日閒，難謀一杯食。丁男盡逃徙，除此任漂泊。衣單天又寒，殘夏遘凜栗。溫涼既乖錯，復怪桃再實。干戈迫妖異，誰暇計時節。遠客獨嘆嗟，還船理歸楫。

袁口

南水流向章，清江夜潮白。秋岸佇涼襟，驚塵暫一息。川原有餘秀，星月清遠色。官城罷宵柝，漁火沈寒碧。估客且回舟，鎮戍誰荷戟？

夢伯元

昨反山林願憔悴，別君不語相見年。知君意氣感我厚，宵來追訪空江前。秋風夾道雲闌干，芙蓉迢遞梧桐殘。袖中縑素詔我讀，粉墨字隱文無端。風塵咫尺豺虎深，波浪慘憺蛟龍睡。劍氣能回壯士魂，儒冠不解平生意。月微星寒不可見，烏鵲驚飛翼難得。彭蠡東回江漢流，與君消息終無極。銅龍畫鼓天欲明，暫復相看忘顏色。

燕歌行

丞相堂前月正昏，將軍樹下足枯根。三時殺氣連關內，一朝秋信落吳門。南宮明照珠花蓋，北斗參差銀漢源。平昔少小不同居，如今離絕信使疏。借問綠熊曾賜席，誰共青鳥入獻書。明朝細柳按屯軍，蜂旗肅肅綉雙文。妾望軍中女子氣，君認江東故國雲。自從江東折楊柳，預恐空房人不守。南金翡翠寄張衡，東殿鴛鴦待延壽。蓬萊斗座不足道，珊瑚寶玦那能久。愁看刀環已不連，啼作珍珠試可穿。君言閨中無意氣，卻鞭驄馬動連錢。願學玄妃九天地，甯論素女一神仙。但得玉關同日返，不辭征戍動經年。

多難

歲月猶多難，干戈能遠遊。還持兩行淚，遙爲故人愁。薄夢侵殘夜，西風似舊秋。江湖空浩蕩，無路覓前游。

乾靈篇遙傷李樂平

乾靈不虛敵，網紀在當仁。睥睨百里鎮，淒涼一代人。滄海方橫蕩，羣公各致身。豈謂長星迫，君爲大義申。嗚呼河
洛氣，仙李貴高門。王屋稟餘秀，北斗應昌辰。以君當此度，少小慕經綸。繡衣承世閱，金珂照里閭。華髻能對日，寶林
自榮春。十九陵雲帖，長安觀國寶。公卿傳動色，文翰歎如神。帝識爲楨幹，詞章未等倫。再回天眷久，還侍掖西垣。橋
陵丹鼎上，江湖黃綬新。銀城前漢縣，銅印始臨民。瞻旌聞虎渡，綴翮見龍馴。佩牛初變俗，歌鳳必崇文。動山期獨斷，
帶月每親巡。未見桑麻被，俄驚燧火喧。百城愁不守，一令忽孤軍。大郡將誰寄，中流倚畀君。以茲方奉檄，履尾復批
鱗。奇計虛籌漢，吾謀不用秦。車鳴誓不返，裾牽甯更論。鷓鴣感夜哭，驄馬已朝屯。空市荒惟礫，創夷起在茵。慷慨單
車入，蕭條壯節存。田橫少死士，虞翻困盤根。裹革終成讖，椎心根不還。蛇矛始交失，龍淵躍有神。伊昔羅含訣，恭聞
沈成言。本朝襲渤海，非爲魯仲連。長纓志不就，金甲血猶寒。四海皆流散，悲君獨在難。生元痛先軫，軀幹泣陳安。汝
汝恥羣伍，冥冥失往歡。平生青玉案，當時大雅輪。董相天人究，南陽至性純。高心回碧海，眉宇見青雲。華星雖萬古，
靈露絕凄然。城崩杞婦哭，笄摩代郡冤。道重臣妻一，情終伉儷真。輝煌錦繡段，零落又招魂。三步徒虛語，空郊夢左
殷。餘生感疇昔，知己實夫君。豈曰終軍弱，將期鄧禹勛。高堂頌相召，滌子切懷親。因之慚鮑子，不敢許微身。已矣終
枯槁，何心向惡塵。文章亦見許，哀歎詎當聞。寂寂高樓月，悠悠吹笛鄰。何由喻愁恨，祇是寫悲辛。唯有青山骨，終當
舉此因。

春寒二月天，連陰零雨經。晝愁淫淫殿，風入戶聲相。僂端然坐，嘆無開襟。其時夜黑雲森森，不知何人思，悵悵登樓吹作橫笛音。客有能爲出塞吟，抗聲和唱如鏘金。或言虜騎窺郊林，將軍勇決衆所欽。昨來旌旗拂明星，意說破賊如射禽。部曲招要忽至今，揚徽避影遺敵擒。天子虛佇贊不箴，近聞春節免其任。選賢買才搜寶琛，在昔自貴同珎琳。朝廷重寄臣所忱，車驅馬馳更駸駸。錦甲新賜貂裘紅，代者何人持一心。畫一守轍方何參，疆鋒突騎來相尋。魏獅坐擁登高岑，就看落日光朱綬。亦有雄劍韜霜鏗，囊雖不出猶縣鉞。高張調苦不能嚼，草木悲嘯天說說。却旋起舞心崎嶇，咽聲欲斷夜欲深。念我平昔相量斟，少年過影嗟乾涔。往昔初陽歲，幸任意氣相當朋。蓋簪當時酒酣零露湛，春風滄蕩嘯桑鴛。仙籥怡悅來浮鱗，珊瑚寶玦翡翠衾。邯鄲俠游情所歎，百叩朗應如鳴砧。疾風一瞥如飛隼，近者千里懷江灣。况有幽感哀人琴，使我鬱鬱隨枯蟬。紫宸詔發清祥禳，思爲作歌歌慨鬻。百靈窺籬坐吟噓，三更急響聞淋淋。金石可裂天可譴，何爲不語空浮沉。爲君危涕不可禁。

從軍詩

白羽腰雕弓，朝夕夾道馳。僕本郡國士，非是羽林兒。無家迫衣食，懸募赴征期。軍中百不嫻，編伍荷長旗。刀劍各在手，不知當向誰。但恐復詐謬，夜散軍實虧。書生作統將，將詰來敵欺。

寒風吹北林，枯樹聲荒荒。兵戈苦相悲，遣將飭戎行。悲笳作邊聲，仰視天蒼蒼。三軍獨何求，卷跼而卻行。中道尙逗留，安得赴疆場。謀多令軍敗，中心如涓湯。我欲奮一割，爭命鬪弱強。將隨猛虎步，豈敢復雁翔。

做吳邁遠揚陽春曲

吳故擬古今復擬吳

百里望鄧亭，風塵起春色。山川共光影，草樹非一碧。如何當窗者，坐嘆金閨客。交疏生細網，青卸空苔跡。零雨無盡時，憮然望將夕。

贈婦詩

新婚三月婦還省，覲冠近閉城不得俱。還在縣赴府遣詩報之。

浮雲生飄雨，忽然相別離。清晨安歌地，薄暮已崩摧。俛仰從軍政，驚憂不遑私。嚴語城已封，惟車豈願歸。旁皇獨夜行，物色昏濛時。悲流激深谷，鳴我長相思。雙鸞語關關，振翼陵風飛。回翔失所與，空望夫何爲。

人生在憂患，際世甘屯蹇。高節雖自持，念子不能遠。端居俟良會，遙日坐春晚。寸心如車馬，馳逐復往反。春風又青陽，零露被蘭阪。芳香豈不懷，沈思無由展。

長別離

襄陽游俠兒，馳逐東風前。垂髫大隄上，春艸生兩邊。左挽綠沈弓，右控鶴血弦。依依雲中雁，攢毛墮連翩。銜我家中書，書來竟何年。見此忽憶歸，不忍射汝單。漢北非朔漠，中道遺傷殘。遠行多苦辛，笑謝諸少年。

折楊柳

東城門外柳，最與別相宜。明知心慊慊，故作影依依。君子自茲遠，春風不共吹。歸來白日晚，素手理羅衣。但得長相送，殷勤未敢辭。

至湘岸送皞臣

微路望青山，蒼蒼秋已夕。危世不傷離，各遠棲枳棘。饑鴻羨稻梁，窮雁阻南北。欲與辨鷗通，空江莫炎隔。

莫雨

莫雨疎疎過，清鐘了了聞。影驚槐葉去，涼趁竹枝分。獨坐徒多感，哀時且論文。愁心兼靜意，來往覺紛紛。

果臣約會將往適坐感秋因罷去作寄一首

日落風氣涼，方知秋已深。瀟瀟衆物意，獨來歸我心。攬之不盈懷，外慮久余侵。孤坐稍已靜，空堂復岑嶽。良友共此意，未面若開衿。興寄惜不再，寂寂存其音。飛雲有時棲，因之能幽尋。

秋興十九首

涼秋下空野，林木無時安。微風動密葉，策策見汝寒。春榮理必凋，早晚會萎殘。胡爲恃元化，迫我以愛患。日月善流遷，變故非一端。空抱萎蕙志，永愧松柏艷。悟彼南山人，嗒然涕已漣。

出門無所爲，峙嶂望周行。夕陽忽西匿，蕩然傷我情。去物非長留，寸心與之爭。衆人何穰穰，安知彼所成。寂寞資永幽，冥希辭世營。卽理有流運，吾其守微貞。

人生有新故，氣化長相交。轉移與流謝，兩者同其勞。不見林中葉，榮悴由終朝。藉來自零落，春至不敢凋。君子有觀化，歎怨以嘲嘲。甯知大運中，與物共遷遯。吾甯暇悲欣，守己自矜驕。

陽春未榮華，百卉共枯枝。一朝東風來，美色遂成私。芳菲各有性，誰能暫推移。徒聞怨搖落，不見感恩慈。光寵曠所加，思之令自嗟。

明明雲中月，照我修修樹。流光一西移，暗影悲空處。情過始依依，憂懷自茲數。早日不相逢，安知別離苦。

吾逢赤松子，自謂餐霞人。雲冠佩珠玉，宮闕皆金銀。服飾與眾頽，紛然累其身。神仙莫能度，炫美以汨真。嗜欲敗天道，千秋非我春。安能乞長年，增壽敵精神。不如從逍遙，汗浩游無垠。

盧敖遇下土，卷蛤療朝飢。口說至道方，茫然若烟迷。上哲與下愚，彼此於所知。兩者不相喻，安知其是非。鶴唳華池邊，氣與空秋爽。平生志江海，低羽歸塵鞅。蕭條送日月，傲睨方遠想。西風動商氣，中夜慕孤往。萬里不得翔，委回自慷慨。

秋蕤揚微英，冉冉陵霜時。細質豈違衆，開榮及天機。物情重偶得，唱和爲嘉辭。何用識隱德，但貴時所稀。至今東籬下，衆草不敢欺。方知萬物理，名至實乃歸。生民無賢愚，乘時始揚輝。

沿沿江漢流，鬱鬱蒼梧雲。日夕揚波洪，荒荒動平原。危機起暗昧，陰氣沍寒根。小人計功利，黽勉自勞勩。君子似不爾，但坐觀鬪紛。朔風送征鴻，千里望愁昏。一爲楚人歌，悲來難具論。

武昌昔王都，夏口相連衡。劉表工坐談，猶能制襄荆。小人易竊位，智小量則盈。徒擁兩大都，豈見一交兵。至今百萬衆，一散如流星。蕭條十里外，奔濤起風聲。

晨登黃鶴磯，遙望石鐘洲。浮洲不可見，磯水常東流。游漢不弭節，歸吳無橫舟。借問西來者，何爲召戈矛。軍中易水火，無端自相讎。多魚既漏師，治父亦空囚。誰能更守戰，但作貧寡憂。余非金貂子，難爲肉食謀。

佳人在燕趙，因依入玉房。朝從長樂游，既夕還昭陽。酣宴古所戒，少壯不可常。荒哉楚宋生，翩翩賦高唐。神女貢秀色，工諛媚後王。至今章華宮，歡樂殊未央。

陽春澤羣英，先榮桃李李。微華務開揚，零落固其理。如何差池燕，輕薄相依倚。良時忽如逝，逍遙安所止。淚落東陵園，瓜田盡荆杞。

平明登太華，慨然觀九州。烟霧半明晦，江海亂沈浮。仙人雲中鶴，獸影聲秋。道逢周王子，從我求靈修。中原既

傾覆，去去不可留。白日麗丹雘，玉女在瓊樓。俯視下城廓，茫然動煩憂。世人信多才，朝菌非遠謀。
堯城氣鬱鬱，唯舜乃囚之。黃屋緊至道，分疆隘王圻。諒無化人術，安能慕無爲。七聖已失途，白日誰能揮。尊榮不可居，君子慎其儀。

有兔恒爰爰，有雉必羅罫。吳唐既先敗，崇陶麗其凶。何必慕耿介，不得常從容。獨有一道士，坐嘯臨清風。朝亦無所思，莫亦無所從。帶甲常早眠，高枕聽霜鐘。吾欲訪其術，自愧非喬松。

清晨荷鋤出，艱難學田園。微風諳林表，初日光東軒。被裘還解裾，單衣有餘溫。春氣蘇萬物，已足慰劬勤。如何惰游士，荒時失天真。予生後巢由，不得齒農民。日莫行歸來，感激悲中原。

陶潛雖隱居，其氣常縱橫。門庭視草木，萬感來崢嶸。晉代已陵替，卑官念無成。歲月坐憔悴，豈不傷其生。遠松託孤懷，濁酒徒自傾。飢寒與醉飽，甯識達士情。

甲青墨廂巡撫

雀獸亂難忍，蚩蚩援已稀。武昌愁舊節，東市尙朝衣。赴急誰投袂，論兵恨失機。空城滿斜日，羸卒幾人歸。

亂後過赤壁詠古

傾國成孤注，艱難過上游。三分存國體，萬馬飲江流。天塹今無益，濤聲夜獨愁。寂寥餘半壁，心折對沙鷗。

題豐樂亭移辛夷

人行武昌城，瘦日連荒榛。空亭一登望，凄然廬舍存。飛鴉啼樹顛，聲苦獨我聞。深井不敢窺，新有烈士魂。此邦邊三亂，有吏愁無民。軍書急徵求，羸老乞米薪。玉蘭盛時花，餘枿冬已新。且宜從我歸，或免兵火焚。

鸚鵡洲弔禰衡

世亂重高才，文士豈敢輕禰衡。生振孤鶩，笑傲傷人情。黃公何爲者？乃負殺士名。奇節不可辱，足使英雄驚。末俗貴
靜謙，俛仰愁攀牽。憑高望江波，洶涌尙不平。千載茫茫遠，徒聞長嘆聲。

江夏贈別黃淳熙

世人貴奇士，凡鳥趨鳳皇。自無千里心，空復慕高翔。夫子屨一官，虛譽衆口揚。傲脫褒衣人，此意非彼量。掉首乃
辭去，崎嶇於鄂湘。大江動我前，陰氣沍重霜。鷄鳴赴壯志，安得不愴悵。吾亦滄落人，空手難爲良。荆和抱白玉，三年
泣窮岡。一爲明堂寶，足令笑者傷。

天門行送夏獻謨

朔風浙浙飄客衣，洞庭波遠白日微。扁舟夜泊接深語，當我與君初見時。神駒汗血已獨異，豪鷹振翮知難追。書
生勇氣黃驄馬，去年解剝章門下。危城鬪將不相讓，事後論功知者寡。人生會自有奇遇，脫屣南來亦蕭灑。驚塵飛
箭空自知，蹈海分珪吾肯捨。功名富貴草頭露，不見長江向西寫。天門大野愁雲昏，中有君家壯士魂。艱難遠道謀
歸骨，慷慨從來不計恩。潯陽東下聞鼙鼓，力盡孤軍遇強虜。烈士非無戎馬策，平生肯與簪纓伍。自信伴狂託避時，
按劍投珠心獨苦。傾危大廈須長材，豈子成名何足數。琉璃酌酒浮青雲，衆賓醒醉徒紛紛。雪摧枯樹蟄龍死，風急
菖蒲孤雁聞。懷中奇寶慎自惜，相期射虎南山原。

晴川閣

重閣明秋色，飛梯歷漢臯。手招黃鶴去，身與片雲高。亂後山魍魎，霜前古木號。朱闌舊憑處，祇是長蓬蒿。

月夜

缺月生殘夜，天涯自覺寒。繡簾深不卷，玉鏡豈同看。影破愁仍滿，衾虛夢總難。多情宜小病，閒睡憶前歡。西望長沙水，從天向此來。月光寒落不，霜氣坐相推。大野風難定，高樓笛易哀。亂離無驛使，辛苦折江梅。

仍聞

黃鶴樓邊月，流光每到衣。暮鴉仍不定，孤雁幸知歸。寂寞心難退，風塵事漸非。仍聞九江郡，持久未巡圍。力盡關山永，天寒雨雪俱。暮江風自急，飢鳥夜相呼。鼓角荒城大，期門落日孤。東征好身手，獨有蔣昌楮。傳道臨邊將，嚴兵亦自難。孤城驚草木，迴日動波瀾。率盜爾何意，長途風正寒。疲軍逼歲暮，水陸執多端。

關山月

胡天九月行人絕，胡茄半夜悲風發。孤城高高月滿樓，大漠昏昏沙似雪。清輝苦冷零露薄，哀哀鴻雁怨關山。營邊漢卒擁衾竊，帳下吳姬掩淚彈。五陵少年慣歌舞，自見月明無此苦。明朝取印還嫖姚，免作年年別鄉土。

羽林闈人曲

上林二月桃李花，紫閣紅樓對狹斜。金釵小婦惜年少，當窗理髮調琵琶。夫婿爲郎才十七，朝遞綠牌名第一。銅鏡正午下明光，花底更衣不輕出。漢家法宮朝四夷，單于侍子留京師。錦衣騎馬面如玉，昨日承恩尙主歸。當時卻笑昭君弱，自肯將身出沙漠。朱門晝靜無風塵，翻取胡笳爲漢樂。

少年行

長樂鳴鐘初日春，博陵宮俠遠宮門。燕脂在頰酒香凝，自言夜御邯鄲人。小袖黃衫綵疆指，揚鞭坐叱車塵起。朝延無事歡樂多，生長長游九門裏。昨聞臺省推卿僚，御園遷除班更高。六曹文書空過目，三省諸郎見折腰。漢皇好文兼好武，布衣枉欲干明主。翰林新自外班來，都統仍歸尚書府。

棗子曲

鄱陽戀園，舊爲冶游之地，琵琶勸酒者，且百餘女。壬子夏，嘗從酒徒輩遊其處，笙歌既合，各有所以侑坐者。余時未婚，羞於履屨，適有十五女郎，抱病未妝，姑指以塞衆意。俄而此女至，垂鬟愀然，辭不理曲。時長日，酒多意倦，久坐獨倚几熏香，以待酒散而已。明年在樂平，則有使來稱，前女郎遭致問，及過客往傳說此事，云有匱盟之請。後一月復書詣余，封髮寄焉。余因謂使曰：「髮前易長，若能斷指示信，當以桃葉迎汝。」使笑而去，自此亦不復至矣。余嘗誦李義山柳枝詞，感於結帶之贈，今事不足論，亦何惜飾之文詞，以欺好事乎？又明年，與閨人讀樂府歌詞，乃取其小名而詩之。

胡姬雙鬢翠玲瓏，天桃作面顏始紅。朝來病起不梳鬢，門前立地看春風。華年如烟惜不嫁，封香密寄吳羅帕。夢中微笑似有情，鏡裏抽簪常自畫。幽蘭啼眼清如水，屏山夜色燕支紫。卷籠抱月彈作雲，沈香宿火雙烟起。湖邊種蓮東種棗，六月細花黃嫋嫋。大隄石子彈馬蹏，綠楊風定相思曉。

除夕登岳陽樓贈岳州府魁聯使君

爰居視海色，風寒氣不振。側羽清漢旁，棲影岳陽門。高樓百層上，豁達臨湘沅。重湖浩茫茫，舟楫盡東奔。巴邱梗吳蜀，帶甲阻兵屯。雄城既失成，江渚亦迷津。歲晚人意疲，木落潮霧昏。當時指揮地，豈謂華飾新。屏垣寄賢守，凋瘵

感遺民，將吹黍谷律，還歌北渚蘋。

正月十四日送湘之擬湘東春別四首

陽春初月東風吹，細草黃金能作絲；江邊行客復大急，不分春歸那許遲。
四角雲光水作月，錦筵畫船如行雪；孤鴻不自知別離，照影橫令一時絕。
青旂錦纜向中路，影落星江不知曙；懷君恨君不能留，願得將身作霜露。
霜露朝朝在行衣，惟愁日出當復歸；日日與君有離別，不如忍憶一回辭。

龍生行送皞臣往南昌兼送李篁先

龍生別我當爲客，青波平掛章江席；同時李子亦好遊，書劍蒼茫無所適。
春夜迢迢接深語，此時愁坐揚雲宅；兩君三十同不官，大壑良材天所惜。
東南民氣復蕭瑟，此時誰有匡時策；高名落拓難棄置，猶與諸侯掌書記。
洞庭有客方歸來，憔悴青衫不如意；械械芳洲弔禰衡，長江浪急空山平。
夏口蕭條託黃祖，庸才敢與孫郎爭；書生傲睨當時事，塞默無言有深意。
祇將詞賦掩奇才，肯向荊州出奇計；文章得禍非所料，孔公嘆息曹公笑。
踰躄於今又一時，掉頭誓擬終屠釣；彭蠡湖外鼓聲死，狂風夜起黃州水。
堅壁同時走督師，旌節相望二千里；君今投分向人間，挾策何曾敢一言。
衣冠南渡荆揚遠，鼓角西來江漢翻；黃昏塵滿別雲暗，送子歸來方閉門。

弔陳通山景雍

寒波回洞庭，落日望通山；沈思闕凄響，追念有餘嘆。
婉婉我君子，出宰履世艱；秦消隱賢軌，貞厲隕高翰。
陷刃實仁勇，雍名惜微官；宿昔厠七賢，神期緬前歡。
如何一俯仰，便作生死間；宿草易春榮，劍樹無時攀。
慟哭送哀淚，不得

沾墳藉，初疑酒壚止，滯往非達觀。傷感深孤懷，忘情獨良難。沈飲亦能御，矧予棄殘涓。朝露本脆促，閔凶信非冤。物盡孰已滅，虛名復何安。焉用千載下，哀榮飾棺戴。思城門別心，竭詞亦殫。

擬鮑明遠行路難

金尊白玉盤，請君罷酒歌路難。欲令四坐分此苦，涕緣纓下摧心肝。孟嘗昔聞雍門曲，眼前華屋生荆菅。丈夫意氣不可料，安能獨慙復孤嘆。

班姬昔日承恩時，長門金屋百不知。年年月月少顏色，遙遙夜夜悲別離。室中瑤琴見之嘆，玉柱金徽滿懷怨。共知恩重良易絕，翻恨弦輕不能斷。憶昔卷衣來玉牀，何言且夕變炎涼。昭陽新人夜念此，危心息意待君王。君不見孤楊樹上孤棲燕，失侶嗚啾君不見。昔時朱戶文綺疏，古時歌吹今邱墟。豪華反覆一俄頃，况我離別海上居。經年雙飛誤還此，少年挾彈腰鹿丸。一出不可返，單雄碎翅沈泥塗。正憶去年珠箔裏，近人整鬪徐且舒。華堂錦障苦爲累，主人去我庭階蕪。荒田野宿得自恣，甯作長流水中鳧。

百尺桐生金井旁，玉作寒泉酒根底。鹿盧一轉一惆悵，使我憔悴西風裏。洛陽名工制作琴，徽以齊弦合宮徵。豈憶當年霜露時，同根苦樂之相倚。美人誤向井上彈，故根枯倒依井闌。升沈新故有如此，急弦哀響爲君嘆。中庭桑樹枝，葉葉復離離。別時與君手種此，此樹長成君未回。閨中獨宿夜獨織，采葉繅繭爲君衣。不願君身稱長短，願得衣到人已歸。忽聞隣婦中夜泣，使妾方寸無所裁。

南山黃柏中作琴，燕人揄袖成輕音。主人但知此曲樂，安能明我中苦心。君不見柏梁銅臺高會日，交戟離宮人辟易。至今樵采上邱墟，斫樹作薪人不惜。從來賁賤如轉丸，眼前何用生波瀾。高張急調喻者少，請君南望北邙山。長安陌頭金貝鞍，健兒馳逐黃塵間。搗鞭一去萬餘里，少年不識行路難。避慳懷刃向遼海，歸來故里成新肝。吳

難白髮邊不出。涕零雨而思故。人生少壯不爲樂。安能隨處得朱顏。

東飛伯勞西飛燕。舊寵新歡不相見。昔我初入深宮時。何悟朱顏有衰變。傾心倚愛無所留。翠眉明澹獨相羨。黃河今年猶一清。人事崎嶇不如願。初疑一旦成山河。安知積漸如霜霰。匣中明鏡繡作衣。照我憔悴爲我悲。不惜與君共棄置。貴欲知人年少時。

擬傅玄歷九秋篇一首

會今日兮良辰。交酬奉主及賓。邯鄲進技入神。發音飛響細均。感君相知見親。(其一)
結玉佩兮瓊瑤。徒倚裴回坐隅。春秋遞嬗時渝。花銷葉零香徂。日月翻翩不居。(其二)
攬蘭葉兮長嘯。微心如妾無端。西月側軒夜寒。安能無根自安。託君奉愛承歡。(其三)
妾婉弱兮多憂。工壻巧笑能愁。持巾冉冉相酬。江漢經天合流。千里萬里同遊。(其四)
揚妙舞兮回波。流聲送意情多。輕容旋袖形羅。如矜若恍不蹉。四坐當筵獨歌。(其五)
君目成兮言工。合心照意同雙。譬如西日映東。一身一影相從。片詞片念無終。(其六)
情既合兮悲來。如珉在佩復開。世情新故相催。保君厚愛無猜。委軀持義投懷。(其七)
收墮珥兮在席。盛年一逝難得。明鏡照君相憶。留豔搖光不息。追電逐星靡值。(其八)
感君恩兮已秋。新愛當前自羞。願步回妝逗留。何能遠絕甘尤。君戀戀心無休。(其九)
昔贈妾兮明珠。當胸著組系襦。意欲還君時。宛轉尋心有餘。同寒共暖相須。(其十)
松與柏兮久要。妾年衰盛一朝。未壯猶少已凋。安得長見垂髫。如君百歲不祧。(其十一)
情不短兮歌長。今日相樂難忘。及時歡宴未央。毋爲善感多防。持觴欲飲增傷。(其十二)

春游曲

青袍驄馬雙行日，春氣隨人無數尺。近山遠山連水明，深林淺林間花碧。道旁女見坐青春，紅脣愁勻脂愁著人。垂楊別出青門身，一道相思持贈君。

詠紅藥苗

情人將豔影，相伴望春華。疏庭通日細，芳階含露斜。葉葉雲新懷，依依離故芽。垂鬟早相識，微笑出東家。女諶先爲贈，驕饒不待花。

擬王元長詠燈

上客分瑤席，佳麗照參差。雙花並頭蕊，百子九微枝。微情未可滅，流光詎忍吹。分移玉房裏，嬌羞方共知。

擬謝宣遠張子房詩

賢功緯八紘，治德驪百王。佐時豈不淑，微管寄一匡。蒼靈顧宅眷，定幕實膺將。神符契繁策，天步改鳳光。灑落動昭融，風流冠軍行。籌著關成敗，躡履悟興亡。夷秦弭虎視，卜陝遂龍驪。俶功非始福，指發善終藏。臥招綺舳出，坐泣韓彭劍。神龍虛樹收，效冀甄良。皇心穆閭鴻，蒼宇啓庭闈。匪繁懷借才，馭柄願躋康。文楨濟多士，觀典詠周行。榮河續先瑞，憲武載雲揚。帷幄伊何寄，展能邁羣襄。微生預珥豪，局促愧無梁。仰占卿綬華，旁綴條畿疆。希古如可蹤，逢時慶依昌。陪寮瞻盛儀，高步庶兩頡。丹青不渝勛，顯勳爲弛張。

武岡同保仙苑寺

芳辰無近尋，林薄慙幽趾。瞻巖契仙棧，轉石漱清泚。高梧上離離，輕藤下纏纏。鳥鳴綠陰外，山納疏窗裏。雲構自回環，修虛塞寒誰工削成壁。空青自然關，靜綠結遙樹。冲襟激深湍，情閑易爲賞。塵纏誰與刪，下築余何羨。布穀飛平田，微風山徑冥。惟言樵采還。

夫夷水曲巘石臨流近城游眺時往愒焉辛眉題曰葦漪各賦一首

淵魚非慕水，真性不在山。神識偶然會，因緣遂相關。冥照雖無貪，適興得所閑。所以爲此名，後復得此難。千載事日新，知我茲往還。

紫苑洲坐月

月明山始烟，露下江已秋。潭波影深樹，參差共悠悠。夜岸隔人語，清歌答谿流。微燈若流螢，隱見涼夜幽。卽此在塵外，何時從釣舟？

擬傷離新體

行行重行行，持轡望關城。昨向高樓宿，今同蕩子征。本自多別離，歷亂遣人思。春花正迎轡，春水復漸帷。晨風歇香秋，胡笳送酒卮。南轍傷并騎，北枕驚越枝。前瞻山色盡，後屬路塵飛。杏梁此時明月多，梁間月下斂雙蛾。的的琴弦怨，深深子夜歌。昔耶沒履跡，憚耀代銅荷。詎可傳聞經歲別，但言須復早時過。啼鳥到頭識更漏，庭前垂楊不如舊。舊日楊柳舊庭前，還勞心憶共心憐。張望臨江旁，落景多流光。家中蠶繭己能老，邊地條桑今許長。鬱金堂前留燕子，朱鳥窗間傳鳳皇。臨江不能渡，關山問來處。無信寄尺書，聞秋擣紈素。流黃易成匹，團扇終如故。當君下機時，知我迴勝路。

觀穫

村農雖謀食，安命不憂貧。力田豈無逢，穫稻及茲辰。清朝集南畝，客作如嚴賓。歸來茅茨下，飽食慰劬勤。濁醪久已備，祭後約比鄰。婦子同此樂，衣服亦暫新。歎然數日閒，不異上古民。余無南畝勞，所愧爲主人。家租復能幾，王稅亦多恩。所期愛粒粟，豈欲實倉囤。軍興州郡疲，念此感慨頻。

怨詩

明月皎疏寮，徘徊照君心。空帷情虛無，闔室常獨陰。初爲五日期，三秋尙孤衾。晨妝對芳池，涼藻帶華濤。鮮翠依彫欄，嘉鮪竹清琴。願因梁塵起，飛怨繞君襟。回風復吹椒，誰能聽餘音。

避地明岡詠涓水旁諸山

疊嶽含隱秀，高人良在茲。陂道玩曲折，歸雲共逶迤。夕陰楓葉明，曉露蘆雁低。寒來慙餘芳，節往愆新離。折瓊眷孤遊，停策澹所思。杉柏合圓洲，清流泛無緇。入山何必深，寄興屬此時。

遙傷范元亨質侯

范生有淳性，所困在窮數。深心向玄理，潛精允幽莫。壽夭皆不明，中道促纒馭。大觀達物論，三命無貪慕。損益豈在身，糾纏難再藉。其一昔子與我聞千里，隔良晤，形骸信外觀，在遠道彌固。如何一辰意，併作千秋遇。想音音不存，思影影非故。何時見范侯，惆悵寫情襟。其二長歎阻遐征，彷彿觀容聲。空持篋笥書，慙慙見生平。執拂尙無期，何由寫余誠。嚴霜轉車出，送子以遠情。歸化既有息，歌哭非我貞。莊周嘆惠子，君子感狂生。收淚覽至論，遺翰書茲

亮(其三)

立冬日感懷十二首

帝曆頡元朔，蓬宮奏禱祈，再占星晝李，驚見水羣飛；太史濤雲數，西曹直諫稀，天心眷皇德，修省在形闕。
列地諸侯賈，高天制詔遙，出車仍五道，挽粟截千艘，屬國春無賈，平臺晚能朝，樞廷奏邊事，退食每言勞。
豐豫愁寒汎，巫變接旱雲，豺狼殊自遠，鴻雁急相聞，恨望宣房曲，韻難喻蜀文，未須勞卜式，黃屋正憂勤。
銅鼓通滇蜀，偏隔近若何，舞千懷禹績，鳴鑼苗歌十省今，傳檄三藩舊，止戈照雍太平日，修德萬邦和。
吳楚誠多事，河山尙力征，長波千里道，落日九江城，喜見孤軍出，愁空上將營，金陵氣消歇，悽惻問兵情。
桂水通波下，湘川盡日流，戍兵猶破膽，領郡得無憂，穴蠹成空門，縣車未遠謀，樓船斷往來，虛可將梁侯。
已見鳴弓急，仍聞授鉞行，淮河守天塹，陝洛衛神京，屬望歸宗子，親賢重與兵，幽燕固根本，惟是算緡征。
國有強枝幹，臣思昔俊賢，鑿門親奉律，買轎詔屯田，白骨多兵鬼，黃金問海仙，武功文德在，蒼老重凄然。
百里茶陵道，提封錯犬牙，連雲無戰格，夕火照長沙，山谷晚聞哭，桃梨秋更花，看命虎氣炯，炯動霜華。
此地昔征戰，孤雲寒敵臺，論兵敢自惜，憂亂愧多才，冥漠天難問，經過夢亦哀，暫須同野老，排日醉殘杯。
獨客行吟晚，荒村被雨涼，日黃沙漠漠，風急野蒼蒼，去水來無際，空山迥自傷，翻思洞庭晚，孤棹送蒼茫。
傍舍分茅屋，青山過往頻，夕陽殊歷歷，秋水共粼粼，市小稀聞亂，年豐不厭貧，稻林幽與足，搖落又愁人。

冬雨寄懷龍李鄧高

沈陰結朝昏，寤寐何爲哉，寒雨將朔風，蒼涼向層臺，羣山合微漠，所感無青荑，豈無松竹榮，菁菁不能開，霜霰久

已厲，獨立清且哀，求仁既自我，愴惻悲楚材，孤憤和衆心，激烈平生懷。

薄莫增遠寒，玄雲冠層霄，虛庭接陰檐，前林悴陽條，端居一身外，牽情共蕭蕭，水深川梁曠，夜色涵江濤，寒裳不能厲，裴回念同袍，晨風懸北林，朔馬嘶南交，積霰灼遙景，永路愁孤翔，鴻鵠濕不飛，爰居風自號，甯憶仲蔚子，窮居滿蓬蒿。

彌之過敝縣止而觴之建福寺見贈長歌和作一首

北風吹沙雨濕面，行子孤舟罷歡宴，故人昏莫馬上來，人事崎嶇一相見，沙頭老卒寒吹角，江畔征旗色鄙練，借問居人道愁苦，戍火倉皇掣驚電，遠行吉日那如意，寸步荆棘過州縣，市中十室九閉門，杖策何心事游衍，苦道相逢不易得，強攜杯酒開禪院，冷泠修竹當廢池，寂寂回廊繞空殿，瘦石幽花惱竹屐，茗飲魚羹分淨饌，鄧生初筮顏色開，酣酒倒側黃金罍，斜陽高樹動秋色，回森灑灑吹青苔，金商激烈赴絲竹，妙歌和唱清且哀，亂離此曲聽者寡，落葉滿眼幽禽猜，東南五載困兵燹，道路百里生蒿萊，山林朝市兩曠，往往奔走隨黃埃，請看淨土尙焚香，龍象泣血種殘灰，君今一官掛朝籍，余獨坎壈歸山隈，攜琴把酒誓爲樂，促坐握手行裴回，憶昔城南共明燭，此事愴怛難重諧，銀盤行炙未終席，涼月搖光照羅薛，漏鼓沈沈衆賓醉，相看不欲空蕭瑟，已經喪亂憂時危，更傷杯酒生別離，歡娛少壯苦未足，行役風塵更莫辭，新詩激昂感壯士，夜舟火滅寒江遲，昭潭寂寞橋柚晚，寶方迢遞芝蘭悲，明朝掛席背湘水，去住茫茫空爾思。

寄懷辛眉

空山霜氣深，落月千里陰，之子未高臥，相思共此心，一夜梧桐老，聞君江上琴。

對雪作

衡樓契清冷，開荆有餘暇。寥寥帶空雲，翳翳集寒霰。飛囊皓已盈，物象光不遠。凝輝暮彌照，送懷風常卷。歲晚生理窮，林柯忽榮蒨。獨有嶺上松，貞秀卓高建。竹柏亦清貞，山水相縈眩。依襟固忘寒，命酒宜相勸。塵中暫遺處，誰能臥連卷。

傷余肇銓子徵

余子不婚宦，終然天此生。家貧宜學道，身弱敢爭名。只自安耕鑿，因之調性情。煎膏非有役，齊物理難明。開歲過君里，飛雲翳客程。茲辰竟長往，逝水泊無聲。夢影何倉卒，交親憶久盟。嗟余徒作友，遺後已漸兄。且復傷多壘，何須嘆九京。來魂未冥漠，知我獨睜睜。

梅花

寂寂江梅樹，垂垂歲暮時。雪深除夢到，香遠隔烟知。花落飲微醉，月明空所思。寒山徑千里，春思託將離。

和詠瓶中梅花

隔簾望朝雨，回首見梅花。曉暈輕紅頰，香肌萼綠華。春寒滿虛室，別怨擁行車。莫惜妝成笑，金釵試一斜。

同婦賦得懶眠

午倦怯回身，玉牀嬌不倚。先愁夢未成，更被人催起。稍覺金釵重，應知寒袂薄。旁邊底相喚，一武已愁難。

除夕前一日立春

春雪罷霏微，東風入綵衣。舊時梅樹上，新作數花飛。詩思經年滿，春光及夜歸。綺尊迎餞續，應早報芳菲。

待曉將別

淺別愁消酒，深寒夜入衣。壁燈青向盡，曉樹綠如歸。歷歷春相見，遙遙夢恐稀。向門楊柳在，勞爾送征騅。

春別離

梅樹北江春，楊柳東湖水。樓上別離人，細語春風裏。春風上大隄，初日照羅衣。吹簫一回首，垂玉兩行啼。君行向芳草，妾夢天涯道。何許似人心，隔浦鴛鴦鳥。昔日石尤風，如今不能作。日日在江頭，惟聞估客樂。相送石城彎，行船終未還。不願篙櫓折，恐君行路難。憶我出門時，春山烟樹迷。何須贈紅豆，妾本慣相思。思君情未極，遙遙問消息。安得海上方，休糧不相憶。聞道江水深，欲夢愁人心。一夜月光滿，蕭蕭煖歎吟。春闈春欲晚，行車行更遠。燕燕莫雙棲，且待征人返。

當爐曲

當爐女兒坐春陽，欲言不言淚霑裳。春風吹腰學楊柳，盈盈十五嬌君旁。桃花在筵月將落，始奏別瑟傳金觴。金觴未盡江潮生，妾歌未半君當行。君行急，歌轉遲，垂素手，低蛾眉。蛾眉意不揚，驄馬一時去，三日餘音空繞梁。

今別離

別來五日春水生，桃枝或碧花欲明。開簾望東風，遠近傷我情。君腸斷，妾心老，繡衣羅裳著春早，愁如繡雨連嬌。

草。去年離別爲始啼，今年啼爲別處飛，垂楊復何心，從風飄絮來天涯，浮雲皎月意不盡，絕思還空帷。

有所思

所思竟何在？乃在太山陰，何用相記憶？明月霜天南，明月飛鏡照我心，青碧睽睽明珠簪，明珠生處月西頰，賤妾顏色無所依，湘江未枯竹未死，但有年年垂淚時，晨星稀兮秋風清，東方日出青樓驚，卷玉簾而嘆息，似斑姬之平生，人生少年與君別，繁霜墜墀兩心絕。

送人歸武昌

寂寂思江漢，尊前罷楚歌，故家喬木盡，孤棹夕陽多，旅夢愁先到，春風不重過，月湖隄上柳，啼眼奈愁何？

又送

久客終無藉，今歸亦自迷，亂山疲馬去，春雨一鳩啼，舊恨空江水，餘生視柳稊，不知鄉國路，祇是聽征鼙。

戰城南

戰城南，死郭西，士卒禮不葬，安得不爲泥？烏鳶甘腐腸，日暮環我嗚，生時不自飽，身死何能充爾飢？但見陰雨濕枯草，白骨青且黃，春風淒淒山樹唐，唐敗馬識金鼓，三五歸故營，將軍起嘆息，日莫愁角聲，思欲再戰安可得？思欲歸鄉，故鄉誠可思，里門且開，鷄不夜飛。

臨江節士歌

曼胡纓冠，渾脫舞劍，作星辰，洗秋雨，匣中一夜作龍吟，烈士聞之淚如雨，鴻雁將落葉，雙下單于臺，念此將萬里，

一步一徘徊。胡中少年心羽箭，到死不知離別哀。鬪弓射雲供一笑，萬古不復能雙飛。閨中思婦見孤雁，攢心雪涕臨空階。如我遠行人，一去無時回。撫長劍，歌烈士，人生離合非我心，甘向天山雪中死。城頭胡月夜生暈，中軍鼓士不起，劍兮劍兮知我心，爾能隨我渡遼海，不斬長鯨頭，何顏報君子？

逢武陵使寄劉采九

湘春門外柳，迢遞每迎春。不見劉生久，初逢亂後人。新詩徒自賞，今日更知貧。願子懷珠玉，時危益愛身。

寄龍李京師

客路艸芊芊，離心落照前。若無愁送日，難可別經年。御苑春風過，朱陵夜月懸。旅人俱不夢，悵望碧雲邊。白髮思千里，深山聽穉歸。莫將宮錦服，遞換老萊衣。信使愁空到，江湖夢久違。征騶待秋發，鴻雁最南飛。

春思寄婦

門外青青草，雲低一半陰。不知春已暮，惟向雨中深。遠道勞相憶，高樓見此心。分明碧潭外，微路可重尋。近來離別慣，歸夢不能多。每聽流鶯語，知君斂翠蛾。春生楊柳外，江隔洞庭波。思與落花去，浮沈可奈何？

雉子斑

雉子斑，耿介文。雌雄相隨勛氣振，騁陸離，光我羣。依託神風爲我君。黃鶴雖有德，未飽常思飛。雉子五色身，碎首心不疑。不知何鳩鳩，佻巧勸我歸。雉歸來，麥隴旁，身雖安樂居，曾不如隨風皇。

楊白花

門前楊柳枝，相望湘江水。辛苦弄舟人，夜夜烟波裏。楊花盡冥冥，妾醉君獨醒。東風吹花作微雪，此時捲夢難分明。今朝燕子不銜去，明日浮萍滿洞庭。

雜詩

遲月半宵窗，娟娟夢初醒。佳人處蘭室，滅燭思離情。幽戶無外響，微風有餘聲。屣履安所之，虛心對空庭。淚爲玉枕滋，恨與瓊樹零。徒聞曉來雁，肅肅且孤征。

灼灼苑童花，弱蒂搖春姿。自非青松節，焉得陵秋時。常恐鷓鴣鳴，不復同蘭芝。聞君念我寒，日莫自修持。歲晚安足論，但恐軒車遲。君子恩未及，涼風厲餘威。既來攬空條，嘆息亦何施。豈曰無蕭艾，非君之所期。

風吹彭蠡波，日落潯陽臺。鼓吹無遺音，壯士悵徘徊。張公兩龍劍，神物已復薶。落葉千里心，蕭蕭向西來。念我同胞人，孤心恨如灰。誰能歌國殤，郢路有時開。

黃鶴無六翮，下與燕雀儔。嗷嗷九臯中，意不如周周。思欲一彷徨，靈曜忽西流。一朝布衣人，撫劍觀九州。借問當路子，全圖在克謀。盤石失秦山，未若登蟻邱。今君守廚羅，藪澤欲何求。

燕巢高堂中，所託誠亦微。啾啾藻井旁，常恐彫楹摧。榮華有衰謝，但恐時命乖。蕭條柏梁宮，倉卒建章臺。鑿窟植周室，誰云非我哀。

出門望千里，千里安可知。豈爲目中見，曠蕩良有之。寸心若懷陰，冥色相委蛇。浮雲尙異鄉，焉得通我辭。誰謂川無梁，舟楫味所施。本無佳人約，徒倚自生疑。森風激高輪，疲馬莫思歸。彼土非吾習，塗窮當見斯。

新秧

布穀日夜飛，川原藹如畫。晨風榮新秧，衆綠失秀色。織絨望若前，茸茸間成埒。雨晴映俱鮮，雲陰蓋將夕。殷勤農人願，慰此眼中澤。芳時喜溫和，生意滿阡陌。分栽期旬日，神神驗人力。

摘薔薇

摘花無所寄，紅豔委羅襪。忍見手中悴，難爲別後心。三嘆泣香影，送之還舊林。雖言離故葉，實得是同岑。野徑空榮落，君當憶賞音。

憶山中草

芳草尋舊山，希陽散春遠。春風不到處，客思繇繇滿。新禽既雙下，馴犢常俱返。開門桃花落，照水蒲牙展。惟有寸心遙，空言離別淺。

感舊詩

長焱送驚蓬，一息不相舍。獨有地下人，潛神能幽駕。春氣動空曲，芳草無高下。孤墳遙相望，墓木各已把。幻靈亦終窮，悲歌何爲者。蟬蛄鳴陰巖，似欲傷代謝。仰視隴上松，千載若朝夜。形神更相役，倏短俱隨化。及我有生時，歌哭時一寫。

玩月作

感彼蓉池詠，惜此清夜歌。華風奉輕冷，言游北山阿。嘉樹夏成陰，鬱鬱交珍柯。飛橋曳平烟，宿燕起差池。初月靜餘光，列宿共清和。有來豈非適，無涯亦云多。極意隨象化，憂樂將如何。

七夕立秋作一首

風靜玉階迥，露下銀河深。靈匹眷嘉會，素節赴商吟。步櫺循長屣，移序緬孤襟。彌年既憾昔，重歡非自今。修渚猶可涉，良時逝難任。虛庭一葉下，微月千里陰。涼夜響初雁，淒聲帶城砧。曉駕怨星離，秋衣感莫心。俱懷別後期，佳覿好所悅。

夜半作

陳王繁霜賦，江生檐露篇。本自別離意，值此凋芳年。思蟲切清吟，孤鴻警悲弦。暗牖閉寥宸，輕帷起飄翩。情人識深夜，半寢追故歡。盛年無再華，遙憶坐九遷。迅節驚望舒，涼疾赴通川。湘瀕有雙燕，將別復回旋。戢恨空階上，送意三秋前。

八月十五夜至二十夜月

昔人愛秋月，圓明正相望。孰知清輝苦，久與秋宵長。歎輪自孤轉，飛鏡有餘光。冷冷時散風，娟娟夜升堂。繁星助徘徊，雲漢更空涼。延賞連隴夕，秋襟每懷霜。玉池波方靜，金鋪苔未黃。如何忘離思，佳賞不可常。

秋夜曲并序

夫白藏戒節，穹昊不獨尚其仁。素商一吹，陵谷不能榮其色。况萬物之暫寓，與吾人之勞處。欲忘情而蕩懷，將長懷而永嘆。是以我所思兮，平子有四愁之曲。悲哉氣也，楚臣驚九辯之心。未有秋而不傷，思而不寫者。已。然則登山臨水，情寄於眺望。迎雁送鳳，詞託於流連。雲日可以騁娛，風雨可以助恨。若夫開房夕清，啓金鋪而無見，空帷飄颺，惟玉琴之爲侶。傾聲則籟其索莫，履履而影成罔兩。蓋時莫感於秋時，秋莫怨於遙夜。

欲據斯嘆，有怒其懷。其詞曰：

秋風起兮客心危，江波驚流雲獨飛，枯蓬弱根不可依，斯螽戢吟蟬抱枝。桑桐未黃心已衰，西陽忽沈衆色微，昏鴉矜巢冥獨歸，明月未生河漢離，望遠不見心仿螢，步寥辰兮風入帷，懷寂寂兮蟲鳴悲，思美人兮夜長嘆，牀隅明鏡照我寒，感凋芳兮涕汎瀾，霜有黃菊春有蘭，生不同時又何怨？

窮秋瑟瑟關隴長，夢將歸兮芝蕙黃，鶴響露兮鳴清琅，懷余寤兮懷他鄉，思欲更往河無梁，思美人兮槍將旦，平林萋萋霜漫漫，攪余心兮不盈寸，極萬里兮何所願，耿疏懸兮悵時疑，欲明未明風颺颺，鷓鴣叫羣烏曉啼，我不愁思將何爲，哀鴻孤征不可息，今我奮飛兮將何極？

彌之領軍罷歸奉贈二首

南山有奇鳥，自謂鸞皇儔，適逢長風起，曠想陵九州。朝辭故山侶，下作塵中游，音響令人驚，燕雀起相讎。縣景桑榆閒，四顧嗚啾啾，木槿爭朝榮，靈椿競萬秋。得時各匪俛，失勢共沈浮，物論故不齊，安能慰我憂？

生平好絃歌，危世樹清名，初願不克從，秉羽事長征。棲棲六月內，鼓角發炎聲，蕭蕭灰日光，但見旆與旌。權家非吾寶，豈不慎維兵，國恥未終雪，小人不皇甯。園葵傾太陽，道遠效微誠，幽身隔天路，俯仰惕慙驚。幸藏鉛刀用，無侈一割榮，寄言養食者，君當謝請纓。

夜半送客

宵駕尋野烟，前山暗深樹，隔岸聞犬聲，知君渡江去。秋夜螢火稀，孤光引歸路。

出門

出門徒行立，望遠欲悲歌。落日客愁盡，清秋詩思多。疏鐘送歸鳥，微雨徧殘荷。因問忘機者，聞居意若何？
不寐

微風秋過席，無月夜明樓。只自成無寐，誰能更遠愁？曉光隨雁至，閨夢接湘流。芳草休重綠，王孫惜此留。
夜月過去年與彌之別地

露冷百蟲吟，藤花晚更深。泛舟通澗語，孤坐起秋心。一水烟中白，羣峰月外陰。真樸定何處，塵外望仙林。
竹路經過舊，流螢似去年。岸欹仍動石，橋遠欲飛烟。別恨青絲外，秋風紫苑前。持竿猶未慣，且莫問漁船。
春社日往邵陽道中雜詩

作客真成計，逢春定別家。故園風過柳，殘月夜依花。歧路馬猶顧，輕波鷗自斜。離心共芳草，著處便天涯。
日斜春霧暮，山盡路遙遙。野鶴爭雲疾，池鷓得雨驕。舊家看老樹，新水漫官橋。何處堪充隱，從君寄一瓢。
乍別忘歸夢，初醒似在家。雨鏡寒照壁，山樵夜溫茶。過社仍招燕，愁眠慣聽鴉。道傍春點點，閒落野梨花。
馬後草萋萋，來時綠滿溪。遠山千樹雨，去路子規啼。淵水人家外，炊烟春谷西。行人忘早暮，報午賴鳴鷄。
暝色上高樓，危闌指渡舟。雨蒸青鶴白，春合大川流。洞壑陰陰晚，巖花細細愁。幸無明月照，何處動離憂。
遙知遠櫂際，應笑雨中行。萬竹鳴風葉，千塘亂水聲。泥深愁白馬，春冷澀流鶯。躑躅空林裏，披蕪羨耦耕。
細路引沙圻，墟人趁夕暉。烟深燈影大，舟泊水聲微。晚渡爭操楫，春寒懶換衣。垂楊最關客，迎送總依依。
村舍幾新故，耕鴉賴爾存。葉鳴棲鳥避，樹古老農尊。歲月看過驛，風雷誤繞根。無因候清景，繫馬倒芳尊。
春鳩啼曙巖，花雨濕春衫。積水魚爭屋，長飢馬齧街。青山宜蠟屐，黃獨負擔簾。平子空能賦，窮居草未芟。

古驛梨花樹，春風到亦稀。客愁飛滿路，雨淚共沾衣。幸免樵斤過，無論生意微。幽蘭尚岑寂，莫嘆賞心違。

贈族兄世

遠游不可懷，羈客難爲心。途窮有回駕，羸馬越高岑。崎嶇歸故鄉，親懿識形音。攜手訴險艱，幽居怨滯淫。歲序殊未久，癡故相侵尋。(其一)變故伊如何？昔別豺虎間。凶徒掠城市，居人竄荆菅。時平困賢豪，愚者享治安。兵多令軍敗，民覺賦愈繁。誰能顧家室？父子不相完。總欲謀奉養，豈願行路難。恩恩登長途，靡靡合辛酸。(其二)前途遠迢遞，桂林生荆杞。農夫化爲誑，劫奪連千里。征徒常野宿，蛇虺驅我起。風露零空山，烟埃蔽天起。白骨何縱橫，嶙嶙恐游子。感彼三年征，將窮亂離始。(其三)始亂固有人，三年殊未蘇。遐荒隔恩澤，斯民竟何辜？晨登獨秀山，東望浮雲驅。永安一失律，災禍連荆吳。下視飛蓬征，憂來泣道隅。所懼爲客死，隨彼溝中軀。(其四)我家思遠游，在遠復何恃？風塵蔽原野，客恨具難理。寤寐依母傍，音響在母耳。世亂骨肉親，使母獨念子。慈顏有時衰，游子無時已。反悔倉卒離，褰裳陟崗祀。歸來一身存，言歸一家喜。(其五)暫喜還復悲，去去會幾時。世母既永謝，弱弟牽衣啼。從父命奄忽，孤魂翳靈帷。家中幾何人，一載遶兩繞。高墳多青草，奠醢爲酸嘶。固知死生理，實念門戶衰。辛勤竟何成，扃怨動相推。(其六)伊余慕東菑，躬耕尚無愆。輕身實受惠，知命誠亦難。兄其慎離別，守道永遐年。何爲坐愁苦，顛沛貴賤間。同枝異榮枯，豈不愧古賢。不見雙飛鴻，振關陵九天。燕雀守榆枿，得性始自全。動靜良有宜，爲君陳此篇。(其七)

感興詩

厲心惜歲年，閒居忘徂序。守靜知夜長，聊復循所慮。屣履周步櫺，寥寥獨游顧。殘月缺始升，依我玉階樹。不知新秋改，但覺涼風屢。草蟲何悲鳴，已似怨寒露。玉衡無停指，微質豈不故。寂愴深道者，精微發玄素。固節非余良，古賢

以茲度，安見陵上柏，冬春無所慕？

金鋪玄夜凝，寒氣下空曲，霜蟄吟閨階，飛鴻早已宿。佳人曠歸期，良時去不復，暫往猶經年，密途遲來贖。熒熒非余嗟，念子亦孤獨，帷幃無餘聲，微風動明燭。輕衿委林隅，蘭釭有遺馥，勞想隔微迹，精誠越川陸。

幼志好奇服，居然自孳異，褊心貽蹉跎，驚年嘆其逝。窮達亦區區，蒼靈有升墜，在昔郭林宗，晝夜觀人事。人生期百年，豈不以身貴，明珠彈鸚鵡，末夫之所蔽。

孟冬雖未寒，時深氣已肅，輕霜棲弱草，驚風欺危木。黃雲能幾時，高枝森在目，志士愴年徂，偷生忘歲促。莫節皆有窮，觀生以之勸。

憂道固云是，愛貧未云非，雖無一頃田，且夕常恐饑。皇運允昭警，沈陰伏三時，飛蟻蔽層雲，氣緩實爲災。桃李互秋實，竹萌貫霜披，蒸霖潤楹礎，頽垣薜成衣。側聽承欄溜，仰見陰蟲飛，餅粟未嘗盈，安能早防飢。田父尙釋耒，吾其終掩扉。

自古多餓士，孰能亡其身？夷叔不好名，餐薇用長存。來今共斯理，鑿豈我獨貧？雖無阮生琴，庶瀆陶氏巾。染志積道基，想與上德鄰，浮雲朗清秋，可以鑿心神。何以送沈憂，委之賢達人。

郢客奏流徵，廣術獨孤唱，一爲巴人曲，市井皆知賞。衆情衿衞品，自謂無虛獎，清廟重哇吟，朱弦永淪放。里耳安可達，嘈嘈笑牙曠，管安還拾金，黔婁希楚相。聊欲爲世寶，焉能從吾尙？

燕人寶卷石，居然笑明月，眞僞雖未辨，其心有流別。奈何浮游子，俯仰爲人設，駭路貴章甫，違俗豈云哲？魯哀音好儒，宣尼有遺轍，將從九夷居，已矣自茲設。

江淮繁盛地，荆衡輦路鄉，土風雖各殊，服食固有常。如何漸染移，不鑒奢淫亡，執綺縠通達，第宅擬侯王。徒行兼乘遠，下里歌鐘響，皆云從軍樂，豈悟本俗傷。余本投筆士，念此棄軍行，將隨秋蘭老，空谷有餘芳。

豸衣行寄贈魁聯李按察

豸衣馳馬雙持戟，內族高名今第一。治行傳聞二十年，潦倒仍爲二千石。三遷已荷君王寵，千里空歌使君德。一言不合長平侯，拂衣去作諸侯客。迢遞荆襄十一州，形勝連翩據上游。初開幕府建蒼兕，遠遣昂藏羅紫驕。咸知剛遇不能惜，豈從尺寸論功籍。恩遇當身覺命輕，漂泊中年已頭白。頭白悲笳不忍聞，蛇山戰壘漫黃雲。東風已失周南郡，落日空思霍冠軍。三年力盡成灰土，一劍霜寒照吳楚。宿將飛騰半死生，長江鳴咽鳴今古。相逢若問下江兵，漢上通波疊鼓聲。節使單車募亡命，水軍半夜出淞城。誰言舊日雲中守，跣跋塵頭騁身手。龍驤空問益州刀，羊公遠寄襄陽酒。三十旄麾已如夢，入坐貂蟬復何有。早持繡斧專方面，肯戀黃金空繫肘。蒼茫帝里迷鄉樹，凄切空營映衰柳。空營衰柳日蕭條，帝里雲中鄉樹遙。金鞭舊絡橫門馬，玉靶新弓都尉雕。甘泉烽火夜炯炯，河橋曲曲風蕭蕭。曾聞日近長安遠，一片浮雲自還返。半夜期門看月暈，平明鼓角摧星飯。幾時南國靖風塵，遙想歸驂向九門。還將百戰封侯事，話與長安游俠人。

長沙省試贈資栢丞劉采九

涸源甯慕涓，頽山非待塵。伊余會艱險，實已廢衰文。何意秦廷士，荒年希貢珉。高神謝鴻舉，峭艇求螻伸。之子啟蒼秀，時沈學逾游。離鷺谷芳奕，徵行楊懷瑾。恭命應朝典，同疆展芳訊。投難質全身，欣覩余社吝。徵賈遠賢軌，逃世不逃名。獨坐清秋夕，沈憂藉友生。零再委荒草，屯雲結高楹。對燭南冠館，分席洛陽庭。運來稱嘉會，道往悲徂代。觀生園步屐，方年弱齡邁。春粵能幾時，少壯非余愛。聯合數靡常，榮落理必對。萍散廣川淨，木落長年悲。扁舟洲渚際，雲物增凄瀟。疾如思衛護，睡彼懷商芝。佇瞻衡陽月，洄溯武陵湄。危心猶未量，離憂復從茲。

送蔡與循

曉色初明白馬嘶，北巖雨霽秋鴉啼。相逢十日正堪別，門前枯柳幾人折。西風吹水浪馬蹄，東阡南陌無端倪。人自問下山路，歸客今過青嶺西。五年相識干戈後，往往空村共杯酒。近聞下詔徵賢良，與子才名在人口。田舍老翁莫論事，洛陽狂生長太息。拂衣徒步且歸來，看劍縱橫淚霑臆。城頭畫角齠疏鳴，舍旁秋草晝夜生。驅車莫作遠遊賦，悲歌聊擬少年行。昨夜微霜入羅幕，美人獨夢錦衾薄。陵上桂枝風下零，月裏松子衣前落。仙女山中紅樹深，相思咫尺碧山陰。斜陽寂寂石林氣，雲冷烟空何處尋？

與循行日同送陳希唐令弟汎舟下湘別於明岡渡口余騎送與循至石灣歸行涓岸復遇陳舟遙語而別

清秋風日宜別離，石灣雙折垂楊枝。醉把金鞭入紅樹，坐看孤棹出青谿。谿回路轉秋烟繞，咫尺千重隔芳嶼。馬上相逢舟上人，遙遙語笑風吹到。道旁回首各東西，別路經過意不迷。蘆洲碧水隨秋雁，茅屋炊烟開午雞。雲山十日同遊衍，雲林幾曲仍相見。別後誰言卽歧路，歸來孤坐懷清宴。高樓寂寞向黃昏，獨想行舟拂月痕。空江夜泊親漁火，微路潛行度石門。秋山遠近尋烟樹，迢迢自作懷人句。晚津驕馬渡頻嘶，長記停鞍送行處。

送錢御史師使回

西臺驥馬客，南斗玉衡星。祖席光歧路，風波下洞庭。雁隨霜影白，山入楚天青。寂寞三閭後，何人是獨醒？三戶楚風開，湘流萬里來。從來持節使，寧忍見蒿萊。哀痛求賢詔，疏通御史臺。儻逢前席問，誰稱買生才？雲浪兼風雨，南中亦早寒。離心如落葉，隨馬入長安。荆豫連兵戍，輜車感路難。鸞鴻扶道泣，鷹爲罷傳餐。

太史觀風俗，邦人望治平。羞將舊詞賦，歸報漢公卿。路繞新淮戍，霜寒古鄂城。鼓鼙聽欲慣，辛苦詠南征。宮渡臨湘郭，如今只廢墟。旌旗寒鳥外，霜雪遠人車。漢口斜陽冷，荆門樹影疎。歸裝倍於貴，爲有救時書。清秋度行轅，衰柳拂輕塵。爲客愁看劍，憂時愧有身。獨行雲渺渺，將渡水粼粼。敢恨無知己，叨逢獻納臣。

贈徐樹鈞

薄庸愧多難，弱冠謝高翔。折流無藏曜，懷寶寄陵陽。一荷行年暑，橫夏廁槐章。貞松厲孤巖，寸莖擢高岡。榮華及時敷，高下豈相妨。天桃慚晚凋，然後識嚴霜。徒恨根株微，時義亦摧藏。荆筠伊何直，弦管依孔堂。歲莫見之子，溫如觀纒璋。同條非異榮，肇允實傾將。勿謂良時易，年窮道自強。勿謂令名遠，取之在周行。小人道易消，權位不可常。總總彼都子，蹙蹙三衢旁。賈生有俊聲，弘子無道光。德深由理充，量淺患名彰。望愛交至心，賴子激中腸。雖無漿鄰智，願言託承筐。

十月初五夜月

蓬漢浮澹色，衆星有餘光。悠然望新月，未覺關山涼。東暉始映戶，西陰漸轉牆。額垣無旁隴，高葉有浮霜。上客集瓊筵，思婦下華堂。幽照良未足，麗影不可忘。寒來其如何，積怨盈空房。

戲贈黃兆白

長沙冬盡煖無雪，梅花滿枝枝欲折。故人馬隱南竹峰，獨對繁花憶幽客。布衾戶寢忘朝暾，睡穩不聞車馬喧。里中少年誇頌項，髻奴傳喚驚鄉村。入門大坐索酒肉，貂帽狐裘如達官。古湖狂生世不耦，三年甘向荒山走。平明跨馬出門去，欲與先生謀斗酒。先生才大心不疑，高歌痛飲真吾師。陵陽自於十城價，白雪未許巴人知。近聞妻子慙

且憎，每語富貴疑其欺，得錢未敢徑沽酒，復糶斗米防朝飢。以茲入城市，十日不得回，歸來相嘆笑，使我顏色低。寒夜沈沈月照席，瑤琴照晉三太息，霜蹄再蹶已非神，虛牝千金更何益？先生莫賦招隱篇，古來窮餓無高賢，人生少壯貴適意，殘杯冷炙殊可憐！早春芳草又改歲，安能與我長盛年？君不見陶彭澤，從來種秫須公田，辛夷花開就君飲，且欲相隨覓酒錢。

答蔡吉六詩并序

平湖張侍講揚學湖南，弘獎知名之士十數人，有武陵蔡子純，淑浦嚴威，湘潭蔡毓春，嚴之錦雞賦，蔡之同谷賦，並驚才逸氣，冠於一時。學使獨論吉六，以爲湘人士文章，如高髻雲鬢，美而非時；至於子純，則豐容盛鬋，不妨其麗。余應丁巳省試，謬與吉六及嚴子同舉，毓春之姊，又余之伉儷也，嘉幸求益，不在山河。往於長沙，承吉六贈詩一篇，久闕未報，今秋散秩，忽覩佳什，感往眷今，遂作歌贈之。

平湖學士神仙骨，夜上青天攬明月，洞庭星斗懸秋空，逸思陵雲見孤發。比來弟子傳清真，澧蘭沉芷愁青春，楚人從來好高髻，孤標絕世今無鄰。昭陽新妝趙飛燕，亦是宮中第一人，此時明豔誰能數，與君相愁不相妬。美人美入余目成，思籍鍊魄心魂清，昨來贈我絕妙句，孤鳳一唳飛雲驚。寒窗落葉不可能，倏忽聚散如浮萍，君既乘舟歸武陵，余亦鼓柁湘南行。湘川柳色年年綠，秋風吹水如碧玉，人生哀樂能幾時，萬事浮雲空過目。采薜荔兮遺余思，山阿桂樹勞相知，愁來慷慨飲我酒，夢裏悽惻吟君詩。古人但恨不相見，與子同門况深眷，嚴威最小毓，亞之驚我少年如過電，平生自信磊落才，見此始覺心神開，未面傾心對面語，與酣逸氣如風雷。祇今寂寞田舍裏，門前青苔沒車軌，長沙秋清落日陰，一夕相思解千里。楚山曠蕩生愁雲，浙東鞞鼓天下聞，吾師歸隱不得臥，西望惝恍開清蟬。寄君與君同嘆息，才士當爲人愛惜，張公雙劍白虹飛，一化神龍不可得。

過梅花渡山行作

雞鳴通遠付，茅檐覆微雪。宵炊烟始高，晚洲樹方沒。歸人傍川渡，依途屢回折。嚴風曲湖厲，夕景平沙歇。浮菴落寒翠，冬蒲蕪春節。雙川翼一原，遐瞻帶如髮。亂流尋幽徑，澄芳漾明絕。回首遙山人，窗間指帆發。丘陵忽平秀，仙峯映飄瞥。息駕且淹留，賞心尙超越。

桂華曲效江總持體

銀河宛轉夜露零，桂樹窈窕秋風生。秋風迤邐入曲房，此時盧女出金堂。烏雞八九愁雙彈，蟾蜍三五乖文練。當年親折月宮枝，嫦娥后羿豈相思。來采微芳香已歇，暫度微霜枝併絕。淮南難大學神仙，江東鴻雁怨山川。洛陽弦歌自輕薄，華鐙影裏丹花落。誰遣移根天上栽，小山寂寞也能開。秋樹一枝雙鬢綠，璇宮朝唱瓊花曲。

別辛眉

十載更九別，疇能長盛年。微風起冬郊，復此告當分。短日曖薄陰，飛塵翳平山。班荆寒丘上，蕭瑟訴前歡。森森遠松高，策策羣林單。俯嘆清霜葉，萎回歧路間。君子不我與，誰其同歲寒。

並驅出東郊，馬樊不肯馳。悲鳴相先後，似欲傷乖離。况我同袍子，念別在須斯。誰言會日近，一息如三時。誰謂歸途易，獨往情已疲。寸心如明月，已合願不虧。僕夫務前征，悵悵與子違。望闔欣溫侍，反轡怨孤暎。一念既合并，中路又何依。

學劉孝威體送人新昏春歸

東城黃金騎，西陂白鷓船。輕風催後乘，落日麗通川。空春響移吹，望夕上愁烟。故人能惜別，新聞最見憐。琴奏相

思引，歌聞苦相篇，條桑奉時暇，紉蘭非晚擇，依依委柳媚，蒼蒼歸鏡妍，羅敷提籠問，胡姬送酒前，誰分百萬價，空橫十五年，行隨使君歸，共向城南端，甯能饒所愛，相要暫作緣，春風妾自有，無勞比玉鞭。

良馬篇

西風吹沙去，良馬千里心，落葉當人前，蕭蕭作商音，伏櫪恥壯士，控轡常駸駸，躊躇四顧望，但見浮雲陰，長揖指東北，日落光芒森，短劍不敢揮，賢豪坐沈吟，孤行九州內，常恐異患侵，泥沙困神物，自古難箱錦，所願逢烈俠，贈以代兼金，義不隨郭隗，燕市共浮沈，鞭策儻及時，從君放長林。

喜聞官軍收復九江寄胡巡撫

喉舌通三省，脂膏盡五年，分憂羣帥苦，聞喜萬人傳，破竹成今日，栽瓜滿廢田，便應乘夏水，浩蕩起戈船，日月光麟閣，風烟望鶴樓，轉糧關內相，籌筆武鄉侯，夾道弓刀肅，橫空江漢流，書生能料事，虛作杞人憂，力戰誠孤注，兵機有萬端，遺民翻涕淚，百勝轉艱難，日落江潮白，城空夏木寒，向來論進取，不獨守凋殘，傾國論軍賞，酬功恨爵稀，竟聞收大郡，不愧總戎機，翠羽貂邊玉，鶉黃馬上衣，看君遊異數，感激在鸞飛，倦客看城郭，他年厭鼓聲，轉蓬隨馬足，移柳舊烏啼，子弟元從楚，風雲勢壯西，夜深看北斗，長劍自提攜。

從長沙送曾侍郎出師援蜀

昔年同擊楫，今日悔藏弓，裂地多分土，因人恥論功，餘生遊羿彀，失路向蠶叢，且借班超筆，題名章句中。

還舟泊易巒

新月上平蕪，青青似有無，草痕初過馬，燈網夜分魚，獨樹人家靜，深山夕望孤，故鄉如客裏，開步獨躊躇。

聞三河軍沒

七子章門戰，方知敗有功。摧鋒幾百勝，殺魄五千雄。前殿驚烽火，先知愧塞翁。只愁懲覆轍，翻欲貶臧宮。

同彌之夜行馬鞍山

官道犬驚吠，夜寒行客稀。亂餘枯樹在，愁罷白雲飛。歧路又將雪，故園應掩扉。煩君共飢渴，歲晚莫相違。

擬四愁詩并序

昔傅休奔論張平子四愁詩，以爲體小而俗，七言類也。世或疑此二言，謂爲難通。余嘗尋張之序，自云仿離騷而作者，至其再三致意，信同靈均，局促成篇，又異楚骨。故比於辯歌則爲小，諧於近世則爲俗，但可入七言之格，成一家之例。舟中多暇，因與吾友鄒子擬而作焉。志則益各，體無乖互，庶以歌行達其好，詳惜世無知音者，引而和之，使明其義類也。

一思曰：「我所思兮在蓬萊，願爲青鳥巢銀臺。日月還瞻光徘徊，心遠志薄不能飛。望遠莫遇愁歸來，佳人貽我翡翠環，何以報之連環。賤寄聲浮雲往，復還賤短字滅見無緣。歲寒雪多日將莫，幽蘭委絕芳滿路，胡爲留形獨延行？」

二思曰：「我所思兮在廬州，願爲雙梅超重幽。龍摧鳳折江波秋，淮河通波水結流。望遠莫遇愁歸休，佳人貽我青貂褸，何以報之照乘珠。徒倚闌立空頰紆，歲窮道阻身羈孤。飛雲天駒逝安適，危心長征失羽翼，胡爲留身獨棲側？」

三思曰：「我所思兮在聖湖，願爲雙鴛戲菰菹。梅枝夜零柳朝枯，扁舟迢遞不得踰。望遠莫遇愁歸歟，佳人貽我

綠綺琴，何以報之山水音，山高水深倚沈吟，寄聲飛雁浮雲陰。雲昏雁孤驚溟逝，並海連天鯨鯢厲，胡爲留情獨凝

潘一
四思曰：「我所思兮在湘灣，願爲雙橘耀中林，霜凋雪嚴波阻深，寒花宛轉白日陰，望遠莫遇愁歸心。佳人貽我五色緣，何以報之黃金釧，愛而不見增婉孌，申以齊紈班姬扇。篋中夜寒團扇孤，華筵冉冉光欲徂，胡爲留嘆生崎嶇？」

六憶詩

沈休文舊有此題，亦宮體也，詩軼二憶，以意補之。凡聚會作詩，苦無寄託，老莊既嫌數見，山水又必身經，聊引閨房，以敷詞藻，既無實指，焉有邪淫世之害者，未知詞理耳。

憶來時，媚媚玉堂邊，衆中常落後，獨進更羞前，賴有香風度，知君逆見憐。
憶去時，背人花下去，出戶不同身，臨池卻留步，月明青綺窗，風吹玉階樹。
憶坐時，盈盈故遠人，相看如不避，相近轉難親，低鬟恨顰重，攬帶惜衣新。
憶起時，無力著羅襦，嬌多不言倦，斜坐更曠扶，宵來夢堪憶，妝成忘點朱。
憶食時，對案影參差，擎甌勞玉指，傳盃惜脣脂，願作彫胡飯，朝朝應怒飢。
憶眠時，先眠多引被，微笑暫回腰，含嬌恒道起，燈前色轉新，夢中情難擬。

歎道旁荆棘

昔人嘆松柏，淺寒不凋枯，誰見荆灌叢，陵霜亦敷腴。上枝藏鳩雀，下根走鼯鼯，寒森滌高崗，靡靡見青蕪。不如前

山樹榮悴與時俱，蕭蕭有正色。時危道彌孤，微材溷嘉妍。瑣細耳目娛，真心苟不存，終當付樵蘇。

會陰

鷓鴣怨晨寒，夕鳥感枝殫。會陰合萬里，慘慘時節闌。重衾不溫寢，方念獨宿寒。佳人惜良夢，帷幃不違安。衝風過玉階，出戶嘆庭蘭。繁華無久居，婉孌少容觀。我願采其葉，相寄喻凋殘。素手再三摘，惜子根株單。誰能更摧折，取玩旦夕間？

重遊南昌東湖水亭

湖亭衰柳對金隄，石橋霜版曉淒淒。青谿往事隨雲影，細路孤行信馬蹄。孤行影照澄波碧，荒草覆烟寒寂寂。酒客亂離今半死，僧童長大猶相識。水閣陰連花鳥彎，還從碧檻望紅闌。月明古樹無鴉宿，雪外西山見鶴還。半房初日門空鎖，深殿微風明佛火。愁裏難吟訪舊詩，客中暫得焚香坐。闌干寸寸是前遊，去時悽惻到時愁。紅顏對鏡縣知老，碧藕無花早過秋。懶性從來甘寂寞，物論逍遙無住著。解道波瀾起寸心，始信人間有哀樂。當時豪竹併哀弦，一罷清尊便五年。後夜相思夢渺渺，祇餘孤月照湖烟。

建昌軍中夜月感事作贈曾侍郎時有三河之敗

南城橋外屯千幕，夜月微黃沙漠漠。從來征戍有邊愁，不待穹廬北風惡。書生叩闕請從軍，早被疆臣妬策勛。馬讓自緣輕進敗，李嚴仍道轉糧勤。崎嶇五載成何事，拜疏還山甘退避。踊金寧免世嘲譏，割鉛還與人驅使。蹤跡從來似轉蓬，不教西去遣來東。冗軍坐甲量沙易，虎帳亡文列坐同。何王二守工文翰，賓僚李許才名擅。各出偏師挑大敵，好築長城防野戰。麻姑山翠映轅門，列戟清香撲酒尊。燈影依稀似茅屋，羽書過後即桃源。共識仙郎心寂寞，

胡床坐嘯光戎卻，休言失水困長鯨。獨向寥天看黃鶴，起兵主薄見艱難。暫到邊州話歲寒，未得短衣隨李廣。且共
圍棋請謝安。

撫州廢壘弔林源恩耿光宣

列郡悲蠶食，諸軍各雁行。至今孤壘在，誰殉二忠亡。秋草寒羈望，春蘭弔國殤。肝流驚東逝，不及寸心長。

建昌贈王署府必達

客軍資乳哺，常被主人嫌。醉尉能相侮，雄師氣久潛。多君領符竹，持笏候旌纓。復恐同寮怪，伴狂側帽撥。
亂中公事少，山色滿高齋。正有琴書趣，能消砲礮懷。詩成騎馬出，客到與雲偕。且莫憂時事，論文亦自佳。

過上饒沈廣信見訪小舟無坐處就岸班荆別後却寄

玉水霜流淺，漁舟便尺波。不堪容膝坐，誰和五噫歌。驄馬踟躕久，雲龍標榜多。他時作佳話，題石記鳴珂。

擬鳳凰集南嶽

神龍遊八肱，妙化不可尋。窮冬還舊淵，波浪靚且深。豈不自拘束，造物非我心。天人既清和，爲君起甘霖。
鷹隼喜秋氣，顧視何高深。豈不慕仁慈，威用不敢輕。鳳凰則不然，守道爲常貞。百鳥雖異姓，皆願逢休明。

從南昌至臨川一望平林沙田作一首

寒原送雲日，空秀無遠近。渺然恬澹意，浩若滄洲影。輕烟有餘妍，夕照見低隱。遙瞻山漸微，迴觀勢難盡。平林多
實姿，芟翠自相引。既得汀渚趣，庶覺塵勞泯。緜緜何足矜，忘年託松菌。

金谿東鄉作

長征夢猶驚，道遠歡不謝，明月忽照人，如我玉階夜。貞林酒寒綠，深澗帶遙盞，巖曲景易新，瀨淺水難瀉。冉冉驚歲徂，依依感心暇，情眷幽蘭隱，目都芳芳化。隨物既推遷，達生豈悲詭，萬事如有期，曾是吝歸駕。

南城至貴溪多曲徑密林冬樹青青時渡川瀾水純作銅碧色清淺映底

旅人知久別，幽閒願歸夢，凌晨路已緇，涉瀾風猶送。霜烟互蒸鬱，林壑涵靜動，輕銅漾凝碧，逸石分青蒼。鑿波影逾獨，登梯感誰并，遐想謝公跡，近矚麻源洞。委曲情屢移，優游道難用，勞形亮無適，孤芳詎堪弄。永作塵中游，將貽達者憫，一悟竟安遺，外物徒相控。

溯饒水至玉山

水宿瀟塵襟，塵滿弄芳潔，雖無蘋藻秀，波石亦可悅。文鱗蹴寒碧，飛玉漱瀾雪，密霰濺潺湲，風水鳴清切。沙禽哀夜寒，鱗魚怨梁絕，微物無離憂，茲心果安設。伊余本懷安，羈行自總髮，偶與屯蹟離，已覺勞逸別。方託楊朱戒，舍席終可奪。

雨宿江南步始入浙境作

役車久已休，游子難爲心，日短道更長，興淺思始深。溯壑犯嚴寒，輿輻趨遙岑，窰石路修潔，陳莽幹荒森。飢雀過隴急，同雲結風陰，墟市馮相望，烟起成一林。越國旣改觀，殊土漸移音，白雪孤楚奏，涉江愁越吟。莫節物多感，微我獨不任，若逢同心夢，知余幽獨琴。

七里瀨雪中瞻眺

峭壁掃纖烟，微雪拂更碧。夾江波勢洶，沓障天容隘。奔湍隨歲晚，重雲自古積。身依孤棹去，心愧垂釣客。遙遙竟
干載，汎汎誰再歷。隱見豈予心，貴從性所適。欲攀山阿竹，且拂湖邊石。孤游非久要，意慳轉成戚。

江濤積冬春，寒雪更昏晝。飢禽久無聲，曲曲猶一奏。荒林似如昔，疎嶂遙相走。落石麗雲錦，峯巒攢華秀。乘流逐
岸轉，遡颿苦寒驟。苦辛爲誰故，屯遽未云負。謝公逐已天，嚴子終頽壽。山澤願雖同，名道詎兩副。觀此將痿其，虛舟
庶能宥。

出嚴陵灘至桐廬

客心貪名境，桐廬接幽觀。空波稍渺茫，漁艇得疏散。平洲方右逸，會山漸左羨。日莫陰雲升，風過濤波洩。龍盤固
存身，鶴飛寧假翰。古來賢達人，羈遊不可算。但恨所志乖，貽阻焉足嘆。及此歲無幾，長歌且伸且。

富陽

玉瓦映朱樓，雪照千家縣。深林翼孤峰，煙籬三重觀。青瀾既潭沱，寒樹猶明蒨。悠悠扣揖謳，渺渺驚麋亂。賞心不
假言，餘秀殊可翫。

錢唐

扁舟汎綠波，波痕不可跡。分棹激冷泠，飛雪增浙浙。羣山入雲水，遠岸明竹柏。南瞻界一線，北睇殷千疊。豔歌已
雲散，雄圖久淒淒。波潮來逐往，陵谷今猶昔。歲莫如可嗟，古事詎勝惜。聊且齊悲歡，逍遙以終日。

宿漁浦潭作寄婦

宵夢故山梅，灼灼春前榮。曉看平洲樹，纖纖雪中清。路遠思不通，何用采芳馨？想見倚暮嘆，寧念孤舟行。雲昏霧
後途，水闊鶩前征。極望已悲慮，况乃離思并。知衰不覺鏡，懷音儻報瓊。卽是相傾念，彌增他日情。

夜半渡浙

雪落雁鳴風，夜江雞唱寒。寂聽動哀響，寥亮滿江山。羈情苦飛越，懣虛忽超遷。餘清媚菰蒲，素碧隱霜蓮。曉色物
曖曖，莫歲思縣縣。本知虛舟達，誰云舍筏賢？

除夕登吳山觀杭州城

伏生眺武昌，庾信哀金陵。王氣一朝盡，山川不再興。茲邦信縣富，夸情坐相仍。竊窺呈市肆，綺執追上陵。沿游亮
成俗，靈境共攀登。漠漠俯廣遠，輝輝麗彫臺。鐘漏競曉歸，簫管并風升。賢達旣彌代，土風不可勝。聲明實蕙蒨，佳麗
見嗟稱。誰謂蓬生曲，化俗在賢能。如何視推遷，衰盛竟無憑。武功鶩遐邇，成敗互相乘。雄圖獨安寄，太康有遺懲。慘
澹羈客懷，憑高意飛騰。心憂思何其，歲晚嘆無朋。

正月三日汎杭州西湖從靜慈寺過孤山作

瀟湘不可望，深秀如在目。汎舟清湖陰，幽想頗相屬。連幃合近郭，澄潭映遠竹。雪明樓閣靜，影散淪漪綠。名境非
眞靈，傾城恣游矚。炫服知俗荒，頽基念民蹙。日倦西陵下，賞會孤山麓。喧寂余安從，前修恒抱朴。

月夜渡江

自從錢唐來，久絕浩渺觀。今爲揚子渡，曠若溟渤寬。挂帆便輕風，鼓柁陵遠天。蒼茫烟波際，仰見孤月圓。迥望已
悲壯，安用灑波瀾。空明千餘里，始覺天地寒。靈境不可居，靜夜想無端。太息濯塵纓，歸與殊未閒。

春江月夜看新昏車過

玉腕蘭陵酒，金堂少婦家。輕寒消豔曲，新草受鈿車。燈月春明水，笙歌夜對花。願催垂柳綠，隨處宿鳴鴉。

高郵道中

行雲渺渺去，終日竟何之？芳草看看綠，愁心正此時。春風召伯埭，明月露筋祠。欲繫青驄住，垂楊未有絲。

詠史雜詩八首

仲壽居貧園，蓬蒿翳人跡。矧茲施洛游，所安在容席。窮巷延古浩，叢榛蔚荒碧。孤雲爲我朋，飛鳥爲我客。素心何必多，福性喜地僻。雖無琴酒趣，縱放聊自適。沈吟若有願，高致邈難匹。請謝當途人，無爲問伐國。

薄莫游燕郊，思古登高臺。浮雲乘海氣，悽愴從東來。滄波不可望，仙駕在蓬萊。會聞古徐生，一往不復回。秦王擁六龍，帳殿臨蒼崖。樹羽照千里，鞭石遂莫追。不見安期瓜，但視驪山灰。人事終已矣，天道長悠悠。

期門游俠兒，少小好弦歌。雖爲燕市遊，志不慕荆軻。一朝被軍書，驅馬向交河。黃塵蔽會雲，易水自生波。垂淚聽變徵，返顧空咨嗟。人生有非常，歡樂常苦多。時變相迫促，棄置當如何？

李斯臨都市，仰視白日光。悲風卷沙礫，慘澹交衢旁。黃犬亦何恨，身死墮國綱。羣盜滿關東，讒巧在君旁。鷹隼不虛擊，何爲誤見傷。利害龍辱間，反覆烏有常。陵谷在俄頃，千載用慨慷。

亭亭高樓柱，蠹朽理荒菅。本無千季節，焉怨高風寒。摧頹糾蔓中，豈復念彫盤。但恨梁棟少，匠石用空言。丹飾豈不美，璀璨難久觀。蹉跎廣夏材，棄置窮谷端。傾覆君自取，求仁又何怨。

佳人步瑤宮，明秀若蘭金。希心託朝陽，比潔濯春澗。華實不並暉，獨處怨幽深。幽深亦何訴，冷冷奏清琴。一彈風

雲和再唱鸞鳳吟，鸞鳳依有德，翩翩愁我心。

子雲初冥思，東方未上書，上京富文藻，來朋慰離居。寂寂今世事，逝將與我疏，游鯤運四溟，潦阻藥一隅，汎汎有自然，規規欲何趨？

窮居親時運，悽惻懷有道，達物非至真，萬事何紛繞？衰謝相催促，達士不知老，如何夸名子，意氣傾懷抱。榮祿未及終，已復喪所寶，念此能幾時，端然至天曉。

酒集法源寺送龍知縣汝霖試用山西兼贈郭編修嵩燾尹御史耕雲郭新從大

沽防海營入奏兵狀與尹言夷務故有是贈

朝作白頭吟，夕代東武謳，西風一夜起秋色，滿堂賓客增離憂。送君西上太行道，溥沲連雲書落草，人生富貴須少年，倏忽鷄愁至將老。京華來往十四春，布衣疏食家仍貧，只言白璧報知己，惟見黃金賜近臣。一旦輟華人事改，百道鯨波噴滄海，匣中寶劍三四鳴，萬戶侯封不相待，坐中有客奏兵機，絕國蕭條無是非，空關西域蒲桃酒，且盡觴東鸚鵡杯。持杯卻問籍臺客，祇恐中興有遺失，致君堯舜公等知，七疏書成萬人惜，卑官落拓更可憐，嗟君欲去知君賢，莫辭便作折腰吏，何時得種公家田，從來形勢稱三輔，太原雄關任腰臂，借問年年汾水秋，卽今誰作并州虎，此別東西各自悲，古寺鐘鳴來客稀，惟有鳴蟬聒人意，夜來唳嘶在高枝。

七夕篇

片片微雲河漢明，纖纖莫雨六街清，客心本奏江南曲，秋思常依北斗城。城高斗轉曉鳥起，今夕長安倍愁思，丹鳳門深初月度，青氈更永涼風細，涼風初月雁南飛，故里蕭蕭人未歸，宿燕雙棲隱珠戶，流螢數點上鴛機，閨中獨

愁還獨泣，玉簾銀屏背燈立，已嫌月上照魂驚，還訝風來共愁入。青綺窗深早露秋，金鋪行處玉簾鉤，低帷暗拂相思枕，曝衣隨上合歡樓。自古仙娥怨離隔，妾望秋期那可待，紅蘭曉落湘川上，黃沙夜暗交河北，交河流水不連天，洛川繡被不成眠，君言夢見長如舊，妾見妝成不似前，前時三五妍嬌慣，妝成但結同心綰，本知榮樂在當年，誰保相憐期歲晏，當年歲晏思遙遙，春草逢秋也自饒，乘涼卻扇垂纖手，獨坐穿針愁細腰，輕離暫別旋能久，含情吐恨長相守，不聞江漢送扁舟，但見銀河掛窗牖，此夜何人不憶家，此時何處望天涯，聞道神京近東海，將隨漢使覓浮槎。

續孟從事微雲之句

涼夜話清景，深堂靜已空，微雲澹河漢，疎雨滴梧桐，偶坐聞宵漏，悠然聽早鴻，秋來薜蘿冷，應與故山同。

宴尹御史宅卽贈二首

明良感榮遇，直道在如今，君抱匡時策，能爲隱士心，素書隨意讀，青草閉門深，小閣鑪香夜，愁來只獨吟，未得隨仙仗，空傳有諫書，近來封事少，不與故人疏，祿猶供酒，心齋勝食蔬，招要惜良會，休問夜何如，碧澗新漣嫩，秋田子鵬肥，疏篁點花竹，微雨淨莓苔，風物江南好，家山夢裏來，無官更何戀，祇合守蒿萊。

將之濟南留別京邑諸同好

秋林鬱榮條，氣煖芳未折，南士多離心，孤懷感鄉節，盈思難久安，駕言且東發，嘉筵因事集，帳餞傾時哲，甘肴充入珍，舉觴過三說，雖知面對期，感念目前別，殷勤豈徒徇，厚愛愧將闕，興來無獨悲，酒醕歡未歇，旋車過天遠，微風吹華月，霜露已云睽，山川逸然絕，何用慰歲寒，令德指松柏。

皇居冠文物，英彥起高驥。志士履危時，慷慨思隆康。龍變在變化，進退焉有常？但恨處卑位，所願不獲彰。不親鷹隼擊，肅殺志高翔。遠望長風起，始覺天地霜。思彼燕市豪，撫劍觀八方。縱心復何求，朝夕醉一觴。燕趙多奇舞，要眇赴茲歌。華容競時妍，廣坐呈修蛾。知音古所嘆，真賞意不多。安得窈窕房，爲君奏陽阿。昔聞三楚秀，曼睩代層波。時節忽流易，此志常蹉跎。蒼蘆猶過時，况爾臨風柯。時纒九秋別，君子其如何？

自京赴濟南途中秋興

南苑依依柳，猶能送客驂。微生天意惜，孤影別愁堪。曉月供憔悴，征鴻度兩三。淺黃深碧外，只是憶湘潭。津口傳呼急，新隄版築堅。空聞志溝洫，無策報安全。久罷黃河役，仍傾赤仄錢。皇畿尙疲病，攪轡始茫然。十二橋邊樹，枯薪尙有根。西風亂蘆葉，孤月出關門。蹕道悲龍過，寒塘獨鳥喧。先皇全盛日，生晚共誰論。微烟依碧樹，清露洗空林。正爾孤雲莫，蒼然秋氣深。節移南地煖，風落郭城陰。賴有王孫草，萋萋伴獨吟。馬色渡河秋，蕭蕭向德州。江淮今罷運，馮李昔潛謀。久重平原守，間看鬲水流。羈愁不成夢，那更聽齊謳。駐馬官橋側，郵程數再經。河流蕩日白，山色背天青。晚麥渡民種，荒田積水腥。應憐風土變，休喜似湘鄆。清浦接黃流，平田歲不收。從來河伯罪，祇益聖生憂。近欲移滄海，誰能問兖州。遺民休待賑，軍米尙空籌。寂寞澄虛樹，清冷百步泉。尺鱗紅見鬣，雙羽翠衝船。物我無賓主，樓臺有歲年。離心與時事，渺渺向秋烟。

泛大明湖登歷下亭至鐵祠作一首

野心愛蕭條，閒遊易淒蕩。放舟荒蘆際，獨抱清秋賞。茲亭有興廢，遺跡餘想象。誰論古基在？但見今人往。裴回懸檻側，逶迤綠波上。寒風拂林樹，落葉委菰蔞。離離動遠色，瑟瑟無停響。人情慕留景，感逝增一槍。誰謂顛晦齊，無名

道安筵，古賢共論此。寂寞濠梁想，來者如可期。孤咏聊自廣。

都轉陳大夫重新歷亭卽賦贈別

泛棹臨晚景，明湖激碧流。霜清歷城靜，木落孤軒浮。勝地美今昔，高吟懷昔儔。登臨默感會，蕭瑟觀蘆葦。俗宦苦無暇，使君心轉幽。俄聞結構罷，已見湖海秋。嘆想盛名士，幾人隨釣舟。得閑徒自惜，知幻亦同游。驄馬復將去，鶴龜空滿洲。事移山寂寂，情在水悠悠。政貴新爲理，人非古獨愁。興衰代有屬，跡象道難留。楚客怨招隱，齊民貧未謳。寒飛慕南雁，鄉夢如浮鷗。疲俗在一舉，觀成獻爾謀。

爲蔡與循婦往返二首

嘉會無久新，華年如斷素。結髮待清塵，睂俛歲云故。昔送易爲別，今懷已多慮。寒房常早眠，明月照我戶。循名愧一載，離會一何遽。薄衾攬虛景，婉孌爲誰顧。良訊猶空存，來鴻矧無遇。希君游宦成，見妾紅顏莫。

蕭蕭緇塵起，翳翳孤雲飛。浮沉亦何遠，念我與子違。淑音往如新，歲紀忽已非。初爲萬里別，常若在庭闈。情敬苟不隔，何必慕容輝。京洛多游子，非我獨不歸。寒來憂始密，節往思更稀。願以三秋會，報子陽春期。

寄懷劉先生熙載

任才多所失，任意少所成。至德不嬰時，敬慎爲道情。末俗揚颺波，矯世亦自輕。景行將何寄，夫子照徽英。沖性遠符綬，澹慮辭承明。貞介豈違物，逸然自超榮。人言黃唐遠，取之在戶庭。天人損益間，得失兩不名。曰余廁南轅，未覺梅客萌。逍遙河側遊，伐輻願瀾清。夷惠非隆運，恤緯獨垂纒。

代幽憤詩并序

友人李壽容官戶部主事，其尙書宗室公特重之。會奏發大錢贖私事，同列疑李有謀，尙書周公並牽之入獄。籍其家無百金之物，而囚繫不問，漫以困之。余在濟南，危病中得京中書，言其苦厄，惻然悲感，代作詩一篇，亦冀以風悟天子，使刑官知有罪無罪，幾無刑之治。是時方御試天下公車，留京之士，將授以學官，欽命題目，以君子懷刑，激厲凡百。遂仰述聖訓，達小臣恐懼待罪之意。抑嘗聞周任曰：「不能者止。」今京內大小從官，數且萬計，豈其甘蹈鼎鑊，亦皆有高爵厚祿，戀而不去。壽容何咎焉？緊關運實代之幽憤而已。其詞曰：

經別辨筮，儉德在否。性濁易辱，祿榮近疵。嗟余冲暗，貪仕爲貧。恪恭末職，政不及民。仰恃聖仁，有寬無猛。爰及同僚，趨踏臺省。風議優遊，卑位不爲。臧否在口，昧於所施。任心而言，自謂其正。恢恢天網，乃致余命。豈無曲直，人不我與。苦酒淇蘭，亦云自取。性不傷物，康也維塵。矧余剛褊，沮志摧神。榮宜狂附，情矣對權。奪秋官職，移埋寺巖。巖師臣身，膏斧成藐。此微賤，危於冬葉。明明宣宗，朝無大獄。重典刑亂，孰申枉酷。匪苛小臣，思國之福。匪訟而免，懼刑之黷。百爾君子，知幾是速。無恒安處，願言伐輻。肅肅之雁，命侶同歸。雖有櫜弋，不害羣飛。世不可入，實有亂機。君子觀變，况在不微。孫登多識，嗣宗至慎。惟有琴酒，可以無吝。內悔夙志，外謝友生。人誰不宦，庶無官情。仰承帝訓，君子懷刑。咨爾在湖，其樂乃成。在獄思隱，怨飛無翼。履安忘危，此志其息。窮達惟命，安危惟己。俯仰之資，不逾斗米。謁我來日，歸我山阿。被裘帶索，可以行歌。勸爾有位，樂且有儀。敢詠空谷，以誠其他。

奉陪郭大兄嵩燾登華不注山兼和贈一首

華峰萬石成一色，上峯磷峒下圓碧。雙尖削瘦無四鄰，攢秀亭亭見千尺。神仙游客同所遇，世人少暇空來去。從來靈境惜奇賞，突兀東郊如虎踞。夫君龍節登蓬萊，峻節驅風海水開。大綱持政物多暇，山人始見青聽來。驄馬行

行轉山麓，落日寒光照蒼玉，近看歷落抽萬筍，遠見參差成一簇。中峰峻嶒上危巒，飛閣架構無層闕，與君相看豁方寸，青天四望心目寬。野風吹袂白雲滿，濟南落掌飛勢遠，夕烟曳嶺開屏風，歷山下對城如盤。登高遠眺逸思多，興酣抗響同高歌，已嗟疆齊變弱魯，坐傷清涕汚濁河。（郭詩中有齊魯河涕之感，蓋刺今也。）濁河清涕事翻覆，古往今來如逐鹿，三山十島不可求，樓船駕海濤成屋。今年海防參大計，功成身退君所識，（泰西夷舟犯大沽者十四船，盡破之。）詔書新命倚此行，青兗蒼生望經濟。憂時覽古悲河山，北望閩閩南荆關，勝游未知白日短，猶坐始覺孤雲間。閒游握手不易得，路人旁觀指狂客，但知二命有窮達，誰信兩家無擔石。故人故鄉如眼前，欲去未去心悽然，應將世事老漁釣，暫隱衡山過十年。

歲盡雪莫寄懷篁仙獄中

篁仙與余友，經歷一紀，歲戊申十二月雪夜，宿余書室，聯句二十韻。自後賦詠，共先示稿，款昵之雅，朋好備知。今春夏在京，以篁仙官事頗劇，過從稍闕。余到歷下，忽聞絃網，驚嘆之念，常人不堪，况辱深知，豈惟况嘆而已。會除夕前二日，莫雪結庭，空房感舊，輒成長律，代叙其憤。余素恥爲劇韻，以昔聯句會押難字，追少時之事，遂用韓愈詠雪詩韻，韻依次用。并呈浴庭，尙書肅順，李主事榕，郭編修嵩，譚黃，吉士錫形，龍騰錄汝霖，高進士夢漢，以諸君與篁仙及余，在尙書府相見頻數，故因致余意，庶幾拯之云爾。

開爾南冠繫，凄然北信來，故人時不利，旅食歲相催。籠鳥毛真鍛，寒鴉報可猜。浮雲望燕塞，吹雪過龍堆。坑堞投身入，軒堂取勢回。結澌欺水骨，凝氣縮崖隈。死草枯猶壓，高松勁亦摧。初迷五達道，旋上九重臺。鏤玉敲稜角，如羅漫巖裁。封橋偏凍石，踏徑幾翻苔。屑屑花蕊碎，紛紛粉絮掞。徒煩酒樽杌，空濕佩玫瑰。瓦重樓斜壁，梁驚飯拾埃。漫天俄渾沌，比月愧晶皚。黑海仍掀浪，銀山枉聚財。粟肌人粟粟，卷旆壘鬼鬼。虛兆傳豐歲，嚴陰暗復雷。齊宮暫廢廡。

梁苑只傳杯。郢曲終無和。哀門遂不開。飢鳥口逾噤。穴體戶私培。炫耀形難久。飄搖事起纒。但能陵岸柳。豈敢鬥江梅。罅隙彌縫徧。丘壑掩覆該。汚泥荷裝飾。險路望裴回。儻值義迴馭。眞如項敗垓。呼霜迷衍獄。覓火溺韓灰。勸子歸茅屋。奮田藏芋魁。高歌斗室應。酣飲玉山頹。鄉井多談詭。兒童任擊脛。斷林筍破角。出土藥含胎。消長時時變。盈虛漸漸推。須爲塞翁喜。莫作離門哀。冬盡一陽復。詩平萬劫災。慚余糶衾被。無助恥餅鬻。憶別與長嘆。懣情竭短才。十年同骨肉。一上暴鬻鰥。黃鵠當飛矣。冥鴻何慕哉。閒垂子陵釣。薦謝馬卿媒。冷坐情悽惻。奇文意詭恢。將吹黍谷律。終仰聖人孩。

元日汎珍珠泉寄懷鄧辛眉兼示婦四首以除夕並夢故有是贈

懷歸歸有期。馳心喜年促。少壯忽舍人。春來悟冬速。離景未須臾。和序已再淑。萌芳企陽燾。新故感代續。雖有延年術。時過不可復。五龍非吾羨。願言託雙鶴。

積雪映靈泉。素碧漾空輝。元辰汎輕棚。聊以散我懷。芳藻媚寒波。微風自蕨韮。既無佳人贈。采采將自貽。臨潭思悠悠。滄蕩念無依。瓊蘭非不馨。幽獨在江圻。借問誰淮橘。何爲中見違。

迷禽中夜鳴。琴髯思舊巢。感時念良友。嘆慕在一朝。婉孌清揚儀。之子不我遼。幽蘿怨暹輝。貞柏契久要。瑤絃嫺洽。冷揮手遂飄飄。願盼有餘光。延佇未及招。自無陵風翼。企立懷遠霄。

潛蚪埃春瀾。翠翰弄和風。時至苟不達。安得酒微躬。黃雀雖輕翮。守壘無妄翬。凝陰尙元黃。膏澤未昭融。去來同心子。矯志希光鴻。

奉送山東布政使被命祀泰山祈雪

東藩肅神翼。宗嶽鎮王垺。元化協天脰。潤溥表地靈。告成七十二。二壘始垂經。神教盡百歲。泰往澤未形。牲璧易

虛降明德祀維馨，愆陽亦何警。睿想結農門，軍租費旬程。旗餉困繁丁，人蘇竦南淮。孽伏纏東溟，綏邦豈天懈。維嶽亮昭靈，公秩裨燮翊。夷亂在豐甯，宸居先湯禱。詔使出沂青，將禮輟方牧。禮享契神庭，嘗聞精誠應。誰謂天道冥，災沴無顯晦。我皇實屏營，聖敬九圍格。肱惰萬紀傾，將期民物康。陪位禪云亭。

感春詩

湛湛蘭沼，中有游魚。寂寂蘭室，之子獨居。春風之來，我思其徐。良夜既止，明月曄曄。月照我影，子照我心。何以思子寄之素琴。

我媚芳草，言下其階。微春始蘇，先答我懷。泉瀾無心，委體從風。漾影新和，窈窕無終。何以思子如彼微瀾，何以愛子朝莫之間。

澄虛樹春宴

華蠟星月下，清夜開四軒。笙歌暢春和，羅綺媚風泉。良游命妙賓，延賞及初年。齊謳引長笛，妍節赴七盤。要妙會人心，宛轉發自然。珍肴相間行，樂飲過中山。但訴芳酌醴，豈念春宵寒。沈酣偶行遊，庭樹皎微烟。繁寂無殊境，朗照寄所觀。逍遙西園宴，恒覺四美難。蘭詞敷嘉音，寫樂承玉筵。

王氏詩

明齊王朱高煦獵遊歷城縣標山，有標汲水，見之而美，留問其姓。對曰：「王氏。」問其夫家，不對。迫之不從，見殺而莫敢尸相傳。爲東鄉王氏云爾。後五百年，王闔運始爲歌詞，以附樂府而傳之。

芳草綠標山，葉葉隨風舒。窈窕誰家女，行汲出山隅。素手引纖繩，輕腰約羅襦。行止自嫋嫋，照影爲雙姝。路旁誰

不觀不得暫嘔嘔，齊王恃驕貴，馭馭出田游。萬騎俱裴回，裴回南陌頭。朱輪兩躑躅，繡旒交縶紉。借問彼姝子，恐是秦羅敷。鴛鴦垂手前，應對自紆徐。答言是王氏，一言已婀娜。二字無多餘，齊王再三問。誰何是卿夫，夫名在妾口。王今問何如，韓憑因婦死，微賤易崎嶇。王能制生死，妾能守區區。賞賤不相涉，恐此事難圖。王是萬乘子，妾是千金軀。別我寒泉水，盈盈照明珠。辭我雙汲瓶，瑩瑩比玉壺。當令便破碎，誰復計須臾。人生富貴易，妾願不相渝。東鄉千萬人，西里百餘家。共飲山下泉，不食泉中魚。魚行不易雙，泉水清有餘。流傳五百年，但道王家姝。

朝莫二首

風急夜蕭蕭，轅門鼓吹高。市聲喧曉近，歸夢入春勞。天地隨詩卷，關山感敝袍。南來一行雁，應見洞庭濤。塵起歷山平，寒泉只自清。長風高詠發，落日壯心驚。兵氣連東魯，河流混晏城。西樓吾不厭，憑眺眼中明。

贈高松江倬一首

高到郡，道經濟南，中與何丈紹基登歷山歸，集飲何宅。酒次言與故友李伯元善，訪其遺詩，因有是贈。

高志無近懷，朝市望山林。孰是簪組內，獨抱江海心。明牧眷清淑，杖策愜幽尋。良遊拂寒徑，虛室對清樹。歡言偶已接，勝寄理不沈。蕭蕭言詞外，寂寂冰雪襟。因論故人誼，感激思悲吟。卽事已爲古，結契猶在今。雖亡郢匠質，未輟鍾生琴。誰謂投分淺，道合情自深。晤對誠外緣，獨往佇徽音。上治資靜理，繁劇非我欽。若遺出處跡，期訪南江灣。

入西山從潭柘寺東澗至山亭

幽柏澗半青，芳草徑初碧。參差重閣外，峭嶂山四壁。入門松風起，偶坐溪亭夕。靈泉度烟響，歸人共鴉息。暫聞清梵落，始覺心未寂。曠色春濛濛，孤此雲外石。

瀟碧房聽階上流泉

瀟碧延清窗，掩映三竹林。坐對白雲莫，安知溪水心。微風又如何，歷歷一鐘音。春心夜始寒，想象空山深。幽夢斷復續，吾其觀古今。

從戒壇下至可羅村

壇空松陰陰，仙色春更靜。風移龍蜿蜒，雲散日靚靚。飛襟一里翠，度石雙屐冷。娟花不出谷，獨對山露醒。芳香路之半，遠近自春影。日莫逢歸樵，相看在人境。

歷城龍洞

絕壁風岌岌，寒巖石晶晶。不因平原敞，豈見連幃驚。捫天入靈洞，窺日出雲局。高幽造二奇，丹白絢重城。鏗鏘白刃上，覲聽未敢甯。龍移土色枯，楓落瀾氣清。峻削無長棧，喪我石隱情。蒼蘚埃春酒，蒸色儻愈明。暫來誰能淹，樵斧上青冥。

登峴首作

拾拾平野春，蹙蹙千幃日。幽探踐南郊，仄徑指蘿室。既沿清溪轉，遂攀峴首石。中峯仰崢嶸，虛洞俯泉壁。返照明嶽門，烟霄度樵跡。浮雲一迴望，清漢若可挹。淒清古事去，寥廓雄鎮寂。空尋龐公隱，終泯羊侯績。果協無名果，巖秀猶願摘。

月夜汎漢

日落山水秀，薄遊清漢淵。風光遞明滅，丹翠飛參差。孤峯媚我舟，到影漾漣漪。月出采色變，微藍澹烟波。波光獨空明，遠岸逾逶迤。時復清風來，寂靜中夜期。同心感華芳，眞賞信不疲。如逢解佩客，爲我贈相思。

病中大風登龜山望江漢

宗生願長風，枚乘觀江潮。如何衰病時，伏枕畏驚濤。抗袂出奇遊，微命寄輕軻。偃仰陵洪波，曲折履山椒。曠望千里外，始覺江漢高。清濁雖異流，風起俱滔滔。連山勢浮空，城郭見孤搖。奔騰王我神，豈念筋力勞。蕭疏今古事，悽惻爭戰交。成敗相推轉，豪聖無久要。雄圖在我掌，撫劍觀四郊。清角吐哀響，聞此胸襟消。

古風答贈尹杏農十一首

上京九門門九關，少年白馬黃金鞍。出門欲別苦相送，爲君舉酒歌路難。春華芳銷白日晚，何爲流宕不念還。古來富貴盡爲樂，坎珂羈旅自生嘆。

春陽尺水風生波，枯楊新桃氣始和。瓊房美人惜時算，一掩一抑彈琴歌。楚王重色兼好聲，絃絲手怠成淫哇。十三操徽能雅調，心思媚君恐復阿。甯從孤桐憔悴死，不作猗靡枝葉多。

君不見，建章宮中匠石人，門前小女名芳燕。生年微賤不自美，何意一朝近至尊。此時四春見愁嘆，低頭塞默少精神。椒房新歡代故寵，豈得獨專明主恩。沈沈貴賤無定理，因緣闈進難具論。曾聞婕妤避同蓋，欲身抑念奉明君。置酒長嘆息，誰能朝思莫復憶。金貂滿堂君不歡，綺屨見君陳一言。君門貴人不解事，九重幽深喻人意。當時聞我危苦詞，寸心波瀾與君異。一枯一菴有自然，恩好衰歇復相棄。黃金白璧不稱心，爲君懷憂終年歲。

君不見，前門車馬如水流，惟有公子百不憂。少年珥貂作中衛，醉遊不知丞相吏。明朝謁帝乾清門，片言指陳天下事。憲氣敷顏顏色鮮，公卿貴人不敢議。從來遠近成親疏，况我孤直外廷士。

金階玉堂芳蘭門，美人綉襦懷青春。華年貴小不肯事，朝朝莫莫在南軒。東家窈窕好顏色，荷君新寵爲君言。多謙深君不悟，紅顏棄置在中路。昔時贈我金雀翹，懷中還君不相顧。宮中同心見此悲，不辭相留恐君忤。春鴻雖離渡浮雲，此時孤妾最思君。昔年送君始下堂，轉身看影君不忘。中庭芍藥花復鮮，念君三載赴朔邊。別時幽蘭能作叢，形容憔悴芳氣捐。清朝臨鏡已忍淚，薄莫對燭還獨煎。東風飄揚入我房，彷彿起坐帷帳前。嬌羞旁皇君夢中，見君顏色非昔妍。朝聞驛使君邊來，何意道妾行路難。出戶不能望閨中心，小路又懸，東鄰西舍行人歸。歸時說君始欲還，已令思苦疑作真。復令望絕情更新，羅帷粉澤稍欲理。眉黛嬋娟不肯鬢，留容含愛待君至。誰能息意望明春？

請君莫問遠行人，遠人落莫正爲君。君不見相如夜辭臨邛日，彈琴沽酒看文君。一朝詞賦動人主，飛符建節陵浮雲。五年倦遊復倦仕，從容謝病守文園。書成封禪不自羨，有志恥要天子恩。得意失意它人事，豈得爲我賢達論？拳拳玉墀初生月，分輝照影向金闕。君當見此思嬋娟，初八四五缺又圓。昔我倚君戶，仰頭太息爲我言。如今東西南北去，豈得忘我攜手人。乖離會合付天意，心中懷思成涼溫。願君當歌恆相憶，不怨長嘆不相聞。

翡翠雙珠璫，珠花宛轉不可忘。昔持贈我比君德，今日爲君一相憶。南山青松千丈姿，風霜摧頽失容色。根危枝高不自疑，古來幾人保直節？君不見，舜華翩翩委路隅，日莫美好無人折。

去年歡娛太液池，今年離別東陽溪。芙蓉能作兩地花，不能更令苦樂齊。彈琴惜惜未解怨，吹笛慘慘遂成嗟。人生意氣在年少，今我未壯先棲棲。君不見，洛陽蘇秦二頃田，難於管連一尺珪。功名富貴理長在，百歲日短難扳躋。安危倚伏眼前事，終當快意自提攜。

華山畿

可憐華山鬢，無復儂與女；悔不作棺木，與歡同入土。
 可憐歡玉手，分明不敢把；歡容果若曠，低笑看羅帕。
 北寒歡不憤，夜夜朔風重；果欲相見時，教儂作歸夢。
 玲瓏五文策，是歡獨所坐；感歡娉婷腰，端然自媚娜。
 雲中一片月，明明無厚薄；變行蘆菊林，梳子向誰落。
 夜相思，連編千丈竹，看女作長纒。一人無兩心，單思已不開，何為兩見尋？
 欲前畏歡曠，欲去恐歡怪；鏡裏芙蓉花，但作空中愛。
 歡今果明儂，羞人作私語；釣竿語遊魚，我絲單為女。

九年癡中來，容色果不變；漸儂飛蓬姿，羞作小時見。
 腹中暗相憐，顛倒畏女知；蜘蛛掛屋角，來往是空絲。
 將酒著口邊，含歡那得吐；沙錫入尊中，感郎不辛苦。
 新儂與故儂，無故兩相向；打金作雙環，誰能別尋樣？
 兩情不堪說，沸湯沃縣壺，使儂銅心熱。

雞鳴天欲曙，明月不應落，愁見歡子去。

發祁門雜詩二十二首寄曾總督國藩兼呈同行諸君子

已作三年客，愁登萬里臺；異鄉驚落葉，斜日過空槐；霧濕旌旗歛，烟昏鼓吹開；獨慚攜短劍，真為看山來。
 風樹晚蒼蒼，千家閉夕陽；雲低一水白，山占半城荒；負米看貧婦，歸樵趁野航；亂離濕節制，稍喜見秋糧。
 羣盜縱橫日，長沙子弟兵；但能通大義，不廢用書生；地盡耕耘力，人驚壁壘精；後來司馬法，應見寓農情。
 舊部多專闕，新除始建旗；祗慙臣力盡，敢恨主恩遲；白髮人將老，青雲驥不疑；平生推獎分，寂寞報深知。
 拙速元非計，全兵寇亦能；不成援北固，終擬棄南陵；病馬三秋雨，曠鳥永夜燈；賢豪盡無命，天意恐難憑。
 寇騎憑涇縣，潛軍度績溪；蒼黃十營敗，風雨萬家曠；事後論形勝，愁來厭鼓鼙；新安聽媛處，惟見月凄凄。
 城郭背飛旌，思歸正獨行；入舟成避地，失路豈逃名；孤客十年事，寒溪一夜聲；康山僧白首，應不笑無成。
 內府波文艷，先朝雨過杯；當時盛文物，餘制見尊罍；近權青山稅，長燒白骨灰；乾隆老工在，猶望御窰開。

鬢氣浮三島，龍旂擁萬乘。妖星逼南斗，秋雨謁西陵。石馬無靈骨，銅駝有中興。餘生多涕淚，空灑望孤棧。
慟哭勤王詔，其如社稷何。至今愛國少，真悔養官多。四海空傳檄，書生豈荷戈。蕭蕭易水上，立馬望山河。
拒虎誠無策，飢鷹且未馴。如何載彤矢，翻擬賜黃巾。西望咸秦險，東依晉鄭親。從龍卅八族，今日竟何人。
上將仍黃鉞，徵兵走絳旛。憂危廷議息，予奪聖心存。國體無新進，軍功惜舊恩。嫖姚真智略，史筆願詳論。
財賦歸吳蜀，荆榛復幾年。冥冥王土窄，擾擾客兵繁。白馬關門練，黃牛巫峽船。惟留尺寸地，豪傑望旌旛。
巡撫聲名久，籌邊日夜勞。應防呂蒙檣，莫畏阿童刀。盜賊馬除易，荆襄控馭高。時危根本重，倖側步江皋。
寂寂重陽菊，飄飄異國蓬。孤吟人事外，殘夢水聲中。書卷千年在，親知四海空。真嫌村酒濁，醜醉與君同。
惜別臨秋水，殘霞映客衣。雖爲千里送，終是一人歸。天地豺狼滿，東西燕雁飛。明知故鄉樂，無命采芝薇。
有客歸湘上，荒村正晚秋。轉因無盜賊，祇是苦誅求。不謂東征餉，終爲父老憂。誰能同卜式，破產覓封侯。
亂後山仍在，舟行客自如。推蓬驚宿鳥，燒桂羨溪魚。人語嵐光外，漁燈暮色餘。軍書三日斷，已似武陵居。
向晚彭蠡渡，無人見鳳心。幽明一爲別，波浪至今深。冷月來孤照，秋蟲坐苦吟。二忠祠萬古，揮淚不重尋。
平波千頃秋，吟望水天浮。隔浦帆如馬，扁舟夜傍鷗。昏昏雲拍岸，慘慘霧蒸流。獨羨隨陽雁，年年萬里遊。
舊業傳陳李，新知夢尹劉。茫茫泉路短，側側上京秋。一水遙聞戰，千山隕隔愁。乾坤飄泊盡，風雨送孤遊。
道在身將老，名輕願不刊。浮生信舟楫，高詠滿江山。王粲從軍去，陶潛解印還。文章吾後汝，流轉愧兵間。

思黃李詩

同治元年冬，余歸自武昌，皆蹈風浪，驅駕舟楫，但有樓櫓之聲。會病活垂困，臥滅草處，倖側既飽，慨如無生。
俄頃聽舟人論亡友黃司使善政，言切余聞，惟恐語盡，因憶咸豐四年冬十月，洞庭夜宿，亦聞人述李樂平

節義，涌悲引淚，遂下霑衾。詩曰：

誰謂知己難？夙昔對賞音。十年忽乖互，千載遂侵尋。余悲固有涯，事往逝如夢。安知流傳論，啓予念商參？人皆思舊德，心豈忘軀歟？淺言切深悰，新哀動故忱。無燈臥寥寥，浪激風響深。君如精魂在，來見江海心。委化達生死，閱吾痛在今。果若通冥幽，寧不降昭臨。山川有浮沒，此道不可沈。舉聲不能言，泣下遂霑衾。

答贈陳懷庭鍾英詩

蒼蒼南嶽竹，寄生本無心。一生四五尺，三日自成林。昔逢朝陽輝，總秀被孤岑。今也鸞鶴去，春莽響荒森。處身堅且危，如何拔幽陰？浮塵翳世間，要路久見尋。遠物非返素，竭來共軀歟？常恐守高節，鷓鴣果誤尋。辭榮昔有賢，胡爲賦嗣音？傾曦尙餘光，獨往不顧深。何以申我恨，命彼笛與琴。

感離詩贈陳嚴

憂來誰能居？鴛言棹輕舟。浮雲侵明月，夜短不可留。杖策尋盤石，解帶息椒邱。時苗鬱芊芊，滋露已復秋。年徂悲道長，思滯怨川流。良逢無旬日，歡宴苦未逾。飛鶴響始振，燕雀已啾啾。幽人望晨曦，扶光忽西遊。空谷非余榮，亮志與化酬。

表回清湘濱，清湘不可滋。三閭沈元陰，達士久已辭。懷居固未弘，長役詎不疲。臨流眷通津，中渡恨自疑。蒸雲皎炎景，夕氣變頽輝。微風起初宵，躑躅星燦四垂。清思惜昨遊，獨處嘆今非。人生新故間，且夕若朝飢。清醑庶斟酌，聊得慰我懷。

夏夜

心煩怨日長，日沒情已莫。列星久懷光，磊磊照始視。圓景絡四隅，澄素若可附。思欲託天關，臨望心所慕。微風飄山下，湛然生涼露。佳人在閒庭，何以慰獨步。清湘尚無梁，况彼河漢渡。勞想非精誠，謬言終良夜。

衡山篇寄懷庭

衡山青青四百里，兩家同住一山裏。浮歎吹散六合雲，眼前離合亦如此。山中十年不相逢，老大見子風塵中。君來居我麓山寺，我今卻向回雁峯。今年九旬百回見，一日辭君淚如霰。雙龍乖羽翮，向天四馬纏。纒纒走轟電，綠槐搖陰覆官道。生綃微風日，泉泉遠村斜。路行客稀，夕陽滿地禾黍好。一家茅屋占一山，柴門不閉炊烟閒。野雀飢鳴常就食，溪牛浮鼻自知還。朝哺飽飯餘無事，妻兒滿眼皆如意。蓬頭對客更何慚，折腰解印方知味。買山未就難買隣，避世何如且避人。江湖咫尺蛟龍門，松桂縱橫麋鹿羣。人生富貴苦少暇，乍可低頭學耕稼。君不見，馬援曳足土窟中，悔不歸乘少游馬。龍申鱗扇當有時，愛君雲霧心不迷。長虹削劍橫天外，白日驅霆下海西。世間盡笑東流水，百鍊青蛇今纔指。不如與君攜家五峰頭，百年一日間即休。俗人惆悵苦相憶，唯有月明湘水流。

益州行贈曾大夫傅理曾君兄弟皆故人黃司使舊客黃公戰沒因代領其軍平

賊而歸索予贈詩

紅巾伐鼓通邛笈，烟塵瀆洞昏梁益。漢家飛將久不聞，長沙銳兵能破賊。黃侯機警才最奇，百金選士隨戎麾。君家兄弟皆絕足，連翩並向西南馳。三軍迅疾若雷電，萬虜奔騰散鼓鞮。祇言舊技穿楊葉，千里追風成一蹶。日冥空山敗卒歸，月臺圍兵七重合。軍主新亡部曲疑，紅旗倒卷角聲嘶。孤營力盡雲壓壘，千騎星殘夜突圍。書生卻跨紫騮馬，猶是當時一健者。鏡吹重翻三峽波，揚鞭橫過天山下。東西飲馬二川回，棧道盤蛇一劍關。雲中曉日刀州樹，

江上秋風石鏡落。從來生死酬恩遇。黃金斗印誰能顧。寒夢猶聞刁斗鳴。扁舟已泛江湖去。灩澦驚濤五渚春。悲笳長憶故將軍。一身轉鬪自無敵。白首同歸有幾人。歸來獨對青山坐。山外閒看羽書過。九死誰知身命輕。三年祗覺君恩大。如今高枕聽松風。心意蕭條無與同。卻笑從來魏尚拙。兵敗猶要一戰功。

燕歌行

淩蘭低嫋秋風初。夜池輕香墮芙蓉。鳴蟲切切暗四除。缺月纖纖光有餘。微烟靜樹霧下裾。佳人飄飄度庭隅。涼夜難逢獨離居。秋來感人步踟蹰。微吟風中鬢髮疏。羅袖翳月望黃姑。人生歡來不須與。會日雖近今夕徂。良時一失華草孤。當見不見更何如。

秋曉風日偶憶淇上

秋雲洗晨光。庭樹碧已散。風期偶然照。水石若在眼。清淇憶曉涉。虛慮得初盥。日色馬上明。波痕驚邊淺。淪漪自然綠。空秀不可限。樵汲帶清景。望望使步緩。自從閉門來。屢見王路蹇。澤衰懷慕鴉。道難懼蓬轉。情閒地仍幽。物擾理自遣。誰謂山水深。方從寸心遠。

四景詩

泉聲入山靜。林光近水秋。凝波受雨凹。輕雲擁月留。

奉送按察倉司使景恬歸中牟

鏡吹清秋水。輕帆指漢塘。恩深未終隱。道在豈無容。臺省霜前柏。田園亂後松。升沈十年事。應不預山農。曉日卷紅旌。湘流透舊城。明知八鷗貴。誰信一身輕。去把重陽菊。歸嘗趙女橙。傾城肯相送。猶是綉衣行。

出城步至南湖澗迎婦空返明日婦始歸作一首

涼風惜露寒，芳草漸無依。誰能坐相憶，始念與子違。耦步出城關，行行望湘圻。野曠夕森厲，日落青林微。川梁既
暎絕，驚浪使我疑。佳人失良約，暮色久蔽虧。徒知來帆盡，佇立未敢歸。思深忘道長，空返覺路遲。別數思愈濃，豈格
一夕期。無謂我獨勞，嘉時不可希。

獨坐感秋贈曹鏡初耀湘詩一首

桂華久已芳，佳人胡獨居。愛來共相憐，翔步此城隅。秋草日夜綠，流風旦夕疏。凋榮亦何恨，道在情不孤。夙昔願
遺形，空館驗盈虛。固知彭殤幻，杜德自充符。何以散幽心，清秋襲我裾。日落羣象冥，思君起峙巘。

未陽舟中寄懷夢緹

北風度回雁，君處定先寒。水逼孤舟冷，愁連綉被寬。空房留燭久，瘦骨壓衣難。欲問相思意，窗前五葉蘭。

擬曹子建雜詩九首

明月照高樓

春風入晨林，愁思方無端。悲來命清瑟，嘆響激欄軒。良期曠三載，迴路阻且艱。君子勞遠役，使妾長孤閒。芳離隔
江沚，蔓草秀中園。會合儻有時，容華難久觀。願因浮雲逝，萬里致君前。不惜自媒苦，恐君心未然。

西北有織婦

瑤臺有佚女，綉服耀明璫。長年學機杼，終歲不成章。蘭朝坐馳驅，急景怨飛光。長嘆空房中，引領望遐方。通達猶

難進，今也限關梁，將附鴻鵠翼，一舉見圓方，安見瓊樹枝，含華委路傍？

微陰翳陽景

朝霧散光輝，微炎不自升，修葛蔽雲障，宿莽抽高陵。凜凜途上士，獨處若懷冰，始見麥苗秀，俄視堅霜凝。欲歸忘故塗，將仕嘆青蠅，躑躅高臺下，潸然涕咨膺。

攬衣出中閨

閒居感春心，出戶望所思，和風何悠悠，朝露潤堂階。嘉樹講陽辰，百鳥盡南飛，歡會結中情，還願恨有違。皇蘭不長芳，鸚鵡使我衰，征役無時暇，江漢日已微。往古多榮遇，君行獨忘歸，浮萍戀清源，葛藟施條枚。舊譽何可常，根本願不虧，永望終令德，以副夙昔懷。

南國有佳人

瀟湘有佳人，皎若明月光，夕隨飛雲逝，朝從順風翔。容媚世所榮，蘭華恥自芳，負此窈窕質，徒倚愧中腸。

高臺多悲風

驚風厲危關，海氣暗重關，中洲萬里途，歲莫何時還？孤舟易傾沈，持楫苦未嫻，誰知孤鴻羽，霄漢正飄颻。願垂扶搖翼，振子滄波間，白日翳塵土，邈然失所攀。

轉蓬離本根

桓鳥別所生，東西自遊敖，寧知嚴霜厲，趣我出蓬蒿。如彼山上松，斤斧構榑巢，裁爲承露枝，從此遂孤高。延陵亦

被裘，顏子樂簞瓢，已矣何所慕？行行局吾步？

僕夫早嚴駕

撫劍懷壯士，命駕出西城。荆蜀多榛梗，吳會安得寧？願登太山頂，鷗望皇路平。淮河何湯湯，良馬向我鳴。惜哉無良御，倏忽離轍傾。誰云還歸樂，願得鑒我誠。

飛觀百餘尺

岌岌四望樓，表裏見山河。長風吹四野，平原忽嵯峨。烈士無寧居，愚者樂苦多。中國盡征屯，江海正揚波。獨懷耿介略，清夜起商歌。亮節出奇響，豈敢復歎嗟？

寄題潘氏園

青驥沿回溪，林館影春樹。歸來十日雨，坐想高樓暮。璫窗靜仍啓，珠櫺潤苔路。亭院隨水清，九曲映澄素。波光接一翠，松色在巾屨。娟琴上月，響滴荷下露。抽簪便疏散，麋遊亦已屢。謁來如鴻雁，但恐驚鷗鷺。余將返舊壘，竹石營所住。

正月廣州送羅小蘇濤還長沙

作客春常早，新歡別更難。扁舟送君去，三日海風寒。雲度滇陽峽，香歸楚地蘭。茲行莫回首，嶺外霧漫漫。不入潘園宴，知君高隱心。舊遊春夢早，今雨故山深。句浦新求藥，成連獨鼓琴。去隨溪柳綠，歸坐石橋陰。

鹽井歌送兩廣鹽運蔣司使志章按察四川

風沙煮海燒白波，蘇沙萬里霜嵯峨。調均五味作民食，流傳霸國生條科。天井炎光出神井，西當白道通岷沱，爾來平準四千歲，粵川引少淮網多。聖人神功運萬物，意充江浙填漕河，南荒西徼戶庭外，萬民耕織四海和。奇磔盜皆始駉修臺，可優暇吏媵阿，日中憂忘物盛未，見貧寡招傾顏。光豐公卿幾千人，疏通政體誰第一。金田西夷未災變，朝廷將相生茅棘。始聞三庫搜金銀，不數閭閻闕衣食。紅旂一掣海水飛，萬里空城映寒日。廟堂恐懼推賢俊，草野蒼黃獻謀策。農桑利盡權稅嚴，播蕩江湖轉蕭瑟。粵鹽登四方，海鹵白枯井火黃。擲金取利募年少，達官卻羨鹽場商。豈知政事有根本，河南牧兒壞紀綱。况復懷金倚牆壁，四封魚爛成奔亡。憶昔清明百度肅，舉發政猶康莊。周宣中與石樊呂，鴻雁還定旱不荒。三藩傾禍豈有極，當時撥亂皆仁皇。近聞左師收錢唐，出兵整肅不可當。四方浙餉對東餉，五年不見曾軍強。得人爲政萬事畢，區算錢穀非賢良。君侯都運總鹽鐵，廣州亂後民夷創。南年清節映海色，天遣移部臨銅梁。旌旗拂拂春風光，衆賓出餞傾玉觴。下車按察訪循吏，願誦治譜除螟螣。雪山炎海皆膏腴，西南民力今何如。路經江湘少時曠，兵疆地小國內虛。使君問俗停隼旟，吏民和輯毋自疏。儒生客遊豈長計，時平好買南山廬。要令眼前息兵革，與君更讀華陽書。

欽差大臣多隆阿將軍挽詞

精銳萬人敵，飛騰百戰雄。摧鋒過賈復，常勝誤咸宮。天地心難問，河山勢已空。武昌論別地，今日始途窮。狂氣橫盧壽，傳聞智勇深。喜承專閫詔，恨失貴人心。部曲仍無敵，東南亂至今。移軍非廟算，歲月坐侵尋。建業人開壁，臨淮夜乞降。收功儻一戰，傳檄定三江。解體誰分謗，連兵各擁幢。興亡關此局，遺恨誤謀邦。匹馬向無前，風沙晝颯然。芒星拂蓋屋，秋冢對祁連。地險曾橫戟，營空只散烟。何堪論形勝，三輔日羶腥。久致貂蟬貴，終成馬革歸。十年名將盡，雙華夕陽微。荊棘平原慘，秋楸葬地稀。淒涼秦楚土，醞酒送丹微。

聞都統舒保戰死德安時多隆阿將軍歿於蓋屋兩公舊皆湖北名將連月繼殂
而寇犯鄖德恐遂長驅乃懼而爲詩

不見中興業，驚聞二將亡。風雲塞四塞，旂鼓昔相當。勇氣熊羆臥，輕軍蜂蠶傷。諸侯倚旄節，論帥始倉黃。
百勝終閒住，孤軍實勁兵。苦心隨用舍，臨敵日縱橫。白髮空棺冷，悲風萬馬鳴。遺孤寄江漢，誰爲作長城。

別廣州寄贈徐子遠灝徐在總督幕府前贈余詩

陸生懷金去，虞君注易來。登夷信易說，公卿固難諧。伊余厲朽鈍，歲暮隨風埃。霜渡揭陽嶺，晴登南武臺。未值貂
裘敵，已見華堂開。東榮揖上客，西園覲妙才。蘭艾本同氣，珠璣非異胎。商羽恥獨唱，章甫遂空裁。暫息海鯤運，終橫
海鯨頤。一朝風雲散，方驚日月乖。乖違念知己，揮手踰千里。離觴待月舉，歸纜乘潮起。之子獨幽憂，高情屬藥餌。伏
枕君懷人，飛旌余背爾。猶誦清風贈，果得連城美。痼疾代萱蘇，投分深桃李。秀傑滇陽峽，空靈清遠水。絕壁雲寂寂，
縣蘿烟靡靡。孤吟羣物外，賞會千巖裏。千巖信鬱蟠，夙昔賞音難。成連一以去，青琴不更彈。黃鐘避瓦缶，歷齒如朱
顏。宿望尚滄滯，羈孤共排攢。寧從千將缺，劍氣切雲端。明鏡朗媿照，長松怪俗看。狂歌送白眼，高枕對青山。五噫方
走越，十上未求官。奇才不偶世，古來共曠阮。離憂貫涼序，松竹橫汀渌。金商激悲亮，秋色乘風雨。銛芒峰似劍，壘壘
波傳鼓。三邊亟陳雲，五嶺連昏霧。跨天南海郡，建節番禺偉。長多素詞，王粲懷鄉土。金雕方自勗，鉛割終何取。聰
明鸚鵡賦，伴狂鷓鴣舞。意氣一感激，關河兩凄楚。關河何鬱紆，意氣陵空虛。誰言逢迎寡，於中直自疏。異縣非楚越，
同心愛儲胥。孔顏昔辨馬，莊惠時觀魚。康成尚行酒，老聃能種蔬。靜言徒悄悄，共覺乃于于。未卜南村宅，行吹東郭
竿。黃鵠有奇翼，赤水無遺珠。待余棄金印，從君讀異書。

東園引

君不見漢家四葉逢聖皇，中天盛業何煒煌。西攸大宛作外廡，南通邛笮開川梁。九夷來賓百神格，朝野歡娛忘帝力。宮中聖母壽萬年，天下賢人有膏澤。江淮此日正騶奢，漕渠十里飛春花。朱樓小婦彈琵琶，富商不復乘牛車。文物聲明古無有，東封泰山觀羣后。玉佩繡綉朝紫宸，翠蓋翩翩動南斗。孝養尊榮四海開，變與奉養出時巡。羽林萬騎扈靈蹕，金貂七貴飛朱輪。深宮不肯論朝制，懿旨唯傳免租稅。百年康阜承休祥，五州望幸誇容衛。龍旂簫鼓發揚州，處處江南佳。可遊南屏山，色西湖曲。秣陵春樹蔣山頭。時平方鎮盡豪雄，爭除御道建行宮。河東賜宴留三日，汾水鳴鞭回六龍。千齡意氣居然在，一代山河人事改。黃河北徙漕船空，井邑蕭條萬里窮。海澱宸居不復御，木蘭壇觀生悲風。何況迢遙千里外，從古興衰信時會。俄聞玉樹對瓊花，旋見黃埃長蓬艾。冠蓋歌鐘復幾人，繁華富貴百年身。祇應後夜東園月，還照平山羅綺春。

露筋祠

亂久殘山苦，時平野寺開。尙留秋樹綠，如見水仙來。空帳靈鴉盡，輕舟戍鼓催。江南可憐女，殘血徇蒿萊。

江甯留贈總督曾侯詩二首

清江湖鴻征，南國始欲雪。疏疏霜草蕪，皎皎晴光烈。荒城寒高望，曉吹送將別。勤心隆宿恩，離憂眷晚節。歸仁豈虛言，亂實彥哲。東南復同軌，功力雅未缺。宴坐方州清，徒鎮羣望缺。旅人徒北轅，窮歲靡歸轍。瞻云謀身輕，進退久未決。關梁何時疲，舟楫竟安設。

荆揚昔播遷，播遷信無告。石城空虎踞，江外苦鳶鈔。九州奄橫流，萬方遍聲教。臨危獨宏發，英相隆再造。康濟資

遠圖羣賢得自效，年深時事移。運量功已到，得失儻偶然。何以喻昔抱高躅，遺世情盛業親雅操。
卷舒自有性，寵辱寧有真。辭榮在一時，未足稱達人。情暉照神理，名俗久相賓。誰謂嬰物淺，秦嶽由輕塵。悠悠古今事，思與聖哲倫。分珪既役志，解印詎離氛。朗襟悟元默，緒業乃經綸。絕塵如何晞，下德豈無鄰。

晚出石頭城贈別湯裕

汀洲多涼風，客露悲已引。蘭樓昨夜宿，明燭有餘燼。良友勸初好，臨歧思紆軫。空城無尊酒，霜氣轉凄緊。攜手西城闌，落日復欲盡。浮舟從急瀾，但愧我情忍。人生善交難，新故若松菌。至人患多情，斯語豈不儻。嘉年無蹉跎，在遠德彌緬。

三郎曲

三郎者，奉宸卿之愛女，當羅敷未滿之歲，爲木蘭代父之裝。與余妾六雲少小相得，余自南海攜妾既歸，於

鄭東逢雨車，知其將北，乃代妾作詩贈之。

貂冠媛玉蠶，羸瘦海龍行。桂金排釧，富門下馬擲銀瓶。三郎不醉能翻酒，內旗懶學宮中髻。北地燕支紅不媚，驚香催歇入南雲。懷裏羅巾封茉莉，兒家富貴傾都下。擇對十年嫌不嫁，房奴橫使水衡錢。斷羞偷騎奉宸馬，大農踏司典稅官。粵海雄歷十二關，朝廷恩例出中使。羣臣不用誇親賢，阿翁白頭最恩遇。羨賞重分廣儲庫，海月如家不憶歸。嬌紅漫漫青春路，鸚鵡雕籠言夜長。二十四時流電光，鯉魚風老北船去。鴛鴦凍守橫塘霜，東家莫愁年十八。珊瑚掛鏡門如月，翠樓明葦夢殘燈。瓊窗片片梨花雪。

思歸引并序

同治三年冬，余從淮沂將遊於燕趙，過桃園之鎮，重訪石崇舊河，朔風飛雪，僂焉而歎。停車裴回，感念伊人，詠其思歸之篇，悲所志之不遂，重尋自叙，喟然而悟。夫以五十之年，居九列之尊，據河陽之園，有綠珠之麗，加以邁俗之志，身在亂朝，有一於此，猶不可免，况其驕侈陵轢，多藏以厚亡乎？余少小鈍弱，既冠始學，初覽經史，未及該貫，而長沙有山寇之圍，自此兵連，奄輿一紀，馳逐軍間，稍習時事。當世名公卿，謬以文詞相許，姓名達於六州，頗妄自矜伐，喜談遠略，視今封疆大臣，竊謂過之。值聖朝開門求賢，開薦舉之路，白衣而登大僚，蓋數十人。余周旋其間，年望相等，雖不必至督撫，其次亦差得之矣。遊半天下，未嘗困阨，然皆無一歲之留，望望而輒去，慮一牽絀，為智者笑也。夫賢才有益於天下，天下有損於賢者，非惟大名之不終，亦思慮之天神也。是以孔子晚年，不夢周公，莊生論人，謂之不祥。且以七尺之身，乘百年之運，自奮於天地之內，董京所以嬰蹙而去之者也。猥以孤嫠之軀，無侍奉之祜，昊天降割，慈德無報。然今年始過壯，未敢降志，稍聞古訓，得其微義，凡有文章，一見通解，室有賢婦，高萊妻之節，女喜篆文，能寫六經，大兒九齡，以爾雅解詁，往往合韻，小者六歲，識字形偏旁。有妾頗彈琵琶，能和簫笛，得屋三椽，弦誦其中，誠足以無悶矣。夫巢由不買山而隱，伯夷不樹粟而食，吾生也有涯，而所待者難期。余嘗遊朱門，窺要津，親見禍福之來，貴賤之情多矣。亦何取身登其階，然後悔悟乎？昔人有言：「貧賤常思富貴。」向子又云：「貴不如賤，富不如貧。」若以物論之，齊化成虧之心，猶為蔽也。凡名者假設，實亦終化，儻非善安其生，則出處之道殊矣。歸歟歸歟，將居於山水之間，理未達之業，出則以林樹風月為事，入則有文史之娛。夫讀婦織，以率諸子，何必金谷為別業，乃饒肥遯哉！既息騁於清苑，閑居無營，因作詩一篇，以明所懷悼。石生之空言，故仍題曰思歸引云爾。

思歸引，悲朔方，長風驅霜雁南翔。眷偷匹，懷江湘，假余翼，誰謂河無梁。天油橫，萬鱗驤，羣魚暇沫，勞相望。人生年樂無方，何為多患，自憂戕，盛名來先受，慮歎未畢，生旁息。遊天衢，歸故鄉，思古賢，人心泰，康洞房雲閣，臨朝陽。

圖書，右姬姜，鳴琴音，金石鏘，懷芬華，味元莊。

岳陽樓

疊浪浮天毒，層樓出地開。山明落日外，秋接洞庭來。平水魚龍瘦，清霜鴻雁哀。危闌莫煩倚，華髮暗相催。

漢口舟夜聞雨

漢口門前路，尋常慣獨行。復聽今夜雨，不似昔年聲。點滴驚寒夢，江湖損道情。扁舟始遊倦，明燭照愁生。

半壁山觀官軍破賊處

江生覆軍地，楚將復稜威。今日空斜照，清江冷翠微。興亡徒過眼，登觸肯忘機。膺有冤魂泣，應慚首禍非。

望廬山

匡君舊遊在，千里更相逢。紫翠半天色，晴雲五老峰。曾探石門隱，猶贖幾株松。惠遠安禪後，星星到曉鐘。

九江

江險通三鎮，西夷建百樓。誰令賈胡輩，仍動廟堂憂。薄海皇威在，中原國士羞。猶應守四境，試遣擇諸侯。

安慶

江岸堅城小，行臺幕府雄。庸臣一奔北，壯士苦征東。列戍三更火，荒田兩陌風。遙看射蛟處，高浪涌長空。

牛渚晚步

巾屨連暮色，蘆沙步步寒。然犀想靈怪，臥犬吠荒殘。遠岫橫雲壯，臨江畫地難。莫誇防采石，古戍但巉巖。

望江甯城夜見鐘山

城郭千年嗣，東南一大都。從來示壯麗，未足守巖隅。形勢傳龍虎，憑陵誤鼠狐。猶應分犄角，設險固黃圖。

獨游妙相菴觀道咸諸卿相刻石

成敗勞公等，緣華悟此間。依然一片石，長對六朝山。花竹禪心定，蓬蒿戰血殷。誰能更遊賞，斜日暮鴉還。

晚渡瓜步

昔聞瓜步險，寒浪亦孤翻。羣盜未西渡，王師嗟遠屯。東南天悔禍，淮海地空存。莫便輕江戍，兵機不易論。

登揚州城

百載笙歌地，今來一炬燬。荒城圍敗瓦，窮賈坐空櫛。國豈貧爲忠，民傷吏不廉。他時返淳樸，休更侈魚鹽。

寶應岱祠

祠祀久寥寂，遺規猶至今。高梧葉未落，夕殿望如深。閒靜易愁想，荒寒來遠音。西城閉斜日，難覓濁醪斟。

淮關

財賦總吳越，關征屬內差。何曾益府庫，竟欲竭江淮。索索經兵亂，搖搖動客懷。傳聞能杭稅，貧吏莫厓柴。

遇王家營感舊

道口臨荒塚，黃埃散暮烟。斜陽不移影，客髮已銷年。得鹿真如夢，悲麟敢問天。誰能老塵土，吾意且林泉。

大雪夜渡黃河

月黑劍光明，橫風匹馬行。雪收天地色，水壓涉河聲。敲火驚龍睡，回舟候雁鳴。孤遊惜奇險，飛鞚過齊城。

平原雪夜

平原逢夜獵，傳炬照千棚。風入鷹拳健，霜纏馬汗冰。紫貂香帶酒，紅袖坐持燈。半醉搖鞭去，南行訪信陵。

保定府城遙望京國

趙北精兵地，千年霸業休。不能求樂毅，空復倚張柔。俗薄連畿甸，官多久咨流。至今燕骨弱，轉憶割幽州。

樅陽舟中贈趙惠甫烈文詩一首

松桂參故山，江潭復孤櫂。芳尊延初月，之子同清照。倦旅心寥寥，風流振雅調。烟塵念昔別，蕭散降今好。滄波偶喧寂，治亂旋相吊。時變豈人居，但惜華髮少。深宵語未闕，汀曲轉幽窈。舟移雁聲遠，燭去江文搖。無悵共淹留，往還遂海嶠。

除夕觀保定行宮作一首

一 寧宮定北極，皇輔首南燕。明德恭堯禹，繁號蓋山川。天行昔順豫，人望屬蕃宣。緹殺臨上谷，采薪宿神軒。浚池象乾派，移石羣雲烟。曲樓抱林月，敞榭濯風泉。臺金惜帝費，河竹助民禱。服教信逾百，維畿亮止千。擅場熙禱祀，宮館

虛懸。寒風鳴水樹，荒蔓絡鉤垣。窺欄思窈窕，臨巖意崩騰。豐昃非時數，張弛自有權。豪歸底西貢，侯釋餐東田。迺聖猶旦暮，開歲告貞元。及吾未疲塞，禪典奉成篇。

北嶽篇

幽并實荒敞，靈嶽肆蟠崇。橫地居冥漠，負天起中峰。穆穆萬障間，端肅見此容。大野氣涼曠，靜慮填虛空。心魂接靈光，瞻禮識所宗。周覽倒馬西，側眺飛狐宮。環帶極千里，分威蔭封龍。堯德昔隆昌，踐冀撫華戎。近折歸冬狩，蓋號識成功。惟聖克配物，非神豈登封。逮移曲陽祀，始恨周行窮。朔漠翳駝羊，恒衛號霜風。神嶽不改度，傲兀燕晉中。天泉浪徒涌，慶忌遊榛蕩。水雪封其顛，鱷豹專此雄。徑路既已絕，良時復難逢。悵望無人鄉，欲去徒忡忡。神威豈不達，真形若昭曠。世人未始聞，作歌告其蹤。寶符何足探，喬隨美周容。無爲誣皇典，貽哂恒陽松。

飲安陽酒樓作

輕車翼遠風，春塵翳飛蓋。平沙盡野勢，通衢貫邑內。軒軒五樓亭，俯見鄰郡大。左滸右河間，壯傑一都會。登覽懷昔遊，命酒獨慷慨。北望浮雲陰，朔塗久荒蕩。貧弱積晏安，燕趙遂凋瘵。王風鞠茂草，神教已百代。漢業誰再興，魏公實雄邁。曠然開崇宇，霸功猶可賴。土風非不淑，徵管竟終廢。棗莧依王澤，苞苴在所覿。艱危自古然，誰謂值天壤。愧無匡時略，且酌亦且唱。豈敢陋微軀，投老息林壑。

南歸過汝墳作贈妻詩一首

遊客懷春歸，春盡遊亦倦。新燕如故人，差池始相見。朝登大防陴，風塵散四遠。蒙沙暗碧樹，近水明芳甸。荆豫氣始交，清和景猶絢。南州昔富繁，被澤乃豐宴。詩人感伐稻，尙懼王室譴。余非從政才，散勞淑婦勸。驅車豈願息，瞻徯

甯無戀繫阿從此辭，獨往淚如霰。

臨洛歌示侍人莫六雲

臨洛南望春還早，試下青驄踏茸草。歸心正喜見芳菲，隱性真如到林沼。孤行漸遠偶凄然，復值窮郊生野烟。古堦離離果當路，平沙漠漠白黏天。尋常關河慣辛苦，佩劍橫腰作龍舞。如何對此心神驚，自有征行無此情。身如孤鴻來復去，愁似歸雲縱橫頽。關欲傾，勢轉急，午日陰凝城寂茂。雀踏牆腰壞土崩，犬銜馬骨寒溪澗。此地從來連趙都，蓬臺歌舞久荒蕪。誰知明月照清瑟，但見垂楊啼夜鳥。閨中不省行路難，學成琵琶塞外彈。他時夢著邯鄲道，恐懼嬌嗔破玉顏。

題扇詩并序

扇之爲用舊矣，自班氏有棄捐絕恩之歎，世人稍喜留藏，多求題寫，珍之錦囊，以充佳玩，常有數百年前之製，然皆純素金象貴重以爲飾，名士書畫筆迹以爲重，前朝多尙摺疊，尤易收弄。至於謝安所握，羲之所題，以其蒲葵終無存者。然則婕妤所歎，亦以純素而後在篋乎？夫物之適時者，其爲用廣，則其質不美，得之也易而棄之若忘；有見珍重者，必其閒置者也。是以麤磨無服箱之功，芝蘭無充口之味。若以篋筒爲無，則蒲葵其永恨矣。雖曰微物，可以喻人。故忠臣遇主而糜軀，烈士徇名而致命。自期芳於千代，終同盡於微。况復老驥在廐，必有愧於青駟；班女白頭，豈無慚於金屋。成功代謝，庸有吝歎；余性不握扇，嫌其妨手，惟對賓客時一持之，頗有當世精扇，常委筒中，每出遊遠方，多歷歲月，適當須扇之時，又隨購焉。而世俗初夏不用蒲葵，頃以四月南歸，至樊城而亢熱，市中求買，乃無精製，因憶去歲於韶州亦買一麤絹團扇，若今官遊人士，未能堪持也。且時當乏材，則庸夫充位，士不自薦，則太璞歸真。既感佳者之委問，又傷用者之不見珍，遂作

詩題於上云：

大隄春盡鶯花老，歸轡重經漢陰道。征戰塵荒估客稀，歌詞枉說襄陽好。南風吹麥煖氣蒸，紈素未裁愁暑增。聊從小市買筠骨，粗疏正憶韶州繒。從來物用始於貴，誰道過時仍棄置。萬物無心隨愛憎，空將水炭傷君意。蘇杭細絲京郡工，世人爭買誇玲瓏。甯知輕盈滿懷月，不及蒲葵大扇風。湘江藏扇年年怨，篋篋棄捐華落賤。猶經芳袖時卷舒，應勝塵沙逐流轉。沈吟物理各推移，自謂繁華全盛時。一朝用舍不相讓，多謝秋風班女詞。

湘妃廟

帝子出九江，靈風澹容與。玉顏比瑤華，千載豈能故。便娟憶南國，山館儼神御。芷蘋懷芳香，波濤壯空霧。龍駟偶夷猶，烟樹碧已莫。聖仙久忘情，侍輦惜茲路。峇然浮雲外，清淚潤朝露。中宵響靈瑟，揮手何怨慕。願眎遺光景，飄飄動天下。旅臣形擗步，攝茗獨延佇。思欲貽下女，但懼非款素。神想存舊宮，終焉儻迴顧。何所無芳蘭，伊古乃榮遇。

君山

山色無邊近，明秀湖天中。方嶼浮片玉，扁舟拂神風。掛席六來過，清境未易逢。歸塵既已滯，始得闕靈宮。登陟未覺高，四望豁心容。驚濤洶茫茫，光映化冲融。珍木不知名，芳碧自成叢。邱壑情所止，漁樵事已同。幽敞兼二奇，雲水盡玲瓏。平生曠歷覽，神逸獲更豐。當願長來此，移石對喬松。

丙寅人日因散帙見高大心夔庚申人日見寄詩憶舊游作示知者

昔尋風雲遊上京，當前顧眎皆豪英。五侯七貴遍相識，行歌燕市心縱橫。九江狂生高伯足，平生見人但張目。單衫側帽隨春風，二十紅顏美如玉。行年相校一歲彊，俱騁逸足馳康莊。曹劉阮陸不並世，文歌琴酒爭軒昂。公車召

試等一擲未抵鼻盧要先得，高車認寫夷吾書（余試禮部賦得高車高相誤以爲管子書事也）大卷濃塗保和策，
（高兩應殿試均以謬誤置四等）尙書（協辦大學士肅順）賜第（在扇子湖）花氈毳醉翻酒盞相歡呼，盛胡（盛
主事康）佛優喧坐隅，徐郎（徐編修昌緒）屈鄰請爲奴，就中龍黃較清穩（龍編修湛霖黃學正錫壽）當筵未肯
汚茵，穉尹劉高名（尹御史耕雲劉司業熙載）頗相怪，王門長裾事權貴，劇然黃鶴歸青冥，重來已見山河改，我隨
亞相（協辦會侯國藩）困祁門，君留朱邸謀東巡，清晨夷歌滿都市，一炬使燼澄懷園，嗣皇中興覽堯典，手詔畢邵
誅共歸，李斯五刑不足惜，彭王藁首誰相問，當時意氣論交人，願我曾爲丞相賓，俄羅酒味猶在口，幾回夢哭春花
新，君歸湖口波浪惡，屢干相侯只蕭索，同時得路俱騰驤，往日庸奴又高爵，蜀中二李（李都轉榕李根儲鴻裔）滇
二劉（劉知府樹堂知縣樹義）各懷銀印踞方州，郭少卿八驪（郭巡撫嵩壽）張蔡已覺曹郎羞（張員外世
準蔡郎中毓春）龍家兄弟亦豪快（龍知縣汝霖）高平甘棠春蔽芾，黃許同稱太史官（黃錫猷許振樟兩編修）
潘（潘副都祖蔭）長（都統長善）入坐儼相對，世人見我空逡巡，如君登第亦輪屯，惟餘莫莫莫，舉人友芝）鄧（鄧
巡道輔繪）守書史散作東西南北人，前歲娛園訪秋竹，招邀太守（王知府必達）同明燭，東湖夜水空如烟，相思
桂樹年年綠，杯酒白刃心膽粗，別君豪氣未敢除，人生少年苦作健，別時白面今有須，獨行尋藏久無趣，西遊華山
不得去，南隴五嶺東渡淮，去年更折恒山樹，倦遊謝病從文君，移家承水學隱淪，知君一事苦相羨，新得西施能負
薪，早春人日桃破萼，花下見君人日作，七年歡笑猶眼前，世上紛紛有哀樂，南方花早東風顛，憶君攜手靈臺前，馬
纓紅拂綠絨席，牡丹香醉金梳船，東城西館不復夢（東城內寓宅有馬纓試禮部時假館也）山西會氣在海淀，貢
丁香雜樹士覆試，因譚御史鍾麟借焉）圓明宮柳生荒烟，四春老瘦泣珠箔，昭陽月冷人淒漣，長隄珂轡往來路，
誰信於今走狐兔，滄江寂寂臥對春，與君不得傷心語，廬山雲連南嶽峰，名山萬里精靈通，休言沈薤南龍劍，猶能
吐氣作長虹。

邯鄲才人嫁爲厮養卒婦

風月暗相疑，容華坐見欺。那知羅薦軟，惟怪錦鞋遲。你嬌分不逞，暫死妾難爲。朝朝與莫莫，轉恨不相離。
綠隸從金鞍，房中欲語難。惟堪論棧豆，曾未識鳴琴。歌舞空勞學，鉛黃無處看。長持謝張耳，或恐遇任安。
從來可奈何，才貌枉人多。瑋璋玉可碎，昏昏鏡不磨。聞時強笑語，積久慣差池。清瑟夜猶響，叢臺無路過。

蒸上春望

和春被芳草，朝雨濕鮮林。昨遊復幾日，舊路杳幽森。閒居易遺物，感望空川河。新茗四啼嘔，淑氣交余心。碧草去千里，我思一何沈。清蒸不盈匹，九折有餘深。美人棄我久，江海其淫淫。徙倚青楓樹，獨返衡門陰。

寄題吳先生敏樹北莊詩

閒居異沈隱，夷險各有造。卜築不期遠，自得湖山奧。場來孫埜行，窈窕巴陵園。望盧識所欽，果對靜者貌。夜軒星河清，尊酒初月照。繳言續禮樂，好樂豈云施。同生識損益，孝若昌典誥。婚嫁願身終，兄弟念所勞。道貧固無憂，出處各不繞。紅顏倚玉杖，素琴送金爵。德客慕林藪，壯氣論海嶠。麥秀復再斬，凱風絲仍搖。從遊不可期，深入亦獨到。近聽承口鼓，永罷淑中櫂。琴英搥石泉，所願日幽篠。何以贈明德，千里匪孤陌。

贈馮氏姨子詩一篇

穆穆凱風，華木繁榮。剛柔分質，託性同生。原隰眇眇，有實其英。枝葉勿翦，可以喻情。咨余孤幼，母慈實願。腿勉慈母，丁彼終窶。繡綺是溫，葵意是哺。誰有周親，鮮克自度。嗟矣外氏，來自東吳。未綬託輝，遂顧其闕。苗裔弗秀，延及姊妹。相彼馮子，三姓同枯。鬢髮從母，亦遭不淑。插於檣陵，甘此貧毒。同生分跡，限彼川陸。塵起飄逝，遽然俱覆。

粵余閔凶，慘痛焉如。叔舅奄奄，又喪我廬。爾猶偏蔭，扶侍曠曠。昔懼不育，今也丈夫。爾母蒼蒼，外家之壽，駸駸。惟貧能久，賢不憂養，豈必致酒，寒泉永歎。我獨無祐，惟我與爾。素純當門，基不易立，業亦難新。六職攸殊，道在守真。言不可僞，志不可紛。爾彼鸞鷺，各集琅玕。覆此維畫，振其羽翰。爰居知風，九鼎勿歡。瞻是松柏，而畏歲寒。道習有常，人惡自異。承是儀訓，以甯爾志。榮辱是共，能不爾冀。瞻仰遺恩，以睦姻懿。

嚴公孫日本刀歌

余友嚴威嘗視余古刀云：「其祖平寇漢中，所常佩也。」威素有縱橫之志，尤愛此刀，命余作詩。同治四年春，威從浙軍歸，不得意，發疾而死。余與威誼同存亡，而獨見其天，越十有八月，乃爲此篇悼之。

故人贈我松石篇，兼示日本刀。詩成明珠照神骨，刀如秋泉割雲窻。云此神鋒浮海來，先公佩之平三槐。雖梁百年洗戰血，東南兩亂如奔雷。龍螭乘時能屈伸，警將提挈靜邊塵。悲風夜卷北山雪，晴日朝分西海雲。不須割割試鋒利，一條寒光生壯氣。白霜鑿透秋鷹稜，青電平磨老鯨背。本知神物不妄傷，奇氣驚人入走藏。空堂廣坐起芒刺，世間不敢看鋒鋸。冰文霜華仍寸裂，出匣入匣經年月。大冶鑄成信不祥，百鍊純剛終自折。長虹耿耿北斗搖，兒童魑魅皆寒毛。休辭棄置比凡鐵，爲應留用與鉛刀。

郭嵩燾劉蓉兩巡撫先後罷歸贈詩一首

華樞在長材，雲遙接傾軌。徒然損高節，未足榮一己。時危易特達，難紆銷積毀。之子固連城，雙旌翮鶴起。憂深李文食，謗滿樂羊紙。捐印反見嬰，登壇卒相抵。入門慚松桂，云別未逾紀。淹留竟何成，康濟俱未擬。出處固多塗，揭來在俄爾。門閭宛舊色，鼓角疑過耳。糶累猶超然，攀纏得無悔。伊余識寵辱，放跡巖壑裏。穫稻聊紀年，種松詎盈咫。依

依水石外，逸逸隔憂喜。貴賤甯有終？早歸復能幾？應知逐推移，去此方脫屣。霜清洞庭木，秋映東臺几。誰患招隱難？淙窮儻來止。

龍渡峰體連騎田秀冠桂陽秋日登游率然有作

涼風吹會阜，碧草蓋秋山。跛陀引松桂，阡徑轉巖泉。雲行入冥霧，杖策遂攀緣。重嶠傳楚牒，烏路度騎田。靈羸靜湫穴，文豹隱霧縈。修阪秀孤石，百代闕彫鏤。從來選勝客，自取經過便。諒非聖仙跡，荒外莫與傳。矧茲作阻鎮，起伏傲中原。虞秦事俄頃，岸谷了未遷。此山天地內，斯遊在其間。圖經豈爲壽，曠奇聊可宣。歸途載餘興，晚色霽平烟。不辭巾履濕，但惜塵騎膺。飄飄神猶王，澄寂物愈鮮。寄言賞心侶，知余關榛菅。

花園堡秋望作

心閒易成悲，避愁轉畏靜。野陰風嫋嫋，卉木盡秋景。清行引高興，覽物自淒警。川巖實無情，獨秀人外境。古今無間運，泉石遂孤冷。余懷耦杼柚，時過豈重省。昨來橫橋戰，艱危遏凶獷。清波無久喧，斜日淡已炯。涼空方蕭蕭，因感謝桃梗。

秋雨後夜起作寄龍高平

涼雨驚桂枝，吹花灑階闥。城南夜窗人，惟君獨天末。別情宛如新，擊鏡忽華髮。長謠獨清醒，何以慰契闊。從政子既勞，學道余已未。仕隱同此心，怛怛送日月。清秋夜初永，因夢度林樾。故山猶可耕，庶來共飢渴。

桂陽別詩奉酬黃學正洪熙贈餞之作兼呈州中人士帳飲諸君子

南皮樂夏宴，梁苑美冬游。文歌徒暫聚，離思方悠悠。殊余惜久客，水石恣淹留。友仁既有訓，鄰德信多誘。薄植省

逢幸，羣書慚獨，耆英傳。巖山水記。湘州。束馬都龐嶠，擢秀桂華樓。提鉛朝復莫，編草春及秋。梁孟固同廡，陳
仍接輅，補袍攜庾妾，挹袖召浮邱。池荷屢榮落，殺竹始衰修。本無枚生速，終愧侯芭求。縣金樊陽市，論價三都紙。獻
賫千伯樂，負卷投知己。知音卽賞音，邂逅盡同心。俄看對明燭，早恨分離襟。新情忽如舊，懷抱自然深。高張城東館，
重宴壽龍陰。霜肥十月荈，魚漚西歸鷺。列朋誼學禁，清歌動越吟。戟門招狗盜，都尉進羊斟。但愁街鼓動，無妨箔徑
侵。一朝酒人散，翻聞昭氏琴。琴弦出雅詠，朗朗兼金映。送余飛鴻目，賴子清風贈。晝夜蕭寒，秋濤晚作灘。舄舟暗
相引，雁陂雨初還。平陽舊津成，印石遠峰巒。浮家不弊役，距陸轉勞看。乍作眼前別，真成對面難。知君學舍冷，相思
蕙草殘。周叟杖時過，陳公棋對彈。訪道金華客，聞簫緱氏山。曹司話京國，李老厭衣冠。二何竹林彥，沈飲金尊寬。曹
生建安骨，秀發青琅玕。龍潭鼓角靜，鹿峰弦誦嫻。良遊尚時續，窮年亦自歡。促膝豈云異，余懷誠未殫。鍾湘夢可越，
蘭蕤長無絕。晴開桂嶺雲，霧合衡陽雪。梅煖香如耐，松寒翠如髮。松寒水閣虛，車馬日應疏。籬釘留粉絮，崖窗走蠹
魚。莫忘前夕酒，甯題異代居。東岡一臨望，平路長縈紆。飛囊動丹碧，平水靜菰蒲。歷歷郊蓮樹，重重岨嶂區。應憐來
客簡，猶驚冬序除。報瓊酬往訊，裁素貯來書。

自龍江渡綠水至烟彭菴乘舟莫還

香鷁尋洲嶼，春心愛此時。物華爭綺麗，空望轉逶迤。暗谷分花艷，孤檣倚樹危。幽篁采芳杜，誰見從文狸？（是日
登山見青狸不避人也）

石門無數曲，青嶂碧流間。迥互仍相引，空明見一彎。輕舟漾落日，芳草上春山。坐惜餘花晚，終憐幽意閒。

水芘生田隴，畔湘衡俗以和稷爲糲。清明節物也。余家每從上冢，采歸供饋，食加
籩。今歲祠祭，妻妾自出田間采之，感憶爲詩。

淑氣回青甸，傾筐惡綠茸。年年傍邱壠，惻惻憶兒童。晴雨新春色，流傳舊土風。粉妝明薦廟，遊興與淵同。

春雨

臯蘭漸平路，叢械秀芳椒。春華既靡曼，和雨成慘澹。新歡不暇賞，開軒眺曾霄。連幃浮翠講，平池被川濤。漾漾夕陰動，娟娟新綠高。飛燕弄柔風，鳴雉喜初苗。遠遊久息駕，卽景良多招。適人固非適，調度放方調。理隨物情豫，契與芳時要。谷音豈遠響，原叔念無遙。

登前山

鳴鳩告農始，鷓鴣催春華。攄情託高望，山原盡紆斜。環流了縈帶，靜浪涵平沙。粉榆新舊廬，畦隴畫參差。芊芊高下碧，藹藹晴烟花。願彼隆冬柏，黯黯寒澌涯。霜春忽改觀，蕭槭豈足夸。違衆非至美，榮荈及時敷。妍賞有移易，貞脆理不遐。目存代謝跡，心吝良辰賒。服成且風詠，遊逸期中車。

山中子規

亦知無別恨，每欲喚愁生。怨入庭花暗，聲催嶺月明。幽篁春竊窈，山鬼夜凄清。試作連宵聽，東風萬里情。

詠庭中雜花

白桃花

芳樹最先春，娟花猶似雪。曖色夜如空，新情朝不歇。玉顏嬌自許，明豔替雲髮。

海棠

何處曉妝來，醒紅點玉頰，柔枝通體媚，輕花并日開；春風早吹起，蠶蝶莫相媒。

山茶花（一種曰芙蓉瓣）

朱粉自穠敷，枝葉較粗疏，凌冬看故蕊，隨春明玉除；將持比芍藥，應惜皺芙蓉。

紅躑躅

六尺珊瑚樹，千枝赤玉鐙，相看風日麗，誰念別離增；行人自躑躅，非聽子規聲。

白杜鵑花

夜月明如玉，空山不辨花，雲來一庭暗，風去百枝斜；恨君嗟淚在，不遣照窗沙。

春風

遠水接雲昏，風沙暗送春，日遲驄馬倦，花落小園貧；秀野濛濛白，荒陲歷歷新，飛埃來不近，愁是庾公塵。
燕子歸何處，高軒空自吟，黃塵三月莫，宮柳十年陰，荆棘花長好，桑麻綠已深，遙知玉橋側，午漏散朝簪。

長沙贈別李申夫兼呈同集諸公

諸公袞袞持節旄，翩然脫手如鴻毛，湘城搖搖搖樹矛戟，翠柳繁花紛是日，院司閉門街吏喧，文酒招要競游集，吾兄心靜身跌宕，有時白眼看侯王，玉池山人夢金闕，再入京國同趨蹌，爾來風塵滿江介，百年富貴浮雲外，正逢手詔徵賢良，不惜高官盡除拜，鳴鑼躍馬東南馳，十載再見澄清期，紅旌大旆光纓綏，余亦高臥衡山垂，長沙五月湘雨寒，一夜浮舟從急瀾，幅巾握手快相見，知君昨日初罷官，同時流輩殊顯晦，且言還往無冠蓋，高吟合沓聲動天。

沈醉縱橫酒如海。賈誼宅邊心遠樓。酒酣正見平湘流。蒼然平楚銷人憂。江湖浩蕩連歸舟。就中李鄧早相識。豈憶祁門坐愁疾。人生得意須盡歡。莫遣他時憶今日。新知樂盡悲生離。留君且駐君不辭。篋中自有秦嘉鏡。城裏爭傳京兆眉。錦筵紅燭奪明月。清馬十日吹蘭雪。衆賓皆醉誰獨醒。金尊倒盡天冥冥。我來較晚非晚遇。苦辛且得申長句。自從閉戶春山空。無復悲歌燕市中。新人顯達故人隱。去日悠悠來日同。門前稻熟請歸釀。相思但寄西飛鴻。

前林遇雨

江南秋色佳。出門盡青山。高軒三日雨。始見楓林丹。薄遊不期遠。攬秀上平原。東峰莫雲合。飛瀑過我前。齋閣靜蕭蕭。欲往迷蒼烟。松桂橫來徑。陰森自相連。行止貴吾意。誰能待邱樊。荷裳冒雲濕。葛屨踐寒還。牧人荷笠望穉子。出林誼快遊。非屯塞坦道。信所便。寄言永懷客。車輻徒罷煩。

得王饒州必達書寄酬一首

伯緒矜早貴。元長恨宦遲。高才屈世寵。豈是榮台司。伊人裕遠圖。十載滯一麾。稱多未爲拙。反塞亦有宜。振策華京道。嗣音空谷期。要津衆所習。三徑子所思。娛園竹未歇。陳亭菊始滋。雖容簪組下。高詠自委蛇。異趣固同適。室遠匪道睽。儻憶濠魚樂。無慙逢惠施。

湘鄉西南童梁山居荒崇之隅。族岡巒之秀。咸豐八年。余與羅伯宜訪曾滌生於

山南。始識李雨蒼。於曾坐上。今歲赴左孟辛喪。重過其地。則伯宜已死。黃平會李遠在燕薊。山路有蕩雲物。逾美感離念。逝重以哀。左之切輒於馬上作詩二篇。寫其悽愴云爾。

昔年揮鷲馬，沙磧困虬隤。今來策逸足，緩轡吟崔嵬。險因征徒盡，山爲達人開。青松既茂悅，磴道無還回。修蛇緣風雲，曠望出煙埃。東西千巖峰，蒼白聚雲堆。寒光動人心，鱗色盡飛來。阪竹鬱冬秀，樛草及霜衰。真心不期中，申贖質懼終。匪豈感時序，眷言惜同懷。

新知良易歡，舊愛信難終。匪不服古節，賢智不相容。伊余習風韻，俊彥亦雲從。冶金豈徒踊，干莫難爲鋒。功成未易居，名高世所恫。崢嶸十二載，存亡各息恩。浮雲東北驅，葦障西南霧。余本腹背羽，江海眎樊籠。出美泉石遊，入契琴歌。因是得樞始，好樂豈疏慵。極知化終理，善生不蕪窮。藏壑竟誰昧，控地聊相從。寄言卒歲遊，忘天入鴻濛。

春分日和龍高平秋日縣居詩仿姚合體

種種真成計，何如乞食時。卑官問自惜，循政久應疲。縣小賓僚暇，秋清木石奇。夜燈遙在眼，寂寞最相思。見說當官健，終聞入世疏。嚮搜文布政，狂妒沈尚書。陶令腰頻折，元龍氣未除。誰知田舍裏，猶自有長沮。湖南布政使文格道過曲沃以故事責其供帳明且已發而縣吏叱止文車搜索箱篋文嘗告人焉沈尚書桂芬巡撫山西亦有徵言故第二聯云

至德聊應世，奇才只自亡。便令飛海水，誰遣下藜牀。宗膾元蓬艾，喬松肯棟梁。別人知有道，孔老未相妨。廿年交友有李伯元黃子春左孟星嚴受甫並天下奇士天枉者

工拙自爲計，琴書世不爭。驛人知隱處，識記伏詩名。壯學猶羞晚，幽居早達生。藥苗朝夕長，微有惜春情。莫放春間去，何時酒共開。柳宜通體看，桃愛折枝來。水閣波頻漲，官庭樹幾栽。將詩誇小吏，贖倒接離回。葺宇常招客，書箋試遣兒。奉深三考過，量淺一杯宜。認筒農須課，心忙病可醫。饒君增勝事，終是在天涯。無意看除目，俄知寵辱深。想遊天地內，難遣利名心。移疾憐知印，除煩試解簪。史官傳止足，早悔素絲吟。

自識春難久，頻憐家在茲。燕銜窠裏絮，鴈竊夜中脂。減價官輸米，征蠻帥奕棋。從君斗城內，十載樹旌旂。
十日城中雨，陂唐一夜蛙。柳如新解帶，蠶似舊分衙。逐路晴光散，依田土屋斜。桃源非世外，祇隔一重花。
夜久風敲戶，詩成月到樓。茶香憶龍井，花影拂鸚裘。塵世山邊是，歸心望裏休。豈能真夢覺，閒詠作閒愁。

擬室思詩一篇代六雲

朝雨周四除，空房寂無端。言別未永久，榮華始欲蕃。期近思逾促，戚戚不暫寬。沈陰蔽所望，將食廢晨餐。庭戶無
彷彿，何時照光顏？（其一）青青園桑枝，熠熠飛蛾翼。出門日有程，思君復至夕。良緣百年中，飄若空中畫。愚私良已
周，佳期何由積？憂來不自保，悵悵自宛悒。（其二）衝風入屏帷，颺颺攪余思。思心不臯甯，履履其何之？昔分永睽絕，
今爲五日期。自君之出矣，芳草成華滋。思君如春水，瀆漫誰能持？（其三）牀燈景復光，夜短何時明？愴然思君子，訴
我故時情。華枕猶在御，獨寐長悠悠。闌門下重關，但見奔電流。自無翮飛願，息意還衾裯。（其四）晨興臨明鏡，見我
昔歡愛，人離還復親。冀與我君會，從來向七載。誠願忽不遂，賤軀恃鴻恩。豈覺已魯害，自顧非陋姿。非君孰覆蓋？
（其五）無親欲何依，覺覺想念之。不傷年時晚，懼爲中道遺。退進禮有恒，高誼君所知。雖慙金玉質，承賻既有時。君
子念眷履，倘來終惠慈。（其六）

春懷詩四十八首

重陰合四野，麗嶺西筵間。長池汎積雨，飛花自飄翻。春筴不遺物，覽秀還欣然。嚴駕將何之，幽途迴且艱。遙思盈
庭戶，長嘯激欄軒。

晨露下青林，餘寒襲紈素。晴鳥喜烟開，朝光謫余戶。春氣洽已久，霜霰焉足懼。喬松獨知時，梯柳欣所遇。榮華在
當年，觀者豈能悟？

黃鵠下建章，本自海上來。風塵汚靈池，六翮胡爲哉？君子悅近翫，小人識其災。自無百尺桐，神鳳獨裴回。搶擄枋榆下，燕雀終何猜？

平生輕薄游，韓董願同輿。馳道交六轡，行人僂路衢。出下承明輪，入乘果園車。鳴鐘未及晨，促漏盡須臾。嗟彼瓊

倪兒，豈足填溝渠。得時偶披昌，失路俄朽枯。榮寵良可惜，樂極將何如？

猛虎禁山藪，吳公若敵國。平時雖委它，臨機在不惑。妖童矯輶傳，扈扈河汾側。豈無威重臣，閉閣恆避客。誰謂仁者勇，雖容付郵驛。陳尸九衢旁，未假一夫力。至今悚東望，心悸田子色。淮南憚汲生，弘也如振箠。歷下猶可遊，飯牛

東門石。

王子未弱冠，安步登臺衡。康妃謬相疑，侍御盡回驚。問平不輔政，風采傾二京。誰知艱危際，再起鎮物情。滿盈不

皇息，常願居高明。人生寵辱途，趨避亦營營。不如恣遊宴，逍遙可長生。

連道有奇士，隸耳服牛車。志欲千里遊，任重苦相加。局促長轡下，寧見白日斜。覆轍相追尋，嘉此獨負荷。恆恐馬力盡，東野忽蹉跎。北風起燕代，慷慨長咨嗟。

嘉謨竟何施，發言已盈庭。自非安危計，謬折何所爭？高談出四海，願一道款誠。薦實在一鶚，衆鳥徒飛鳴。愧茲腹背羽，野立空屏營。

青楓明江水，芳澤雲容容。佳人翳修袖，悠然思無怱。東風飄靈雨，千里望相逢。恩深怨苦長，願欲訴離蹤。悅懽婉變姿，揮手陵九重。信美已驕傲，豈謂莫我從。

浮遊惜日短，采采振衣服。雖徵達化權，媚此好容色。竭羌獨何爲？薄莫不皇息。蘇九長孫子，卑墮永相襲。生理有萬端，去矣各努力。

塗客斗酒博伊涼，三公接計吏，豈不愧承筐？咄咄市道交，委曲愁我腸。

昔余遊西山，北望太行巔，春風動廣漠，蔓草與天連。蕭索彌百里，烈火不能燔，杳杳無荆棘，何況芝與蘭？狐鼠走索羣，薄莫鳴辛酸，誰使茲路塞，慨然吟下泉？

華樓翼廣夏，岳牧奠方州，偉哉廿三士，環海鎮橫流。山澤殊高下，驚驥不同軌，一朝虎賁卒，脫劍垂九旆。紛綸進退間，升降信雲浮，常恨白日短，光寵不久留，豈能回明照，秉燭夜行遊。

旭日出東極，升中始揚光，初月嚮太陰，亦用慰瞻望。晦明有常理，非我獨旁皇，既無偃息分，實願照扶桑，色聲信娛人，澆澆杳冥翔。

七聖迷襄城，四子窅汾曲，由來道不同，釋位喪所欲。至人亦櫻寧，無爲患拘束，搏摶接史魚，三妻自同浴。

九州吾所經，誰能更遠遊，竭來海外客，駕言到林邱。昔聞殷王子，高節邁真儔，率履既不越，觀海同安流。嚼然日月光，東出照燕幽，無賢豈能國，單于笑千秋。自恨處卑濁，欲往無輕舟，雖微避地哲，跂予消我憂。

高樓冠丹霞，朗然望八荒，樓前咫尺地，蓬蒿如我長。去此若俄頃，誰知歷九霜，東鄰走狐兔，西邸吹笙簧。愚者苦惜費，達人信無方，經營百年中，但言樂未央，得失非自我，何爲愁我腸？

京華遊冶子，本爲繁華觀，九州日康娛，何惜一旦歡？戚里相招要，第宅自交連，明后被締弋，妖童曳偏緣。快意耳目內，時逝忽如弦，中山獨何感，聞樂涕潺湲。

今日惟元己，青陽將欲移，寒風驟碧樹，宿雨霑路歧。豈惟遊宴情，歲序忽以馳，良辰不我歡，和煦獨何施？來者余不羨，逝者余不疑，但惜終倉卒，空負一歲期。

平日登青邱，壘壘墓與墳，青草被岡隴，寂寥送千春。年年臨寇壘，此路行復親，寧知人與世，排突猶一晨。思欲置妻子，偃臥松柏鄰，驚風暗白日，遠駕增酸辛。

昔年十四五，文翰頗翩翩。馳騁劉郭儔，馳騁相拘連。揖讓未云畢，圭組何紛紛。被褐上蒲輪，高議動華軒。文儒歷時務，將處木雁間。有名斯有辱，物我難周旋。焉見無名人，厭世上登仙？

達生願長年，長年絕人事。一去同不還，孰謂死生異。黃鶴呼子安，振翼陵九澗。服膺霜露精，飢渴非我意。吾黨有李巖，紅顏玩塵世。荆棘蔽山岡，黃鳥飛復逝。衆人徒百哀，不以喻明智。

空堂曠悠悠，寥寞臨四野。悲來欲誰訴，翔步觀廣夏。飢鳥且啾啾，求羣不皇舍。置網掩八紘，本不願微者。懷抱會有在，棄爾蓬蒿下。

昔我遊江漢，高枕黃鶴磯。洪波汨滔滔，南北晝夜馳。開襟建雄藩，形勢接海維。是時金鼓喧，揚豫沸如糜。長風振陰埃，驚蓬挾地飛。貞臣厲偉略，奇智奮孤危。孤危昔已奮，今來坐陵遲。自非扶桑樹，西日誰能揮？

天地運有窮，河流夜不息。包絡華夷間，湯湯互南北。奔湍忽徙流，徐冀俄已晝。誰能遵此途，帶甲橫四極。桑榆日已西，眇然望碣石。

飛鷹鳴長轂，所見皆王侯。借問冠蓋下，飄飄盡浮遊。青軒植桃李，本不期三秋。春燕懷客心，囊棟豈淹留。俱同百年壽，垂涕復何求？

夙駕河津濱，南向望衛城。淇竹有餘蔭，康公壠已平。軒鶴馱梁肉，石憲不從征。繡衣空委蛇，傅姆泣宵行。木瓜徒區區，乃欲報瑤瓊。時嶺楚丘外，亦復愧無成。

黃華造高臺，妖女眠清夜。巾袖懷芬香，裴回步宣榭。朱顏不常榮，倏忽嚴霜下。樂極傷人情，悲來不能舍。朝登齊夷城，慨然閱童昏。豈忘燕婉好，恍惚棄所親。二三實無終，珠玉瀆明神。單帷蔽初旭，高闕集冥塵。鼓鐘朝

復莫，詎識我憂屯。歡遊復幾時，幽夜不再晨。鴈鳴鳴榛棘，可用謝遠人。惡木不可棲，鸞鷲宿射干。好醜同一致，日莫且盤桓。至人無利害，物論豈足言。長繩舉六翮，了然見方圓。心悲吐

奇響千里一來還。

橫術有拙農，荷鍤耘千畝，貪名未能已，志欲連岡阜。春膏迨良辰，耕播勢不久，傾資不遺力，但見生荆秀，時晏速自謀，無爲怨鄰耦。

殷宗勸鬼方，漸石怨皇朝，盛衰雖異時，天下固同勞。傷彼瘵厲地，空山叫鰥嫠，驅役禮義民，言往爭窟巢，且貴置度外，修德布綬要，苟無鹽鐵論，豈悔開哀牢。

誰言日再中，垣平坐成欺，佞子工時變，累卵自忘危。葵丘驕九侯，盛業久已衰，猶勞東西略，束馬卑耳陲，身死柏窠內，五子卒相夷。

南夷交北狄，焉能汨華風，但畏讒邪子，回適實內訌。昧者獨茫茫，餘衆逐曠耆，杞人好憂疑，亦足自詒凶，豈有明達士，長戚以圖終。

橘柚來牛蠹，松柏損蠟毛，甘堅豈不良，方類亦所招。區區老禿翁，七十欲何要，日莫冷復遠，豈念車馬勞，榮枯終消散，視彼心忉忉。

飛雀依庭戶，粒米聊自度，所損誠亦微，營營令人惡。太宰饗爰居，九獻曾不顧，是非誰能讖，各以飲啄故。修修南山竹，垂垂北水薇，下有行客吟，上有翔鶻飛。春風緣芳徑，拂拂吹我衣，卉木日夜長，我心慕以悲。晨朝理清瑟，激響越瑤華，焉見靈瓊樹，朱華委路歧。

誰爲心所欲，悵望臨春風，豈云一朝遇，良會願有同。繁星映碧樹，零色正朦朧，歸雁西北翔，羣呼夜離離，目傷無疇匹，日久凋朱容。

吾生亦有涯，於世亦有因，達人信無我，孰謂非我人。明月隨四遊，恆星布八垠，俱同一氣運，成毀徒相徇。家章挈地母，傳說出微塵，默默守一耦，龍蛇爲我鄰。

寂寂清川水，汙汙赴巖曲。飛壘濯其波，比翼自棲宿。凌蒼藉陰沈，朝光忽如沐。行舟泛春流，甯暇相隨逐。機心自難馴，物性多倚伏。空聞海上鷗，翔集狎異族。建德如可遊，詎與詹尹卜？

朝與良友期，夕告余不聞。豈惟仕隱殊，人事信多端。桂枝既可涖，瓊靡勸其餐。山中獨掩留，未若濯浦盤。置此異同事，且從性所便。詎作浮丘子，攜手去人間。

良驥不服箱，駑駘致千里。長途非吾事，敗駕當自止。悲鳴阜園間，懼爲伯樂恥。老聃適流沙，仲尼歸闕里。皇皇道終窮，怨尤遽能弭？

道術分九流，儒墨自茲煩。末路倦歧途，箠鼓不復喧。稷下無講肆，馳騁競空言。聖盜一時止，斯言諒非謬。小儒齷耳目，蠶紫炫人聞。得失何足理，將詰輪扁歎。

誰謂百年遠，萬歲猶一朝。繽紛不相知，稅駕亦何遑。鸞鳩笑鵝鵬，小大固同曹。當年信娛樂，過此誰能要。余生後古人，來者豈余招？先天未爲老，六極未爲高。維斗倘不忒，登雲可遊敖。

樊生願農圃，桀溺把鋤耨。安見樵牧人，高尚勝王侯。巢父避天位，計梭一何周。至人無寵辱，素位始優遊。捐金未忘貧，解組未離囚。悶然辭應問，無取亦無求。

於心忽旁皇，演漾春氣交。冉冉芳節逝，蘭芷成新荈。自我長離別，今來猶鬱陶。芳草若千里，瞻望亦已勞。鳴鶴命新儔，歸燕識故巢。感物長悽惻，寤言歌且謠。

芍藥懷丹芽，不爲覲者妍。凋瘵寵恩阿，風日始相煎。榮枯衆草內，豈慕世俗憐？佳人縱情好，白首誓不捐。古來若無死，何以解此歡。羅袂招彼美，紈扇棄華年。有色故有情，諒非心所然。

日永愁思長，逍遙賴鳴琴。芳花明瑤席，浮雲翳庭陰。皇蘭豈不榮，蓬土難爲心。江匯饒靈宅，重華始相尋。南嶽有孤風，朝陽抗奇音。寄言三青鳥，時暇當來臨。

夏日寄懷曹郎中耀湘

昭陽鏡萬里，薰風度卷阿。送懷明曠望，倏忽陵關河。佳人常獨居，守一抱清和。炎塵合九衢，念子罕經過。爲郎非其好，解嘲意云何。鸞鴛朝市情，善隱猶薜蘿。余情偶淹留，匪曰避嗔珂。高枕對松石，怡顏眎庭柯。初蟬惠余音，蟬颯涼絺羅。同心各所適，城內諒不遐。家道出史官，國宰應駘它。人適室何遠，念茲同詠歌。

寄莫五丈友芝

山居易徂歲，索處離爲年。江東與君別，蝕月二七圓。久客便所寓，懷歸憚山川。沅澧日夜流，曠望風霜前。雖耽琴書樂，豈勝昔所歡。華髮對裘牀，縮衣感洛鄜。旅遜旣殊趣，風波誰與言。常謠影山句，枉勸鍾庭烟。儻有松桂興，暫來宅湘坎。

衡州城西望雨

夕氣清陂唐，天容絢林壑。陰霞映玄霄，金暈相鮮灼。殘陽明遙甸，素雨昏叢薄。丹赤擅西雲，青蒼負南嶽。驚森驅荷浪，涼響通蘿郭。霧合望仍空，光連象惟漠。到影如可陵，超塵視寥廓。

盛暑得雨池上景色已復秋情感而有作

閒居願暑徂，安知惜長晷。涼風開遠懷，驚秋寬物候。浮雲何奄忽，百感俱陵驟。時華競方新，人生獨已舊。丹薇亘貧榮，垂楊已倦茂。遷流有由然，聖達明所受。趨常人多悔，時過始蒙督。悠悠誰使之，往者不可咎。

嘉會篇九年十月於長沙作呈龍李二鄧

嘉會固有常，賢聚斯爲慶。矧茲二好合，欣逢四難并。濃煊擬春晴，密雨調霜令。歡言翹杯行，新晴樂離病。龍李宅殷憂，巷廡已溷漭。釋此且微行，訪舊驚年復。余生信無涯，二紀勞將迎。悽悽尙德里，落落衡山詠。風川無損時，達者超其柄。但知來日樂，豈憶徂年競。缺月已復盈，德星儻相映。且當數經過，終然不伶俜。

心遠樓夜飲呈同坐諸公去歲李申夫罷藩使時頻宴此樓主人朱翁好客多藏酒數招文士集飲十月己酉劉總兵設技樂餞余余三爵後辭而赴朱遂盡街鼓踏月而還因述舊游兼調任鶴年黃錫燾楊恩壽龍溥霖二鄧子

良宴歡相續，翻催惜別心。高樓華燭夜，歸客白頭吟。醒酒宜寒月，傳更雜戍砧。相看豪氣在，誰信百憂深。促管背花來，秋光滿玉階。夢嘗去年事，根觸酒人懷。舊月非今月，無涯接有涯。麓山常在眼，登賞幾回佳。少小天真足，追尋興不闌。中年歡漸少，正賴酒相寬。百里供鮮贖，深秋破蟹團。主人能好客，看取玉杯乾。犯夜拚街吏，行歌識醉人。管弦閒月露，潭醴話風塵。憂國吾何敢，離筵豈厭頻。傳詩誇蜀使，高會每回新。

石牛塘途中作五首

余先世下宅石牛塘近三百歲庚戌經行會賦長句至今二十年爲族子所賣先不相告也既無求田之志兼少買山之資躡躅門前感懷灌灌

故宅沿明代，艱難託子孫。石牛空識主，駟馬不容門。往暮人先老，茗亭屋尙存。寒塘休照影，青鬢曉霜繁。自雲湖至姜畬方三四十里曠土彌望比年散軍勁卒相結攻剽若度地墾荒數年之間桑麻被野余既不假安人之柄鄉人衣錦方奪農功故無足言矣觀此一隅何患人滿聊存此驥冀或行之

曠土彌無際，蒼蒼一望中。田園民廢業，家國道終窮。準擬十年計，橫栽百萬松。猶憐臥龍客，徒作種桑翁。

前福建提督王明山少壯不偶，乞食吾鄉。既以軍功起家，富貴冠於一時。後有郭松齡者，以財結交，聲望傾王。然真率不如也。古者受成於學，而虎賁說劍上不違教。鄉校猶存，今老生貧儒望過王。郭若稍能禮導，陳剛衣冠化其蠹，曠生其畏。慕鴉集泮林，况於虎臣乎。而或拒或諂，正論無聞。青青子衿，豈不多愧。

將軍昔貧賤，乞食衆人哀。一劍君恩重，三年甲第開。愧無芹藻化，誰養棟梁材。莫恨人才少，徒驚富貴來。

自立雲市至馬坵，昔歲貧婦推髻鴉衣。今少婦童女盛施朱粉，酒壚逆旅不類貧家。入湘鄉則妝飾異矣。咸豐中東南盛爲拖後髻，曰蘇州髻（讀若派）蓋服娼也。

橋上當壚女，雙金繡額圓。巧多蘇髻髻，嬌索市門錢。舊日村牢落，窮嗟淚泫然。繁華非盛事，饑亂况頻年。

己酉大比荆岳流民渡湖者相望，吏民惟務振卹而已。去歲及今水患尤甚，巡撫府縣下令格殺饑民，然橫索自如也。振災之法治亂異宜，今宜於災地重施，無令出境。比年兵亂人輕去鄉，轉徙之民幸災樂禍，然議殺流民胡可訓也。且前者振卹湖南以興，背本吝施非吏之罪矣。

水患推庚巳，重湖賴上游。寧知冠蓋里，徒有稻粱謀。應客無肥馬，還鄉賣犍牛。老農間論世，肉食莫深憂。

雨過空靈灘

烟岫濛濛白，秋風瑟瑟青。歸帆開霧雨，細浪響空靈。水驛雙鬟報，灘聲一枕聽。霜編不易得，隨處問漁汀。

塗田權戍示從弟世同

夜火明孤戍，荒愁暗裏來。饑寒羣盜苦，津邏幾時開。短榻深宵雨，新霜北嶺梅。何須鬪升斗，終願故山萊。

酒集憶甲寅歲潭岳戰事感舊有作贈彭侍郎玉麀

至人不嬰物，應物有推移。行藏固自我，遷流忽在茲。江湘昔崩迫，羣材競求施。綢繆義軍帳，奮迅潭城垂。仁兄總一旅，伐鼓振天維。重陰豁然解，大捷始赫斯。誰參督府謀，仍蒙驕將欺。認興靖澗役，再償城陵師。自此縣一紀，囂然吳楚疲。余乖終軍策，偶作田單師。從容視成敗，憂憤論安危。八汛洞庭舟，久忘沙鷗期。寧知期戡定，臣亦得鳴夷。波濤譏笳鼓，林樹疑旌靡。裴回風月下，昔是今非非。拯溺事由己，成功退所宜。悶然來去間，身外豈足識。逝川無停舍，今古復幾時。情深日滔滔，迹往空遲遲。消搖值晚節，已過誰能悲？

青草湖曲

湖草最先春，芳心自千里。汀洲偶然望，客恨連天水。平生不省江南怨，柳眠花飛春始見。誰知露葉烟絲中，一水一隄情萬重。平波隱隱迷空曲，極浦萋萋隨雨風。湖光草色春相引，扁舟暗覺東風近。行人來去真相思，天涯曷盡愁難盡。

小泂峽

平隄疏柳晴初綠，輕舟桂楫驚鳧浴。津吏馮闌意思閒，茶稅未登鹽課縮。澄江百里作雙回，官舫鳴鈺早晚來。真向芳洲尋杜若，年年水退草空肥。

早春漢陽曉望作

雄襟建三城，曠勢迤千里。沔江波始春，方舟道如砥。水氣濛濛晴，昏昏愈清綺。真秀不可圖，芳艷非蘭芷。懷人惜道窮，媿安論霸始。嶺旣崇胡鸚，洲義酬李貞。臣經緯謀，今日山川美。鬱然層樓觀，無詒仲宣恥。

正陽縣道中作一首縣令張君翔立試堂

北風振邊塵，本來自朔方。雖無動地力，翳此白日光。征夫務前途，息處未敢違。經行感遺墨，昔避淮汝荒。兵勢重燕楚，精甲連荆揚。誰能鎮中原，羣寇起鴟張。臺藩既傾覆，兩相復雁行。豈云多算勝，竟感凶徒儻。輓夫一按劍，如何反汝陽。存亡固有時，強弱信無常。至今多壘郊，京觀鬱芒芒。西夷近馮陵，天際窺黃屋。公卿但寄坐，寧念臣憂辱。樂亡豈人情，有智苦不足。思欲叩明后，庖人代尸祝。悲憤立廟堂，從容奠川瀆。勝成文王師，敗比汾水曲。家孀既可乘，否桑信貞卜。翩翩柳垂枝，天姚始榮低。昂塵沙際，亦足慰我情。汝南昔多士，丘隴已久平。伊川尙爲戎，陳蔡不再興。麥苗何漸漸，舊業穀農耕。良令敷儒術，講舍始觀成。願言推政本，聊以惠遺氓。慨彼漆室歎，挽轅重屏營。

重過邯鄲作歌寄六雲并序

同治三載，余自清苑南還，感臨洛之荒寂，念故國之餘春，眷彼舊游，嗟余道長。時新得六雲，彌月而別，以其幼質，尤畏長途，偶作歌詞，有玉顏嬌啼之戲，然自此游倦，閉門七年，知好斷斷，余憚出。辛未正月，強一北征，時則節候早春，七星逾次，平沙芳草，有同昔時，而兵寇之餘，焚蕩尤苦。方臺王會，李毛左諸帥之敗也，余居山中，微聞燕趙有事而已。至於梅榮桃落，槐陰楓曉，樵蘇始倦，詩酒方間，未嘗不率意同軒，但歌送瓊流，賞風月之前，指畫山川之外，當斯時也，殊不知榮辱何因而生，哀樂何從而見，况乎他人之成敗，一時之勝負乎。夫出處一也，而情不勝境，未能忘情，其惟擇境乎。堯喪天下，於汾水之陽，孔子乘桴於九夷之海，聖人有時而避世，顏子何爲而醫國哉。既睹紛爭，自然馳鶯，非夫道力，殆難自止。但歲月如流，倏短同逝，靜者觀化，躁者忘年，余與諸公閱世一也。昔羅桃李之色，今改媼姑之年，豈獨玉容悲其老，而僕僕以循時論，殷殷以務修名，不亦過乎。感而作詩，固非小女子之所知也。

君不見，昔日漢宗置酒論恒趙，嬴姬清瑟聲要眇，壯心苦憶年少時，馮關自指邯鄲道。慷慨悲歌泣數行，人生哀樂信難忘。魏公英姿定河朔，鄴城餘恨惜分香，兩君得意尚如此，何況叢臺兵火荒。舊游飛沙沒車軌，七年閉門風日美，閨中偶論清苑游，有夢不渡漳洛水。羞言十九處，錐囊愁見三千曳。珠履鼓角歌鐘，兩寂寥。門前五柳春風裏，歸雲無心仍獨飛。黃塵有意污人衣，頽牆敗墨悽滿目，榆莢棠梨春影稀。朝市興亡如轉轂，忙者自諠閒自寤。惟應歲月同遷流，玉顏暗老蛾眉盛。畫閣鳴箏久集塵，灑池擊缶任旁人。徒惜趙女如花貌，一閉阿房十一春。

贈翰林周學士壽昌

長沙學士才名羨，澄湘臺下初相見。當時鼓角翻江波，取別悠悠若飛電。七年臥病黃鵠磯，卽君留滯周南時。漢口雙鳧凍衝网，有酒相呼斟酌之。我年未壯君已艾，衆中許我傾流輩。鸚鵡洲前狂笑來，禰衡驚起仍相怪。古來盛名多零丁，看君早入承明庭。浮雲富貴長過眼，三臺跋足如蓬瀛。嗟余抱玉求高價，白須趨走都堂下。人生得失苦相欺，與君同時被人嗤。一回相逢一回老，惟有詩思如嬰兒。郭侯知君復知我，酒邊論君每移坐。爲言年少如風流，高堂挾瑟雙僂髻。卽今老去看文君，絲竹餘音不忍聞。頗憶東山謝安石，遠愁西第沈休文。南窪明月清光絕，古往今來圓又缺。且應擊缶對高吟，莫遣當窗照華髮。彰門曉樹映宮樓，冠蓋轡車馬流。持戟同僚揖王董，登車新雨論黃周。元亭寂寞秋苔綠，季主逡巡不能下。西風落葉閉重門，悄然坐夢深巖屋。余亦長歌歸故關，白雲幽澗水潺湲。它年乘興一相見，分作淮南大小山。

感興贈謝廖伯

麟伯居翰林，性和易，多親而好憂時，與曹燾、湘、張祖同友善。二子旣出都，暇或追余，因感贈之。

恒風無休時，思心怨朝陽。離披小麥空，蕭散春葦長。賢臣懷膏澤，憂時步旁皇。曰余泉石人，寧此共枯荒。既來
憔悴，重戶避炎光。冷然君子聲，披襟贈風涼。莊生有道樞，早浸已無傷。胡然顧泥中，歸與斥鷃翔。幸能樂蓬艾，內
各依方。君留九門下，未異江池旁。曹張去髮髮，豈不勞轍行。所願尊酒會，終然絕高張。燕歌煩我心，雅詠儻庶慶。

九夏詞

豔情之詠夏景難工，齊梁所傳，簡文納涼一篇而已。子夜四時，體小而俗，聊以長日擬爲九篇。

玉階風過朱成碧，單羅映作輕雲色。重衣隱膚初避人，那諳餘香先度君。
窗簾早涼調新燕，晨妝手輕雲髮卷。臉紅初潤不施朱，當軒發色勝芙蓉。
洞房四角通光影，屏帷風輕羅袂靜。碧紗帳薄裁隔烟，語郎長日不勝眠。
槐陰夢起新蟬語，映簾斜日如初曙。玉紋越篋融粉光，誰能輕薄學啼妝。
中庭月地明如雪，雲鬢冷處流螢滑。玉簾端然一尺腰，可憐無計度涼宵。
井華煎香供新浴，粉汗輕紅涼一沃。玉體凝脂羞自看，感郎帳底不嬌難。
珠蘭瑟瑟香如蜜，清泉朝露勞相惜。帳中微煖一夜開，不應取冷入君懷。
水紈避午深深過，翠刀破瓜涼滿坐。寒香散衣生綃輕，頰顏拭粉玉釵橫。
風荷急雨驚香斷，循關卷簾看玉梳。畫長無事最相饒，不須隨例愛涼宵。

五月朔日潘伯寅侍郎南房下直同張香濤編修招陪者彥十六人宴集龍樹
寺酒罷賦贈潘張各一篇張新從湖北提學滿歸故有良使之稱

西京重敦誨，六藝賴昌宏。豈惟羣廉孝，兼得翼承明。華選今在茲，大雅竟誰名。達人獨許謨，敷席禮奇英。元辰

休暇，勝集耀西城，高軒靜風埃。夏雨宿餘清，談醉時間作，賞樂既云并。嘉魚昔何美？奉鹿貴款誠。曰余久鄰德，無德
爾周行。羣賢實元凱，濟濟作皇楨。苞稂豈終嘅？行葦澤無贏。得人斯維競，企子陟臺衡。西園徒文宴，愧茲冠蓋情。
良使閔儒宗，流風被湖介。衆鱗歸雲龍，潛蚪感清唳。拊翼天衢旁，嘉期耦相對。陸荀無凡言，襟契存傾蓋。優賢意
無終，依仁得所愛。招要宏達羣，鑿彼城隅會。從來京洛游，俊彥相推邁。流瀾逐頽波，倏忽陵往輩。終賈無久名，晉恭
豈專責。飛蓬偶裴回，清尊發幽噫。金門隱遯樓，魏闕江海外。聚散徒一時，望望旋相代。君其拔秦茅，人焉遠唐棣。無
日四難并，彈冠俟林瀨。

陳吉士理泰斯入翰林述其所職贈之

評決倚博士，討修在史編。經術昔爲貴，長才今見妍。吹竽易爲良，舉籍遂多漚。邇來禁近臣，翻列冗從班。猶然守
資格，翔步臺司前。

成身重文儒，內職倚旬宣。吏兵困所學，他途稍勝遷。臺省稀攤旄，卿寺實停年。官也以人重，人輕豈官維？君起
經生，一舉遂雲搏。趨踰盡時髦，文學見山淵。從來將相階，養望固超然。豈伊記載職，旅進作鵝鸞。誦詩雖已多，議禮
莫知原。尙闕漢延誼，庶以六藝先。無曰仕爲學，替紳非我賢。

福建按察芝岑司使葆亨久宦湘中今以入覲相見南窪寓館卽司使念八年前 習經之地感舊悲時率然有作

喜氣龍樓曉，恩光多繡新。軍容依仗靜，天語隔簾春。鄉國今如客，圓明昔望塵。九遷非幸寵，眞作老邊臣。
虎穴探胖炯，駝裝費轉輸。婁聞搜粟尉，親問牧羊奴。大體仍長算，三郊有時芻。此行光照乘，何用海南珠？

十丈甘棠樹，長沙似故鄉。別愁蘭芷地，新譜荔枝香。兵驛歸廉使，澄清寄海疆。沉湘近飛檄，無計覓循良。南窪太平館，公子讀書臺。林樹從新長，軒窗儼舊開。不辭年在苒，且共月裴。惟有階前石，應知聽履來。

食瓜有作寄夢緹

河朔留佳夢，京華破碧瓢。寒消三日酒，味省十年香。玉手曾團雪，龍須怨已涼。無因憑驛使，一爲款漁莊。五色同甘胞，包苴厭李桃。剖香初滿席，畫水不勝刀。風入疏簾靜，星懸銀漢高。生綃逗芳澤，拭粉莫辭勞。蟬鳴清晝濕，消夏輒相思。繆贛問會品，蒸湘恨不宜。餐霞堪送老，種玉恐無師。却笑蠻荒長，炎天貢荔枝。灌園終有願，消渴苦難勝。客裏逃三伏，歸與守一陞。風沙感西域，烟露滿東陵。此物能忘暑，青蠅莫語冰。

圓明園詩

宜春苑中螢火飛，建章長樂柳十圍。離宮從來奉游豫，皇居那復在郊圻。舊池澄綠流燕薊，洗馬高梁游牧地。北瀋本鎮故元都，西山自擁興王氣。九衢塵起暗連天，辰極星移北斗邊。溝洫填汗成斥鹵，宮廷映帶覩泉原。滄漭稍見丹樓泮，陂陀先起暢春園。暢春風光秀南苑，蜺旌鳳蓋長游宴。地靈不惜鑿山湖，天題更潑圓明殿。圓明始賜在潛龍，因回邸第作郊宮。十八籬門隨曲澗，七楹正殿倚喬松。軒堂四十皆依水，山石參差盡亞岡。甘泉避暑因留蹕，長楊扈從且戛弓。純皇繹業當全盛，江海無波待游幸。行所留連賞四園，畫師寫放開雙境。誰道江南風景佳，移天縮地在君懷。當時只擬成靈囿，小費何曾數露臺。殷勤母佚箴駢念，豈意元皇失恭儉。秋猶俄聞罷木蘭，秋氣暗已傳離坎。吏治陵遲民困痛，長鯨拔浪海波枯。始驚計吏愛財賦，欲賣行宮助轉輸。沈吟五十年前事，厝火薪邊然已至。揭竿敢欲犯阿房，探丸早見誅文吏。此時先帝見憂危，詔選三臣出視師。宣室無人侍前席，郊壇有恨哭遺黎。年年葦路看春草，處處傷心對花鳥。玉女投壺強笑歌，金杯擲酒連昏曉。四時景物愛郊居，玄冬入內望春初。嫋嫋四

春隨風輦，沈沈五夜遮銅魚。內裝頗學崔家髻，諷諫頻除姜后珥。玉路旋悲車轂鳴，金鑿莫問殘鐙事。鼎湖弓劍恨空還，郊壘風烟一炬間。玉泉悲咽昆明塞，惟有銅犀守荆棘。青芝軸裏狐夜啼，繡漪橋下魚空泣。何人老監福園門，曾綴朝班奉至尊。昔日噴闌厭朝貴，於今綬篋喜游人。游人朝貴殊喧寂，偶來無復金閨客。寶良門閉有殘甃，光明殿燬尋積壁。文宗新構清輝堂，爲近前湖納曉光。妖夢林神辭二品，佛城舍衛散諸方。湖中蒲稗依依長，階前蒿艾蕭蕭響。枯樹重抽盜作薪，遊鱗暫躍驚逢網。別有開雲鏤月臺，太平三聖昔同來。寧知亂竹侵落出，不見春花泣露開。平湖西去軒亭在，題壁銀鈎連倒甃。金梯步步度蓮花，綠窗處處留羸鬢。當時倉卒動鈴駝，守宮上直餘嬾娥。置筵短吹隨秋月，豆粥長饑望熱河。上東門開胡雛過，正有王公班道左。敵兵未薙雍門菽，牧童已見驪山火。應憐蓬島一孤臣，欲持高槩比靈均。丞相避兵生取節，徒人拒寇死當門。卽今福海寬如海，誰信神洲尙有神。百年成毀何息促，四海荒殘如在目。丹城紫禁猶可歸，豈聞江燕巢林木。廢宇傾基君好看，艱危始識中興難。已懲御史言修復，休遣中官織錦紈。錦紈枉竭江南賦，鴛文龍爪新還故。總饒結綵大宮門，何如舊日西湖路。西湖地薄比郇瑕，武清暫住已傾家。惟應魚稻資民利，莫教鸞柳鬪宮花。詞臣詎解論都賦，挽輅難移幸雒車。相如徒有上林頌，不遇良時空自嗟。

南注高閣感秋

莫雨度太行，西風吹薊縣。桂樹未皇榮，蘭華忽已宴。陰雲倏纏端，淒氛掩京甸。悠悠咫尺間，佳人不我見。巾車久徘徊，行舟日遙衍。誰謂情可通，千言不如面。

七夕周學士宅餞集

雲聚感天衢，星離怨河曲。念別霄始清，聯鑣晏宜促。澄清綠槐市，張飲藤花屋。良節動秋吟，深情駐行轂。是夕最

妍涼，遙思屢竟復，佳人望何遠？歲會歡已數，昔傷靈匹睽，今悟嘉期續，乖違豈仙然？問關念子獨，濁酒未闌塵清。兩猶宿，涼森嫋曲房，輕軒背明燭，留連如可思，貽君懶川陸。

董二兵備同年兄文渙餞集龍樹寺溫編修忠翰作兼葭送別圖張岳州德容周學士壽昌徐侍郎樹銘張編修之洞及主人皆有賦贈輒成長句贈董兼別諸

公

憶昔醉眠海澱廬，曉聞春鷺相命呼，牡丹香襪晉陽館，造門不問主有無。室中少年最風雅，長眉修皙照坐隅，我時未壯心尙孩，欲學揖讓忘踰趨。褐衣偃仰晚朝貴，高談健啖頗自如，驪駒在門青春莫，長揖金尊屢回顧。空山花落十二秋，車轍重尋九衢路，故人已老新人稀，就中潘張各相知。清朝廣宴龍樹寺，豪雋滿眼行委蛇，董侯酒半軒然來，席前欲語心然疑。長身玉立頗有頃，令我卻憶初見時，爲我馮闌話湖曲，忽如乍別情相追。南注雨晴春水足，兼葭影作當年綠，西風一夜闔闔涼，枝葉蒼蒼在君目。人生老大不自知，與君苦惜歡會遲，軒窗似昔風月舊，安知林樹非前枝？今看榮落眼前異，始悟華髮衣塵縑，當時朱顏騁英妙，亦如百草懷春姿。見此使人歸更早，涼宵夢入衡山道，離觴促宴當盡歡，得與良朋寫懷抱。張侯握符君山頭，溫張復憶湘漢游，玉堂學士徐與周，幾年別思湘春樓。蘭荃芳華桂樹老，悄然欲度朱陵幽，白露爲霜風落木，楚材車載回萬牛。願我輪囷待時用，散種鳴雁從人求，况君度隴早假節，甘涼轉餉專兵籌。即今朝政勝往歲，巖廊不作庚申羞，中興親問待公等，高歌痛飲非吾謀。十年一見不易別，修名冉冉真堪愁，何時遠贈繞朝策，豈令獨斂蘇秦裘，九門月上良夜永，相思萬里心悠悠。

天津南望水

常歎神州沈，堯風今果變。碣石久已淪，迎河不重衍。田廬逐流潦，羸壯空溝壑。農功甘鹵莽，惰氣由征戰。積廢將千年，循良豈一縣。二京尙難興，百姓紛相眩。始知戎馬治，不弭冠裳亂。方驚海揚塵，復此陵作岸。禹功豈異人，漢吏宜高選。俄然怨英俄，懼絕中國綫。

秋風詞

萬里遊兮天始秋，辭帝鄉兮放遠流。漕渠北流兮波濤剛，激鷗首兮聲洋洋。西風壯兮秋蒼蒼，驅浮雲兮奄四方。中川帆兮浩東行，拂南皮兮指東光。皇之有蘭山有桂，君良游兮余不會。佳窈窕兮翳修羅，順來風兮吟去波。蛟龍承擢兮君不敢過，余將去兮河淮江。與子期兮衡之宮，歲既莫兮可相從。何爲淹留不我同。

張秋河舟望月

遊客便江湖，河舟始乘輿。翩然夕風前，擊此清秋勝。汀洲漫安流，輕烟擁平乘。魚山清若雲，潭隄月如凌。南艫既津通，東行恣翔凭。徒流念周衰，會穀歌侯應。寒露川梁深，飛光別愁凝。誰言一葦杭，鱗鱗不予賒。

南陽湖采菱

湖天中朗然，乘流縱虛棹。秋雲氣澄鮮，輕陰愈光照。浪浪驅臥聽，皎皎明孤眺。空清信無邊，逸興翩已到。微波積深青，晴漪激寒峭。文鱗既承棹，浮藻若可釣。偶懷持竿人，因歌采菱調。游踪豈異情，欣寄從所好。烟開微山秀，樹密湖陵奧。塵纒久已遺，長謠涉江操。

淮浦夜飲歌

九月望夜，從督府還泊平橋，歐陽總兵利見，招同劉淮陽、咸、袁都轉、保、慶、吳總兵、家勝、李大名、與銳、曹郎中。

耀湘田副將恩來，夜集觀飲甚豪，其興爲歌。

織雲吐月淮浦秋，鳴笳吹作清夜遊。樓船銜尾組練靜，岸草橋燈共清景。上相觀兵戎政間，聯翩劍舄來英賢。時平高會各稱意，未飲先論通夕醉。三豪一舉三百鍾，欲醉不辭神從容。劉侯伉爽賢地主，席前飛觥作花舞。主人金鑿相爲傾，曹生半醒田生醒。不酒能醒酒能醉，四坐歡笑風冷冷。白露如珠玉盤景，船頭鬢更莫催客。自從吳楚翻江波，豈料今日同安和。舊遊新知樂莫樂，良宴重堅後夜約。金山焦山在眼前，試持長瓢枕江烟。

小孤山緣江勝地樓閣壯麗皆軍興工力所造

徑欲移危石，當門作翠屏。金椒未嶄絕，雲樹倚空玲。險壓江流大，寒生日氣青。風波太孤冷，揮手謝仙靈。百尺曾樓出，神功雲構刊。年來喧鼓角，天遣助江山。血浪看猶涌，沙鷗事已閒。歸舟何太急，祇欲趁風還。

莫子偲丈挽詩二十韻

宅土尙有歸，斯人不在山。遊隱雖一致，難與俗士言。秋霜未凜冽，已見凋芳蘭。豈惟失師友，西南實遂殫。瞻昔抱遺經，中年忽播遷。微官不副望，揚言從祁原。漂搖薄江介，感慨誦縣登。猶遭何公惑，聲實未克齋。通人蔽有時，信招隱難。裴回市朝側，無求復何干。終然死羈旅，曳尾徒空言。圖籍有餘富，蕭條閉空棺。妙迹灌已絕，貞碑誰與刊。嗟我懷楮素，辛勤洲渚前。良遊樂未終，異問駭朝傳。傳聞已再譌，夜壑果俄愆。不驗門館寢，猶疑斯語謾。浮舟指西邁，欲待徒潛焉。江流日夜東，魂氣豈同還。寄聲寫所恨，將子吐煩冤。

從大孤入彭蠡望廬山作

輕舟縱巨壑，獨載神風高。孤行無四鄰，杳然喪塵勞。晴日光皎皎，廬山不可招。揚帆掛浮雲，擁楫玩波濤。昔人觀

九江，舉目送神霄，浩蕩開荆揚，檫檫聽來潮。聖遊豈能從，陽島尙嶢嶢。波靈戲桂旗，仙客歎金膏。委懷空明際，倏然歌且謠。

獨行謠二十章四百四十八韻凡四千四百八十五字感贈鄧輔綸

彌之見過山中，除夕設飲，追語二紀前娛園之會，後歷安危，宜有紀述，要與連句，謙退固辭，豈將激發鄙情，亦時遠事衆，誠非率爾所操，因及暇時，輒綴數語，積日所得，總爲一篇，名曰獨行謠詩，曰「聊以行國」，又曰「我歌且謠」，蓋明於得失之迹，達於事變，懷其舊俗，國史之志也。故綜述時賢，詳紀大政，俟後世賢人君子興起，除夕因以除夕發端。

一晨復一宵，聽我獨行謠。獨謠君獨聽，歲月一何遼？憶我年十五，體羸志未修。呻吟窮巷內，學作康衢謳。儒冠樂羣會，始得通羅剎。此時聞常鄧，高咏鏘鳴瓊。鳳凰不孤響，燕雀隨秋秋。寒冬步從我，玉佩貂璫綸。十里還城南，夜燭明如珠。城門丙夜開，民物共歡愉。分題賦南閣，君獨悟幾超。其一。余方樂娛遊，明歲果告災。荆澧連大浸，桂象亦無禾。南郡介其中，院司庸且疲。陸貪賂則廉，其智各自謀。牧令久俗鈍，參錯七十都。楚危若振籜，越亡如爛魚。洪楊有名號，倡和連潯梧。驟也起州縣，奏草先中樞。彰云上厭事，調發煩軍輸。文宗旣龍飛，其變乃具疏。選將由固原，薦材未云誣。誰輕編鼠機，林死降李周。周剛意輕李，雁行始不和。奏用軍二萬，大臣舌撝咄。惜哉謀不用，足爲後世模。鄉使并全力，武宣掃無餘。置此曲突計，焦頭嘗管胡。其二。斷斷浸上聞，命師轍尙阿。朝出清望臣，十六在貳車。一飯巴陵館，但見詞膳夫。六月守永安，左向頗右烏。失律債四鎮，桂林閉闔闔。於吾未云勉，於寇膽氣驕。出湘謬走郴，徐駱又不圖。一坐土城內，議棄衡州偏。師扣南門，促吏但驚呼。赴赴尹培立，一士當存夫。甯爲壯士死，不作欽差逃。蒼黃乃閉城，八十日其徂。其三。君時值閣門，余在傳淺湖。始聞易帥詔，乃用鹿邑徐。西夷約踐庚，大船向番禺。

和我所諱，擇柱不入鄆。以茲得封爵，名字溢寰區。時議盡虛行，陳生對唏噓。果然噉盡餅，不能補羊牢。(其四)余時自樂平千里一肩輿，平行至城根，不見官賊徒。夜投漁船宿，烹菘肥似膏。明晨告府主，帖下架鹿盧。將相共出入，吾亦隄我腰。猶蒙並嫂譟，嘔嘔笑縣豬。臥聽沙井角，坐吹南樓笛。是時青衿散，猶與彭郭居。郭生賦七哀，彭子慕廉頗。城中尙歎笑，士女縱娛遊。雖聞地雷鳴，不敵瞿鄆刀。如何洋破威，近欲欺中華。屬階蚩尤兵，矢石更礮礮。兵火終自焚，利器豈防疆。(其五)守城未論功，怵惕夕至朝。朝廷務寬大，張向並有褒。疆臣失郡縣，自此改例條。向非戮青塵，軍法無所加。臣有爲法死，主有縱與操。洞庭散魚筏，漢口聚商艘。推能誤雙福，閉戶啓四郊。自壞漢陽府，藉寇長虹橋。浮橋連江漢，羣盜始翽翽。行臺坐傾亡，十萬殉干戈。徒驚忠貞盛，澗血江漢波。縉也待雷霆，印界陸尙書。人皆坐龍突，公獨早自夸。伏波久據鞍，衛伯果執戈。全衆五十萬，疾以千人驅。前鋒未交旗，後舫忽轉頭。昔慶死灰色，宿厚反風議，不知治父囚。但恨莫敖驕，庸奴卒併命。如貉在一丘，竟符金桂識。共嚼耶穌妖。(其六)余遠過南昌娛園梅始苞，分饑輒懷君。置酒且揮毫，龍譚過東道。風雪纏馬鑣，淮陽哭途窮。公車避軍驚，琦侯起徒中。貳以學士劄，曰榮佩關防，資格不拘纏。滁州旣已空，林李遂渡河。天下乃震動，南北分欽差。勝生本從琦，用以直諫嘉。訥經老不庸，棄彼若縣匏。鎔也亦文俗，采名命督湖。先朝老大臣，一一在大僚。是時君先公，分道築糧儲。沈李議漕折，余預開計議。長算駭衆聳，各自撒藩籬。從茲成分播，俱歸守鄉閭。(其七)孫叟老獨癡，乞食供妻孥。須臾寇分軍，百舟渡彭蠡。江生號能軍，一旅保洪都。君時正取急，余亦還湘壘。髻髻會禮部，壯志陵岫嶼。折節致賓客，義軍起蒼頭。農夫釋耒鋤，學子束書包。鄉人將鄉丁，汪哉王與羅。布衣操土音，見帥不能趨。不知富貴樂，豈暇詔與騶。監軍選材吏，縣令有夏朱。七子榮一敗，壁上觀睢盱。楚軍誇身手，濟也貪且愚。留賞不椎牛，白晝士譟誦。二卯棄干城，自此江氏孤。(其八)君從援軍入，覲父留東湖。余歸就蘆荻，擬信傷王褒。風塵益潁洞，賊馬馳洛沙。甫捷宜陽鎮，追奔至流霞。帝曰叔文愉，開府乘白旄。借哥女參贊，素光懸爾腰。全平不北援，翔芳並就俘。撚寇又影響，擢用袁兵科。三直雖異趣，帝

事能遠猶，舊臣盡僇，折足覆葦蒲。九江既再淪，江防在張吳，傾兵防田饒，軍潰帥亦遁。元戎恨死綏，感彼殉黃土。
(其九)余懷越甲恥，杖策獻軍謀，謬蒙忘年分，抵掌借前籌。羣凶敢相拒，上下並屯鈔，陳彭各有主，謀退踞上游。塔
齊援甯鄉，東旂改軍符，疾走趨湘潭，意欲憑樓樓。旌旌道相摩，倉卒會馬坡，我愕彼不意，短兵接巷衢。從來貴拙速，
驟勝鳴千袍，自茲習大勇，突陳飛蛇矛。兵興五稔來，搏戰始自由，雖有靖港敗，失勢前不留。明明我顯皇，坐照巨藩
憂，詔奪提督兵，超次用塔侯。壬培始愧屈，蒲伏罷毘毘，曾軍長氣勢，後用錢魁曾。每懷御將略，涕淚橫綈袍，何必身
受知，甘死報聖朝。史臣豈知此，願以貽千秋。(其十)水國利戈船，需工自越招，奔波東陵磯，扼臂重被膠。折肱果知
醫，彭楊狎奔濤，羅山善學陳，轉戰江漢臯。乘此破竹勢，千里卷昏蒙，蒲以心計稱，見敵頗忪懔。湘軍不後勁，直弄潯
陽潮，輕兵卒致敗，盜發元戎貂。鄂將如驚弓，陶撫但叫號，收軍詎能守，委非信無淵。(十一)歸與豈知幾，除夕宴巴
丘，元夜賦春別，烽火照畫樓。龍李悲不官，東去如雪飄，武漢果三陷，空城餓鶴鴛。三選翼始庸，迫蹙沌口頭。王將孤
且奇，蛇山夜鳴散，東南倏崩墮，水陸愈喧嘩。將軍忽天枉，周將謬擁旆，真軍始章鎮，義吉委蓬蒿。葉周厲忠貞，陳曾
又懦，其城固金石，其援絕蚍蜉。恭聞先大夫，請命獨悲眺，庸鷲駭軍聲，環載鑿城濠。終無一騎援，坐與羣寇慶。曾
軍弱始此，况彼西官胡，時危出奇計，羅軍遏鳴鏑。卷甲趨武漢，三戰洪山高，文忠發智略，羣帥盡和調。黃金壽絳侯，
羞以餽中朝，披榛立軍府，雄藩羸賊。賊(十二)夾江帥者誰，托德戍揚瓜，吉杭銳無敵，爭饒殉九華。榮老心易搖，大
潰若散沙，洪楊喜微死，杯酒自刎屠。章石又疑闕，其隙懈可圖，朝議未遑審，承乏恨怡和。侍郎乃知難，拜表還夷廬，
其先墨綬出，其後避金革，議禮難彭吳。斯時獨胡公，虎視鷹熊，梁也亦奮威，再得登七橋。二福不經濟，羣盜蔓淞
滑，始聞歌九江，已見哭三河。成乎夜起舞，金陵爾無虞，一勝殺二李，六合禍池魚。(十三)君時侍親還，余欲上公車，
着龍正吹毛，共渡體陵樓。分手章江門，獨往訪麻姑，吳山看興亡，歷下吹客竽。慷慨燕市遊，正見斬屈屠。橫尸厭長
星，彼死輕一芻。二王不達政，願乃顏敷臉，自喜忠國謀，五字算錙銖。宿將倚林沁，三貴未相孚，猶謂堪粗使，領隊防

大沽帝患羣議淆，和戰互從與。賜酒祝戰勝，聖心得窺覷。赫赫名王將，託之鄉練夫。全勝不能賦，公侯空守株。郭子勝愈餒，尹生危論摠。十四余遊羿，毅中嚴翁誦。瑕瑜君從南陵騰，欲種秦人桃。石衆忽南趨，卅萬擁魚然。湘軍久益敵，外強中實腐。貪將領遊兵，爭長互誓嘯。李蔡品下中，來援氣騰敵。夾資分兩屯，沸沸如羹粥。兩濱各鳥散，論功賦形囊。寇糧貪合衆，徘徊走荒嶠。其魄已天奪，衡湘勢翹翹。十五吾生信多憂，南望威塵森。君又故鄉來，踟躕相迎遭。青春飲酒樓，劍莫共歡釀。鬱鬱不久此，行行思輪。陽敗書至，吳中如亂麻。征途恨苦短，官程恨苦奢。匡肅始謀帥，關防落東流。屯難相糾結，蛾賊扇搯苗。苗回外傾動，英法內吹噓。道窮世運極，將弱藩鎮粗。余東竄祁門，建策擊長蛇。收吳既轉長，爭微又脣焦。古來無請援，王邵謬奉書。君無申肯誠，久作仲連留。艱難得九死，幾與祥興誅。左生階下囚，拔用賜軍鐵。彭湖遇我舟，精卒氣果殊。支吾衢饒內，犄角潛皖途。安慶得瓦解，胡公隕黃墟。恨無勤王用，掩涕昆明湖。肩輿入入國，談笑已亂華。諸臣不差恥，死謂兵燹遭。余生塊土餘，附戶每畏鴟。十六東南稍反西，斯民盡如荼。之銘非焉術，假息乃狂且。田郎信俊童，亦建欽差牙。川鼠爾何跳，使我良友殞。回漢閔漢中，昔也烹如酈。謀遷誤倚斌，號弓俄委裘。祖制重顧命，姜妣不佐周。誰與同道章，翻怪垂麗疏。不能召親賢，自刎據天圖。戮之費一紙，曾不驚殿廡。祺祥改同治，御坐屏波離。四國通五口，和戎脫王弧。海波讖聖人，獻稅助軍需。上海議會防，薛樹笑匈奴。江督斷消息，潘龐懷云吁。蓋金鬻將帥，金李勝昔昔。洋館響青浦，鱗介盡冠綬。寇將已失勢，奔命救江淮。隸乎狡更愚，烹狗召人猜。况有裨將軍，推鋒破如椎。凶會失志死，三城自然開。張苗更玄慮，日午消氣埃。獨恨良將俎，墊屋蹶龍媒。趙奢揮賜金，廉勇信無儕。思弘寢丘賞，懷望隴江隈。十七西遊旣改旆，南走登朝臺。文狸感秦尉，食泉恨蠻陬。本無丹沙願，甘爲越女留。一言拔管孀，七貴笑威胡。未隨戈兒放，且逐鴟夷浮。聞喜韶石下，東笑觀淮滸。南人愧王偉，北闕徵呂嘉。童孳何足俘，三帥好傳譌。沈左更騰章，疆帥互謝詞。將將反違材，奈船策疲羸。誰云敗駕焉，夥類盡足乾。會侯工作奏，言錢空總觀。牛吳爭大珠，秦凱搜裝賦。徒增俗訕笑，但訝涉夥多。馬生驟建旗後，殺我比

陳佗，果威荷柱石，文武兩無施。征車過斷黃，老幼訴煩苛。王軍悉驕橫，與寇共蹂躪。功臣稍見輕，幸門忽巨移。悞快各移鎮，露刃已參衙。蹇疆二山街，聳李對怨嗟。置此他人事，翩然誇青竊。敲冰渡濕水，舉酒聽易歌。(十八)行宮訪盛衰，夕望蓮花池。燕趙古疆國，民貧邦薦瘁。黃河改北流，麥地咸沙坡。其人勇盜殺，見敵不肯詞。北狄我外并，積衰折入俄。雖云南風競，常恐畿輔虛。餘盜復北窺，忠王釐劍揮。急刻不御衆，士以帥作囚。朝驚喪張郃，六傳何紛擊。項籍僂百勝，荏山雨滂沱。方知敗爲功，豈恃天眷除。(十九)勞民乞小康，旅人亦倦遊。歸來營石門，聞君酌萊莢。山川信清暇，英彥美歸休。時平儒業興，經史稍尋綃。冥悟宣夜學，環轉北極球。鑑石墨家言，光重尋眇幽。曲執誓郊人，今與太學伴，奏開同文館。臣倭語研屢，海外奉巨子。拜堂稱救修，儒徒黜異術。編管屢相仇，疾之又已甚。醜語成誣謠，缶盈鬼目視。街傳王母籌，民訛驚廟堂。謝過詔毛勞，竟成天津禍。的火奔八驢，衆怒信難犯。淫刑及胡雛，督府盡閉門。丁李載飛輅，蒙恥甘作詐。千金買人頭，騰章贊天主。清議更嘈嘈，洵洵值一笑。局促憐輶駒，請纓不我許。自愧終軍繻。(二十)長沙賦嘉會，三駕北道秋。重尋保安守，悽愴洗馬溝。龍高屈墨綬，尹李悲踟跳。嚴子旣蘭燒，張叔困萍橋。圭璋不自達，金石疇能要。喧喧冠蓋會，逐逐塵俗馘。執戟君昔歎，挽輅余今愁。(廿一)詠杏帝京俗，積弱自明朝。分運建閣部，牽纜徒拘繆。樞機內廷議，取旨造鄰交。上前患囁雜，頭墊專魁杓。同列雖與權，有翰可駟駒。吏銓按籛格，所利惟鬻賊。戶曹計賦役，丁糧混一條。京米五致一，河開煩牽舟。旗餉不裁制，兩困貧無瘳。承疇豈戶咎，綠營亦坐偷。因仍養兵費，耗食同螟蝻。禍始唐藩鎮，至今爲贅贅。慎刑重民命，獄詞無一輸。昨者戮元功，不寬賞狄俘。西曹爭產痕，獄貨飽姦胥。禮臣不議禮，工作工侵牟。憲臺許風聞，近歲寒蟬蛸。左都論加賦，反黜爲國羞。如以人廢官，七卿盡悠悠。諸寺愈冗散，囊粟不充厨。農者太常樂，日墮陳月蠶。翰林學山淵，不識古鮑昭。吾鄉有周徐，通博入中豪。世族數潘翁，張李翔寥寥。謝許不知時，願備程朱糟。(廿二)修文在此時，余實愧英髦。寄止靈臺下，賃馬供芻茭。昨者盜窺鄰，伏屋升若揉。五城佐京尹，步軍設遊徼。職分權力輕，人稠生業凋。標劍劫司寇，懷刀狙直廡。吁嗟下詭法，

匪獨相攻鈔，羣臣議大昏。累儉數僕僕，寶衣費巨萬。織造撥民租，國用誠乏財。財糜國未補，舍大而撫小。外畜內欺，誣矧今增釐稅，庫帑不供儲。子口七百萬，和戎利在予。昔貧今已富，算利謀誠迂。胡爲握大錢，頗鈔供官糈。脂膏潤內務，宦者相染濡。安子小黃門，御前頗承趨。初無城社託，貪絲畏鼠狐。熱車遊九門，敝店推珊瑚。愚備好憂天，妄意侍帷幄。御膳供粗糲，微詞傾六耶。或云謬賤者，取箸疑亞夫。蔡生好抵牾，奏上生崎嶇。危乎臣不密，嫁禍翻怨倭。古來功名難，中山涕漣如。何況奄豎寵，殃淫厚其辜。制嚴城門禁，邀救觀杭蘇。龍旗炫高津，密帖令要遮。王林不自脫，歐刀徒見污。鄉非失堂輿，終亦費驅除。如張彈文錫，言淺意有餘。方於面謝恩，已恨瑤殿孤。新政光日月，補天德維媧。小臣頌堯舜，抑絕懲諛阿。李公進麥岐，邊郡相切磋。主隆康高宣，臣無靡傳番。水旱時丁寧，六月寒侵膚。馬首余欲西，恒衛水揚波。愁濃總督印，且逐黃河棹。揚帆渡張秋，大野派通河。漕運始郡縣，陶唐致凌亂。挽輸誰厲階，三朝勤澹挑。黃運建三督，歲費巨萬饒。庸人一生事，狂流日沿沿。賈讓復妄言，棄地廣河溝。於今行上策，青徐歲淪鋪。青建疏決議，余思借疏杷。緊古禹益垂，共工實水家。上匠作機器，豈爲商貨輸。左伯忠聖筆，船政謬可嗟。將令夏凌夷，好勇乘海桴。盡擧旋殺羿，學巧焉得踰。毛公稍錄錄，策士詢河渠。章則通鐵路，效梁請一車。彼哉不知本，非墨還非儒。儒術迂已紕，羣言淆已蕪。宿遷覽荒城，清宵鳴夜鴉。旌節爛袁浦，邂逅陪秋蒐。霜登項羽臺，鼓吹響晴洲。追惟共艱屛，始復歡唱酬。尊前承善謔，竊願比好仇。振衣登北固，還船入大孤。南浦水猶碧，華年鬢獨梳。聞君渡五嶺，歲暮吟歸與。桂水望佳客，省中攜少姝。初辭校書職，旋避參軍除。文用旣云寡，修途亦已紕。還歸忽不樂，送那多擲。擲廿五，長沙舊遊地。懷舊空時嶠，矜夸冠蓋盛。恐懼山川枯，昔吾從先進。儉嗇乃聖訓，尙書著釘履。贊善襄朝珠，寶筵設空租。春盤登四孟，鄉黨忘貴賤。土農安名疇，君婚族饒富。少玉矜著裾，厨有鱸鮓菜。門停聞府州。侯爵始萬氏，籠鏡出趙家。烝烝向二紀，里巷並黨誹。學從雜兵子，卿將賣鹽茶。陸納無酒脯，謝客反林巢。避喧兼避地，俱言狎漁樵。廿六，嚴冬役車息，祀篋春盜積。人夫忽塞門，倒屣提巾禱。且傾饋歲酒，徐話契關由。披圖感桃燕。

連句歡梅節，君懷悵忽忽。余情更條條。廿七。繩惟朋交盛，求友歌嚶喬。往者日以新，今來日以凋。名姓漸沈暗，新舊多喪殞。茲我若不述，一墮如牛毛。况逢親政初，方略進宸霄。西陲亦已寧，伊犁望旅檠。陝桑旣成陰，蘭粟不流膏。儻宏維新政，豈但收桑榆。昨聞罷園工，十刻隴青蒲。林表歲富平，魚服戒余且。東朝抵冒絮，武帳被珠襦。懼非盛養意，陸桓不相諭。所貴嚴四輔，宏綱略不苛。麥黍非大德，政舉在黎儀。且如寇亂初，貧弱信虛禡。錢漕十無一，征繕衆愁騷。司農但坐嘯，客帥車佻佻。泊乎闈外尊，胡李遂雄鷲。唯聞軍中富，未奪農耘菽。州鹽滯淮網，吳楚請借銷。國璽信由人，患貧枉嘵嘵。祥公秉鈞軸，所諫何杪漂。即今西域賈，互市非侵鈔。制之一魁吏，遠貢可坐招。於張海防禁，破決成難瘤。愚儒與國議，誤誤還相樛。秦衰始法密，周末患文稠。晚辨道家旨，烹飪試甃鍋。三厥刑未朋，裳裳尋薜蘿。廿八。君家隔邵陵，近歲長松柯。令弟懶不仕，翎枝拂青荷。時開冬醪飲，醉惜年蹉跎。默數二紀來，憂樂互舛差。邦君訪南湖，昔夢已蘧蘧。且宜酌公子，還歸報臨淄。琴酒可延年，道德可應時。三人必有師，所見盡耆龜。余歌勸君飲，陶然入無涯。廿九。君飲醉不謬，余歌醒獨宜。近追何會唱，遠續王子詞。鏡明雪壓屋，酒暖春生卮。橋密那可致，江梅相對垂。偏弦豈無感，彈之智者悲。側聞離騷義，尙恨莫我知。余風肆且碩，爲君詒世規。三十。

登北固山

江流半天地，高城提陽隈。餘險未及寧，爲山何壯哉。奔情遠逐瀉，豈憶身崔嵬。長風過我前，收慮坐曾臺。平臯引逶迤，况若在堂階。雙鳥左右之，靈象夾我懷。空明白日光，勢與浮雲來。安知觀聽中，率爾陵九垓。願學成連子，拿舟滄海崖。

萍鄉贈逆旅主人女

浮舟就瀨口，乘櫂渡醴西。寒風捲行幘，密雨霑路岐。櫛鏡始欲照，雕胡方自炊。嫵媛主人女，留客初昏時。低鬟工

巧笑，攏袖觸冰脂，絲香恒護乳，絲柔縷著茶。撩情燭態搖，非眠眼自垂，不緣心振蕩，惟傷容盛衰。勞君玉釵掛，密意久應知。楊子有爭席，長卿無麗衣。常羞孟氏幕，將抽叔子茨。留君愛款款，還余情自持。思多長夜短，室暗曉聲疑。春門前路繁霜徒見欺。

白雪引

萬里陰山雪，風吹度玉關。可憐離別子，將雪當花看。江南千疊寒雲遠，積素溶溶聲動箭。已拂初梅覺歲新，還對貞松歎時晚。歲新時晚暗相催，繞砌飛蕓去復來。能兼夜月橫沙岸，乍逐朝雲向玉臺。圍中薄妝恒早起，細踏瑤光鏡池水。輕裾圍雪比楊花，冷豔雙明著纖指。回袖翻腰總可憐，此時飛雪在君前。一重雲母銀屈戌，半段沈香金博山。迎風密勢無窮已，片片層層涌階砌。帳外應忘鴛瓦寒，樓前只訝冰鉤脆。瓊蔽瓊樓夜不深，關河路合曉陰陰。持許解妍分妾貌，空將皎潔照君心。休言容光無久駐，晴烟已引春風緒。新碧通波江水新，微嵐轉綠林花露。蕩子逢春應家憶，誰能遲莫怨天涯。願君莫惜青驄馬，早入梁園守蒨華。

湘上七夕

華月久雲間，無期自迢遞。輕雲作秋河，微光淡如積。人生未忘情，茲宵可冥思。佳人好離居，跛彼勞我意。綢繆新故聞，因循已闕世。浮雲驅長川，炎飄振塵袂。山海橫九州，悠悠何由致。去年京薊遊，豈安閨房寄。懷歸不余歡，恐老蘭蕙蕓。良期各天涯，差池復移歲。思心如循環，還枕終獨寐。

金盆陰曾太傅墓下作

破花亂雨烈，烈日何荒荒。晴昔幕府峰，高冢竟相望。炎風吹我衣，廿載復來翔。誰爲終始交，折節奉謙光。弱冠揖

軍門長算料興亡，甌隼興義徒。雲起化侯王，唯公不改服。惜惜思無方，激波孰能挹。繫予隨雁行，不視梁木壞。焉知殄瘁傷，高懷委天運。反葬蔡連岡，徒令具瞻者。素德追旁皇，於雅今不缺。雲雷胡未康，雖隆中興略。闔外議明堂，衰闕竟誰補。於今念一匡，鬱鬱南楚門。文武浩穰穰，淪窮駭已泣。徒步靡所臧。

雁峰龍祠故亭秋望有作衡陽湘川岸陝波小唯此右阿正直湘曲對衡山雲下

圖經所謂晴江亭者

湘流未洞庭，信美豈宣曠。登丘覽回勢，曲直秋濤壯。紫蓋橫青雲，蒼蒼送江漲。目窮想逾鶩，風起帆初王。澄陰藹晴城，平蕪秀霜嶂。塵中綠槐合，桂谷丹華颺。但驚祝融高，豈識幽人尙。卷阿隱余情，山海君勞望。且宜樹松竹，蔚焉託開放。

秋夜得張永州書率然奉憶

客夜常獨驚，非羈竟何慮。愁生非一情，端然自彌路。寐中起裴回，虛室滿巾屨。燈窗更回明，霜信在庭樹。不知寒雨下，但訝階墀露。尙想郡齋人，蕭散絕名趣。寂然官燭盡，宵若空山曙。高詠如可聞，清塵豈能污。疑衡共秋雲，相思任來去。

人日立春對新月憶故情

萋萋千里物華新，湘春人日不逢人。園中柳枝已能綠，汀洲草色暗生塵。立春人日芳菲節，此日行吟正愁絕。倚闌垂淚看初春，臨水低頭見新月。初春新月幾回新，幾回新月照新人。若言人世年年老，何故天邊歲歲春。尋常人日人常在，祇言明月無期待。故人看月恒自新，故月看人人事改。也知盈缺本無情，無奈春來春恨生。遠思隨波易

千里羅帷對影最孤明。故人新月共裴回，湘水浮春盡日來，黃鶴樓前漢陽樹，湘春城角定王臺。休言月下新人豔，明年對月容光減，鸞鏡長開亦厭人，燕脂色重難勝臉。庭中桃樹背春秋，春來月落夢悠悠，唯見迎春捲珠幔，誰能避月下江樓。樓前斜月到天邊，樓上春寒非昔年，遠水餘光仍似雪，山空夜碧忽如烟。如煙似雪光難取，明月有情應有語，從來照盡古今人，可憐愁思無今古。

西憶詩四首

憶左總督宗棠蘭州

重寄填荒徼，憂時獨老身，籌邊疆敵大，陳力百寮新。感事林中酒，開懷且過春，涼州多俊彥，早晚薦名臣。
憶譚布政鍾麟陝西譚爲御史以論救恭王得名

雅步臨西獄，平流致上台，楚材非武達，封事感天回。鸞鳳卿霄隔，驛驢隴路開，漢京春樹綠，應憶趙張才。
憶左兵備僑代州左在禮郎大婚禮多其奏定去歲出守大同傳云已死故有喜之詞

占星看列宿，聞喜似更生，奏禮過鴛殿，班春入雁平。蘆葭前代曲，楊柳故園情，今日菴無事，惟應勸早耕。
憶董分巡文煥鞏昌體弱才清前備兵甘涼頗思內移

復作秦階去，先愁阪棧高，羽書雖暫緩，玉體豈勝勞。鸞韻拋銀管，吟春惜錦袍，相思阻西望，芳草徧湘皋。
寄李雨倉（李前爲庫爾哈那烏蘇辦事大臣妻宗女）

舊得龍江信，孤臣望德音，烏蘇前計失，風女別愁深。闕下言仍壯，春來老漸侵，請纓年少事，鑿鏡共沈吟。

江雨田同知東洲春宴

汀洲葦草碧，幽映覆青霞。午酒蒸桃頰，春流敲櫓牙。銜杯高閣詠，回棹一船花。君見韶光麗，方知薄宦奢。

春游萍醴道中

閒游不取晴，每趁碧山行。數點分秧雨，雙呼布穀聲。驛程平過嶺，春幃綠無名。轉恨前來負，芳菲當別情。

贈李仲約學士文田時在宜春瓊院論英夷事

雲門會九奏，縣圃鬱三楹。崇高竚積壤，要眇貫同襟。臻響方自遠，披霄對卿雲。春川麗蘭野，華日藻晴漣。瑣閣延遠秀，縱橫恣浩言。伊昔丹陵游，委輅躡金門。時艱哲人驚，天化衆草繁。從來一紀內，杜迹守丘樊。飛光朗餘照，黻彩動我顏。良匹果誠願，遠途生別端。不逢千齡會，豈識四美難。欣慨靡所吝，憂時共般桓。從容耀台袞，沛顛鎮中原。投艱豈有德，民儀翼征軒。請爲頌樛葛，庶以慰周爰。

六月十五夜納涼

廣庭蔭嘉樹，起坐心蕭然。日長偶茲暇，臨池弄清漣。芳荷早已合，垂楊碧更鮮。房櫺玉琴靜，微風自飄颻。揚搖知露重，衣涼見月圓。寧懷西堂詠，徒取北窗眠。

七夕代茗茗牽牛星

婉婉初昏月，豔豔河漢光。閨庭朗已靜，冥思一何長。人情悅嘉會，天路恨無梁。跋彼目永久，良期念有常。年年含勞望，遙遙待夜央。歡怨未及已，流颺轉晨涼。耿耿遙獨寤，撫事心洋洋。參辰忽以沒，明發起旁皇。

張永州府亭八月十五夜集贈

零陵山水都，郡齋風雅林。浮雲去從古，明月來自今。解遊得賞會，亭池共登臨。叢蕉霧夕光，孤桂朗秋陰。流耀靜几席，微風開我襟。西山翠蒙蒙，馮郭瞰林岑。從來游宦子，欣怨一何深。升沈若靜望，推代倏相尋。且適目前意，孰知來者心。酒醒白露下，高樹望辰參。

題朝陽洞

空潭漱雲根，秋葉銛然墮。斜徑塞可門，圓磯秀無佐。臨郊展齒頰，題字蒼苔破。休鑄俗士名，下有澹龍臥。

題華巖洞

天壘假山成，居然巖壑情。堆雲非匠巧，捫石晚秋清。未足留仙隱，猶蒙記姓名。林亭興不淺，留鑿放松生。

訪零陵三亭芙蓉館綠天菴還登高山寺

十日輕陰林葉黃，欲莫未莫山城荒。九疑雲高不可見，千年亭館西風涼。芙蓉敗葉戰秋雨，桂樹寒門鎖寒露。流傳不盡古今情，俗人滿眼空來去。

澹山巖閣上作

坦步遶南驛，孤椒秀高辛。臨虛駭碧陰，尋鏡入瑤阮。三條內澗通，一闕上圓明。雲房接幽壁，天閣敞曾階。探崖峻媛攀，履巖蹴龍驚。清湫何時涸，尙想灑襟情。增奇賴巧構，惕坐擊餘清。深營檻外流，徭洞翠無名。依稀古今跡，悽惻遷宦銘。自來榮華士，誰能數經行。雨交久失官，莽莽弔荆衡。願吹零陵玉，承石聽韶笙。

夜泊望夫山戲題

湘水瀟然碧，清秋乘興還。偶移歸客櫂，來泊望夫山。此路僥遷謫，何人擁髻鬟。無情亦有恨，通夜雨漣漣。

瀟湘秋夜雨曲

九疑雲破天難補，年年迸作瀟湘雨。水驛無更秋破寒，木蘭船背如繁鼓。二妃老去雙蛾綠，月過璇宮冷階玉。祇將清淚報深恩，分付三竿兩竿竹。秋長雨細無人聽，流落蠻荒幽咽聲。瓊瑤撼撼止還作，鴛瓦明鏡俱有情。關河何處無秋雨，淚粉啼花不勞數。省識瀟湘萬古愁，獨眠獨夢看看曙。

對芍藥憶張孝達（十年春在京師與孝達訪豐臺芍藥花農列畦植花開則盡

剪之以十金留半日，然無亭館置酒之處，不足留賞也。孝達今方督學四川，感別權春，因題奉寄，亦使後之人知豐臺故事。爾圓明園芍藥尤多，故有末句。）

十日莫春晴，釀香一夜醒。露光欺粉凝，風葉避花停。寂寞天然豔，蒼搖遠夢經。謝家清切句，吟想到薇廳。舊約豐臺去，恩恩惜玉珂。斷香邀價重，回枕擲春多。湘閣文猶綺，江津錦自波。不知乘傳日，何以望巒坡。

彭侍郎夫人鄒氏挽詞三首

夫人適彭數年，有子矣，忽不見答，同居未嘗相面，幾三十年。偶還母家，遂卒，父母亦早喪矣。卒時侍郎又在錢塘，故有漣浙之句。其子永釗以蔭生兼世爵也。

懿德傳柔順，歸終倍可哀。論帷雖路寢，鸞鏡恨泉臺。有子莊姜羨，無家衛女迴。空留一品服，畫篋不曾開。

人傳喬氏壻，富貴美風流。昔嫁經貧賤，相思泣好仇。蘭芝無罪過，蘇蕙有癡愁。幸奉金泥詔，君恩百代留。憂損猶中壽，劬勞定此王。感深漣水曲，夢醒浙潮聲。大莫何欣戚，甘貧忘寵榮。秋霜孤子泣，難盡哺烏情。

得董研樵秦州書秋夜起作寄贈

室遠思不遐，別久意如新。涼風起庭戶，始忽望遠人。良使從官政，詎勉徂三春。朋從怨睽違，氓俗念相親。獨居恒早寒，企彼勞稍晨。浮雲日夜驅，隴路一何勤。豈不懷遠志，闕略楚與秦。惟恨平生歡，懷此比日鱗。秋華尙可期，嘉會近無因。欲振飛鴻羽，千里一來賓。

乙亥長沙秋集詩六首

黃永州宅集因贈

於世欲無言，閉門非養高。桂菊咲衆賞，造請信徒勞。閒階秋氣鮮，且復蓄清醪。持觴不期飲，佳此風日陶。端居視徂年，衰盛迭惛惛。休明不可久，軒冕謝時髦。鳳鳥人不見，雲龍君不徵。歆歆元禮門，願已愧場苗。

九日朱典史宅集

八月暑未徂，時菊豈能芳？佳節及晨興，惜此風雨涼。畝室有餘清，高談傲羲皇。閒居閱榮落，斗酒勸流光。炎炎不復久，寒露下嚴霜。微鴻伺雲飛，鷹隼候風翔。煇涼變倏忽，何草不元黃？誰能登高丘，曠覽使我傷。請從隕居叟，伊落有笙簧。

九日後一夕楊兵備宅集展重九余登舟將發已辭復會留宿張力臣絜園明日舟中作楊寄居浯溪時湖南鄉試發策誤以浯溪爲浯淺因有浯淺之句

閒居愛重九，登覽貪晴晝。獨有離別晨，宜此風雨留。高宴續塗歡，明鏡喜重脩。節移景物新，酒靜尊罍舊。傲醒散涼雨，餘興妨街漏。虛齋任高枕，秋廢夢泉溜。客散庭菊閒，桂晚山花又。良期在浩淺，冥鴻度衡岫。木落巖壑清，無令負橘柚。

歸舟贈寄裴樾岑

高軒日相尋，童僕忘冠蓋。蕭然連榻上，澹若空山對。清話逾十句，崇論觀百代。歡遊未云厭，裴露忽已賤。還舟候秋潮，涼風振帆背。乘流若俄頃，回首百里外。青山久余要，良朋復勞愛。欲以松桂情，期君三徑內。

重九夕寓宅集答贈黃御史

昔遊城南舍，振鷺鳴離澤。文明啓啓秀，俊彥副寥廓。之子馴質姿，端然大廷客。一耀本郡章，再典州選籍。從容步西臺，未阿鷺鳥百。時論重激揚，矧余厲風翻。歡遊形影閒，遂忘然諾迹。豈伊睽本心，志節在壺各。承明子棄予，里閭今猶昔。虛堂聽秋雨，晨颺亮筍拍。槐市事如夢，明燭光如昨。悠悠二紀心，湛湛芳桂酌。拙疾俱偶然，令名慰寂寞。

遐齡寺坐雨贈曹鏡初

達人滅聞見，城市豈不喧。寂然精廬坐，朝莫開重門。塵中鬱冠蓋，繫余暇相存。秋雨涼二屐，晨烟間一殮。空館久已曠，放浪迹與言。寃親既平等，孔墨道空論。去駐各所宜，茲景勿可諼。

大步舟中聞布穀吟

舟行山水喧，鳥鳴獨有世外言。鳥習山，山習深；世人不到山，鳥心不辭清響與人聽。知音自識非塵音。城中布穀煥煥俗，強與農官勸禾穀。今年河北無麥收，饑民仰天思汝肉。城人山居十數春，慣聞山鳥如故人。搗來一聲兩聲

止，知入千山萬山裏。吾將舍汝去向城，山中人去鳥自鳴，城中夢聽山中聲。

郭筠仙侍郎出使海國寄懷詩一首

蒼蒼東北樓，臨虛望日星。念君北晨外，龍節照南溟。世儒多危辱，戚戚守常經。達人似不爾，道全無逕庭。英島禹所奠，巨子久來型。同職忽異體，華風今始并。秩宗大邦彥，萬國咸觀聽。過歸豈不懷，使職期三齡。風來玄濤涌，東望春榮煒。况我龍蟠異，夙昔睽音形。夔矣信莫助，長空寫屏營。離居既多憂，矧伊慕闕廷。折衝縱橫事，過化乃餘靈。惟賢益人國，當使巧技醒。語默動招尤，至人貴撝靈。儻能垂光照，四海無晦冥。

報慈寺南寮作

紺宇存舊宮，城蕪換人世。靜法無滅生，塵勞願來謁。因山啓高軒，平望通遠勢。曙烟蒙東寮，涼月戀南裔。有時長沙雨，正見城中霧。得地自超陵，觀人徒叢芮。釋子古法王，轉輪今已轍。遽暇了不謀，安知阿育利。儻有物外遊，題詩紀年歲。

丁丑五日夏按祭獻雲招集賈祠薦屈

浴蘭周節重，塞揀楚風遙。異代追文采，高懷契寂寥。寒泉心惻惻，長晝日陶陶。莫更嗟沈石，投書恨已消。故宅傳王傳，新祠歷芮陵。表賢民俗化，作頌大夫能。五日天澄霽，千年地中興。欲知高潔意，紅菖亦懷冰。佳客忘簪笏，高談灑雪蘭。新軒涼見日，宿漲遠生寒。論古知心少，行吟下筆難。遙遙今昔事，一笑酒杯寬。○○仍開地，湘流久不波。文章光日月，亭館欲烟蘿。物外閒無事，棠陰長更多。憑闌惜芳草，留客緩鳴珂。

麓山寺六朝松折後作歌

羣松陰陰連道林，一株旁立氣蕭森。無心與衆鬪高古，自愛蕭閒雲岫深。強人但訝色蒼怪，水經湘志無年代。晉寺重興宋及梁，六朝電逝山如黛。岱華猶無三代松，此松兼恥受秦封。屈作南朝一名品，冷冷灑灑生清風。自唐及明少題咏，僻生山峽幽人性。近來唐羅始知敬，百年遊屐破苔徑。誰知真性不好名，楚風始盛天下驚。空山偃蹇憤岑寂，安能時聽世俗評。從來千年飽霜雪，去年微凍蚪枝折。亦如老聃去流沙，非仙非死憑人說。世中俗人不見松，猶道山光雲氣同。寄言知者莫歎息，君不見許由巢父無人識。

七夕雨

涼氣驚秋早，玄霄隔雨看。獨移飛籛小，花濕墮香寒。綺閣離堪數，疏簾夢度難。年年玉鈞月，空是映檐端。織錦機應倦，乘槎路已通。關河空悵望，風雨付冥濛。無睡頻敲枕，輕離慣轉蓬。尋思天上事，幽怨與人同。

齋宿湘綺樓晨雨感作

登高見早秋，清聽數檐雨。重雲偶萋萋，南國無滸土。齋心易爲感，如憂望將曙。嘗棗及初登，穫稻方在庾。農期盛秋暢，茲霖衆然苦。淫潦豈天心，沴氣有時衆。澄觀識所由，端居信無補。

丁丑九日夏司使招集宜園見示新作還山奉酬

謝生感旅雁，殷仲樂廣筵。俱榮九日集，未識人外緣。良使多暇政，嘉辰寄流連。恒有山水趣，深居亦遐觀。茲遊耦靜契，招客宮庭前。人閒地自雅，矧觀池亭偏。秋紅絢蘭阪，露翠垂篔田。時菊不貪榮，黃華獨遲妍。歡華日易夕，賓醉月已延。亮無慄慄悲，何必管與弦。塵音愧高詠，新團預授箋。連客謝拙速，庶使逸句傳。

十月九日楊息柯招陪四老二俊集寄廬作閨重陽明日賦詩紀盛兼補酬見和

之作會者賀翁昔爲完令又武昌頻有責言故詩中燕歌西塵云

閒居餘高興，霜辰續秋設。雲暄庭院陰，時暇尊筵潔。賢主總勝流，處遊盡時哲。盈千數良會，歷九迴深轍。燕歌今再廢，湘燭當重翫。菊英榮晚華，疏葉傳襍烈。依彼青松下，卓然霜後節。余欣陪杖飲，被志期朝激。經始東山舍，將臥袁生雪。三句忽徂邁，下里仍牽綴。方吟惜秋唱，無患西塵涅。

暫往東山楊性農丈寄詩見訊還城奉和

求聲倦櫻世，處靜惜離羣。偶有獨往興，東山看秋雲。良會歉未歇，高談響猶聞。夫子久林壑，竭來旅湘闔。晤對適所願，探懷煥新文。溫如粹玉顏，未酒意常醞。城中楓葉秋，山外桂華芬。折麻勞來訊，采菊待霜昕。

戊寅正月十日得陳懷庭書因感南中苦寒對雪有寄

春回無緩律，賴有先春青。冰雪連天地，呻吟共草廬。湘筠乾恐折，湖柳凍逾疏。莫道霜凋後，孤松正感予。正且占黃霧，連旬感固陰。飛光勸汝酒，六珍果何心。遠莫愁涼晉，寒仍戀枕衾。稍須膏澤動，同播廣都琴。

馬將軍歌

河南馬德順者，前爲湘軍馬隊將。余在祁門從間牧馬方，別十九年，遂不相聞，以爲留江浙補鎮將矣。及閱陣亡冊，乃知其於十二年前戰死甘肅，愕然傷之，爲作一詩。往會侯議立馬隊，何應祺利之而怯於敗，漫取几上書占之，正得杜集詩云：「苦戰身死馬將軍。」喪氣而止。余嘗笑之，君定不戰死，詩妖無驗耶？此唯余識之將廿年，乃悟其讖。意者德順名不當泯，不然，何精神往來於吾心也。德順官提督，諡武毅。詩曰：會侯昔起田間師，將用拙速勝。巧遲腰鎌執挺五千衆，大捷江上名天知。當時提督一馬卒，突陣橫賊風。電馳南

人好船不好馬，水師萬柁橫江湄。三河一敗兵如灰，雖有舟楫無由施。陸軍氣奪賊馬驟，都統揚揚建兩旗。始知騎步定天下，曹公不敵董卓兒。驅勒農夫學騰跨，項強脛直百不宜。我年二十騎身手，超阮墮塹拋金羈。驚駘多肉驢，多骨炎方芻稻難調治。馬侯將馬識馬性，如造父孫汧牧時。是時王師苦不利，會侯避地黃山陲。驕驄蹇驢盡無用，相與蟻蛭爲娛嬉。據鞍一笑何生癡，壯士恨不革裹尸。清秋一槩下鄱水，歸來但覓果下騎。春風秋日偶盤駮，骨腫和協心顏怡。馬侯牧方聊小用，千金辦續越女蜃。爾來廿年不問事，死生貴賤和天倪。偶從蠶牘見名姓，使我心竊神僂疑。松陰長簷恍未冷，苦戰身死真何爲。憶爾伊涼騎千里，鬱氣一吐月暈虧。戰馬長嘶飲河水，誰甘老死卑隸。余亦放馬衡山陽，夢中不聽曉角吹。馬侯馬侯身死莫論功成敗，君不見，湘鄉石馬青苔滋。

東山精舍哭董兵備

寄書長恨緩，聞死怪郵傳。薤露悲三世，荒城坐七年。官閒虛領郡，體弱况多煎。信和音未窺，寒窗孤月圓。久作昆湖別，重逢意始親。中年詩更老，秋夜語能春。書到妻孥喜，途長夢想頻。遺篇看百遍，佳句尙如神。瘦骨知吟苦，交情比宦濃。邊庭幸無事，俗吏偶相容。悵望湖南雁，獨看城北松。風流豈終絕，石室有遺蹤。知君定不死，恨我未忘情。交誼期千載，音塵斷此生。魂歸洪洞月，夢遶隗鷲城。又綠湘草草，誰聽楚些聲。

送余佐卿北游

沈陰閉春百日凌，鳴鳩拂羽催春興。皇天運行往當復，世間安有千年冰。宋玉泥汙枉長歎，何不詠向山峻嶒。我今冒寒出城去，歸來果見天清澄。桃花滿枝春滿眼，愁吟仰屋真蒼蠅。青山詩人坐掉頭，中夜卻思萬戶侯。龍驄虎步生苦晚，儒冠紈袴俱堪羞。勿問春風入庭戶，翩翩欲作天邊游。不知書劍向何處，江濤拍岸尋扁舟。兒童拊掌笑

女癡，三十未老何稱懣？即今西陲又蕭清，俄英和好不下旗，下首高尻作將相，樞廷悔用馬上兒，四方上書盡報能，郭公相業此最奇，今爾何爲心慨慷？妻妾不復謀耕桑，曹司卑官羨斗粟，入殿那及陞楮郎，飽食鮮衣尚憔悴，要踏秦晉看災蝗，古來豪聖不如此，堅坐且笑浮雲忙，我聞此語未賢達，爲君起舞翻離觴，浩園開敞春風醒，風止雨霽月滿亭，陳生東遊老龍徙，長歌短詠無人聽，人生日月不暫停，不遊不任鬢髮星，讖君冉冉復三齡，至今枯坐守一經，君不見，宗生臥遊不寂寞，胸中五嶽撐天青。

過縣贈黃明府

積雨無時歇，平蕪綠自春，一城荒似昔，大邑久憂貧，俗敝看賢盡，商凋巧利新，空琴閒獨理，兄事愧無人，
三月上巳雨坐湘綺樓題寄懷庭

高閣猶清坐，春空盡雨聲，陰陰風動地，拍拍水欺城，遠望終無極，徂年只自驚，繁花不知恨，三日眼中明。

送陳御史啓泰迎養入都陳婦先在邸

秘直還西禁，歡顏奉北堂，雲清天路近，江靜彩衣涼，房玉鳴知喜，陵蘭遠更香，此行無別恨，扶路賞秋光，榮養非依祿，三遷轉念慈，節姑家法見，素業里人師，寒素書燈曉，繁花荆樹枝，儻開何氏酒，應許泛金卮，水閣仍馨桂，南洼定長膏，使裝貧不改，文酒會能豪，鳥鶴從容步，霜鷹顧盼高，看君持大體，終未忝詞曹。

賈祠集餞劉采九

勝地新分席，良朋舊蓋簪，道因詞翰重，交託古賢深，城郭前遊迹，軒窗遠別心，有才堪自信，千載待知音，宦迹忘中外，於今更爽然，便成王佐業，何似酒杯前，湘水看逾曠，浮雲去可憐，且將幽詠地，披豁對晴川。

閱東安水道志憶前游慕物外頗有獨往之志作詩寄懷云

山川奇物外，車馬不能喧。偶有獨往志，霞石橫眼前。昔遊如有神，今懷亦可歡。散髮東山處，沈吟永桂篇。巖虛午風靜，松疏夏日寒。村舍遠相望，樵牧方來言。豈伊慕靈契，離塵是爲仙。閒庭雖自清，未若漱雲烟。世事託妻子，將從性所便。

寄懷黃御史

思君又隔歲，相訪恐多勞。山靜心長定，霜寒病獨慶。養生無禁藥，懷舊有庭蒿。一事堪消日，扶床醉濁膠。近欲梁州去，知君憶弟情。有官歸更好，爲客老無成。臥聽秋鴻翼，閒銷夜雨聲。養病與樵隱，總覺勝浮名。

中秋府學釋奠觀禮二首

南郡人文首，東膠禮樂宗。儒臣新節使，雅咏古車攻。星漢形廷麗，英賢玉佩從。儲材歸重學，非但美笙庸。鬱鬱湘閩闊，當年拋火驚。至今吳選士，多用魯諸生。城闕秋容靜，弦歌曉殿清。老儒投筆久，欣及見升平。

出洞庭西湖浮漕入江有作

皇絡通千里，溟池望八荒。奔流終古壯，平水萬舟航。一髮圍黔楚，孤身入混茫。朝宗百靈會，始識霸功強。

覽古興吟三首

巫山高

楚人捕鰥忘黃雀，百戰連兵向伊維。東收魯越棄夔巫，蜀郡迎來司馬錯。夏水浮江石崩秦，兵四日燒夷陵。丞

相從容曳珠履，壽春城脆如春冰。屈原含冤宋玉老，年年猶夢高唐好，雨散風離十二峰，瑤姬淚滴陽雲草。蠻夷問鼎入中原，敵國傷財不足論，莫於江漢輪船便，已見風沙印度昏。

琴歌

斷養娶才人，天孫嫁河鼓，一配恩恩終百年，粉淚蕩花不能語。君不見，卓女未向長卿時，容華絕代不自知，管玉鳴金厭羅毅，平生分作商人妻。良史賤商因重俠，筆底琴心春疊疊，一朝比翼上青霄，闕下爭傳雙美合。使節歸迎，騶馬高，始知才貌勝錢刀，古來志士亦如此，膠鬲遷殷撥去鷲，卓鄭從今識文理。有女先求天下士，錦水鴛鴦不獨飛，春來江上霞如綺，得意才名不久居，五年倦仕謝高車，華陽士女論先達，惟有臨邛一酒壚。

梁甫吟

秦軍取蜀燒夷陵，吳人上峽燒蜀兵，雷鼓緣山動江水，臥龍空守八陳營。平生只解吟梁甫，錯料關張比田古，殺嫂荆州九郡城，共聽吳蒙一聲檣，契合君臣自古難，潛思孝直游汎灩，荆襄湘越勢首尾，誰令驕將開兵端。曾聞令尹爭南轅，清晨先鼓壓晉軍，江湖咫尺不相顧，空復崎嶇五丈原。

淫豫石

沂峽俯衝濤，衝雲見天缺，崖分崩石起，浩霧猶嶒嶸。蒼素交嵐陰，寒光秀圓垣，浮烟疑海泡，淺瀑欺江鷺。影移盆石玩，響泐漁舟渡，設險豈天心，征帆古飄撇。靈島通孤焦，三珠若可擷，盤鷹駭飛波，濤叫樂回穴。題茲冠夔巫，標奇獻危陞。

渡風波嶺至梁山

峻阪造逶陀，昇人拄杖過。轡邊鑿石蹶，轅下遠山多。九折勞高下，清霜肅澗阿。征途忘歲暮，時聽采薪歌。霧散山全失，天窮澗更深。偶然青竹合，如度碧谿陰。絕險風驚眼，飛嵐曙愜心。經過正領略，知不異幽尋。

出梁山城平田積水吟望有作

城臨峽山首，西望俯莘莘。霧煖昏晨氣，風彊起雪聲。倚筇田水碧，拋鞞馬啼輕。聞道天梯近，淹留惜此程。

雨上拂耳巖明日過九盤山遇雪

歲晚征途險，危巖遠更深。客遊無物役，雨雪盡清吟。古有勞人怨，山空啼鳥音。吳鉤夜中響，猶未損雄心。

金山堂曉行作

寒霜不入蜀，原隰冬葱蒨。霞明陰谷曙，雨過晨光淨。披拂悅征途，曠朗開余性。峯林惜葉卷，步竹欣窻迸。幽如故山適，未覺殊方覓。智公遊已遠，段翳居難偵。裴回面前坡，墟烟靄來徑。

除夕行都市遂至洗馬池

神龜肇二城，連星翼七橋。名都昔隱賑，閭里今填囂。繁富始秦守，興文儼漢朝。通衢揭百市，坊火燭玄霄。鏡貨達梯杭，川原貴沃饒。華實茂春蕪，蔬豆翠冬茗。士女閑且都，錦綺豔翔放。朝尋葛姜宅，夕並王邠鑪。闔肆雖久盛，隆替非一朝。二九門既墮，雙江漚不潮。財傷杼其空，儒緩樸爲雕。方承古人末，恆恐年運遼。羈旅幸多暇，星隲將轉杓。適野歎何加，行國念我聊。撫樹臨霜池，翫夕啓風寮。追懷李固遊，尙訪嚴遵謠。雄觀八州外，濁隱清懷標。豈伊夸天府，爰曰告軒輅。

己卯清明日題家書寄懷

輕陰鶴庭樹，高榮翼重阿，晴鳩開林響，午雀語風和。馮軒望曲城，碧草送逶迤，峽雲互來送，江瀨壅還波。春華萬里榮，我思一何多，芳節逝不留，但憶昔傷離。丹莢香晚桃，翠幕悅新羅，覽物情有初，感別愛如何，息心久無營，騁望忽差池。

送殷容還洞庭并序

湘陰殷家儒字竹伍，本姓晉氏，蓋元之舊族也。明初以軍功世屯，官居於營田，故饒於貲。至竹伍生有巧思，覽九章周髀之書，能求捷術，尤喜器制，凡徐光啓所傳其師法，輒召匠試爲之，日夜工作不休，成不可用，卽又更作，作成復棄不用，以此蠹其家。當是時海禁猶張，儒者恥言太西，亦不視算草。唯子友丁取忠，頗奇竹伍之術，名稍稍聞諸生中。洪寇起，湘軍興，始務造礮，立長沙官私二廠，各以其所謂能者主之，竹伍不在選中。余時遊會侍郎軍帳，亦不知其能如何，末由薦也。武漢復，軍聲勢盛，湖北藩使夏廷樾主轉餉，居武昌，請余俱行。因長沙黃冕知竹伍名，欲倚以造留防軍械，遂得相見，同舟東下。既至江夏司庫，糧台恒不能辦，萬金人心搖搖，百廢不興。余時新昏，思歸甚，假度歲辭去，竹伍猶留，欲有所營。未旬日，督府之師潰於黃州，會之水師船燬於九江，寇復大上，武漢三陷，各頭踏奔免。自後黃翁居長沙，通湘軍諸將，總湖南餉事，名勢重於巡撫，而形勢已定，無所用竹伍。委以權稅外縣衣食之而已。洪寇平，夷議偏重，朝廷乃始留意船礮，大臣承風爭言機器之利，關稅七百萬悉輸之福建，上海船政機器用之，而天下干進者，爭自託於西學，督撫以制及爲能事。湖南雖居腹裏，亦設局省城，月給千金，遣亡賴者主製辦。余始言且可用竹伍，當事者辭以糜殮費不給，竟不用也。川督丁尙書謀西防，患火器不精，奏開局成都，大作鑪廠，營建費巨萬，廣求奇藝異能。

手書致竹伍，厚其聘幣。竹伍喜，謂可竟其所學，開農田水利織作之利。余以爲七十老翁，雖得知己，猶患晚遇，不自覩其效也。及竹伍至，而御史已言成都制器不可用，故隨作隨毀，詔使案之，嘗罷竹伍復失職，遣歸無資以自還。按察方君倡助之，倉卒附舟去，則己卯歲四月朔日也。余感其技成而無用，逢時而不見求，有知遇而無時，使其懷奇，略蘊治道，則賈生之流也。於其行，賦四詩贈之。

將離猶未去，夜雨已思君。白髮休爲客，峨眉偶看雲。蟾蜍喜過峽，鶴叫感呼羣。爲見宵光月，知余昨夢勤。浮漫屠龍技，辛勤刻楮時。覃精嗟昔誤，垂老感新知。未展斲輪巧，俄蒙抱管欺。明時方在德，歸隱或招遺。江漢風塵日，同舟擊楫前。閨房催歲晏，歧路駭殘烟。慘淡澄清策，蹉跎老大年。太平文武盛，訪舊忽茫然。歸路聞蟬早，垂楊去歲青。江痕看長落，漁父笑清醒。客餐行堪老，鵲曠生獨聽。君平今已見，待問使槎星。

丁尙書總督四川閱兵西南邊留灌縣過六十生日以避寮吏稱祝寄詩調之因以爲頌時方劾罷按察

雄鎮常經武，新恩命撰徒。息民冬蜡樂，觀稼夏苗鋪。令簡稀隨吏，心清減驛厨。巡邊兼問俗，負弩莫爭趨。蕃部通三藏，軍疲氣始驕。應憐蠻瘠苦，寧倚蜀豐饒。薪突深謀久，松蘿迴望遠。老臣憂國意，非是慕彤昭。斥鷃恒相笑，霜鷹暫一神。元樞資長養，國體在平均。還憶薰風度，停車稻雨新。休瞻雪山峽，高意託嶠岷。早已忘身世，何煩更祝釐。精勤延壽久，淡泊養生宜。白髮尊元老，青城賸紫芝。不嫌齋舍冷，猶有酒盈卮。

蒙山上清茶歌（歲貢三百六十片唯給郊祀）

酌泉試茗平生好，唯有蒙茶遠難到。名高地僻少愈珍，夢想靈芽但西笑。春動岷嶓花藥香，故山新茗渴未嘗。石

花露葉今始見，開絨已覺炎風涼。聞道仙根漢時活，七株常應鳴雷發。王褒遺僮不敢擔，長卿識字名空撮。貞登天府二千年，龍袞親擎褰帝筵。從此人間不曾識，苔闌十里圍雲烟。年年葉共周天轉，銀泥小合盛三片。至尊晨御偶一煎，王公那得分餘羨。吳越湘湖名品多，祇供嬾女潑雲渦。含霜焙火爭春早，散雪流芳付驛馱。一聞蜀使當秋進，始覺後時天所吝。聞名乍見已足誇，川綱長價關中引。達賴熬茶靜遠荒，紅茶航海動西洋。從來鹽鐵一時利，誰言此物關興亡。於蠻馨香元有自，百草纖微豈堪比。對此沈吟不忍煎，如觀法物郊壇裏。山人掉首百不知，松風一榻輕烟暹。園茶采采共葵叔，迎涼且詠幽公詩。世間遠物徒爲累，寧知鼓石眠雲味。一啜餘甘復幾時，支頤坐看西山翠。忽憶君山北渚瀨，亂餘枯枿雜樵薪。五峰溶處尋真隱，儻遇披霞舊種人。

第五女幃小名黃芳天三年矣昨忽見夢問物性靈蠢余戲告以蠃子最靈人最蠢其莊生親螻蟻之喻邪覺賦小詩記異

幻影重相見，搃搆問物靈。衣單垂手瘦，髮覆兩眉青。泉下年難長，秋來夢易醒。忘情仍有妄，非汝未遺形。

院中翫月

初秋影無雙，娟娟映北窗。孟冬光稍遲，遙遙在南階。圓魄故如作，躑躅倏已移。情留賞仍淹，步履久相期。始吟涼露薄，今恨繁霜滋。還枕掩餘照，垂帷鑿相思。重篋久已卷，清塵豈在茲。回鏡朗室隅，虛幌轉晨颺。獨寐惜良夜，誰云愆歲時？

寄墮林粉與夢緹因題五韻

江州墮林粉，舊擅六朝名。無人知古豔，獨買贈芳馨。莫恨紅顏老，曾窺玉鏡頰。從來有名價，已足重千齡。世女那

能如狀成見典型。

夔門歌

石氣江流鬪稍長，崩奔陷罅俱東向，相爭相讓兩欲休，石起作天江作溝。飛青茂巖兩門外，奪路撞騰萬里流，山靈截江意未已，誤踏橫流探幘起，不甘禹鑿巨靈壁，高古題爲淫豫石，其東三峽一萬山，餘怒辭嶮洶青壁，蜀土崎嶇自一家，天開此路達三巴，瞿唐劍閣一丸塞，坐看公孫成井蛙。

巫峽下青石洞諸峰奇秀圖經所不載留賞興詠

大峽連百六，神峰疑十二，未若青石巖，拔奇江北裔。雲膚麗寒骨，烟想窮天背，連峰豈競高，千霄各有勢。真形任圓削，秀色非空翠，從來絕躋踐，何必遠人世。翔仙尙孤危，飛鳥詎相企，靈境儻不迷，津途待重至。

下新崩灘贈汰工一首

東歸汎平潮，結險餘江激，崩石積千載，哀濤苦驚譟。揚舲既夷猶，傍流駭回眺，習坎信有期，霑沙且詰誚。虛舟縱所如，奔浪反知捷，迅急乘直波，從容順回澗。濫觴盤渦中，曲折赴湍峭，峽山轉晨光，崖雪涌雲暉。涉險慰衆心，探奇媚孤棹，雖慙郢人質，頗識飛流妙，將從呂梁遊，方逢斷輪笑。

枝江守雪作

風濤寂清鷗，船重知宵雪，寒雁既朝棲，扁舟亦晨經。江山美昭曠，洲渚悲飄撇，積素皓已盈，官瀾映逾冽。疏森明遠樹，暗靄開雲缺，村扉晝猶閉，川路長安設。宴賞懷湘衡，羈游倦河浙，明鏡更水宿，高枕忘霜冽。劉郭宅儻存，凌寒訪坻堦。

寄懷二陳詩一首

侯臣左遷閩臬，過蘭谿，懷庭作令九月，己卯迎之官驛。談次共有相憶之言。十一月書報成都，余適將東歸。諭月至洞庭夜雪，舟中復憶嚴灘雪行，追事懷人，因寄一篇，記其情款云爾。

離會恒有期，游宦俱在遠。悠悠四海內，戚戚良朋格。江山長鬱紆，蘭華有時晚。馳書心不近，告別情仍返。返情非近心，薄旅動孤吟。曠辭石鏡月，且發巫雲陰。還波無急湍，弭棹絕招尋。江湖漾霜淺，冰雪緬途深。途深阻三州，東西萬里餘。小邑寡人事，橫琴對牀書。念存空谷音，果邁鳴鷗驅。殷勤負前弩，欲笑停高車。高車倦王程，度嶺復遙征。年徂客鬢華，官遠使裝輕。咬心積契闊，握手道平生。明鏡殺水驛，帳飲秋山晴。秋山秋葉黃，殺水西風涼。蜩蟻成峽路，雁叫悲天霜。情話慰沈浮，登時歷炎涼。嗟予獨遙夜，與子共離觴。離觴促夜火，人吏還脂輶。飛旌背邑去，拄笏看山坐。書題訴歡怨，逝節驚敲賊。勤使官收煩，晏歲歸期果。歸期滄漫悠，歲晏浙閩修。昔吟嚴灘雪，今阻洞庭舟。時平戍鼓息，事往浮雲留。懷人白蘋望，從子赤松游。

從孫巢山行至梁山作

登陟未覺高，谿行盡回緣。七盤下松底，反出羣峰巔。高原橫深谷，田水如清川。幽曠遊二奇，趨瞰俄九遷。雲光散春氣，疊嶂聚寒烟。晚花繁岫桐，晨響切隴鵲。既驚節候移，稍厭谿瀑喧。奇境難久居，空令世外傳。

晨登杜巖

乘車入鼠穴，披褐翻雞棲。既厭平路平，喜踏梯雲梯。三陟窮杜巖，曠望得高畦。羣峰散蟄堦，雜樹蔽幽谿。疏澗性孤直，密竹意低迷。遠聲應春禽，出谷引晨雞。時煖物欣欣，生物豈不齊。倘有山居興，知余好攀躋。

涪水道中感春寄謝劉侍郎崑二首有序

韞齋侍郎自湘撫內召，引疾乞休，遂居長沙。文酒談燕，但招客，不詣人也。庚辰春，余復有蜀行，承設餞席，賤次因及京師宴集之樂，優人演段者，蓋始於伊耆時。羅氏鹿女，其後尤盛於東周。至漢代，元會爲百戲之一。明人因遂直謂爲戲，內廷有供奉班。國朝王公入座聽戲，著爲典禮。故京師公私最集，恒有戲云。其優人名者，士大夫無不見，輒能舉其名。侍郎言湘中歌者，有京師之聲，以余不及待，其堂戲再集爲憾。狂昔已未歲，覆試直省舉人，文宗命試臨風舒錦詩。侍郎分卷，取余第一，以班階次置第五。明年而大駕東狩，天下多故，余從祁門軍中，遂還山居。侍郎一主試江南，遂亦外任，迄無座主門生之緣。通商事興，以尙侍大臣專頌，與軍機同重京朝堂司官，并心夷務，不宜復言升平歌舞之事矣。侍郎撫湘時，大議征苗，犯疑謗而克定之。湘沉近十年，無蠶燧之驚，退老閒居，與二三親舊奏技聽歌，固其宜也。矧其年過七十，苟無侍姬，適與託意，又非耽樂。余匪知音者，然恒慕承平文物，既告別臨月，行三臺山中，春風吹衣，忽有所憶，因成三詩寄意，意不唯師友遠離之感，儼類謝傳所謂中年哀樂者爾。

一月湘城雨，尊中酒不空。天多與間日，人及坐春風。塵尾聊揮俗，觥籌偶論功。宵深興不淺，門鑰莫怱怱。
十載神安樂，儻然有寓廬。謀邊雖自苦，作計未全虛。獨醉知春久，新茶品貢餘。老來無著作，重校石渠書。
昔賦臨風錦，曾叨第五名。未窺蓬島路，已見海潮生。將相看新貴，笙歌纏舊京。莫辭親顧曲，指點太平聲。

莫提督秋集因論湘軍戰事酒罷作歌

將軍昔事南越周，矯如快鶻當清秋。練軍三百敵十萬，數奇功少不得侯。程駱覆車塞徐走，桂林傳火照石頭。將生投筆農穰後，曾胡忠義勝智謀。盡驅丁壯入行伍，陣前騎馬如騎牛。鄉軍轉戰五千里，陳狗不吠江安流。結連苗

捻掣兵勢，齊魯騷動。聖后憂，勁兵良將不肯北，雞毛急徵來湘州。長沙太守（丁寶楨）膽如斗，獨攜一劍登華，不將軍卷旗始一戰，桑哥（台親王僧格林沁僧格桑哥譯音轉）驚歎勝帥愁。從此湘軍冠河泝，睥睨陳宋欺潘劉。（陳國瑞宋慶潘鼎新劉銘傳等）天河洗兵又寸載，卻來同作嶺山遊。吾衰久矣轉生肉，丁公壯心老不休。將軍復著貂兜毳，腰下錦帶橫吳鉤。秋日高高壁壘靜，涼風獵獵旌旗柔。憶昔旃陣禽生彪，卽今五嶺禾稻秋。誰見喋血爭據溝，何況錦水人嫉遊。文吏識字不挽弓，但怪天子爵賞優。賜閒湖邊月滿樓，會當同汎湘水舟。一談一醉一拍浮，三叉磯下看鳧鷗。

成都送別黎侍郎培序

簡堂侍郎左遷四川按察，未一年，被命督漕，超階錄功，寮吏咸喜。聞運與同縣，嘗共公車之役，賓客來言者，若賀其私榮焉。夫寵辱時也，功效人也。昔者周召以二伯兼下大夫之職，朱邑爲三公，而恒思縣尉當其達，則褻裳而去萬乘，惜其績則款獻而望龜山，君子之仕也，非爲己也。侍郎嘗撫黔矣，披荆棘，立軍府，俄定艱苦之功，著於天下，及以微過免，人無不爲黔惜，黔之人亦爲之惜，惜之者其爲公耶？爲私耶？吾不得而知之。他日侍郎歷官，或督連圻，或入掌六曹，贊樞機要，必有遷去之時，去之時亦宜有贈送離別之情，其或喜耶？或惜耶？吾不得豫知之，而唯獨今之去，則憮然知其不可喜也。蓋蜀之不洽久矣，自咸同以來，日甚，督府丁公毅然不恤，而獨欲治之，治之而官吏喧囂，人人欲去之，賴朝廷清明，孤立三年而未有動也。有一二能者，則羣曰：「督府之私人，其人不能與衆和，則亦自私。」於是賢者中皆避怨，而不肖者得志。侍郎之來，灼然奉天子命，又屈居僚司，必不宜阿私長官，乃其言行所趨舍，不誤而同於督府衆之喧囂者，至是而自疑黑白是非幾判矣。始稍稍治，終猶以爲不便，復稍稍撓之，聞其遷故大喜。夫遷去與罷去等耳，而失此治蜀。

之機，是可惜也！俄夷之謬議，動搖中外，言者疑海運當阻塞，而議渠漕用，是有此選；不然，漕河之職近二十年，爲勝官孰與治蜀之亟乎？且漕河積習深，往者名臣皆身被謗議，然後堪其職。侍郎假欲行志，亦必人人視其去其委蛇，以求容耶？則何如居蜀中，猶直道而行，有友朋之歡，然則公私之許，皆未可去也。且傳舍其官者，必有傳舍其身之心，侍郎遷去，必不喜，故據所懷，爲詩以贈之。詩曰：

超俗縱奇懷，徇物傳德音。脫屣九州外，而無遺世心。汲生臥淮陽，王子陟岷陰。河內有留愛，朝歌非異任。清風灑凡累，之子復冲衿。天機照不淺，澄淵鑒已深。解蔽寄蕭散，宣條化愔淫。如何不爰席，重此汎江潯。龍鳳固非已，甄甄豈徒欽。未聞青驪駕，已動鵲防吟。良會不我覩，他時念蘭金。

感事寄筠仙

趙括藏金日，將渠引綬時。不成孤注擲，祇益老臣悲。國是終難定，巖疆暫可支。和戎聖明事，將相枉危疑。隕石明飛電，秋雲晦作雷。料無諸葛死，莫爲五侯災。勸酒長星笑，排山海浪開。層陰難極望，老病一登台。

正月十六日中蓮池看新柳夜還行月憶舊遊重擬春別四首

惜別傷春無近遠，眼前無春別懷緩。垂楊不被東風欺，忽地抽絲作春怨。一尺柔條未回碧，惹日搖烟似千尺。春亭池閣拚與嬌，春後春前總相憶。春街夜鏡共光影，蹀躞當年鬢華冷。敲冰作月雪作雲，花枝露寒看酒醒。酒醒能醉花能春，休言新花似故人。故人心已非故，新花故色始宜新。

憶江淮舊遊送薛福保還無錫

錦水綠未波，摩訶柳初碧。東風昨更寒，爲送將歸客。蘭陵歸客感年新，不待鶯囀早惜春。二月雲山三峽樹，五湖烟水一家人。楓樹青青洞庭路，桂楫夷猶復容與。一片江南江北春，君行遠到花開處。戍鼓樓船且未休，石城淮浦憶前游。謝公棋罷東山冷，陸弟詩成洛水秋。舊苑垂楊不堪折，海邊芳草催鷓鴣。空憐瓜步潮，相思吟向蘇台月。莫道崎嶇入蜀非，君平避世久忘機。借問南陽一龍臥，何似臨邛駟馬歸。

保山劉樹義罷豐都客死成都其子錫慶年十歲來辭行云從母將寓長安感其進退有成人之度作詩送之

孤兒易成人，有父恒驕癡。送爾忽自念，戚然臨路歧。伊昔游京華，二劉數追隨。溫溫未婚容，醉穆珠玉懷。志遠來日長，奄倏遶乖睽。歲月非永久，婚宦再不諧。况彼雙飛鴻，比翼復中違。契闊二十載，始聞挈嬰孩。臥疾華陽城，迎客不下階。見余几榻旁，出入未勝衣。嚴霜盛夏零，一月被兩纒。羸瘠感行路，矧余在交私。丘也亦少孤，隨母共舖糜。爨不料生豈曰耀當時，譬彼木有由，抽擢十丈枝。皇天無私榮，春露有由施。易成良易傾，爾其慎威儀。秦蜀非汝鄉，燕吳不可期。茫茫四海途，子子一孤兒。期望非過情，舜顏在所爲。

黃學正遊印度還言黑水入南海狀兼言俄德形勢感賦長句時黃居趙侯洗馬池故並及魏蜀往事

張養鑿空通身毒，不識西天在滇蜀。祇言右臂接匈奴，絕漠橫馳限車轂。後來燒海穿神州，火船南遶蠟磨周。三危黑水禹甸裏，越國反被倫敦收。黃鶴高翔視天地，微塵聚山海爲帶。雲中鳥道直如弦，雙江界作烏絲細。自從豎亥握靈蛇，無復衣冠汎使槎。強把長春記玄裝，豈聞桴海學流沙。尙書虎視營八極，博士從容躡高屐。何須提劍劍

空同儒冠雅步能規國。侏僂懸結慕華風。南斗當天日在東。盡地成圖致蟹觸。哦詩渡海起魚龍。羣公舊喜乘槎記。一卷西程駭朝議。誰知緬甸拊中原。天荒破處虛空碎。北師南鹿等徒難。反手旋傾英吉黎。豆分瓜剖竟何似。三角形成天漢西。祖逖劉琨固佻巧。世間閒事非吾了。洗馬池邊高臥來。曹公葛相何微哉。試看須彌入芥子。且傾劫水置膠杯。一得一失須臾事。袖手閒吟歸去來。

出浦口汎沫至宜賓江口作

霜陰瀟川游。歸棹鏡青衣。碧瀾尚秋光。高興悵微。鏡吹激空聲。偶發曠遠懷。俄沫昔奔濤。巴蜀阻巖峻。良守開二渠。杭道達雷城。枕席千里途。袷帶絡漢夷。江沫合天光。異色共漣漪。秦衰禹甸荒。方望日譏移。江原既徒瀟。灌塹不臨厓。微我獨觀古。閒游固難歸。頃來訪瀟壖。復此眺峨眉。熊耳秀可攀。犀灘浪崩頽。空勞利濟功。豈慰羈宦來。方舟自茲遠。伊誰念臨圻。

泊縣維口感亡子歸舟所經淒然有作

船音切寒曉。兒氣黯江沱。思子情雖異。長難終奈何。機舟臨縣維。懷抱忽蹉跎。漫漫兼路平。悽悽古事過。每每含蜀田。坎坎聽巴歌。二闕久已夷。符濤今委波。甘林綴丹紫。石埭倚青坡。無嫌山川迫。寬閒在澗阿。招隱不同歸。寧謂佚我多。

登塗山題塗君祠

江州苦繁隘。巴郡亦喧標。不有曠覽區。豈得江山妙。晴森振霜臯。選勝移征櫂。既秉皇古情。遂卽神禹轡。塗祠自堯年。關宇臨奔峭。因巖不勞館。隨石斯爲竅。二軒豁烟雲。嵐波動光照。了然臨城闔。物外非深空。回風磴前轉。初月

林端搖，日短情易延，崖荒夢難繞。蒼榛阻何年，明德久彌邵。浩蜀懷虛遐，勞君鎮津要。

巫山天岫峰詩并序

名山洞壑，皆地穴潛通，余所經遊，唯歷城龍洞，出於山半。辛巳仲冬，擘舟至青石洞，從上游望巫山，見一孔在千仞之上，曲屈逗漏，背復見天，登眺絕迹，竟莫測其體狀，然從下望穿處，前後相對，峯嶽參差，如雲壓花葉，光影斜距，知非石體穿也。凡山石內秀，嵌孔玲瓏，而峽內諸山，千重純石，峭峻鬼瞰，下臨江湍，既阻登探，莫窮其變。至於蔽曠，虧月素濤，哀蟻未足云奇，虛勞昔贊，前余過瞻，謂其無異凡山，暨泊南浦，乃夢神獻翠，峭空靈，岫壑萬態，既覺喟然，豈帝姬之示悟與？又攷宋玉賦，知高唐齊地，神女忠規，乃作山祠，陳先楚開國，主山氏巫之義，雲雨朝暮，謬解克正焉。變守巫長爲刻石新廟，再過尋訪，始得青石洞，舊祠所在，十二連峰，果異羣峰，又賦詩一篇，以告津途。今此眺矚，彌覩瑰璋，所謂徑路絕，風雲通，三峽萬山，皆成雲氣，固非一丘一壑，留連賞心者矣。巫山所在，距縣治遼遠，遊宦過者，莫知尋訪，既至阻絕，又懼風波，自古詩詞，徒誇高險，靈山隱迹，不亦宜乎？余楚人也，國君糜熊，親爲文師，先正屈原，自夔遷湘，開今湘蜀舟行之路，江湖阻深，芳菲靈異，遺言闕義，具在楚詞，津途四宿，頗又彌習，冥摻仙契，事豈偶然？夫帝女主山大邦之望，今古瞻禮，不異崇隆，既不聞瀆詞受譴，豈遂示靈於一頤然山川，出雲實通志氣，惟申及甫，且荷降神，眇焉一塵，詎忘稟潤，輒述所經見，兼制其山名曰「天岫峰」，以待遊覽者，改舊峯之名云。

聖師啓石林，帝女掌瑤芝，連峯隔人境，峻麗絕攀窺。眞賞世所無，神光固不虧，臨泛經三宿，鳴雨省曠怡。空翠果難名，儂幻爲誰施，一穴巧通天，雲日影遂遙。峯嶽襲氣母，瑰質盡靈奇，問岫出青霄，探陟路無階，羽化未始尋，矧被陂鳥微。

汎江浦入沅始至西港湖中作

晴霜靜江洲，天水相昭曠。朔風振飛瀾，枝江得融漾。湯湯赴都會，洄洄轉滄浪。寂寥五州間，澎湃千里漲。航帆步空虛，縱橫不相妨。旅擢倦衝波，乘流從所放。鯨魚喜激揚，行雁悲剗亮。寬懷既夷猶，遠想容奔宕。應知屈遊樂，豈關軒皇唱。白蘋無盡情，蒼梧有餘望。且效芥爲舟，方羊八溟上。

感哀陳鄞縣詩一首

憂思獨增傷，鬱鬱又逢春。乘流觀飄雨，念子始別晨。固知聞喪久，情響忽如親。久要恨不忘，歡愛集酸辛。馳思迷生死，吐唱訴靈神。(其一)嶽嶽南衡精，騰光照四遐。雲龍驥與運，宣文樂且儀。之子懷瑾瑜，幽獨久離家。吳越不我知，明珠反舊浦。羣賢盡知會，大國有光華。(其二)曰余非祥金，遊子利同心。言行相影響，讒嫉尙不侵。離會猶一情，曾不怨商參。悠悠大暮辰，委化共浮沈。豈效妻子泣，胡然涕淫淫。(其三)有身必有悲，俾也何時忘。行行登鳳台，白日皎城岡。伏龍儻晨吟，知我翼摧臧。庭宇固儼然，春光亦再陽。反怨結重恩，企踊毒中腸。(其四)中離淹六秋，感子山夜愁。還情彌大江，要眇共夷猶。人情樂所生，勸我天彭留。甯知一朝窮，棄余東海陬。嚴霜復冥冥，愛子墮重幽。(其五)平生詳道真，遠逝諒先幾。安持不朽名，空與俗衆違。奈我焚獨何，居世况如遺。良友猶一身，斯言異壘虜。我喪子失朋，子云復何歸。(其六)圭璋斐其文，燕石余獨警。羣公輕卑官，三薦困牛刀。至人心善康，外物固弗勞。書來告缺掌，遺篇絕唱酬。豈其遂褻裳，思與造物休。(其七)驚疑成惺惺，倏忽經年月。還柩何淹遲，升皇枉超越。登高望詒音，忽悟淚如屑。厭世雖消搖，恩紀冀不恕。縣解若有徵，哀情庶能輟。(其八)

武岡大甸雨中至水口作寄二鄧

來徑忽幽深，新葺盡萋菲。春色雨始佳，雲山綠相待。久聚愉暫離，前歡遲年改。華葉綴爲芳，光陰散成采。間遊每
有得，時去終何悔。隱趣守山中，期君望蘭茝。

彭尙書春巡奉同劉侍郎設餞兼招鄧九郎中午集劉宅輒賦八韻並獻

洞庭樂猶奏，湘山酒正香。明農鑿耕暇，皇華春路長。心間偶成會，賓選卽爲良。推賢儒術美，論功聖緒昌。休明周
鼎重，雋朗於珠光。高臥方藩魏，稽中克醉康。庭花日影正，隄柳夏波涼。嘉招預切脯，遠遊尙賈漿。

心遠樓暮望湘西諸山卽送辛眉往武陟

夕陰暖夏烟，麗景餘春隱。川光當暮白，山綠浮空近。平檻挹清暉，遙帆動離蘊。歎筵故情切，步履前遊引。梁塵積
已蕪，窗燭初如燼。時新歲忽逝，舟繫心猶軫。樓臨賈宅靜，怨入芳洲泯。且悶千里愁，披雲采松菌。

銅官行寄章壽麟題感舊圖

桂平盜起東南卷，唯有長沙能累卵。三年坐井仰恃天，城堞微風動矛楯。凶徒無賴往復來，潘張遷去駱受災。閉
門待死諡忠節，未死從容居憲台。曾家嶺柳偏在頂，三家村儒怒生輿。勸捐截餉百計生，欲倚江吳效馳驅。虜黃軍
敗如覆鐘，盜舟一夜滿洞庭。撫標大將繩樓走，徐公繞室趾不停。省兵無人無守禦，卻付曾家一瓦注。空船坐守木
關防，直置當鋒尋死處。軍謀兵機不暇講，盜屯湘潭下靖港。兩頭張手探釜魚，十日淘河得枯蚌。劉郭蒼黃各顧家，
左生狂笑罵豬耶。彭陳李生豈願死，四圍密密張羅罟。此時筈箭求上計，陳謀李斷相符契。彭公建策攻下遊，擄豎
禽王在冑臂。弱冠齊年我與君，君如李廣欲無言。日中定計夜中變，我歸君去難相聞。平明丁叟踴門入，報敗方知
一軍泣。督師只擬從湘纍，主簿恩恩救杜瓌。十營並發事全虛，從此舍舟山上居。七門晝閉春欲盡，獨教陳李刪遺

疏。版橋漂破帥旗折，銅官浩畔烽明滅。豈料湘潭大捷來，千里益屯湯沃雪。一勝申威百勝從，塔羅如虎彭楊龍。時人攀附三十載，爭道當年贊畫功。略相成名徐陶死，曾弟從歌脊令起。惟餘湘岸柳千條，猶恨前時嗚咽水。信陵客散十年多，奮選頻迎節鎮過。時平始覺軍功賤，官穴間從資格磨。憑君真話艱難事，俺得俺失皆天意。漁浦蕭蕭廢壘秋，遊人且覓從軍記。

重過錦石

高隄沙輭填平石，馬蹏舊踏今無迹。眼前何物識秋情，二十年來草猶碧。羅衣摺黃釵股刃，故庭紅桂生暮寒。歡怨如烟散雲樹，晴絲總買黃金鞍。涓絲引恨牽春線，客愁正有青山斷。蘭房蕙帳盡欲棲，當牕新月如銀片。

往衡陽出城帆湘夕過朱亭作

汀洲多烈風，白日皎秋光。坐令孤遊曠，安論川路長。方舟壯暮濤，上與賓雁翔。掛帆山門峽，遂汎昭灘航。竹樹皆舊林，蒨靡譏連岡。津途固不疲，豈復歎無梁。但恨昔時樂，增懷今感傷。願攜青雲客，願我復違行。徒深故鄉情，曖曖指曠黃。

衡陽隱居時交友爲盛廿年來相繼淪喪兼悼子女苗而不秀重望城闈泫然有

作

久生亦何爲？逝者待我悲。神識尚不泯，英靈盡來儀。昔美衡陽遊，看彥數追隨。地遠少世情，談笑論當時。高詠有遺香，林岫見表回。蛟雨沈石門，山館化沙埃。倉卒一紀餘，羣公各見遺。猶勉百年志，不異君子期。灑淚臨流波，寒雨爲我來。名賢有歿終，孺子又何哀。但恐邦寶盡，他時怨吾衰。願瞻歲寒松，聊付理化推。

遊仙詩代諸女奠其大姊娥芳作

三秀潤靈池，五玉屬虹霄。神采映當時，英琦忽已遙。况我幽居子，厭世從飄飄。鸞鏡陰樊隅，鳳思託會彘。凱風西南來，揮手不可招。德音儼時存，飲露弄蘭翹。倩影有往還，誰謂我弗要。丹萸有餘春，青松不辭雪。懷寶豈暗投，愧我非明月。世路苟不諳，雲龍頓長緹。雖無翠霞姿，靈文煥金碣。置此人間事，將從性所悅。鶴駕朱陵烟，媿遊拾衛葛。超世無所疑，雲英偶然覿。

答贈袁校經一首

和春應淑心，華實合初終。青陽在新義，絳陰勝芳紅。喧風吹遠遊，穆如誦笙庸。處盛不遺老，爲德豈不充。雷雨動滿形，升解何丰茸。惠音愉我懷，感念芳澤同。原隰高下間，皇華映光容。橫序無外願，昭質勛所崇。

帆海行送劉伯固法琅西因寄曾劼剛公使以示參贊陳松生楊商農余初約同

往揚州適得蜀書遂先西邁

春風麗日宜帆海，萬里茸茸綠芳等。洞庭平泛出寥天，橋樑東西同款乃。君去琅西多故人，我遊先夢廣陵春。西鄰賁言有時至，東海青童不可親。不成相逐還相送，月煖花飛別愁重。玉關垂柳古時情，王母香桃周室貢。絕域從來選使臣，罕聞朝貴降朱輪。郭崇自信堪粗使，何許無緣結要津。左公求地真兒戲，坐令人窺掣餅智。此事還同脫穎錐，此時始別盤根器。都護分持三節旄，君看湘土利如刀。松巖龍躍合神劍，君家虎步衝鯨濤。世人大隱隱朝市，誰知天外桃花水。玉帛興戎談笑間，高枕常如故山裏。我更西尋黑水南，遂將筠管寄提擗。金輪鐵甲有時會，莫道枯廉懶不堪。

自虎牙至牛口作

沙隄足夷曠，宜都稍峭沿。因乘夏水高，遂引荆門船。歸灘自古難，犯漲始令前。投身龍涓底，轉控搖山烟。浦流崩石波，散沫礮雷淵。薄雲厓下鮮，朝日霧中圓。山水積荒深，寧爲我周旋。凱風振輕帆，磯角困長牽。既笑山松賞，又哂屈平遷。願語三峽靈，經過聊偶然。

入巫峽

入峽平流穩，江山信美哉。濤空盪琴響，鳥語似仙來。日月靈光曜，蕭寒障霧開。古今傳樂府，誰信楚臣哀？

青石洞望巫山作

神山夙所經，未至已超夷。况茲澄波棹，翼彼祥風吹。真靈無定形，九面異圓虧。晴雲穴內蒸，積石露嵌奇。江潮汨無聲，浩蕩復逶迤。呼風凌紫烟，漱玉吸瓊脂。賞心不期游，誰識道層累？若有人世情，暫來被塵縶。

成都南郊看荷花待丁尙書不至明日見示長歌奉和五十六句時將登泝眉未去

蒲塘東引通回簾，南郊密竹青如藍。野風吹雲釋煩暑，城中俗客忘塵棲。尙書政繁心簡暇，臨流選勝相招攜。行觀稻苗被甘澤，因吟菌萑依金隄。蜀主祠中舊鴻綠，軒窗通望涼朝旭。千枝翠蓋壓雲漪，百朵丹華削瓊玉。迎涼初審酒生波，喜雨俄看珠似粟。賓僚正待庾公來，鼓吹旋傳放衙曲。戟門晝靜槐蟬陰，城闕不聞車馬音。蜀民未肥公已瘦，飲水暗恐陰陽侵。寧知名教有神理，脩清宴坐成高吟。詩成酒盡疾卻愈，翩然更發幽人心。我涓峰高一萬尺。

插天黛色西南碧，連山青黛萬芙蓉。二江帶繞雙盤石，何須城外縱奇觀。坐看清涼收几席，泰山卷石俱賞心。佩印抽簪從所適，巴蜀七年歌小康。梁州南界勞越裳，召公經營復何益。葛相偏安猶未遑，老成深謀在尊祖。他時豈暇論毫釐，兩客清談且高閣。三英經濟方傾遠，來篇見許衆驚怪。直擬朱霞標物外，酒徒猶自諱狂生。擊磬有時驚荷靑，巢許飲牛空掛瓢。莊惠觀魚偶設芥，從來聚會非偶然。早知物論無成壞，三池積水通摩訶。瀟瀟涼雨搖蒲荷，昔年穿渠利未究。居民尙恨漢淤多，我欲從公乞南湖。插楊栽柳牽青蘿，無田種樹亦自足。有酒不醉當如何？

後閣秋風曲

秋雲陰，高閣影深岑。金繩漸檐角，珠綴暗窗心。碧草亂平砌，蒲桃長拂林。林藤砌草忽幽映，晴光洗日雲如鏡。飢禽下復驚，墜葉飛無定。尋苔見履迹，繞屢聞弦詠。網竹連根嫋玉階，閨中曾指道秋來。微風偏解縈衣帶，夕照無妨上鬢斂。已覺羅帷薄，應懷水殿開。雲低水殿裏，回暮秋。去年來玄髮素，綠槐市裏幾蟬鳴。白芷江邊一鴻度，宋玉悲搖落，淮南感新故，不能下溪田，且賞山阿樹。

歲癸未夏多伏陰川東頗有疾疫或言得雷當散而令典無禱請之法丁兵備昔

巡川東今攝成縣作文齋告隆隆響應三日霆電疾雨物氣昭蘇輒賦十一韻
以繼元暉賽雨之作

常雲紀卿祀，憂旱驗億勤。收令雖有職，台司豈遠民。端思六沴始，若納一夫墮。鳴雨時无咎，風霆猶未神。舊使勞東顧，新齋禮北辰。網緇氣俄感，陰陽動不屯。長聲周庭宇，除響軋原畝。帝樂告崇德，天威實歸仁。萌疑豁已解，精意享逾禱。椒精映晨煒，蕙殿轉靈氛。方請閑閣德，寧當挽聚辰。

七夕後二日穉璜尙書垂示喜雨詩中浣一日宴寮友於蜀主祠池西軒張藩使
和詩先成並名篇劇韻有昭明講席之體因仿梁格韻依原次呈坐中諸君子

公譙從蓉池，秋成觀稻盛。鳴鸞應樵唱，飛蓋搖荷柄。民歡羽毛美，客喜招尋更。綠垣竹如簞，曲沼萍開鏡。晨澗潔
鮮始，密坐敷筵竟。徵生上才厠，白髮朱顏映。詩廢樂遊藻，韻賦光華競。宮商宣待呂，和樂學情性。蒸黎登枉席，魚鳥
忘機弄。疏通條致簡，廉法台司誦。薰風奏八能，湛鬱歌三慶。九功初應夏，七志將觀孟。瓊瑩瓊瑀報，鏗旬絲管迸。言
間蘭雪灑，句裏松風勁。西園召王粲，東府推徐倩。方塵驚鼓曲，復詠龍星祭。是日羣公集，茲遊四難并。懷古嗟劉葛，
論兵騁縱橫。亭抱頌張尹，省坐陪荀令。吾宗美世業，敬禮榮新命。雙珠演海琛，一酌鄉人敬。玉堂天未遠，琴調風初
正。賢升鳳嗜齟，德廣江方泳。說桑終富國，蓄艾先防病。耐元贊皇謨，率屬嚴私請。雍容禮獨俗，敦厚詩聞政。近欣禾
黍熟，遠絕萑苻傲。蒐典戒秋經，秩祠烹夏獍。待公樂職謳，吟此澄江淨。

過蠶窩灘望珠亭至巴縣作

巴江噴回折，巴雨涵清滄。連灘輟朝食，轉棹移天向。巖秀近始奇，渦濺細非浪。墟烟低作雲，洞瀑奔成漲。明珠媚
孤嶼，洄曲光溶漾。蔗坡青自引，橘埭黃初釀。藹藹合幽深，湯湯激激壯。曾是怨羈情，將毋厭棹唱。微我輕軼行，誰能
泛遊舫。

成都季冬晴煇頗有宴集乘間覽興偶然有作

初陽煦霜氣，隴藹麗園林。叢蒿似雕玉，黃梅如綴金。東楹引暄步，西閣散寒襟。積凜喜得舒，來遊唱高吟。地偏寒
暑均，淑候美重深。時因良會罷，觀化味蕭森。階艸翠總總，豈識水霰臨。人靜短日長，誰謂歲發髮。吾生亦已久塵事
固罕尋，猶惜晝此閒。逍遙坐移陰。

幽人恒喜夜，願此明月輝。四時獨有冬，寒靜適我微。佳賞復難留，當避嚴霜飛。欣茲窮陰節，尙照秋花菲。明鏡玉階前，上見繁星衣。羣動息中霄，流光朗四圍。高會亮餘歡，主醉賓言歸。圓景方未滿，良遊勿相違。

華陽篇喜顧生新歸因談所過山川有感而作

朱梅未放山茶開，寒冬欲盡春徘徊。鵲聲繞庭敲不去，朝朝喜見行人回。身行萬里無塵土，靜入書帷對深語。四年守靜神有餘，曾帶烟雲向嵩汝。自說今年學俗書，不嫌目宿爨桑榆。秋雨止鄉思發，太行雙華迎歸驢。我昔風塵事干謁，王門曳裾仍被褐。爾今四海不逢人，過晉豈知張孝達。年年負米泣羅羣，喜得今來笑語溫。坐看摩訶水灑灑，應知燕豫雪氛氛。南陽紫氣迎伊雒，頗恨襟情在丘壑。天竺南交盡華陽，茫茫禹跡周京廓。九州在眼几席寬，誰能更嘆行路難。儒生不識縱橫事，且作宏詞對策看。

春日下峽重詠巫山甲申

和風吹靈波，復汎神山舟。青華媚紫烟，識我今來遊。嶽情自空冷，霞想宕夷猶。欣然忘天地，坐與春江流。巖虛石莘莘，霄峻松修修。思心雖往來，未若對蕭瑟。翁忽仙氣還，雲明谷陽幽。

江聲

雲陰照空春滿天，初雷應峽聲空圓。珊瑚濺濺下灘浪，千聲迸送孤舟前。乘波捩柁轉深曲，山水無言但芳綠。清吟萬壑人不聽，飛雨添濤漱寒玉。

澧浦作

江潮勢多端，汀沚有餘寬。回瀆千里內，昭曠接潭澗。衝濤倦湍擊，入澗弄潺湲。翻風送平舟，坐臥忽超遷。芳茗自
然綠，曲水隨波環。墟桃戀始春，隄柏濯新瀾。離憂況已怡，遺佩復何澗。屈游非善生，枝渚喜今還。漁父若見存，從余
清澗間。

訪顧翁門不敢歸作奉贊

華陽寒雨一尺泥，城中葦榻如雞棲。高人閉門深巷靜，炊烟午歇斜光西。鳴珂戴笠紛來往，寂坐空堂入無想。歸
來卻悟人我忙，當窗散竹欹風響。

乙酉四日行東城作

日色初明潤，雲陰半煖寒。新年人意喜，都會蜀城寬。歌管催春易，京華記夢難。欲知和氣協，長在歲朝看。

七日連陰率爾有作

歡心望春來，靜居冥晝陰。開歲未及游，朝曦已七臨。和風不易暢，節往恹寒深。憑軒忽俄爾，雲物坐棲沈。豈無昭
蘇願，大化非我任。初闌守其壘，養秀被陶岑。彼美執時信，采擷芳余衿。熙熙老氏誠，勉思速能禁。

贈徐侍郎致祥

車道通長樂，梁王倍漢官。益庭築室罷，一疏挾霜寒。靈怒天心轉，山寧地脈完。千秋妄言事，應愧切雲冠。

清明節宴招易布政集院東軒令子郎中及宋吳生同會明日答郎中作一首

仲春和氣交，降燕迎暄講。英英新卉敷，灑灑濡露墜。熙陽風始條，時雨春方麗。芳原騁客心，蘭筵召親懿。解綬承

燕閒，詰音訪衿佩，美化由學成，輔仁實文會。從容論尊俎，絮矩平海外，曰余久支離，良辰賙詠饋。挑萑憶童游，采蕨盈山味，伊人美白華，倚輓歡皇沛，豈繫千里心，汎汎江楓鷺，及爾同遠方，升庭對蘭蕙。

贈于晦若自南海還蜀旋赴天津幕府

蜀國春寒連夏月，江波未汎俄眉雪，越中高士去復來，萬里奇游何撇擦？當年孽秀采瓊英，暫入金門聽鳳鳴，忽然踰躑紛牆裏，卻作費郎同舍生。南歸觀海海如霧，正見彭張競笳鼓，宿望高名一代無，苦欲相留掉頭去。狄山抗請誅相臣，今看旨向合肥門，濁河清濟竟誰是，仰天一笑看浮雲。廿年和戰憂危大，只與世人生富貴，賈胡反覆那足言，案甲論兵誤羣帥。伊犁交趾爭蝸蟻，誰識真人但閉關，偶從談笑揮八極，陸賈張騫相往還。井甕自古嗟梁益，今日西陲盛賓客，已見終軍出散關，更看馬援還京國。東西南北盡銷兵，書劍蒼茫海上行，何日東朝求實用，請君多謝漢公卿。

賦得秋夜新昏聽雨作示暢

洞房涼始清，秋雨作春聲，依窗暗葦蕩，雜漏轉分明，滄葦並枕聽，還憶獨眠醒，離心三夜燭，香字雙珠橙，真惜終宵坐，他時歎恨生。

南軒冬晴命酒率然同易郎中作

蜀窗背冬日，命匠理南榮，葦籬忽軒豁，延爽在霜晴，積陰又其常，衆笑我多營，晨興見朝光，屣步一時輕，拂席啓瓊戶，開尊召友生，快意取一適，良辰偶四并，微風階外寒，晚菊鏡中明，地煖霜雪稀，梅桃欲共英，時無履水懼，虛此曝背誠，之子感時興，知余昭曠情。

答寄陳孝廉夔龍陳與僚瑁陳洵慶均丁進士所擇瑁

西川幕府延佳客，喜見三英接瑤席。燕市曾聞金作臺，羊車更有人如璧。雙飛只作一年留，江上早梅迎去舟。欲向金門聽曉漏，不從錦水續春游。春來客去孤游倦，余亦還山尋社燕。便風傳語得新詩，晴雪開函懷舊宴。只言君去似冥鴻，萬事浮雲一笑空。誰分明珠誣蓋，以依然淥水汎芙蓉。曳裾莫道王門貴，一獻青雲當自致。知己深恩未敢忘，空江吟望成蒼渺。獨悲公子鑒人倫，解向風塵物色真。才華已選登龍客，遺藉無過坦腹人。京華游賞誰相重，好憑經術儲時用。須知染素易爲緇，漫道燒丹真化汞。九衢新柳綠成烟，不向修門十五年。公卿漸不知名姓，臺閣多應滿俊賢。洛陽年少休論事，楚國狂歌空肆志。萬一句奴笑漢廷，爲語老臣籌筆意。

茶蘼落 丙戌

紅英在樹無人惜，落去方知擅春色。片片飛香不待風，翩翩照眼初迎日。閒窗寂坐吟綠陰，苔光午氣碧如金。鳴鳩語倦深蠶席，過雀身輕共出林。紛紛桃李愁飄雨，高花窈窕春無數。不辭拋翹比楊花，豔酒禳香心自許。看朱成碧思懸絲，綠叢紅影更妖妍。畫永飛遲欺困懶，誰從靜裏數流年。

北湖夜集道俗十九人看月遇雨曉步還城作呈同學

湖壘鶴輕陰，欣然城北游。新亭草木香，隗外帆湘舟。涼期月中行，倚笛吐寥幽。飛雨散酒氣，驚雷動池虬。湘湖合玄光，眺聽坐冥收。佳人期不來，來者去不留。興殊各有適，夜半明燈秋。游舟宿寺外，鐘夢同雲樓。晨興引涼步，背客聊行詠。東陂拂芳藥，西麓翠悠悠。取意不礙物，因詩寄因由。

夜香花月下悼往

夜草殘香在，秋庭冷月來。有情知共照，無主爲誰開？
烟擁餘紗幔，陰移過玉臺。孤光看漸沒，不與謬妻回。
八月十五夜瀛仙閣看月

高閣西隄上，當年姪女居。國貧歡宴絕，秋靜月輪孤。
檻曲迴鐘暗，風涼恨髮疏。夜深光更苦，還影背階除。

十六夜月

明至終難晦，愁多誤恨秋。湘城無舊賞，永夜在西樓。
桂煖風香歇，瓜稀露蔓收。更嫌蟲語寂，清坐數更籌。

十七夜月

也識天涯月，無情只自明。海山人不見，庭院夜無聲。
近作披衣慣，遙知到曉傾。思量憐復恨，長伴客中行。

夕發湘陰

汀洲秋草綠，江浦孤鴻飛。故人各萬里，離思徒相依。
輕舟載落日，夕樹愁烟霏。遙帆入無際，送遠仍多違。
有情南

渚碧無波西潏微，誰憐昔年去，猶勝楚客歸。

方舟橫洞庭

巨魚喜大壑，積水便修航。不有千里池，豈恣孤舟翔？
揚帆順回風，激浪逆東行。橫舫往復來，轉帆忽飛光。
輕雲上

靡靡長繩浩茫茫，碧漣遠爲煙，夕陰秀無央。巴丘延翠幸，波涌無低昂。
隨流縱所如，未暇從軒皇。寂寥余懷曠，始見

秋日長，行行何所期？覽古慰羈傷。

泰山詩孟冬朔日登山作

崇高極富貴，巖壑見朝廷。盤道屯千乘，列柏棲萬靈。伊來聖皇游，非余德敢升。良月獨吉朔，攀天叩明庭。時雨應冷風，開烟出丘陵。仙華潤春丹，交樹蓋秋青。肅肅洗神志，坦坦躋玄扃。既知中天峻，不待超八紘。翼如兩幃趨，緯被四嶽亭。將觀三光正，端居心載寧。

泰山瀑橋

連山迤平空，心目曠逍遙。曲橋接危磴，朱檻上青霄。玉溜寫輕冷，蒼澗泄雲巢。縣冰的紅翠，雪草盡瑩瑤。秦松近延青，餘秀族岡坳。偃蹇一萬樹，交雲送回颺。妍麗愉眺聽，登頓且翔翔。對景慙枯槁，餐霞企清高。

雪霽午登日觀

聖觀齊山臺，天境分清煩。方外非輕肆，人間苦垢喧。余懷凜凜志，遂造峻朗巔。長風萬里舉，冰雪浩天門。皎日光正午，八方被陽恩。青青燕吳樹，覆彼下土溫。獨此肅寒冽，塵想不可存。草石皆晶玉，明照鑿我神。洗心在退藏，况乃更驚醜。凡夫自阻絕，既至何險艱。觀者徒瞻仰，攀龍從軒轅。

太山回馬嶺柏樹歌

泰山兮龍從，下宜柏兮上宜松。松是仙人家，柏作神鬼宮。秦皇昔日無仙才，欲攀松樹望蓬萊。飄風驟雨不能下，獨立徘徊一松下。後來封禪凡幾君，時君無德况羣臣。霍家都尉死山頂，漢武恩恩旋玉輪。自此羣臣陪法駕，行到松前盡回馬。南看十里柏陰陰，肅肅泠泠無妄心。乘輿去後此陰在，士女時來聽玉琴。我昔南行桂陽道，參天翠柏如雲掃。株株自謂梁棟材，千年枉向空山老。豈知此山百萬株，雲間各有神明扶。八十七君屢興廢，明堂梁棟皆丘墟。從臣同來見此柏，亦言名字垂金石。當時解笑秦漢君，今日幾人如李霍。龍藏麟見古今殊，大聖棲棲非小儒。頽

水牽牛涓投釣，阿衡負鼎閔懷珠。社樑十圍欺匠石，卞珪三刖困泥塗。日暮長風送歸客，且從松子訪盈虛。

濟南冬煖獨居感興

賞心易爲歡，良辰不可期。百年已過半，佳日未盈祺。晚節謝物役，翺翔養天倪。西游江濠原，東薄河涕涓。迫此凜霜晨，賴豪昭日照。永晝臨南窗，和光每融怡。適意在離人，獨喻當待誰。莫逆旣從化，斯情永矣哉。

擬古十二首

問境名篇，都忘其神理之微。不復稽思，蓋二十餘載。輒以暇日，比而真之，意多於詞，則今不及古者。恐後不識，又各序其篇云。

擬西北有高樓

綺窗阿閣嚴賞之居，而彈和梁妻，且徘徊再三，以俟知音。此何人哉。陸養之曰：「玉容誰能顧，傾城在一彈。」是關雎之義也。

瓊宮明且深，八風通四窗。壁門鏤青鎖，飛陛互交龍。佳人臨下道，朝日正曛曛。願視世間人，階絕路無容。欲語未及言，浮雲起塵蒙。既無獨居理，又不下相從。鳴琴整清御，揮袂送飛鴻。青鳥安可託，仿偄待翔風。

擬東城高且長

秦晉燕趙有擇主之思，陸擬之曰：「曷爲牽世務？」反其義矣。又題曰東城一何高，簫中故有兩一何也。草綠燕巢，詞意輕雋，故難於巧似。

嚴駕出東城，山川何遽迤。秋氣從西來，涼風浩千里。良時忽如遺，緇塗將安始。草蟲多愛心，月出傷予美。平路闕

輕軒，去去從所止，京雒工邀游，方春榮桃李。彈箏顧我笑，玉手明纖指，知聲不識曲，彼意終難理。婉孌懷芬芳，徘徊坐中起，願爲雲間月，待君遙徙倚。

擬行行重行行

訣去之詞，重沓怨深，而擬者但爲傷別。

悠悠復悠悠，決絕多離心。征夫慕前途，遐路一何深？去期萬里，山海隔形音，浮雲知故山，鶻禽還舊林。長途日以馳，離心日以疑，晨風吹征馬，車輪無轉回。恩交親反疏，在遠心念之去去當何言？爲我長相思。

擬涉江采芙蓉

去京遊梁之詞，故追念故恩，藩國多材，則王室遺賢矣。進退有嫌，是以詞不可多。陸曰：「采采不盈掬，」非也。

江南多芳芷，采菱夜忘歸，馨香歇洲渚，秀色芳人衣。念我來時情，悵望復遲疑，蘅杜日幽遠，恐君蘭澤衰。

擬青青河畔草

本刺浮薄之大臣，而陸返之以貞信。

灼灼道旁花，悠悠川上雲，容容采蓮女，嫋嫋纂羅裙。依依日欲暮，粲粲晚妝新，本爲悅蕩子，不以喻居人，居人守貞信，明鏡日埃塵。

擬蘭若生春陽

念國之詞。

芙蓉生玉池，乘月媚庭軒，既蒙夙昔惠，情愛歷山川。美人隔重雲，迴路絕無緣，回風動微馨，感念昔所歡，憂來其如何言。劉蘇與議。

擬庭中有奇樹

情在自媒，而陸言傷別。

瓊樹當春陽，佳人忽見遺，芳榮不自惜，采采動盈桂。常恐萎中路，攀條歎葳蕤，歲暮傲見求，知我恨無媒。

擬茗茗牽牛星

蓋梁有陰謀，策其必敗，而不可諫焉。

眇眇洞庭波，嫋嫋湘山樹，泠泠帝子瑟，杳杳瀟湘路。沈吟常獨彈，千歲誰能和，清秋時一聞，哀慕不能訴，寂寂天漢橫，暗暗還自去。

擬明月何皎皎

始欲去梁，不能還漢，自疑之詞也，陸云遊宦是矣。

遊子無定居，獨寐苦夜長，憂愁誰當見，明月在我床。既知客行苦，誰令去故鄉，我情不可道，中夜正彷徨，晨光明高牖，寤言用自傷。（右枚叔九首）

擬今日良宴會

齊心高言，欲據要路，黨人謀去宦官之詞也。故以麀麀自誓，而陸但以高談爲綺，宜同敗矣。欲救其敗，輒改其意。

置酒高堂中，宴我同心人。絲竹何喧闐，清歌出逡巡。知音世所難，四坐肅心神。清商不徒唱，讎曲和陽春。人生樂無方，天路若浮雲。自非風雲會，龍變不能伸。何爲慕名勢，馳驅逐埃塵。

擬青青陵上柏

柏石斗酒，隱居之樂，冠蓋極宴，貴遊之方也。駑馬遊戲，豈不愧乎陸生，特其門肯，故爲方駕飛轡之詞。

明明雲間月，灼灼風前電。人生一世間，忽如滄海雁。彈琴在環堵，已貴誰能賤。儒冠曳敝袍，行行入京縣。京城平旦開，榮華坐遊宴。車馬皆王公，爭名互相羨。雙橋夾兩宮，雲龍隱三殿。鐘鳴飛蓋陰，遑遑將誰見。

擬明月皎夜光

龐名高舉，處士竊位，東漢之詩也。而云孟冬促織，故託於國初耳。陸亦言歲暮涼風，知其指矣。

明月澄清秋，玉衡正三階。衆星垂光景，躔度亦昭回。晨隴故有時，達士曠其懷。飛鵲夜多驚，草蟲共啗嗜。愁人苦不寧，出戶望徘徊。寒裳灑露中，告我以悲哀。野鶴不可晨，侏儒困長材。徒懷區區志，此念何由開。（右東漢人三首）

覽潘安仁離合詩戲作

農事已失晨，愁此窮秋時。草無十月青，具鮮半貝資。冥冥如可見，回回中自疑。露耘豈不勤，失路荷耒歸。灘平長淮酒，雞鳴復奚爲。坦然且復朝，斟酌斗酒持。

建除詩送崧錫侯遷蜀藩

建業樹初霜，除書盛龍光。滿酌茱萸酒，平臨秋桂堂。定交期契闊，執手間溫涼。破浪乘風力，危檣度月行。成詩還自詠，收琴惜夜長。開窗望紆軫，閉閣誦循良。

八音詩秋夜夢理曲

金行氣已肅，石柏常青奇。絲桐永清夜，竹露明月珪。匏瓟跡偶間，土音操欲移。韋祀儻見尋，木雁審所宜。

霜月戲成轉韻

閨夜長苦愁，離人復多慮。此意明月知，當階自來去。去來何所見？萬里山川間。平生看月地，想像參差見。何處最分明？華陽舊庭院。華陽非我鄉，忽在汝川陽。華泉木落盡，夜夜踐嚴霜。霜嚴朔氣新，知近帝城闔。故人復誰在？看月定新人。南中明月少，但羨清光好。西北月常明，歡多怨亦生。昔來惟恨別，今照兩無情。尋知不關月，心事忽縱橫。初三南屋角，乍晒防人覺。五日映東窗，微黃影隴屋。弦後魄將圓，流光避轉難。不留蓬戶照，偏向玉墀寒。寒宵知不寐，從此長相對。雞鳴光更苦，鴉冷風逾吹。冰雪滿關河，行人夜起多。誰言歸夢好，無奈夜明何。歷歷天涯路，飛鴻不能度。他夜月明中，眼前華不注。

丁亥二月二日出彰儀門雪中作

初陽動春和，微寒灑然雪。西郊無風塵，平眺千里潔。薄遊偶還期，凌晨出城闔。親交倚結軫，征車不回轍。順風玩祥雲，輕烟散凝節。幕幕同雲陰，靄靄羣萌悅。蟬蛻敢云汗，鴻歸有時別。余情便川原，胡爲汝朝列。聿來止邦圻，去矣非高達。終焉異子牟，身心判江關。

答贈袁章京昶一首袁語及西藏舊計謬以劉向陳湯相比因傷丁文誠慙然有

作

東里樂吳綺，南工論楚劍。真知世所希，外賞誰能鑑？余本支離士，人形偶然犯。寤跡恣間遊，適來訪朝坵。彼美在

形圖，特達光圭刻，瞻言彌六合，計畫符深念。昔參斷臂謀，意絕英俄敵。人亡遠圖止，語合雄襟憾。謬許愧劉陳，干時異鄭范。風寒燕市靜，燭煖清觴汎。將回已灰心，許謨待君驗。

上海客舍曉坐聽雨

久別江南雨，春聲似故山。市喧貪曉靜，船散待潮還。楚俗餘珠履，禽言效越蠻。晨門莫相訪，卽此閉柴關。

三日北湖褉集廿八人分韻得司字

良屬唱嘉游，童冠叶風詩。新歸及茲會，江海曠餘思。南波融雲澗，春漲浩晴漪。同懷舟梁志，尙想池臺時。閒居肆遐適，雲構偶可期。契匠各有由，離謂德不司。將亭碧隄陰，坐詠曲水詞。

舟中憶東洲月宴

瀟瀟尋洲渚，秋林映屋青。賓鴻涼乙陣，歸鶴似丁令。蒼彥才相續，悲歡幻欲醒。火傳元不盡，精舍有遺經。圓月如人意，烝調照一光。席燈搖酒白，城桂入船香。影拂秋衣靜，陰連磴樹涼。東洲此時會，千里共難忘。反恨秋光皎，能催遠思飛。依依十日飲，嫋嫋一帆歸。淑草芳心歇，晴湘碧浪微。還期石門隱，霜露冷巖扉。

守淺沱心作

秋色清無極，晴光夕更高。我來非物役，行處信風濤。跡滯心齊競，波恬語獨嘈。坐觀漸利涉，開此閱塵勞。東皇會守淺，一夕萬舟浮。快意終何益，逢人勸且休。禹糧回隸口，梁戍阻雲洲。誰信灘頭客，乘風破海流。

縣城夜雨憶桂陽秋夜

桂陽南閣夜，秋雨桂枝斜。本自無離恨，凄然聽落花。廿年人半死，孤客夢爲家。浙浙階前響，重聞老病加。

後石泥塘行贈開枝族六弟 戊子

雲湖水盡川原敞，高平十里烟如掌。置宅憑岡可萬家，百年喬木蔥蔥長。南州衰氣乘己庚，故家十室九替陵。吾宗此時盡破敗，明年海內風塵生。邇來二紀始休復，重入山中訪茅屋。清秋桂樹西風香，四山林木蒼然綠。中興家業誰最賢，盛衰人事非由天。富貴浮雲不可致，兄讀弟耕三十年。當年身不踐南畝，自料儒冠斷相負。山田半頃手自耕，十歲秋收三萬斗。丙舍松杉拂雲日，攢柯接葉蒼苔厚。荷鋤餘力及瓜芋，更與湖隄種榆柳。翻思昔歲山川枯，行人愁愴日月徂。亦如庸臣當國柄，坐令四海成榛蕪。家國陵遲財用罄，但仰租稅煩供給。政刑百廢不復興，仰天坐嘆何嗟及。吾家四十八宅餘一存，徒園四十野火焚。朝廷特起曾與胡，收召豪傑同憂勤。我雖貪天盜人力，亦有微盡參湘軍。歸來相勸一杯酒，山塘列羊作重九。少年堂堂如逝波，萬事茫茫復何有。故宅重新易主人，楚弓得失不須論。巢由尙欲買山隱，羨爾桃源長子孫。

笠雲僧堂雪集喜劉希陶侃至

塵居恆望客，冬靜正宜僧。雪共高人至，詩知冷處能。暗風搖砌竹，廣殿炯寒鐙。此意蕭條極，閒吟研已冰。

三月三日汎海作贈薛叔芸福成己丑

輕寒萬里春無跡，碧海平波芳草色。萬斛舟浮一葉來，素浪驚斜如鷺翼。重三上已接清明，令節良遊曠蕩情。流杯本自通天漢，鑽天還應就柳星。成山一髮橫烟霧，岸外斜陽光若曙。郊惜秦皇不遇時，鞭橋悵望蓬萊路。天際故人從鄒來，當年鳴砲海波開。喜接新鷺入丹禁，共出樊籠覽九垓。滄溟蝨蠶千年晦，不及江湖有靈怪。森輪坐運恣

注洋，始翔六合通無外。遲日春華瀾漫遊，潮聲隨月更西流，明朝好折潞沽柳，綠滿蘭皋嘶紫驄。

天津水西莊四月桃花

人間惜春盡，地冷留花晚，江南芍藥暮，薊左天桃滿。良節及辰游，西莊去塵遠，新楊散夕圃，芳風始若展。安知時已暮，但喜晴初轉，翔燕影飄颻，和禽語縣軟。物榮並欣欣，客意何悵悵，遠臨漕渠靜，歸及斜陽返，無以魏晉青美仙年短。

海光寺

東衛闌錦舊，琳宮像飾新，鐘音華梵外，棠樹淺深春；散步思芳草，聞僧話貴人，海軍非得已，繩武在南巡。

柳野

柳野無遺跡，村名考御碑，新宮師海國，餘石臥龍墀；圻賣金能幾，祈招悔可知，泥沙今浪擲，誰憶道咸時？

曾公孫廣鈞選入翰林感寄一首

嗣服逢親策，掄才得世臣，英英年始冠，惻惻硯如新；虎穴懷韓劍，鱗塲認履塵，艱危誰省記，嘉樂太平人。祖德留江介，許讓在講筵，緒餘方略展，經術小心傳；文苑終修業，荷囊莫倚年，五雲深處靜，清切念承先。

天津早秋作

曉日明碧苔，涼風吹斷雨，炎氣已蕭條，秋情暫容與；黃流有新浪，綠樹迷遙渚，綺席細塵飛，疏簾波文曙。喜無禾黍憂，正待舟帆舉，無俟霜露寒，登樓歎羈旅。

送鄭叔問文焯下第還吳因訪伯足與李眉生遊處

家世名公子，吳中老客星。有才供嘯傲，未壯已飄零。頗閱升沈趣，閒看洞闕銘。南飛同海鶴，比翼渡滄溟。高李金臺彥，吳棲四十年。至今燕市月，長向虎丘圓。詞客傷心地，包山小隱天。知君尋坐處，留我一茅椽。惜別催潮落，將離感夏寒。柳株燒更綠，盤飴鍛應難。舊夢隨仙仗，疏狂薄世官。聖明求五憶，休便覓漁竿。

重遊虎邱携琴載酒采藥而返

江南佳麗地，清秋搖落天。覽古臨闔風，重游及暮年。茲邱鬱劍氣，片石籠吳烟。平眺空高城，晴望曠山川。良朋識我憂，能酒命鳴絃。滿目今古事，飛鴻忽飄翩。芳草有餘綠，春榮方更擗。池臺一時觀，興廢在偶然。何以寄歎怨，寫心松桂前。

秋雨酬叔問時寓蘇州南園

涼雨夜來過，桂花香入牀。起坐晨風秋，秋興清且長。東遊踐嘉招，談言樂無方。一夕阻過從，寒烟滿高堂。處靜有餘歡，興言誦來章。擺落世上事，意與雲鶴翔。江湖曠寬閒，游隱恣徜徉。暇則琴酒中，豈謂俗禮妨。若尋南山阿，蘭菊自芬芳。

蘇州秋雨歎簡黃子壽劉景韓兩司使

客遊不暈時，所至見愁嗟。北海主人不閑旱，但聞鄰鼓兒童譁。吳中臺司獨憂民，秋霖一月顏，瘦蓬無麥尙可黍。寒雨傷稻連麥芽，高畦種蘇黑爛死，馬羊齒落無餘花。東南財賦官蘇松，秋成在眼一跌差，中公積穀時可發，官但持齋不平糶，成災豁免有例條。剝肉醫創病徹骨，官寧爲民不爲身，度支困乏方算緡，且請停軍省製造，不取不與。

國用均，臺司笑謝非所及，北海南海能曠人。去歲黃河費百倍，前者晉災千萬銀，中間俄法起大役，公私騷動萬萬云。一方偏災瞬息過，火車利足財駢駘，林公荒政彼一時，吳中減賦民未殷。亡羊補牢未爲晚，誰能備火先徙薪，雨亦不可息，禱亦不可止，北海始能用西法，吳若效之民謗毀。嗟我來游徒閉門，卻羨津沽走塵軌，尋思政事見本原，救荒莫特免稅恩，昔聞堯舜恥施濟，後來濡煦稱仁人，聖心已知用不足，朝廷節儉豈患貧，浙西水患連蜀邛，郊宮雷火法戒神，恆陽恆雨迭變怪，奈何言利仍誦詆，詎解衣推食亦小惠，不若女織男耕耘，吳民奢僭非本來，坐見貪猾稱薦紳，李張黃劉一時傑，乘權得位宜經綸，陰陽錯迕咎有在，罪己亦是迂儒言，且理訟獄發倉困，奉職率吏布威仁，勸督遊惰鉏姦民，庶哉富矣教化馴，重來講德歌頌新。

鄭叔問張羊令相送惠山舟行不及卻先夜至余到黃步還舟見之

新知有餘歡，晴遊展歸趣，百里共平流，誰知卽歧路，胡棹依虎邱，登樓訪黃步，孤情照初月，別思生薄露，佳人既未來，山徑碧已暮，雲窗余舊憑，泉聲子心悟，同心不同賞，揮手謝烟素。

吳無錫具伎樂酒船送登惠山還集縣齋作

名山豈泉名，妖女豈雲花，樓臺蔓草荒，蘆石吐清嘉，登來余足音，賢長喜不遐，畫舫揚棹謳，明鏡出吳娃，良政遠聲色，娛賓燕有加，高齋屏伎樂，清尊話烟霞，此邦惠士澆，未暇懲民邪，從來戒征利，奢儉可隆洼，澗敞今不蘇，炫靚豈重夸，所願聞弦歌，挂笏飲江茶。

丹徒江樓望風作

南風飄濛雨，寒江動春氣，舍舟登江樓，清暉講遠至，漾漾萬里流，長空寫吾意，瓜步橫蒼澗，烟檣矗如齋，焦山靜

娟娟，乘潮閱人世，古來樓船戰，搖蕩山川勢。事過存想勞，年徂客情異，徒懷感舉心，悵望浮雲翳。

洞庭歸舟酬葉損軒大莊吳中贈別詩因及陳芸敏

卅年不見林屋山，東南竹箭青琅玕，江山才俊相映發，使我萬里開心顏。石林才子文章伯，哲學陶潛出彭澤，故人假節還賓僚，挂笏清秋看山色。鄭公子，陳翰林，外臺三妙成知音，山塘黃花五湖蟹，一醉可抵千黃金。怪君來遲惜秋暮，放我扁舟踏霜去，鄭君寫作紅樹圖，青山一髮南徐路。圖背題詩別思深，夢中吟想見君心，折腰便作塵中吏，揮手還思海上琴。祇今海內風流歇，世業傳家只閩越，林陳鄭沈多故人，春蘭秋菊長無絕。君家傳經比賀劉，豈但詩句陵滄洲？山中舊宅松竹好，眼底浮雲風月秋。新篇舊製落吾手，應勝與君三日留，長江浩蕩白鷗冷，南州冬樹青青影歸舟。乘月過君山，猶似吳船酒初醒。

膠舟高山望換小船至磊石人云湘君取船守洲其船須春水乃行

荆巫險風反，河汝感波迎，嘗聞巽坎難，每恣江海行。歸舟順長風，大壑翔杳冥，快意偶一失，泥沙困修鯨。篙櫓遂無施，巖巖欲見輕，目送馳千帆，心飛驚四溟。時哉不能測，守此竟何成，不如無舟楫，順逆可忘情。

前圃種荷南池插菰作 庚寅

昔余悅水石，所至臨池軒，陶夏靜且長，起坐涼風便。明漪朗余目，荷芰助芳鮮，以茲多所營，館宇非一山。信美豈不勞，竭來歸故樊，茅茨始欲翦，炎氣中林煩。頗有東吹流，淺溼復鸞環，莖筠久不理，叢綠夢可刪。東溪移美蘂，西瀾乞蕪竿，新雨洗清泚，芳意冒春漣。有情盡余私，風物滿目前，山川既吾有，方惜曩寄愜。

丹徒江樓望風作 太忙案復出

南風霽雨，寒江動春氣，舍舟登江樓，清暉藹遠至。漾漾萬里流，長空寫吾意，瓜步橫蒼渚，烟橋盡如畫。焦山靜娟娟，乘潮閱人世。古來樓船戰，搖蕩山川勢。事過存想勞，年徂客情異。徒懷懸壺心，悵望浮雲翳。

南風上水乘戰船至衡陽作

重霄朗晴光，朱夏氣昌明。烈烈凱風長，嘉禾應時榮。晨興臨圻岸，首路遡南行。清湘正安瀾，黃流已復平。我行非祇役，沿涉覽回羣。青林鬱炎陰，涼耳唱蟬聲。萬物各有性，趨時未勞生。念昔水軍居，盛夏促治兵。貽我今日逸，山川尙從橫。長日不可虛，滄波更相迎。願已復忘老，沈吟洲渚情。

石鼓舟雨卻寄儻丞

初伏驚秋早，歸舟臥晚風。所嗟人意倦，不共水流東。江海無窮事，曾胡百戰功。與君閒話盡，今夜聽鳴蟲。

荷池賞秋有懷或都南郊遊宴追弔丁尙書

高志長無染，清光自賞秋。芙蓉依綠水，風日似南樓。異地花徒發，殘生梗共浮。柴門獨歸處，樵唱晚悠悠。

仲冬還山莊

小雪猶衣夾，深山復掛單。月如春夜燠，鏡避曉光殘。人靜空聲涌，天長遠寐難。無眠復無憶，蕭灑得心安。

正月三日南郊山行時妻喪初卒哭 辛卯

南中饒寒雨，新歲喜朝陽。百年不恆觀，衛人心悅康。墊屨既昭蘇，吾甯獨菸傷。素車出東城，徒步踐南岡。習習冷風和，鱗鱗慶雲翔。芳甸氣惹龍，烟樹藹相望。西山晴翠高，飛黛逼川光。風物美常新，來襟快所當。翩翩七門中，藉藉

九京傍，我情因時異，歡怨安可長？逍遙及良辰，熙春觀茂昌。

白山莊還東洲作 三月風電頗損稻苗潭永頻有劫盜

衆緣宜晴雨，新波活叻畦。曉煙龍澗口，仙樹石潭西。春雪愁秧少，風災喜屋低。碧澗頻照影，應不訝衰鷗。
嶽市雙溪外，東湖白泉連。黃淮春後水，紫蓋禹時烟。牛脾兒童笑，羊腸竹樹穿。空林人語響，嶺絕兩厓顛。
萬樹纒通路，千盤不出山。翠茗風拂拂，黑坳雨潺潺。鐘度國清遠，原開夕照閒。菽茶新得地，剗石破苔斑。
岸火尋洲渡，灘泥沒履綦。暗行跬步遠，迷路客心疲。近郭無豺虎，衝烟起鷺鷥。明鏡肯相候，回照舊緇帷。
雞鳴缺月光，短夜爲人長。野鷗爭翻瓦，初釜怯過牆。風來寒夏氣，露往透春芳。萬里樓前水，憑軒恨渺茫。

正月十三日東洲作 壬辰

霖雨新水渙，汀洲歲華鮮。桑柳忽藏龍，初黃暖烟澹。久曠方望雪，合彩豫催年。霜靴儻再寒，芳茗何遽妍？人情貴
初榮，與物共欣然。微風動地氣，遠興赴流川。閒居每翫時，良序豈爲先？春至有早暮，佳期安可諼。

辛眉兒過夜還舟宿登樓望送有作

東洲散烟雨，春寒滿川陸。登樓無所思，佳客來不速。沈陰誰與開？賴子豁舒鬱。新柳綠復妍，輕波暗相蹴。既歡玄
理暢，共藥清言寂。遠舟更孤酌，掩扉遙望燭。咫尺復分襟，千里如在目。涉江多采芳，槩阿獨寤宿。湘漢春草同，馳思
向晴旭。

沈處士贈魚有詩率作奉酬沈前佐易遊二藩

簿書窘俗吏，章句困儒巾。良材不可枉，高志自然申。夙昔聞之子，逍遙觀國賓。遊遊若平里，綢繆清沫濱。易遊嘗

代豪，微脫辨玉璋，咨余質疏率。嘉子賞我真，歸與各懷土。里巷分彌親，復此湘東游。開襟觀清麈，翻湖異錦水。冬腴同峯鱗，舉網輒相憶。臨觴忽披雲，來詩何溫其。霜燭夜回春，淵淵金石韻。意答山水新，傷今政俗殊。思古才舊珍，誰云高難和，信彼德有隣。

三日送寄公上南嶽

茗話良辰永，洲居過客稀。寒雲五峰秀，花雨一僧歸。衰石敲薪火，寒蘿補壞衣。上方鐘磬寂，應憶掩東扉。

三月晦日登樓望春

鶯鶯鳩鶯鳴，萋萋曙光顯。積雨苔徑蕪，隄風藥闌轉。晨思曠徘徊，川樓俯溟沔。黃流浩春聲，遙空漾融演。漁孕喜乘潮，槎浮忽陵巖。陰霞千里合，芳草長江遠。即日欣賞留，因時物情展。初服庶無悶，詠歸良異撰。

晴松

舉目悟秋色，晴光松翠鮮。涼風更梳掠，高興對超然。葉底明堪數，雲邊淡已煙。不求遺世賞，榮豔自年年。

檢陳芸敬御史書遙傷有作

婚宦不妨貧，儒門見子真。好文求勝友，毀性痛慈親。昔避京衢疫，今傷極海春。無人奏遺稿，淚墨獨如新。

功輿遊還來觀東洲喜雪作

祥翼貫南瑞，積凌兆前宵。竹樹驟晨響，登樓散蕭寥。蒙蒙川霧昏，皓皓沙渚膠。行旅喜時應，陵寒無怨勞。矧余游子歸，童稚相歡招。橙梨分佳果，梅茗映瓊苞。收帆數來舟，籠火度亭橋。既欣無慮營，翻樂暫遊遨。有暇多所適，憑軒

心賞高，伊昔倦塗役，稜稜川陸交，且念相濡吻，無爲寒苦謠。

雪中鄭叔獻陳寅伯自方廣還過訪有作

寒川靜無聲，浮雪被岡原，漠漠紛未已，滃然庭宇間。竹柏愈清貞，無人守芳妍，深院重其門，忽聞輿從喧。清談既霏玉，新詩復明玕，坐移蓮峰秀，置我寒階前。飛英碎水華，繁響瀑松泉，舟去日亦冥，空堂坐寒烟。

生日湘東公宴夜還行雪阻風待纜鷄鳴始至其日復真侍行

凝雪初晴水不圻，湘干車馬踏瑤瑤，水絃玉笛寒更清，羣公高宴敷重席。良辰見招余降辰，飲賓恭命從介僎，垂髻黃口願觀樂，華鐙鈿麝香氤氳，玳筵管長未終曲，二更執鼓回明燭，席間歌韻猶繞梁，船頭檣聲如軋玉。中流風急湘波高，頽雲四合寒雁號，漁鐙盡黑城郭暗，孤舟篙折鳥蓬搖，二雛斂翼不啣啣，忽如荒江失檣楫，蘆中夜雪呼不聞，水天萬里炊烟絕，舟輕火滅風更顛，呼僮一笑且藏船，窮途歲暮有羈旅，老幼關河常屢年。此時端坐百慮靜，萬事從心不由境，坐中階下一翻覆，樂極悲來在俄頃，列炬來迎鳧雁驚，層樓列樹眼中明，歸來只話宴游樂，冰雪蕭條非世情。

暮雲篇追傷郭兵左嵩燾

暮雲忽失雙飛鶴，古戍荒林愁日落，湘川楓樹晚猶青，千里烟橫洞庭白。獨寢長宵霜入幃，雞鳴庭樹曙光微，枕上分明見君去，尊前始惜故人稀。憶昔征車梁鄭陌，酒壚對飲狂歌窄，天子臨軒問左生，中丞置驛迎歸客。中原急難須奇才，自覺嶽奇懷抱開，鞞鼓連天箭滿眼，與君醉上羊公臺。即今空洲臥寒月，兩賢電火餘光絕，九州耕織江海清，野梅官荻花如雪。自古英雄全盛時，也知功德百年衰，意氣寧甘鄧禹笑，琴歌不爲雍門悲。身逐騾姚肯馳驅，

看人踈負還相誤，行向西州痛哭回。坐吟南郭灰心句，雲散風流不復論。游談猶羨李膺門，龐公不愛入州府。五噓寥寥非隱人。

始春閒居人事殆絕雲陰晝長獨坐無心題七韻癸巳

羣動有息時，獨靜自然飛。含生皆待春，覩化識其微。物外返無始，寥寥送晨暉。端坐誰與賓，餘寒入人衣。川流何早波，蒹柳雨初霏。人情樂歲首，聞劇各有依。因暇得永日，非勤非息機。

王君豫訓導江華見過劇談夜送還船失所泊處仍宿東洲明日臨樓送之題扇

爲別癸巳

留客無情酒，回船失遠鏡。烟中語未歇，物外想俱澄。重露融花煖，輕瀾漱石增。明朝樓下別，鶯羽惜良朋。見說迴谿曲，丹厓到每難。羨君探遠秀，吏隱得儒官。敢託重吹管，升堂定采蘭。耆賢纒零桂，更勝好山看。

初夏寄浙藩劉景韓

凱風薰時苗，旭日總翠陰。長川浩遠波，我思載浮沈。自爾五年別，會闕空嗣音。霞月矚闕嶽，雲濤懷浙潯。良期在何所，湘漢廣且深。新竹千霄長，喬松負竦森。嚶嚶出谷鳥，啾啾鳴晦禽。臨流遲來軒，懷寶詠南金。

笠上人浩園齋集述昔遊作

寥寥舟壑移，微微市朝變。神超固無吝，跡在猶堪戀。北園積荒墟，貧居自童丱。園城尙不喧，鳴驪未嘗舛。賜紫忽隆崇，豪賢會嘉宴。會張互招邀，曹余各游衍。清濁競乘時，道俗俄森電。釋子久澄觀，吾衰亦游倦。重來霜柳下，未覺

靈山散，方甄舊館客，更接英年彥，高臺且未傾，行行共齋行。

甲午二月四日再集浩園寄素道二道人同會齋罷逢張居士要入東寮看畫歸

作記日

沈陰久忘日，已復當春分，初陽曠天和，招攜賞良辰。午風散柔寒，池波浹漪淪，入外雖蕭條，嘉與萬物新。三子各神秀，出入超四門，追話碧湖禊，九載一屈伸。吾寧舍哀樂，譬彼冬還春，空園竟誰主，居士來相賓，何以記此游，陶遠有芳塵。

題陳伯弢扇畫湘綺樓因寄文叔問

我昨東尋善卷洞，獨游獨歸無好夢，嘉客新從沅上來，烈日南風火雲重。虛堂延坐神清涼，茶烟不動槐影長，已聞近到蓬萊島，忽憶悲歌燕市傍。江山才雋眼前見，萬里分明如對面，暮年老驥生壯心，使我身輕更疆飯。宋張陳易於我親，就中鄭子才清新，舉杯南望呼我起，詩中畫畫樓中人。中興偃武昭文物，四方英妙影綬鄭，齋尚書主壇坫，徐沈同朝但慙蹙。伯澄雖老非要津，未免荆山遭別足，馮費文張取高第，老儒挾冊填空谷。君爲楚士多秋聲，廿年一鳴人不驚，官冷猶令俗眼怪，觸熱強作平陽行。嗟余糞藪不自顧，空向樓頭看來去，鄭生撻徑有美官，何忍蘇臺守霜鬢。虎丘丹桂又欲花，桂華東望北斗斜，南山白石何爛爛，與君共泛黃河槎。

與道士步月湘岸獨還東洲卻望桂館有作

夜水平如席，秋烟碧似羅，御風停羽客，搖月碎金波。鐵笛聲相送，蘭洲露稍多，高樓對飛閣，真是隔銀河。

徐幼穆招遊麓山寺置酒虎岑堂夕送徐與鄭湛侯渡湘仍還赫戲臺循屈祠山

徑登舟夜泊山下舟中作

恒馳域外觀，久負門前山。不有遠客招，豈憶靈境間？
聯屐訪松厓，春烟潤落班。鳴泉導我步，登降弄潺湲。
羅垣隱廣殿，楚色浩雲關。釋君簿領心，坐話湘州寬。
旁尋嶽雲石，下插水麓彎。平臺納川光，城郭靜孱顏。
夕陰館宇多，但笑客欲還。踐沙送歸棹，望子香闥間。還登橋頌亭，
騁此幽懷慳。揮手已塵外，維舟從白鷗。

白露節日晨起納涼

十日秋炎苦，洪鑪坐夕蒸。祇增蠅蚋勢，每夢簟床冰。
涼動川光碧，陰連野氣澄。雙鳩近相喚，雨意蕩晨興。

秋燕憶彌之詩追和

新燕每隨舟，身輕喜及秋。碧波澄倒影，朱幔颭涼鉤。
春恨從人說，泥痕認母留。翔嬉方得意，詩客誤言愁。

祁陽周竹香見訪買飯自食而去云將遊衡山走筆追贈祁人不輕食於人余凡

四留客而四辭矣

十日秋炎炙毛髮，南窗跣足吟水雪。竹香詩客遠到門，始覺清風入庭闕。
佳句已聞弟子誦，文科不共時人熱。東脩加麵枉稱贊，一飯留錢更高節。
清秋乘興不肯駐，短衣徒步幡然別。豪情跌宕四十載，衡嶽崔嵬七二凸。
此時湘上喧笳鼓，傳聞海外鳴金鐵。伏尸疊觸竟何意，箝口燕張那能說。
胸中奇氣老倔強，山角斜陽自明滅。吾衰久矣樹婆娑，君去何之葉飄零。
祁人雖無口腹累，詩家未要形影子。試望東洲明月圓，苦茗回甘儻來嚼。

恪齋尙書自請渡遼微服至威海日本謀劫之未得傳檄徵兵因贈十六韻

不斷成山道，幾遺小敵禽。帥臣真可斬，神略一何深？魚服俄龍變，鴟鳴振鳳音。莫於單騎入，須奉國威臨。往昔彭
郁尉，曾穿盜棚林。自緣倡勇敢，非是故驅嶽。津衛精兵庫，洋關選士金。那容剽貧弱，徒倚慕零挪。易將明軍法，紆謀
運妙心。堂堂旂鼓正，秩秩鞞環陰。秉鉞昭龔武，推誠納獻琛。但驅船過海，焉用竈皆黔。愧我從漚泛，維君重尹任。風
濤殊陸戰，劉魏仰南針。智嚴仁勇圍，攻救伐侵。牙璋兼賜履，無待拂霜霰。

寄問北洋幕府于兵部

問訊于兵部，如今去住難。不從東海死，未覺北溟寬。鹿洞曾前約，朱陵有舊壇。肯來相照哂，遜與易梁看。

立秋後六日大風南樓看雨

狂豪久不和，噫氣吐曾霄。南雲卷橫雨，噴沫挾長飈。欲欲駭空聲，但聽風雷搖。忽如海水飛，坐覺孤樓高。稍喜毛
髮潤，仍傷禾黍焦。鳴檐不成溜，排窗盡奔濤。衝騰在一時，深居豈能蠶？湘川渴已枯，驚沙偶然飄。安得筌化機，哲謀
在所調。

七夕湘東聞箏歌贈吳沈生

小年好聲尋笛譜，金庭別館聽琴鼓。當時寓客盡豪家，諸舅相逢習吳語。西山蔡沈多姻連，美衣鮮食吟詩篇。澧
湘繁盛百物好，關征不權船車駢。官吏昏庸蘊災孽，荆江水患重兵劫。農工廢業鹽茶興，蘇湖商困招鄧粵。我初遜
飲瀟湖春，沈家酒面千缸陳。二老愴然曳朱履，劉生拍板隨歌脣。三十年間一彈指，東風酒酸麴生耳。長較驅我出
山去，謔譎怪鳥東門燬。故人門巷空蓬蒿，黃墟無復相招邀。西華葛幄有家法，孤孫傲骨稜棱高。哀情不用哀箏訴，
惟吟七夕茶瓜句。秋天寂寂星漢明，月照前時醉眠處。湘邊老樹青婆娑，有酒不飲將如何？酒亦不能醉，詩亦不成。

歌醉歌優寤醒自得，衆中見我忽悽惻。他人富貴等浮雲，但道數奇天不惜。我今萬事不關心，感時爲爾一沈吟。人生由命亦由己，莫向風塵求賞音。

出山逢雪舟中作

閒雲雖無心，已出不遑息。徒御方春燼，淹留忽三夕。南中孟冬雪，先集何濶漸。豈能病蔬果，將爲掃塵跡。因風每斜飛，回坳偶旋積。晒余無足行，坐次清漣碧。歲暮期自賒，還山路仍識。松桂橫眼前，回瞻眇雲石。

和易藩臺感事詩因成長歌示謀國諸公

昔我蜀游參百吏，君言去官不得意。問君所去笑不言，但道中興養元氣。元氣文康之老親，我行四海勞尻輪。相看投老空削跡，殘年邂逅朝宗門。南中霜月不易得，夜踏氷花坐寒石。火輪旱氣俱清冷，但惜素娥髣髴白。愛問愛月兼愛僧，敲門訪月僧肯應。因尋故宅識楊左，便論往事追胡曾。忽發狂言歌五噫，雲中月驚卻倒退。始知元氣今不還，爲避釐金與洋債。每聞家國戒秦驕，食寡不患災害消。國貧民貧等患耳，但欲民富仍奢饒。湘軍初起苦無食，落地抽釐仿江北。至今雷郭尙爭功，勝向川淮算鹽筴。自從五口稅洋商，銀餅千萬來海航。輸餒百兆一糲米，李公笑倒張公忙。用之泥沙不自惜，持之與人何吝色。君今計較官與民，土沃民淫又何益。吾儕衣食皆軍需，游費亦是敗棄餘。且如曾侯李道士，崇祠並建何賢愚。世人昏昏晝不醒，君今夜吟欲誰聽。假如白虎九衢尊，何似雙龍一杯茗。卻憶曾侯夜飯時，一羹豆乳人驚咨。慕勤不救靖港敗，唯向空灘搖帥旗。胡公釐金送氷炭，文武紛紛盡才彥。當時袒腹衝礮丸，今日聞風遙股戰。偶然成敗何足論，魯論半葉不曾翻。浮雲富貴從吾好，莫問怡園與浩園。

丙申正月還山五日仍至城宅作三首

玄雲鑿重關，東風振新瀾。臥橋若浮空，挂帆似昇烟。往來從所止，吾亦告春還。遵渚別飛流，入谷擗芳蘭。新茗各懷榮，舊室復合隄。雖無陶氏琴，豈慕長卿軒。衝森匿西日，浮埃蔽南山。且取容膝居，悵望復何言？

清晨靜無聲，開戶失庭樹。堆雪皓已餘，雰霧亂空霧。蟄雷夜驚寒，濂陽相錯互。尺澤期有贏，聊以慰農女。貞松明遠青，叢竹歸餘素。物態何鮮妍，春情復融豫。祥災非吾禎，饑飽焉足慮？

阻風昭山下，泥行大沱前。捨舟旣違蹇，昇轎忽翩然。豈其屑屑來，祇祀致所虔。得時偶姓駕，瞻望麻川原。徑路既周悉，岡嶺空亂連。嗟彼古今士，勞生共扳緣。取適俄頃意，傾舟競一先。喋血醴陵門，銘功麓山顛。余來諒有蹤，敢謂脫籠樊。

春雨臨湘看諸女偕新婦舟還長沙作

泉蘭雨中芳，春氣涌流波。沈陰忽昭曠，遠望極逶陀。嘉遊悅還心，歸舫乘風和。朝烟翼城樓，鳴櫓變參差。的的桃花風，依依柳綠波。賞眺未及延，高壙見嵯峨。共知新歡長，豈謂百里遐。余情惜景光，取適固已榮。樂在當季懷，年年采瓊華。

雨過從姜畚還山莊

春霖暗山徑，芳嶂豁陽開。墟烟白成岸，巒樹綠如栽。斜帆背流去，飛泉向石來。歸心赴遠火，輕輿先晚雷。所惜園花落，空言載酒回。

庭中紫躑躅

無人識瓊樹，應知勝牡丹。從來向風暖，未肯放春殘。孟女行遙妒，仙山恨暗看。共誰爭艷色，相伴采明玕。

瓶中牡丹

踏影初障日，醜香不借風。嬌宜金屋貯，春惜錦屏空。無根似仙夢，有鏡照嬌紅。看盡芳心展，知爲悅者容。

銷夏第二集聞文衡州送部兼柬隆兵備

朱陵東館榴花繁，長安廐吏來到門。門前五馬行躑躅，賓寮別思盈清尊。人生聚散若團雪，佳客難逢酒難熱。副使驪駒方在門，別駕軍茵幾回掣。次公不飲但欲歸，臨蒸少尉笏倒持。知公三徑有松菊，老我西山甘蕨薇。清貧卻羨蕭夫子，十年考滿車生耳。有時跂足北窗眠，無心寄語東流水。零陵遊客幾時還，七千年事等閒欲。知他日更攜手，應共浮雲暫出山。

消夏第五集郡寮多以迎副使先去招胡吉士夏郎中論詩

會少事恒多，間居觀世情。復喜佳客來，共嘆四難并。臥疾對清齋，開軒遲良朋。長川泛洋洋，我思浩已盈。巴船待潮去，豐旆拂雲行。既嗟揮手別，還見折腰迎。晚嚶出好語，新燕有和聲。鴉唱亮不孤，何必盡禰衡。逍遙芙蓉池，惜彼瓊樹榮。

立冬日湘岸步月看菊乘船還精舍作

高興良有寄，時物應游賞。及此秋氣澄，鑒彼清川朗。灑灑露初下，皎皎月孤上。黃花正繁妍，南園步相訪。密葉窗影叢，高枝燭光晃。固知霜下傑，未作華軒想。暄和亦可佳，林野豈長往。達人嘆後凋，君子泰道長。歸途曠空明，乘流轉來舫。前洲藹夜色，風蕉振寒響。取適靜居志，無然嬰物網。

和陳瓊兵備感遇

湘綺樓詩集

戟門澄霜晴，清景釋煩累。時讀齋中書，遂有江海思。高吟驚怪鷄，壯心感伏蟻。疇昔躬亂離，豈爲圭組仕。浮名既相嬰，高致久不遂。雖展千里足，寧障一隄潰。王事增艱虞，方州若旃纆。徒爲杞人憂，方滋漆室喟。
湘衛義兵始零桂，天下本二紀。忽蹉跎，民物空隱軫。吏治苦昏冗，培克更凋損。選賢始移鎮，將以飭庶尹。百年弛綱維，臺省喜香噴。參副雖崇階，連城各畦畛。褻帷勞盼衛，閑閣將自哂。何以布優優，慰我心隱隱。

憶昔行與胡吉士論詩因及翰林文學 丁酉

憶昔先皇重文翰，封疆選帥先詞館。諸儒白首戀青衿，一旦拚飛入霄漢。乾嘉經學久益衰，方姚義法強相推。秦翁識字啟帝學，殿廷破體有別裁。幼學程文長卷摺，平生不用他途雜。我年十五讀離騷，塾師掣卷飄秋葉。武岡二鄧來誦詩，正值枚椽名盛時。湖中跌宕六名士，流傳篇什俗點蚩。城南論交得龍李，櫻置虛聲稱五子。江洲響應有三君，羅山夜中驚倒屣。李何復古已優孟，湘社論詩更苛政。不從李杜爭光芒，甘與齊梁拈競病。就中湖口最苦吟，截斷字句成囊欵。范生死去許侯吃，白香亭外無知音。中興進士一雙半，喜入鄭靈龍樹宴。曾候好文不好詩，早被梅生安字眼。此時宋學破焚離，孫房憂國淚番髭。學宮建議祀荀許，幾何求也稱先師。數術無端成化學，大治鴻鈞金踊躍。老來笑謝諸少年，時復高吟弔吳郭。東洲下帷看杏花，偶逢翰苑話詩家。因君復寐玉堂事，翩然逸氣陵丹霞。彭澤廬山久寥寂，歐王黃楊不足憶。東湖高詠天地春，散原松青桂花白。礪石滄沱舊跡空，烽塵滿眼度遼東。白面談兵仗翁李，珠盤割地走激鴻。金殿論思朝復暮，如今共道詩書誤。甯知門外五噫人，更有賈生三表疏。五十年來事事新，吟成詩句定驚人。我歌君飲莫辭醉，明日征帆掛白雲。

戊戌芒種訪石門舊廬作

泛泛輕舟邁，陶陶萬物昌。忘情隨地游，佚老與天翔。行春已後時，閱夏烈新陽。美糗炫早花，稻葉競初芒。舍船松

亭橋酌水金烏坊，川原旣周悉屣步。恣徜徉（其一）舊廬深山深，盤紆百里程。薄暮雷雨，風泉助飄冷。荒途失松
霧危石踐苔青，雨汗蒸蓬鬢。螢電爍夜冥，淋淋兩青巖。行行三短亭，好遊誠逸性。窘步亦勞形（其二）勞逸亦何常？
欣戚信多端。夜投檣林宿，感念昔馬煩。音跡步步存，時節冉冉殫。誰言絲竹響，但見樵牧還。歡親終有窮，柳死桐桂
殘。卽此自嗟悼，溪流涕潺湲（其三）潺湲別舊蹤，馳騫遵平陸。午雲陰亭臬，南風振綰轂。豈下叔直昇，且尋輿公服。
漏盡行不休，林昏道固熟。陰霞復與晦，舟車俄往復。終歸顏躅步，無譏桑下宿（其四）

徐幼穆罷沅陵攝清泉令招同饑舊令於東洲南館乘月夜歸作

衡陽木葉落，湘浦晴漪絢。南館風日佳，臨流展嘉餞。故人新尹喜相招，清酒黃花逸興遙。暫同陶令開三徑，得與
元生共一瓢。澧沅近迤江波沸，未花朱隊涌紫蓋。隱士長吟桂樹間，秦人祇在桃源外。漁火蠶更歸舫涼，鳴鏡上路
月如霜。高軒客散酒未盡，不醉方知清夜長。

饑客夕散廖李自京還過夜話

二客飲竟日，主人漸獨醒。空庭散鳥雀，間夜看霜星。行子京塵滿，歸裝海氣腥。深山共明月，木落倍清冷。
粟揆孝廉游祝融，還示新詩因過清泉寓齋兼贈徐孝穆

名山與佳客，相見每欣然。秋水扁舟外，新詩衆口傳。我來因永日，棋罷欲忘年。歸路逢微雨，詩情澹似烟。
江令彈琴處，泉清酒亦清。弦歌百年後，主客四難并。莫歎京塵汙，來看嶽樹晴。丹楓碧波外，應聽夜吟聲。
我有一片月，留之紫蓋峰。今來五十載，長照萬株松。之子觀雲海，清吟應曉鐘。元君不可見，玉檢碧苔封。

乙亥山中度歲雜詩八首

歲晏恒苦寒，欣此風日煖。年穀幸有餘，嘉蔬亦盈園。童稚喜出塾，冬餘多所歡。從我入縣庭，正見迎春幡。旣賦導
百吏，簇簇向農壇。驅牛送寒往，饜臚載春繁。通衢物色昌，迤秀帶川原。誰謂適人適，詠歸忘我言。

三元慶嘉節，五始端四海。歲運有推移，人事諒不改。幸逢中天日，焉懼朔風晦。徂陽方喜雨，百物欣相待。嬉游新
故間，豈復怨元宰。投暮還閉門，一觴聊自解。

陰雲涉一旬，聞雨聲更佳。雖無閔雨憂，同此田父懷。閭閻藹濛濛，山阪潤枯荑。緯耒者誰子，春風動裘臺。我不勤
四體，自知非余儕。共承陽和澤，豈獨歎陰霾。

余需焉得免，濡首行行尋舊游。厓厓望長道，梅榮柳亦稀。方知歲華好，
少無田園樂。遠山復垂老，荏苒今十年。庭除得酒壚，親故喜見存。招要競期早，監昴雨中行。曾不畏塗潦，酒食既

隆，周實甚農。孔氏譏用稼，信義苟不存。兵食焉能贖，既居小人位，躬耕欲誰謝。但恨督課疏，不識犁與耙。良友閔
余拙，爰來問田舍。遙遙沮溺心，斯豈獲優暇。儻逢辟人士，願以回君駕。

昔余逢亂離，游羽穀中央。所如輒見阻，非以智自防。聞有先識士，脫身長平阡。力耕四十年，抱糶笑南陽。已復能
且驪，志氣自康強。歲莫從之游，示我飲酒章。時話灌園意，非慕於陵名。農士盡游惰，聊欲身率倡。陶公何爲者，乞食
乃伴狂。

初月九衢游，繁華逐歌吹。山中良夜長，清光照無寐。誰能更酣歌，引觴不期醉。種竹北窗下，移梅東軒外。照影何
依依，三春自明媚。

久聞詩思多，思多不可理。還坐默無言，夜寐晨復起。誰云我才竭，正爾情媿媿。南隣有詞客，縱橫粲文史。欲往從
之談，忘言遽然止。

湘城飲席還船簡朱巡檢

上元二日春晝明，連朝飛雨催春聲。四豪公子五都俠，錦鄴油壁迎傾城。此時良會兼文議，綺席瓊筵荷嘉薦。卜夜先留一日歡，踏歌共待三更轉。玉梅如雪六重花，四面香風縹緲。流雲繞柱簫聲散，曼舞移人漏箭燦。少府行春不辭醉，雨湖夜半棲鴉起。芳園慶歲續菽盤，列坐飛花燿曲几。山蒜含香對紫蘭，青蛾二七共嬋娟。鐙窗玉朗春相映，銀管融脂夜不寒。酒罷還船街鼓絕，送人正有清霄月。鴛瓦紅樓雨未乾，畫橋綠柳絲堪結。歡情不待管絃終，乘興探雲向五峰。朱陵白鹿久相待，須及鄴湖冬酸紅。

空冷峽還詩酬衡陽饒席諸子時徐幼穆官滿仍還呂雪堂從遼東至

暄日朗冬晴，玄冥嚴朔霜。鷓且悟遺聲，黃鶴念高翔。湘靈停瑤瑟，海若銜珠光。役車時未休，一葦信可航。戒途五湖陰，飲餞衡山陽。良朋不期來，撫掌秋在堂。喬鳥既還飛，遼雁亦南翔。誰謂千里聖，羣賢斐成章。少別欣大會，斯行樂無央。移情觀自匡，弭棹獨常羊。

三潭夜雪晨游高莊

重帷覆寒風，驟暖知已雪。曙明鑿心神，寒樹曠超越。嵩瀨積庭除，豐茸悅松栝。水暗三潭昏，山明半峰缺。遠增垣壘麗，近見林亭出。敲冰渡輕舫，流澌滌清冽。已知麈市遠，反畏人蹤絕。希徑如可期，瑤芝冀能撥。

從石屋過理安寺渡九谿至龍井

湖南石林秀，曲徑自成蹊。三洞既窈窕，諸壑無端倪。鳴泉引幽步，高下皆雲梯。選勝開精廬，收影闕玄棲。尋烟轉山背，循谷渡回谿。茗竹扶道綠，水石含冰澌。逶迤入龍泓，曠望指沙隄。儻能同暄淑，摘葉弄春夷。

亂後淨慈寺

南屏啓法宇，石障抱花臺。樓觀信回互，軒窗俱朗開。新松秀乳竇，舊磴積蒼苔。不視興復難，豈念物力恢。清游及春始，踐雨弄初梅。幽芳亮無歇，代謝理相推。幸澄觀空境，何傷年序催。

人日游雲樓寺

風竹連三里，鸞輿記十巡。劫灰餘舊寺，人日探新春。避客僧非俗，留齋主作賓。歸途問江樹，可憶駕車塵？

正月望日吳山餞席

游宦俱告勞，心閒已爲逸。况茲山水情，異彼倉卒客。懿友知余暇，元正並著職。帳飲吳山頂，給我千里臆。烟橫聖湖青，潮平浙江白。甯中物象遠，樹外風塵隔。城墟昔毀垣，民貧罕游屐。羣材屈未申，旅寓歎遼闊。吾鄉昔多彥，建節清海國。今來救夷言，近郭乃殊域。從來浮雲意，富貴慚疏食。及此途未窮，還鄉埽盤石。

京口待渡別送者

北風揚子渡，急浪欺雙槳。斜日競危橋，低橋搖五兩。北固山前桃未花，風神祠下數歸鴉。故人爲酌中冷水，道士新煎陽羨茶。酒樓促坐鐙光白，饋漿未罷還爭席。玉乳鮮浮土步羹，金盤香薦車螯炙。樓船吹角散恩恩，燕去勞飛路不同。東向吳淞聽成鼓，西留江浦待晨鐘。一留一去情無限，三更四更星自轉。風濤浩浩忽生雲，汀樹青青常在眼。瓜步潮來月漸微，春霜欲下渚禽飛。獨憐京口酒初冷，正見焦山僧夜歸。

二月望日夏口大雪舟中寄孝達

萬里聊一游，風霜固不除。敲冰武陵湖，頽雪清漢濱。客行信永久，春氣猶未溫。江濤助長森，昨夜巨舟撼。晨霧驟

飄瞥，高浪急奔翻，岸柳俄已皓，隄沙晝已昏。藏船鸚鵡洲，繫纜烏柏根，魚鳥得愒息，繫余亦忘言，既有來訪戴，無勞君掃門。

歷山望濟南城

名城鎮淝陰，積石橫南案，登臨寫余心，朱明敞遐觀，鵠華標二表，疊檻抗連殿，河濕引遙瀾，原林迤平甸，田韓昔虎爭，豚下覩龍戰，亮無聲鼓思，空有英雄歎，負帶雖阻深，縱衡忽崩散，誰爲馮軾人，瞻言怒忍怛。

諸貴公子招飲歷亭始聞北警

久憶明湖月，今來及夏涼，叢雲萬葦綠，出水一荷香，文宴知無暇，塵心得暫忘，婆娑古槐影，時事感東陽，重酒開華簾，移舟動水紋，環山石橫黛，鄰舫笛穿雲，地主今非昔，家聲代有聞，持杯醉湖曲，漁釣請間分。

沂郊道中喜雨作

熱行愁暑塵，山徑畏川潢，振策遵平路，披襟喜晨涼，悠悠出沂境，藹藹望鄰疆，冷風送微雨，麻麥潤疇岡，青青衆果林，但覺花實香，鳴鳩識余心，好語悅笙簧，真隱豈懷土，適性皆吾鄉，既遺出處迹，居游可俱忘。

亂踰三月乘輿西出外臣曾無釋位之義憂心靡投曾夏兩編修僻在桂渝銜命

奔問過衡相見感而有贈

皇綱偶失統，夷盜戲交兵，輔相固不惑，方鏡謬連衡，坐井而觀天，智小惡遂成，誰無父母恩，憤起兩儒生，趨衛赴東海，萬里各孤征，天顏在咫尺，所貴達我誠，三仁昔計利，董生用譏評，求得有何願，長風送秋行，君子勉于役，感爾

饒渴情。

辛丑八月十五夜家集聯句

中秋月宴，盛於中唐，自杜子美已有十六十七夜月詩，則重十五月可知矣。繼此有作詩詞尤美，歐陽行周
翫月篇，其最雅者，唐初不以爲節也。庚子秋九，夷入內，余閉門絕文宴者幾四百日。今秋始稍事游賞，適會
良辰，子婦女孫，隨侍山莊者凡七人，皆識字，令爲連句五言十六韻。

地遠山館涼，氛登天宇陰。嘉茲庭蘭秀，遲彼月華臨。(首倡四句)良宵勝春元，閒居散秋簪。絳燭搖花影，清醪洗
塵心。(茲)圓案列珍殺，高詠屏凡音。賦詩豈慕昔，歡侍良在今。(代懿)興超情暢豁，意愜樂非湛。秦隋故無賞，軒唐
尙可尋。楊莊采蔘江路淹，飛蓬霜靄深。且歌淵阿美，何傷時序侵。(純)露垂風入檻，瑤宮桂已林。隱隱碧雲合，寥
寥去雁沈。(復)登高眺北渚，秋水映南岑。白蘋不可望，涼風吹我襟。(真)黃鶴陵霄翥，蜻蜒向階吟。無爲翳羅袂，回
帷調素琴。(少春)

方廣寺至黑沙潭作

屈曲五峰間，盤桓一徑通。出入迷往來，翠壁羅蒙茸。條薜萬古綠，安知夏與冬。峽谿唯一源，灘瀑百不窮。琪花潤
鮮芳，仙藥秀青紅。樵童不解采，覆蔭三潭龍。蕭深十里寒，荒翳千年踪。寄言青雲客，翔棲誰與同？

天柱道中

林田萬綠侵，暑日自然陰。古道沿溪曲，幽厓見屋深。南臺迷石記，西磧踏雷音。薄暮空潭黑，曾來冒雨尋。

秋早

涼多訝秋早，幽林不能暑。月華貞桂靜，風葉新篁舉。散髮便臥疴，鳴琴思無緒。佳人久見遺，淹留怨獨處。短夜恆若歲，愁來復風雨。忘情當訴誰，俯子信非侶。但恐流螢照空帷，寤將語。盛時已遷移，歲晏豈云補。

昭君詞

北藩已款塞，朝典賚優崇。豈爲和親餌，將從蕃后封。人情惜遠嫁，聞命但憂忡。玉顏常自矜，感慨起相從。知名在一朝，左右眩光容。悲弦爲沈吟，胡馬嘶其風。父子知漢禮，方期華髮我。升沈亦何常，班女怨空宮。美色猶見歎，奇才信終窮。

譚常甯自衡陽就養東安枉詩留別因賦奉酬

西風搖五兩，涼動瀟湘渚。吹笛上高樓，櫓聲如雁語。角巾玉杖地行仙，縣吏新迎上瀨船。宜陽竹馬兒童長，鍾武林鳥孝愛傳。湘牧移才度鄰境，唯有唐侯惜賢令。我來流寓伴聞吟，每和新詩接高詠。從來老去別情多，更題長句作驪歌。不誇治行傳家譜，卻引秋心寄澗阿。洮陽山水零陵最，我昔探奇夢松桂。巖石千年無俗情，縣門只與青山對。青精飯熟臘酒香，孫解讀書兒捧觴。自有公田供祿米，何須五斗覓柴桑。

八月十五夜行月至清泉學舍與廖學正同步西郭還舟卻賦

蓉池飛蓋地，芸香草玄宅。嘉契偶相要，喧靜俱有適。涼辰始夜游，郭外早人役。池亭清竹樹，秋燭明簾席。高論謝世情，除與臨水石。昔余旅西寺，十里芳塘碧。今來紅芳落，空波杳無迹。明月照人影，送歸無主客。掩扉旣愉悅，還舟未寧寂。且各期來宵，中庭桂華白。

白沙榭舍贈南城黃丞

獨成生寒色，蕭條似謫官。客嗟驚在枳，人歎虎而冠。薄宦謀身拙，虛堂望眼寬。茫茫今古事，吾得暫憑闌。
昔訪麻源谷，君家正避兵。青山知好在，白髮見餘生。苦戰終何益，勞形只徇名。得閒聊話舊，投老莫躬耕。

晚菊

蘂菊榮冬晚，臨階瀾漫黃。待霜無退色，烘日有餘香。豈惜供瓶几，還宜伴筆床。尋常雖下看，不及過時芳。

確山縣館答贈鄭孝標

汝南三月春寒重，烟歷前簷雨如夢。駐馬回鞍探下帷，邂逅逢君老談共。當年京洛訪賢兄，華裾纈翠談才名。歲
月滄桑一彈指，身名事業百無成。藿食憂時傷激烈，蜀人空葬蔓弘血。宮庭造亂匪自天，羣盜因依作妖孽。卽今文
致太平時，求賢籲俊補創夷。嘉君未老壯心在，欲回元氣還重熙。四海富強非政本，三督焦勞當自哂。君家兄弟有
時名，莫笑吾衰但充隱。憶昔漢陰龐德公，彈琴於忽囑春風。清吟未歇風塵滿，已見南陽起臥龍。

桓樓歌贈別端總督

昔聞和季牧荆土，指揮豪俊收八州。爾來龍門二千載，再見天况登桓樓。聲名未振寮佐冗，虎視八極空煩憂。近
年時論貴三督，張公豈與袁岑侔。伴封疆事權忌掣肘，撫廢復置朝綱留。尙書推賢並持節，訐謔辰告皆遠猶。楚邦雄
鎮帶江漢，通商最久民夷柔。劉榮繼堯內外恐，督公請對驅八驄。兵權百度盡兼領，乃有餘暇延賓儔。老民四年不
出戶，喜承恩詔勤咨諏。改更功令許言事，仗杖欲出參樞謀。忽聞兵官遠迎候，此來不用巖穴搜。燕烏華屋一抵掌，
還轅載轄十日投。汝南阻雨得披霧，侂詞造鄰兼觥籌。老生常談不經濟，每語管晏備童叟。自從五胡亂燕代，溝洫
川瀆百不修。吳鹽楚稻擅財賦，輻輳江夏稱上游。冀雍膏徐坐推隔，牛驥困頓民疲瘠。昨行車道攬長轡，視道若咫

百貨鱗，開通中原達上國，如魚得水鷹脫籠。古來民富始用教，外薄四海聲教周。太平撥亂首自治，南皮不用疑春秋。沿沿南紀絡萬里，幕府霸路雄襟喉。中興倚之作根本，自南自北東西流。即今轉移在牧令，得賢爲政身自修。兆民安業國維立，遠人疥癬夫何尤。捐金沈璧古有訓，海舶載銀如一漚。公當養威憲文武，放我長江從白鷗。

張督部鄂中餞席

再喜東南定，重叨餞飲歡。新亭十年淚，白髮兩人看。浪煖催王縮，春榮放牡丹。深杯情話永，未覺夕陽殘。五十年來事，閒談卽史書。誇人誠不暇，觀我意何如。坐閱升沈慣，行慚歲月虛。青驪路千里，春好獨歸與。

織局樓送客行

劉仲立道臺餞余武昌沙樓。黃稚農劉君曼王復東宋孝子賈子申陳復心岳鳳吾顧印伯俱集相送。總督端尚書來會，至夜岳復具酒，與七觀察步從登舟，燈炬甚盛，明發賦謝，並東鄒孝感。

織局本銀三百萬，女工男作非長算。楚諺云：男作女工作，卽畏空。初言籠利奪西洋，不道官紗更粗縷。劉子應官不愛官，巧因桑孔用申韓，分職由來有工賈，從公無事得蕭寒。蜀材楚用多英選，朱顧儒冠持手版。岳男文武隨所施，王鄒幕府參樞筦。黃家公子並陳劉，繡衣仍似錦衣游。共話玉堂鄰粉署，曾依相節佩吳鉤。實侯兄弟同攀桂，獨訪荔枝投嶺外。春來忽憶武昌魚，與余邂逅成良會。黃鶴樓空餘古磯，魚鮪水曲漾晴輝。高閣凌雲動春影，芳洲隔岸見花飛。休論新政官中事，且與故人期一醉。更開庾亮出南樓，臨江送客生詩思。舊識新知歡復歡，重陳清酒列彫盤。只言江上春宵短，不覺城中玉漏殘。春光正欲催人去，却思回棹相從住。明宵曉月照沙隄，唯見樓前綠楊樹。

舟過鸚鵡洲逢孝達渡江遊琴臺余至金口遇雨偶成奉憶

鸚洲芳草深，江路靄陰陰，別我山中去，遺君世外心；送君宜縱酒，得意豈須琴？臺上觀飛雨，相望在獨吟。

送廖蓀咳還山

西湖三日陪清宴，笙歌酒煖飛霜散，歸來乘月度寒林，始悟歡筵有離怨。臨承形勝扼中游，義軍初起振湘洲，文武龍驤四十載，賓寮官士盡高流。我先避地仍留客，君亦借才分一席，每同游賞得新詩，偶說亂離成舊迹。中興艱苦信徒勞，坐看鳥跡獸蹄交，不恨樞機迷政本，反空杼柚困錢刀。昔歲蜀滇論井利，彈冠笑謝非吾事，聞君投筆把長鑱，能與故人供指臂。陳侯不用老生言，頓空庫藏損寶錢，雖知百萬銀鉛涌，始驗中丞計畫寬。衆難羣疑方一雪，君自清寒人自熱，浮江萬舸寶光騰，閉戶一甌清興發。功成身退古今同，况復富強非遠功，不肯齋厨餐首蓿，安能幕府倚梧桐。清湘波靜攜家去，何減扁舟五湖趣，回思風雪五峰間，卻望匡廬九江路。余欲乘櫂度醴東，便沿牽水看霜楓，山中臘酒知同熟，有約珠泉放釣筒。

沈南昌招集郡齋卽五十四年前居停地時將祈雪濬東湖卽事有作

東湖欲揚塵，娛園自含霜，良會續華京，嘉賓共滄觴。歲晚惜新歡，相逢並愉快，擺落世上事，舊游伊可忘。官梅忽憶人，久久更芬芳，不見堯時雪，猶留禹至杭。三宿已無戀，六游誠自強，且暫爲我主，近看南鶴翔。

癸卯秋江西巡撫奏聘立學謁謝辭歸臺司達官並出城餞送懼當盛禮謹留詩

二首 季冬四日上

快雪羣公喜，新晴旅客歡，東門筭共餞，南浦綠仍寒；待澤春先到，還山路不難，勸功應有效，扶杖遠來觀。

紫貂光八坐，青雀纜行舟。觀禮民知盛，非賢德豈酬。遠夷終晬渙，文教豈懷柔。敢謂從隗始，時危龍更憂。

還湘作

吾車久當縣，物役殊未休。春泥汝南道，臘榜牽川流。寒風厲嚴霜，晨夜犯征裘。豈謂我無衣，念彼棹者謳。小人固多營，君子又何求。孔墨逝已久，誰能爲世憂。燕雀安其巢，龍蛇方遠遊。栖栖一歲終，乃欲歷九州。且宜守兒女，酌酒彈箏篴。

來船遡寒森，歸舫迎南燠。清川隱銅碧，貞木鬱寒烟。冬游誠可娛，但復逼歲闌。歲闌亦何感，所懼霰雪飄。王路忽以塞，民貧征賦煩。我有幽居室，繁花樹榭蒼。童子誦新詩，不知來日難。嘉時可歸休，袁山草已立。既無迷途憾，行藏詎徒然。

賦得息吹更治朱續夏公子起韻成篇

淚染湘妃竹，新斑更點朱。融脂惜香冷，臨鏡暈紅酥。定有還丹藥，真同照水蕩。調絃莫摧拍，更待整羅襦。

出宜春境聞野梅香憶鄧辛眉夜度茶山歌戲詠當壚女

花香近酒家，嬌女喚茶茶。夜送鄧公子，朝隨粵綠華。莫言年易換，應嫌日未斜。從來萍醴道，不恨別離踪。

九日從江西院司百花洲館集宴曹吉士

秋陽復如春，時菊自知芳。謫謫飛蓋陰，昭昭池館涼。盛筵集羣彥，豐蔭樂民康。木落湖始波，霞萋露未霜。近攬章頁流，遠念江漢長。方州美雄鎮，千里朗秋光。登高誰能賦，鳴鳳在朝陽。余懷陳公政，拂榻待周行。豈伊邱園隱，持醴

詠清觴。

散原山詩

積氣始一宣，罔稍遂亂紛。陂陀造峻極，百里散千原。羣松若點黛，荒榛竊蒼烟。九盤勢莫窮，柔徑轉可緣。深厓朗不幽，瞻眺曠邈綿。曾聞羣仙宅，翔集多且繁。分壇列雲表，塵望但一山。五嶽非吾儔，羅浮信阻艱。卽此遠人世，休糧采琅玕。

翠厓寺觀洪井風雨池

靈麓帶雨谿，翠樟映風池。言尋精舍西，飛流祭藉阿。依松自成瀑，觸石更盤渦。淳泓三井深，鴻洞百丈波。神魚肥玉膏，卷蛤躡丹霞。顯公道雲房，希逸恍烟蘿。茲來抗塵容，豈復慕升遐。林壑久寥寂，千年同獻歌。

尋鸞陂至洗藥湖

山頂水四周，池中起鸞岡。凡夫慕靈境，捫葛涉壇堂。圓湖既冬涸，沈泉亦空涼。尙想仙駕來，春流秀茸芳。焚香走難兔，吹簫召鸞皇。同取須臾適，誰能獨依俛？

乙巳三月九夜樓上看月

東簷春月明，幽思忽以朗。秉燭歷重階，延眺山樓上。人靜夜易深，林叢光未廣。流影意裴回，暖空情滉漾。塵中得世外，蕭然復想遐。積陰猶未舒，偶此覲昭爽。既下管生牀，將繼陳王賞。俄焉玉繩側，翳爾帷雲長。且接昏閔情，無悵良宵往。

喻謙史篇歌

羲皇畫一啟文字，結繩變體留_レ口_レ夷。言成字易譎_レ淆，四海同文奉_レ倉頡。周公爾疋通_レ六書，華乳浸多飄_レ離別。侯殊異地物名小雅中，與會車絨。同文同軌豈易_レ覲，寄象譯疑徒_レ口_レ云。五方文字上史官，采摭形聲費_レ調協。參通告俗，猶所職衛蕃。再見書名達_レ汧陽，刻石俄又淪_レ赫赫。宗周褒姒滅_レ殷人，刪訂用古文。省筆除煩爲_レ秦法，斯篆何書發。光怪_レ嶸山碑，映蒼龍關。東京馬援笑_レ白羊，奮起_レ遼林紹_レ雄鄴。史籀十五劣_レ存九，秦火不焚_レ莽朝絕。吾家_レ育述解_レ奇字，十搥二三留_レ簡札。縉雲小子合_レ三體，後代孤行理_レ稽說。乾嘉諸生用_レ全力，搏兔_レ羣獅深_レ月窟。殿廷破_レ體困_レ一生，帝晚丹毫親_レ點乙。至今張督恨_レ秦師，科舉奏_レ停_レ倭學設。余年廿三始_レ識字，六十才能_レ辨_レ由_レ乞。所悲漢學共_レ忘祖，乃用_レ沐猴同_レ鬼由。喻在好古實_レ好文，獨抱_レ許篇求_レ史筆。開_レ藏爛若_レ雲錦張，頗_レ采_レ彝尊_レ適_レ獵_レ碣。學_レ僮_レ管_レ俾_レ久_レ不_レ呻，見_レ此_レ眼_レ明_レ心_レ孔。發_レ詩_レ人_レ例_レ有_レ篆_レ籀_レ歌_レ，七夕吟_レ成_レ看_レ秋_レ月。

九月八日與陳復心兄弟登君山

神山引余舟，重湖漾_レ天_レ白。良辰朗_レ清_レ秋，攜_レ朋_レ造_レ靈_レ宅。橫_レ簪_レ帶_レ平_レ波，沙_レ徑_レ散_レ芳_レ若。池_レ林_レ映_レ崇_レ深，一_レ邱_レ自_レ成_レ壑。始_レ入_レ如可_レ窺，轉_レ幽_レ更_レ迷_レ適。三_レ陟_レ尋_レ西_レ樓，空_レ明_レ曠_レ超_レ釋。雲_レ構_レ偶_レ興_レ衰，仙_レ游_レ豈_レ朝_レ夕。春_レ茗_レ懷_レ新_レ芽，月_レ桂_レ香_レ晚_レ石。選_レ勝_レ期_レ數_レ來，無_レ爲_レ謝_レ勞_レ劇。

結交詩貽陝藩樊承宣增祥

弱齡慕_レ英_レ彥，結_レ交_レ共_レ屯_レ艱。撥_レ亂_レ未_レ反_レ正，羣_レ公_レ智_レ已_レ殫。徒_レ遺_レ凋_レ瘵_レ民，征_レ繕_レ豈_レ能_レ寬。聞_レ有_レ達_レ政_レ者，高_レ材_レ在_レ卑_レ官。聽_レ訟_レ實知_レ本，政_レ平_レ民_レ氣_レ安。朱_レ紱_レ既_レ就_レ加，百_レ吏_レ皆_レ改_レ觀。關_レ隴_レ今_レ貪_レ僻，不_レ與_レ治_レ亂_レ權。近_レ欲_レ崇_レ節_レ制，苟_レ務_レ兵_レ食_レ完。無_レ信_レ誰_レ與_レ立_レ奇_レ謀。空_レ萬_レ端_レ，薦_レ賢_レ非_レ吾_レ職。但_レ念_レ得_レ見_レ難_レ，歲_レ暮_レ情_レ有_レ餘。感_レ慨_レ回_レ征_レ鞍。

勗上別樊山

湘綺樓詩集

征鴻久南飛，仲冬猶未霜。游心喜煇時，脂韉舍未遑。良友惜輕別，三宵進離觴。再送復遠餞，帳飲清灑旁。居人有行色，徒御盡彷徨。余生固無羈，萬里驚車杭。見此不忍去，新知樂無央。生離衆所悲，寒樹遠蒼蒼。揮手亮超然，濡吻亦難忘。莫色忽悽寂，眷言愁路長。

仲冬九日華祠夜作

踐華期仲九，千里果忱要。無霜悅春和，有月麗冬宵。清夜循修途，超圖騁聯鑣。星露合靈扇，寂靜啓松寮。仙掌俯層樓，穹天未能高。馮關昔虎視，作鎮頌柴喬。祠宮邇完修，周道眷西郊。金德儻重耀，誰能但游敖。

華山詩

離梁表天闕，維石發琦英。嵯峨涌厚地，巉削起重城。三陟五千仞，始見南厓平。法駕不能躋，跬步在精城。蒼龍伏其胸，自作天梯橫。紅縵五色光，虛聞萬松聲。仙嶽收視聽，天池漾金晶。卓爾既有立，昭茲瞻仰情。

華山西峰

西峰最明麗，雲日寒雋嶸。入谷光已炫，回厓秀相招。踐雪登其顛，織雲拂層霄。花英爲石膚，玉映紫翠苗。其外千竹萌，解律漬春苞。似聞洞壑幽，未敢探山腰。卽此愉心目，又無登陟勞。古來多賦才，何以狀亭岩。至今雲外人，但見三峰高。

遊瀉山宿密印寺

善游不期勞，山水養余心。旣聞靈泉勝，志在雲巖深。曲折隨清川，掩映度巒林。三重秀層阻，丹翠交嵐陰。望厓壁

天表轉步曠超臨，平田若仙源。雞犬答和音，樵采有時逢。爲我被塵襟，暫來參玄理。欲往窮幽尋，縣途信荒寥。端坐
翫樞欵。

自涪溪至滴水巖以巖爲勝

零陵水石多奇秀，別起嵒臺在湘石。磨厓深刻頌唐文，從此山川生錦繡。後來論古有微言，不廢元顏妙跡存。謫
官幾人傷僻遠，題名俗士喜凋剜。貞元司馬嘲多石，那識漫郎山水癖。猶嫌卜宅近城隅，未若丹崖棄官客。雲山峰
連滴水崖，天然峭拔洗蒼苔。幽巖神碑九疑頌，唯待重華封禪來。

舜陵詩

堯德撫南交，虞典重時巡。功成陟蒼梧，神教被荆蕃。安宅枕明堂，百里敞平原。迢遞造修阪，周衛歷三垣。雲旂遠
時颺，翠輦簇爲樊。宮牆信難窺，迷途幸知還。恭修下土藝，萬歲覩卿雲。因山實峻極，脈水並澄源。不有至德凝，豈見
文治尊。高讓一脫屣，空山瞻太旻。離明久成化，輯瑞待昌辰。

衡山篇籃甯均望二分石定爲南嶽

昔尋都龐嶠，束馬望疑峰。起伏連五嶺，嵒峨秀九嶷。虞巡詞南嶽，荒曠久雲封。確立同配天，爭雄疑祝融。以茲四
紀懷，將闕百靈宮。夏五應良期，虞祠拂薰風。沿途徑窈窕，臨嶠雲葱蘢。百里期直上，盤迂路無從。風雲忽蕩漾，夷夏
曠溟濛。離明煥文光，紫氣簇芙蓉。日出萬物覩，中天慶崇隆。將弘升中禮，豈獨覲朝宗。

淡巖

勝地臨官道，塵中一洗心。向來遷謫路，空慕隱淪深。過客勞川陸，題名換古今。張揚不重到，倚檻獨沈吟。

入觀陽峽

十里觀陽峽，飛流滾雪來。簇排青齒齒，敲碎碧玫瑰。斲力催篙力，灘雷似瀑雷。輕舟獨沿溯，不覺路遠回。

自苦竹嶺步下大星壘作歌示周生

九疑西北千萬峰，峰峰點作青芙蓉。盤陀鳥道滑如砥，平步直到蒼霄中。莫徭種山師伯益，劃石耕烟作溝洫。枝
黏青青似稻栽，萬頃連天桂零碧。我來五月正南薰，獨攜老友去人羣。君自擔簦我即輜，世人疑是雲中君。七盤九
折青霞棧，曲曲修蛇飲深澗。老翁嚙鑿生壯心，忽思快馬下峻阪。昔從岱華俯中原，滄海簸蕩黃河渾。野人不識戰
爭事，但怪囚堯招舜魂。我今老去肉生髀，五十年來邱壑裏。昏嫁未畢歸不休，安能徑作五嶽游。看雲對松且適意，
莫陵太清觀九州。

九疑雜詩

前巖仙霞洞有寇平仲墨書題名

解纜探幽洞，需泥怯暗淵。乖龍眠自古，仙鼠入應難。石氣晴天雨，窗風五月寒。陰厓付神鬼，題字待誰看？
舜陵廟舊在玉管巖，土俗云在紫金山，卽冷水右。

冷水經虞廟，徐碑復蔡銘。至今尋玉琯，猶得訪仙肩。金竹時時掃，鶯歌處處聽。聖人安遠俗，何用託遷形？
甫龔開南嶽，明堂奉瓦棺。仲簾鄰弟國，湘瑟能妃彈。義嗣無傳子，勤民在審官。後來耕稼者，悵望紫金巒。

無爲洞李巨山題碧虛洞今爲永福寺在冷水

窈窕無爲寺，前朝隱士居。風塵曾不到，水石自蕭疏。更欲招緇素，相將訪碧虛。暫來勝久住，非是慕權滯。
自紫金渡冷至藍窰，均有方廣靈隱之秀而無其俗。

泠水源千曲，疑山徑九回。兩邊山翠合，一線綠天開。靈隱多僧氣，龍潭鬧瀑雷。自然幽勝地，唯待訪仙來。
三分石爲九疑東峰無宿食地望厓而還。

天外三分石，雲中不可行。香茅久無貢，芝草爲誰生。湖斗虹難起，山深月早明。東扉今夜掩，剪燭話升平。
下營陽峽今云鑱刀彎，春冷深營四水俱會。

截壁橫波秀，鳴湍下瀨便。無風舟自涌，礙石櫓難前。四水初迴湫，千山暗接連。向來遷客少，空使峽瀟傳。
香雲山絕似灑豫石中有七里香卽真蘭艸。

營口秀孤石，行舟望宛然。分明似江島，祇是少詩篇。灑預風波裏，瀟洲想像邊。香蘭生得地，不得世人傳。

湘綺樓詩集



中華民國二十四年九月出版

湘綺樓詩集

標點者 朱太忙

出版者 大達圖書供應社

發行人 周健人

發行所 上海河南路
大達圖書供應社
一三七號

分發行所全國各大書坊

洋裝一冊定價一元四角

82
2004

